

ዔርሚያሴ ዓይያ ካር

ጾሱ ማሊያ ከኤዛ፣ ዔርሚያሴ ናንጌሢ፡- ከሪሰቶሴ ሾይንቱዋንቱ ለንካሳ ጃኤቶ ሌዎኮ ጋፒንጾ ዋዶና ለሃሳ ጃኤቶ ሌዎኮ ዓይያይዳኬ፤ ዔርሚያሴ ዬያ ለደሲ ማዴ ዋዶይዳ ሜሌ ጾኦዛ ካአሽኪያና ጎሞ ማዲያና ዛሎ ጾሱ ዳርይዳ ዴኤፒ ባይሲንታ ሙካንዳሢ ላቲ ላቲ ከኤዛኔ፤ ዒ ከኤዜ ጾሱ ማሊያይዳፓ ዒ ሸምፔና ዓአዎ ባብሎኔ ካአቲ፣ ናብካዳናጾጌ ዬሩሳላሜ ዓርቁ ካታሞንታ ጌኤዠ ማአሮንታ ሻሂሢና ዪሁዳ ካአቲ ፔኤኮ ዳርፓ ዲቢ ዳሬና ዋላ ዲዒንቲ ባብሎኔ ዔውቴሢያ ዛጌኔ። ዔርሚያሴ ዬዳ ዋዶና ዳራ ዬያ ዳውሲንቲ ዳንዳ ቤዛፓ ማዓንዳሢና ዒሰራዔኤሌ ዓጮ ካአታ ጊንሣ ካአታዳንዳሢ ቤርታዲ ከኤዜኔ። ዔርሚያሴ ከኤዜ ጾሱ ማሊያ ለደዶ ቤሲ ፓቁንታኒ ዳንዳዒ።

1. ዒዮሲያሴ፣ ዒዮዓቁሜ፣ ዮዓከኔንታ ሴዳቁያሴንታ ካአታዲ ዋይሢ ዋዶይዳ ዪሁዳ ዳርና ዔያቶኮ ሱኡጎናሞ ጾሱ ከኤዜ ቃአላ።

2. ዲማ ዲማ ከኤዚንቲ ጾሱ ማሊሢና ዔርሚያሴ ናንጌ ዋዶይዳ ማዴ ዴኤፒ ዴኤፒ ባአዚንታ ዔርሚያሴም ዔቦ ፃአፒ ዓርቃ ባአሮኬ ፃአፒ ጌሢ ባኮፓ ጴዳ ባአዚ።

3. ዲማ ዲማ ፃንጎ ማዔ ዳርሞ ጾሱ ከኤዜ ሎንሦ ቃአላ።

4. ዬሩሳላሜ ዓርቁንቲሢና ዳራአ ዲዒንቲ ባብሎኔ ዔውቴሢ ዛሎ ከኤዛ ሃይሴ።

ዔርሚያሴ ዳር ዒናፓ ኮሺ ናሽካያ፤ ጊንሣ ሃሣ ዔያቶይዳ ዳቢንቲያ ማዒያ ዋጋኒያ ሚርጌና ዒፃ ዓሲኬ። ጾሱ ፔ ማሊያ ከኤዛያ ማሂ ዒዛ ዔኤሌሢሮ ዔርሚያሴ ማሊ ሜታዲያና ፔጋሲ ከኤዜ ለደሢ ሃይሴ ሃና ማፃአፔሎይዳ ሚርጌ ቤሰካ ከኤዚንቲኔ፤ ዬያጉዲ ሃሣ ጾሱ ቃአሎ ዒዚ ፔ ዒና ዓአቺ ዓርቁ ቃዛኒ ዲንዳዒባአሢያ ፔጋሲ ከኤዜኔ።

ሃና ማፃአፔሎይዳ ጾሱ ማሊሢ ማዒ ከኤዚንቲ ዴኤፖ ዴኤፖ ሃይሶፓ ዛላ ሚርጌ ሜቶና ኩሜ ዔርሚያሴ ዋዶ ጊዳና ሶፒ ዳንዲ ጾሱ ፔ ዳርሞ ጫአቁ ዓኮ ጫአቁማ ማዶይዳ ፔኤቃንዳሢያ ዔርዛያኬ፤ ዬና ዓኮ ጫአቁማ ዳርኮ ዒዮይዳ ፃአፒንታንዳሢሮ ዔያቶሞ ጳቁሢ ከኤዚ ዔርዛ ዓሲባአንቲ ፔኤሮ ዔያታ ዬያ ካፓንዳኔ። (ዔር. 31:31-34)

ማፃአፔላ ዲማ ዲማ ዓርቄ ባኮ

- ጾኦሲ ዔርሚያሴ ዶኦሬሢ (1:1-19)
- ጾኦሲ ዪሁዳና ዔሰራዔሌ ዳሮናይዳ ማቶ ዔኪ ዪዓንዲያ ማዒያ (2:1—25:38)
- ጾኦሲ ማሊያ ኬኤዛኔ ጌይ ሉኡቃ ዓሶ ዔርሚያሴ ማኪ ጌሰቴ ጌኤዘ (26—29)
- ጾኦሲ ፔኤኮ ዳሮ ዔያቶ ዓጮ ባንሢ ማሃንዳሢ ዛሎ (30—33)
- ዔርሚያሴ ማጃ ዲማ ዲማ ማጃ (34—38)
- ዪሩሳላሜ ካታሞኮ ሎኦሚያና ዪሁዳይዳኣ ማጃንቴ ባኮ (39—42)
- ዔርሚያሴ ጊብፄ ዓጮይዳ (43—44)
- ባኣሮኬም ዳከንቴ ኪኢታ (45)
- ጾኦሲ ማሊያ ኬኤዛ ዔርሚያሴ ዲማ ዲማ ዳሮም ኬኤዜ ጾኦሲ ማሊያ (46—51)
- ዪሩሳላሜኮ ሎኦሚያ ዛሎ ቃሲ ኬኤዚንቴ ሃይሴ (52)

1 ቢኢኢያሜ ፃጳ ዳሮ ዓጮይዳ ዓኣ ዓናቶቴ ጌይንታ ጉርዳሰኬሮይዳናንጋ ቁኤሶፓ ፔቴ ሂልቂያ ጎሮሢኮናኣዚ ዔርሚያሴ ሃካፓ ሊካ ኬኤዚንታ ባኮ ኬኤዜኔ፤²ናንጊናናንጋ ጎዳኮ ዪይ ቃኣላ ዔርሚያሴም ኬኤዚንቴሢ ዓሞኦኔ ናኣዚ ዒዮሲያሴ ዪሁዳይዳ ካኣታጃንቴ ታጳ ሃይሢሳ ሌዖናኬ።³ ዪያጉዲ ዒዮሲያሴ ናኣዚ ዒዮዓቁሜ ካኣታጃ ዎይሢ ዎዶና፤ ጊንሣ ሃሣ ዒዮሲያሴ ናኣዚ ሴዳቂያሴ ካኣታጃ ታጳ ፔቴ ለዔ ዎይሢ ዎዶ ሃላንዳኣና፤ ዪሮ ሌዖኮዎ ዶንጋሳ ዓጊናና ዪሩሳላሜ ዳራ ዲዒንቴ ዔውቴ ዎዶ ሃላንዳኣና ዪይ ጾኦሲ ቃኣላ ዔርሚያሴ ዛሎና ኬኤዚንቴ ኬኤዚንቴ ዳዔኔ።

ዔርሚያሴኮ ጾኦሲ ማጃም ዔኤሊንቴያ
 4 ናንጊናናንጋ ጎዳኮ ቃኣላ ሂዚ ጋዓያና ታኣም ኬኤዚንቴኔ፡-
 5 «ዔርሚያሴ!
 ኔና ሃጊ ዒንዶ ጎጳ ታኣኒ ማዠዎያ
 ቤርታ ታ ኔና ዔሬኔ፤

ኔ ሸይታንዳሢኮ ቤርታ ታ ኔና ዲማሲ
 ዳሮም ታ ማሊሢ ኔ ኬኤዛንዳጉዲ ታ ኔና ዶኦሬኔ» ጌዔኔ።
 6 ታኣኒ ዒማና፡- «ናንጊናናንጋ ጎዳ ማዔ ቢያ ባኮ ማዠሢያ!
 ታኣኒ ሃጊ ናይታሢሮ ዎዚም ጌሰቶቴያ ታኣኒ ዔሩዎሴ» ጌዔኔ።

1:2 1:2 2ካኣቶ. ማ 22:3—23:27፤ 2ዖኦሲ. ዓሃኬ 34:8—35:19። 1:3 1:3 2ካኣቶ. ማ 23:36—24:7፤ 24:18—25:21፤ 2ዖኦሲ. ዓሃኬ 36:5-8፤ 11:21።

7 ናንጊና ናንጋ ጎዳ ጋዓንቴ ታአም፡- « ታአኒ ሃጊ ናይኩ» ጌይፖ፤ ኔ ዴንዳንዳሢ ታ ኔና ዳካ ቤሲኩ፤ ኔ ኩኤዛንዳሢ ታ ኔና ዓይሢ ባኮ ቢያኩ፤ 8 ታአኒ ኔኤና ዋላ ማዒ ኔጊዳ ሙካ ባአዚፓ ቢያ ዓውሳንዳሢር ዔያቶ ፔቴታዎ ዓጊጨፖ፤ ዬያ ጋዓሢ ታና፡ ናንጊና ናንጋ ጎዳኩ!» ጌዔኔ።

9 ናንጊና ናንጊና ናንጋ ጎዳ ፔ ኩጮና ታአኮ ሙሱሮ ካአማዎ፡- «ዓካሪ ኔ ኩኤዛንዳ ቃአሎ ታ ኔኤም ዒንጌኔ፤ 10 ዬያሮ ቱጋኒና ሻሃኒ፡ ባይዘኒና ሴካ ሃንጋ ማሂ ሸርሻኒ፡ ኩልቂ ኮሻኒና ቱካኒያ ኔ ዳንዳዓንዳጉዲ ዳሮ ቢያሢና ካአቶና ዑፃ ቢታንቶ ታ ኔኤም ዒንጌኔ» ጌዔኔ።

ዔርሚያሴም ያኦሲ ፔጋሲ ዳዌ ላምዎ ባአዚ

11 ናንጊና ናንጋ ጎዳ ታና፡- «ዔርሚያሴ! ኔኤም ጴዳ ባካ ዓይጎዳይ?» ጌይ ያኦጮኔ።

ታአኒ ማሃዎ፡- «ሉውዜ ጌይንታ ሚጻሎ ካአፒ ታአም ጴዳኔ» ጌዔኔ።

12 ናንጊና ናንጋ ጎዳ ዒማና፡- «ፒዜ ኔ ዴንቄኔ፤ ታአኒያ ዬያጉዲ ታአኮ ቃአሎ ማዲ ኩንሣኒ ቢያ ዎዴ ጊኢጊ ዓአያኩ» ጌዔኔ።

13 ለሚ ሃሣ ናንጊና ናንጋ ጎዳ፡- «ሜሌ ኔ ዴንቃ ባአዚ ዓይጎዳይ?» ጌይ ታና ያኦጮኔ።

ዬያሮ ታአኒ፡- «ዓጮኮ ኩዴኖ ዛሎይዳ ፔቴ ያቴዳ ዋአሢ ቡርቃያ ታ ዴንቃኔ፤ ዬና ቡርቄ ዋአፃ ሃንጋ ሸኦታንዳጉዲ ያታ ዛላዲ ዓአኔ» ጌይ ማሄኔ።

14 ናንጊና ናንጋ ጎዳ ታአም ኩኤዛዎ፡- «ዓጮኮ ኩዴኖ ዛሎይዳፓ ባይሲንታ ቡርቄ ኩሰኪ ሃኖ ዓጮ ናንጋ ዓሶይዳ ቢያ ዲጲጉዲ ሙካንዳኔ፤ 15 ዬኖ ኩዶ ዛሎይዳ ናንጋ ዳሮ ሃይካ ዬዓንዳጉዲ ታ ዔኤላንዳኔ፤ ዬሩሳላሚንታ ኮይሎይዳ ዓአ ዪሁዳ ካታሞ ያሊ ዔያታ ፔ ዴማ ማሂ ዓርቃንዳኔ፤ ዬካፓ ዬሩሳላሚ ጌሎ ካርይዳ ፔኤኮ ካአቱሞ ያይቶ ዔያታ ጌሣንዳኔ። 16 ታ ዴራ ጎሚ ማዴሢር ታ ዔያቶይዳ ማቶ ዓጋንዳኔ፤ ዔያታ ታና ሃሺ ሜሌ ያኦዘም ዑንጆ ጩቢሻኔ፤ ዬያቶ ያኦዘኮ ማሎ ማዓ ባአዚ ማዢ ዬያቶም ዚጋኔ።

17 ዬያሮ ዔርሚያሴ! ታ ኔና ዓይሢ ባኮ ቢያ ዔያቶም ኩኤዛኒ ዔያቶ ኮይላ ዴንዲር ጊኢጌ፤ ታ ኔና ታአኒ ማዳንዳ ባኮ ዛሎ ማሊ ሜታዳንዳጉዲ ማሂባአንቴ ዔያቶይዳ ማዲንታንዳ ባኮር ማሊ ሜታዳፖ። 18-19 ዔርሚያሴ! ሂንዳ ታ ጋዓሢ ኮሺ ዋይዜ! ሃኖ ዓጮይዳ ናንጋ ዓሳ ቢያ፤ ጌይፃ፡- ዪሁዳ ካአታ፡ ቢታንታ ዓአ ዓሳ፡ ቄኤሶንታ ዴሮንታ ዓቱሞ ኔጊዳ ሞርኬ ማዒ ዔቃንዳኔ፤ ያዲ ማዔቴያ ዔያቶ ያሊ ቃዛንዳ ዎልቄና ዶዲሞና ታ ኔኤም ዒንጋንዳኔ፤

ዙሎ ከልቁ ዲርቆና ካታማጉዲ፣ ዓንጊ ቱርቱሪጉዲ፣ ሞኦና ዓንጊና ኮሸና ከኤሌ ዲሢጉዲያኣ ታኔና ደዲ ማሃንዳኔ፤ ታኔኤና ዋላ ማዒ ኔና ሄላ ባኣዚ ቢያፓ ጎኦቢ ካፓንዳሢር ዔያታ ፔቲታፖ ኔና ባሻዓኬ፤ ዬያ ጋዓሢ ታና፣ ናንጊና ናንጋ ጎዳኬ» ጌዔኔ።

2

ዒሰራዔኤሌ ዴራ ፔ ያኦሲ ሃሼሢ

1 ናንጊና ናንጋ ጎዳኮ ቃኣላ ሂዚ ጋዓያና ታኣሞ ከኤዚንቴኔ፡-
2 «ዴንዲጋፓ ዒሰራዔኤሌ ዴሮሞ ዑኡዘ ዴጊዲ ሂዚ ጌይ ከኤዘ፤ ሃያኮ ቤርታ ዓሲ ናንጉዋ ደውሎ ቦኦሎ፣ ዔኤቢ ባቃሉዋኣሢዳ ታ ዓሲ ማዒ ዒንሢ ሃንቴኔ፤ ዬሮ ዋዶና ፔቲ ዑኡታ ፔኤኮ ዑኡቴሎ ናሽካ ናሹሞና ጉሙርቁንታ ጉሙርቁንቲፖጉዴያና ኔ ታኣና ዋላ ናንጌሢ ታ ጳቂሣኔ።

3 ዒሰራዔኤሌ! ኔኤኒ ሌዖ ሃኣኮኮ ቤርቶጉዲ ታኣሞ ደማዲ ዓኣያኬ፤
ታኣሞ ደማዴያ ታ ዴኔ ኔ ማዒ ዓኣያኬ፤
ዬያሮ ኔና ቆኦዲኒ ኮዓ ዓሲ ቢያሢዳ
ሜቶና ፑርታ ዶርዖና ታ ዓጌኔ።።
ዬያ ጋዓሢ ታና፣ ናንጊና ናንጋ ጎዳሢኬ።።»

ዒሰራዔኤሌ ዴሮኮ ቤርታኣ ዓደንሢ ማዴ ጎሞ

4 ዒንሢ ያይቆኦና ናኣቶ ማዔ ዓሳ፤
ዒሰራዔኤሌ ፃጰ ቢያሢ!
ናንጊና ናንጋ ጎዳ ከኤዘ ቃኣሎ ዋይዙዋቴ፤
5 ናንጊና ናንጋ ጎዳ ሂዚ ጋዓኔ፡-
«ዒንሢኮ ቤርታኣ ዓደንሢ ታኣፓ ሃኪ ዓኣዴሢ
ታጊዳ ዓይጎ ዳቢንቲ ዴንቁዳይ?
ዔያታ ጉሪ ማዔ ያኦዘ ካኣሽኪ፣ ፔናኣ ጉሪ ዓይሴኔ።

6 ታኣኒ ዔያቶ ጊብፃ ዓጫፓ ከሴኔ፤
ዓሲ ናንጉዋ ቦኦሎይዳኣ ታ ዔያቶ ዔኪ ዓኣዴኔ፤
ዔቴ ሌሊ ማዔ ጎይዖና ሻኔ ደሚ ዓኣ ዓሲ ናንጉዋ ደውሎይዴና
ዖኣኒያ ናንጉዋያ፣ ሃሣ ሃንቴዋያ ማዔ ሳዖና ታ ዔያቶ ዔኪ ዓኣዴኔ፤
ዔያታ ጋዓንቴ «ዬያ ቢያ ማዴ ናንጊና ናንጋ ጎዳ ዋካ ዓኣይ?»
ጌይታፖ ያኦጨባኣሴ።

7 ካፂሳ ሃኣኮና ሜሌ ኮዥ ባኮዋ ቢያ ዴንቁ ዔያታ ዋዛዳንዳጉዲ ማሊ ማዔ ሳዔሎ ታ ዔያቶ ዔኪ ጌልዘኔ፤

ዔያታ ጋዓንቴ ታኣኮ ሳዖ ፑርቲሴኔ፤
 ታ ዔያቶሞ ዒንጌ ዓጮዋ ዔያታ ዒኢሴኔ።»
 8 ቄኤሳ ዒማና፡- «ናንጊና ናንጋ ጎዳ ዋካ ዓኣሲንታይ?» ጌይ
 ዖኡጪባኣሴ፤
 ዋጎ ዔራ ዔሮ ዓሳታዖ ታና ዔሪባኣሴ፤
 ታ ዴሮ ሄንቃ ዓሳ ታኣሞ ዋይዚ ዒጻኔ፤
 ዖኦሲ ማሊዖ ኬኤዛ ዓሳኣ ባዓኣሌ ሱንዖና ኬኤዚ ዓርቄኔ፤
 ጉሪ ማዔ ዖኦዘዋ ካኣሽኬኔ።

ዖኦሲ ፔ ዴሮ ጌኤዘና ጫርጌ ጫጮ
 9 «ዬያሮ ታኣኒ፥ ናንጊና ናንጋ ጎዳሢ
 ሃጊ ዒንሢሞ ጫቺ ሃይሴ ጌሰታንዳኔ፤
 ዒንሢ ናኣቶማኣ ታ ጫርጋንዳኔ፤
 10 ሃያጉዴ ባኣዚ ሃያኮ ቤርታ ፔቲታዖ ማዲንቴ ቤቁባኣሢ ዒንሢ
 ዔራንዳጉዲ
 ሄንዳ ዓቦኮ ጌሎ ባንዖና ዋኣዖ ሳዛ ዓኣ ቆጵሮሴ ዓጮ
 ዴንዲዋቲ፤
 ዓባ ኬሰካ ባንዖናኣ ቄዳሬ ዓጮ ኪኢታ ዓሲ ዳኪ ሙሩዋቲ።

11 ዔያቶኮ ዖኦዘ ጎኔ ዖኦሲ ማዒባኣያታቲያ
 ፔኤኮ ዖኦዘ ሃሺ ማሌና ላኣማ ዴሪ ባኣሴ፤
 ታኣኮ ዴራ ጋዓንቴ ታና፥ ዔያቶ ቦንቺሴ፥ ናንጊና ናንጋ ጎዳሢ
 ፔቲታዖ ዔያቶ ማኣዲንዲዋ ጉሪ ማዔ ዖኦዘና ላኣማኔ።»

12 ናንጊና ናንጋ ጎዳ ሃዚ ጋዓኔ፡-
 «ጫሪንቺዮ! ዬያሮ ዲቃቲዋቲ፤
 ማርጌ ዒጊቺሞናኣ ጎጋይቁዋቲ።

13 ታኣኮ ዴራ ላሞዖ ጎማ ማዳኔ፤
 ዬይ ዓይጎዳይ ጌዔቴ፡- ዓልቃ ዋኣሢ ማዔሢ ታና ዔያታ ሃሽኔ፤
 ዋኣሢ ዓርቂ ቃዛኒ ዳንዳዑዋ ሄሮ ዔቴ ዔያታ ቦኦኬኔ።»

ጉሙርቁሢ ባይሱሞኮ ዓኣፒ
 14 «ዒሰራዔኤሌ ሻንቂንቴ ዔውቴ ዓይሌቲዋሴ፤
 ማኣራ ሾሾይንቴ ዓይሌያኣቲዋሴ፤
 ሂዳዖ፡- ዒዘኮ ሞርካ ዒዘ ቦዖጉዲ ኬማሢ ዓይጎሮዳይ?
 15 ዒዘኮ ሞርካ ዒዘይዳ ሃጊ ዔቃ ዘቢጉዲ ጉዳኔ፤
 ዓጮ ዒዘኮ ዓሲ ናንጉዋ ዳውሌ ማሂ ላኣማኔ፤
 ዒዘኮ ካታማኣ ማቺንቴ ዓሲባኣ ባዔ ቤሲ ማዔኔ።
 16 ማምፒሴ ካታሞ ዓሶንታ ፃፕናሴ ካታሞ ዓሶንታ
 ቶኣኮኮ ሶፖ ኔኤኮ ማኤዳንዳኔ።
 17 ዒሰራዔኤሌ! ዬይ ቢያ ኔጊዳ ሄሌሢ ኔ ማዳ ባኣዚናኬ፤

ፒዜ ጎይዖ ዔኪ ዴንዳ ታና፡ ናንገና ናንጋ ጎዳ ማዔ ኔ ያኦዛሢ ኔ ሃሺሢርኩ።

18 ጊብፄ ዓጮ ኔኤኒ ዴንዲ ዓባዬ ዋራፓ
ዋኦ ዑሽካኒ ኮዔሢ ዓይጎ ኔና ማኦዳንዳ ባኦዚ ዴንቃኒዳይ?
ዓሶኦሬ ዓጮዋ ዴንዲ ዔፕራዒሴ ዋራፓ
ዋኦ ዑሽካኒ ኔ ኮዔሢ ዓይጎ ኔ ዴንቃንዳጉዲ ጋዓዛዳይ?

19 ሃይሽ ዓካሪ ኔ ፑርቱማ ኔጊዳ ማቶ ዔኪ ዬዓንዳኔ፤
ኔኤኒ <ዔሩዋሴ> ጌዔ ጌይፃ ኔጊዳ ዋጋንዳኔ፤
ታና፡ ናንገና ናንጋ ጎዳ ማዔ ኔ ያኦዛሢ ኔኤኮ ሃሺፃ
ታና ኔ ቦንቻ ቦንቻ ኔኤኮ ሃሺፃ
ኔጊዳ ዋማዲ ዴኤሢ፡ ሃሢ ፑርታ ዳቢንቲ ማዔቴያ ኔ
ዔራንዳኔ፤
ዬያ ጌዔሢ ታና፡ ቢያ ባኮ ማዜ ጎዳ ማዔ ያኦዛሢኩ።»

ዒሰራዔኤሌ ዓሳ ያኦሲ ካኦሽኪያ ዒፄሢ

20 «ዒሰራዔኤሌ! ማርጌ ዋዴኮ ቤርታኦፓ ሳርቃዖ
ታኦም ዓይሢንቲዖና ታኦም ማዲያ ኔ ሃሺኔ፤
ጎኔና ኔኤኒ ዴኮና ዴኤፖ ዴኤፖ ማዖናኮ ሽባ
ሜሌ ያኦዞ ካኦሽኪሢና ዘኦሰካ ኔ ኮኦማያ ማዔኔ።

21 ታኦኒ ኔና ቃውቲ ዔኮና ዜርሢፓ ዔኪ ቃራ ዋይኔ ሚሢ ማሢ
ቱኩኔ፤
ኔኤኒ ጋዓንቲ ያዲ ማዲያ ሃሺ ሶልኪ ዓኦፒ ዓኦፓያ ማዔኔ።

22 ዋዚ ኔኤኒ ዓንጨጨናኦ ማዖም ሳኦሙናና ማሰቲቴያ
ኔኤኮ ፑርቱፃ ፔጋ ታኦም ኪንቁ ጴዳኔ።

23 ሢዳዖ ኔኤኒ፡- ታኦኒ ታና ፔቲታዖ ዒኢሲባኦሴ፤
ባዓኦሌ ጌይንታ ያኦዞማኦ ታ ዚጊ ካኦሽኪባኦሴ» ዋዲ ኔ ጌይ
ማርማኒ ዳንዳዓይ?

ደኦጮይዳ ጎም ማዲያና ኔኤኒ ዒኦቲ ዒኦቲዖ ሢንዳ ማሌ፤
ዓኪንታኒ ኮዓ ኪርሞሌጉዲ
ሴካ ሃንጋ ኔ ጳሽኪ ሺራኔ።

24 ዳውሌይዳ ናንጊ ዔሬ ኪርሞሌኮ
ዓኪንታኒ ኮዒፃ ዔቁቲ ዓይጌ ቃዛኒ ዳንዳዓይ?

ዓዶ ኪርሞላ ዓኦ ቤዞ
ፔኤር ዴሃ ዴንዲ ዒዛ ሄላሢሮ
ዔያታ ዒዞ፡ ዬኖ ኮይ ላባንዳያ ኮይሱዋሴ።

25 ዒሰራዔኤሌ! ሜሌ ያኦዞና ዋላ ዘኦዛ ኔ ኮኦማኒ
ቢያ ቤዞ ሃንቲ ሃንቲ ዱርዞ ኔኤኮ ሙኤዚ ኩርሲፖ፤
ሆላኦ ኔኤኮ ዋኦ ዴኤቦና ፃኦዲ ሜሎፓ፤

ኔኤኒ ጋዓንቴ፡- ታኣኒ ፃንጎ ማዔ ያኦዞ ናሽከሠረ
ዔያቶ ጊንዖ ታ ዴንዳንዳኔ!» ። ጌዔኔ።

26 «ዉሲ ዓርቂንታ? ቦርሲንታሠራዲ፣ ዒንሠረ ዒሰራዔኤሌ ዴርንታ ካኣቶንታ ዴርኮ ሱኡጎንታ፤ ሃሣ ቁኤሶንታ ታ ማሊያ ኬኤዛ ዓሶንታ ቢያ ቦርሲንታንዳ ዎዴ ዩዓንዳኔ። 27 ዓርሲ ኮሸና ሚያ ኮይላ፡- «ኦኡኮ ዓዴ!»፤ ጊንሣ ሃሣ ላሎ ሹጮ ኮይላ፡- «ኦና ሸዔ ዒንዳሌ!»። ጋዓ ዓሳ ቢያ ዒንሠረ ቦርሲንታንዳኔ። ዩይ ያዲ ማዓንዳሠ፡- ታ ባንሠ ማዖ ዒንሠረ ዒዲ ታኣፓ ሃኬሠረከ፤ ሃጋ ሜታ ሄላዛ ጋዓንቴ ታ ዒንሠረ ሙኪ ማኣዳንዳጉዲ ታና ዒንሠረ ያኦጫንዳኔ።

28 «ዒንሠረ ኩቻ ዒንሠረ ማዜ ያኦዞ ዎካዳይ? ዔያታ ሂንዳ ዳንዳዓያታቴ ሜታ ዒንሠረ ሄላኣና ሙኪ ዒንሠረ ዓውሶንጎ፤ ዪሁዳ! ኔኤኮ ካታማ ሚርጌሠራዲያ ካኣሽኮ ያኦዞኣ ዒማዲ ሚርጌኔ።»

29 ናንጊና ናንጋ ጎዳ ሂዚ ጋዓኔ፡- «ቢያሠረ ዒንሠረ ታኣም ዎይዚ ዒዳኔ፤ ሂዳዖ ታኣና ዒንሠረ ማርማሠረ ዎይቲዳዖ? 30 ዒንሠረ ዔሪ ዒና ዔኩዎ ዓሲታሠረ ታ ዒንሠረ ማዖ ዓጋሠ ጉሪ ባኣዚ ማዔኔ፤ ዒንሠረ ዳጋዴ ዘቢ ማዔ ዒንሠረም ታ ማሊያ ኬኤዛ ዓሶ ጩንቾ ዓራፖና ዎዴኔ። 31 ዒንሠረ ሃኖ ዎድና ዓኣ ዒሰራዔኤሌ ዴር! ታኣኒ ናንጊና ናንጋ ጎዳሠ ዒንሠረም ጋዓ ባኮ ዎይዙዎቴ፤ ታኣኒ ዒንሠረም ዓሲ ናንጉዎ ዳውሌ፤ ጊንሣ ሃሣ ሻኔ ዲሚና ባይቁ ዓጪ ማዔያ? ሂዳዖ፡- «ኦኡኒ ኮዔ ባኣዚ ማዳንዳኔ፤ ኔ ባንሠ ኦ ማዓዓከ» ዒንሠረ ጋዓሠረ ዓይጎርዳይ? 32 ሂንዳ ማሉዎቴ፡- ዉዲር ናይ ፔኤኮ ፓልማሠ፤ ዐኡታኣ ፔኤኮ ዐኡቱም ማኣዓሠረ ዎላኖ? ታኣኮ ዴራ ጋዓንቴ ፓይዲንታኒ ዳንዳዐ-ዎ ዲቢ ዎዴይዳ ታና ዎሌኔ። 33 ኔኤኒ ዔናኣሬ ኔና ናሽከ ኮዓ ላጎ ጊንዖ ጳሽካኒ ዎዚ ጪንጫይ? ሜሌ ላኣላ ኔ ማዳ ጎይዖ ማዳንዳጉዲ ኔኤኒ ዩያ ፑርቶ ማዶ ዔያቶም ዳዎኔ። 34-35 ኔኤኮ ማኣዓሠረ ጌኤዦ ዓሶና ማንቆ ዓሶናኮ ሱጉዮና ፑርጌቴ።

«ጋዓንቴ ኔ ዩያ ባኮ ቢያ ማዳዖ፡- ታኣኒ ጌኤሺከ፤ ናንጊና ናንጋ ጎዳ ጎኔና ታጊዳ ዳጋዳዓከ!» ጋዓኔ፤ ጋዓንቴ፡- ታኣኒ ጎሜ ማዲባኣሴ» ጌይዮና ታኣኒ፣ ናንጊና ናንጋ ጎዳ ኔና ሜቶይዳ ዓጋንዳኔ። 36 ማዒባኣ ባኣዚና ኔኤኒ ዴንዳ ጎይዖ ሃሺ ዓይጋ ኔ ሜሌ ካራ ዴንዳይ? ሃያኮ ቤርታ ዓሶኣሬ ዓሳ ኔና ቦርሲሴሠራዲ፣ ሃሣ ጊንሣ ጊብፄ ዓሳኣ ኔና ቦርሲሳንዳኔ። 37 ኩጮ ኔኤኮ ኔኤኒ ቶኦካ ዎሂ፣ ቦርሲንቴ ዩኖ ቤዛፓ ዓኣዳንዳኔ፤ ታኣኒ፣ ናንጊና ናንጋ ጎዳ ኔኤኒ ጉሙርቃ ባኮ ቢያ ዒዳሠረ ዩያ ባኮይዳፓ ኔ ዴንቃንዳ ባኣዚ ባኣሴ።»

3

ዒሰራዔኤሌ ዓሰኮ ጉሙርቁንታ ዓሲቱዋያ ማዒያ

1 ናንጊና ናንጋ ጎዳ ሂዚ ጋዓኔ፡- «ዓሲ ፔኤኮ ማቾ ዓንጄም ዒዛ ዴንዲ ሜሌ ዓሲም ለዔቴ፣ ዩይ ዓንጄ ዓሢ ዒዛ ጊንሣ ዔካኒ ዳንዳዓ? ዩይ ያዲ ማዔቴ ጉቤና ሳዖ ዒዒኢሳያ ማዓኔ። ዒሰራዔኤሌ! ኔኤኒ ሜሌ ያኦዞ ሚርጌሢ ናሽከኔ፤ ሃሢ ኔኤኒ ታ ባንሢ ማዓኒ ማይ ዳንዳዓ? 2 ሂንዳ ለካ ዳጊ ጌይ ጌሚር ዑዎ ዛጌ፤ ኔኤኒ ሜሌ ያኦዞዎ ዘጊ ካኦሽኪባኦ ቤሲ ፔቴታዖ ጴዳንዳኦናንዳ? ዓሲ ናንጉዋ ዳውሎይዳ ዓሲ ቡሪ ቡሪ ባዲባሌ ሃንታ ዓሪቦ ዓሰጉዲ ጎይዖ ዓጫ ዴዒ ኔኤኒ ናሽካ ዓሰ ካፒ ካፒ ዩያቶና ላሃ ሳዖዎ ኔኤኒ ዒኢሴኔ። 3 ሌዖ ዒሮንታ ሲሎ ዒሮንታ ዋርቁዋዖ ዓቴሢ ኔኤኒ ሴኤሎዎ ባይዚ ዘኦዞ ኮኦማ ላኦሎሎጉዲ ማዔሢርከ።

4 «ሃሢ ኔኤኒ ታና፡- ታ ዓዴ፣ ታኦኮ ናኦቱዎ ዎደ ላጋሃ» ጌይ ዔኤለባኦዳዳ? 5 ጊንሣ ሃሃ ኔኤኒ፡- «ዒዚ ቢያ ዎዴ ዳዳጋዳ? ዴኤፖ ዳጋ ዒዛኮ ጋፑዋያዳ?» ጌዔኔ፤ ጋዓንቴ ኔኤኒ ኔ ዒና ኮዔ ጎይዖጉዴያ ፑርቶ ባኮ ማዳኔ።»

ዒሰራዔኤሌንታ ዪሁዳ ዴርንታ ጎሞ ቡኡፃንዳጉዲ ከኤዚንቴሢ

6 ዒዮሲያሴ ካኦታዲ ዓኦንቴ ናንጊና ናንጋ ጎዳ ታኦም ሂዚ ጌይ ከኤዜኔ፡- «ጉሙርቁንቱዋያ ማዔ፣ ዒሰራዔኤሌ ማዴ ባኮ ኔ ዛጊያ? ዒዛ ታጊዳፓ ዴማዲ ዴኮ ዴኮ ቶኦኮና ሚዖ ዴኤፖ ሽቦናይዳ ሜሌ ያኦዞ ካኦሽኪ ፔና ዒኢሴኔ። 7 ዩያ ቢያ ዒዛ ማዴሰካፓ ጊንሣ ታ ባንሢ ማዓንዳዎ ጌይ ታ ማሌኔ፤ ዒዛ ጋዓንቴ ማዓባኦሴ፤ ጉሙርቁንቱዋያ ማዔ፣ ዒዛኮ ጌራ ዪሁዳኦ ዩያ ቢያ ዛጌኔ። 8 ዒሰራዔኤሌ ታና ካኦሽኪዖ ሃሺ ሜሌ ያኦዞ ጊንዖ ዓኦዴኔ፤ ዒዛ ዩያይዳሢር ታ ዒዛ ዓንጄሢ ዒዛኮ ጌራ ዪሁዳ ዴንቁኔ፤ ጉሙርቁንቱዋያ ማዔዛ፣ ዒሰራዔኤሌኮ ጌሪላ፣ ዪሁዳ ዩያ ዒጊጩባኦሴ፤ ዒዛኦ ሜሌ ያኦዞ ካኦሽኪያ ማዔኔ። 9 ፔቴታዖ ዒዛ ቦርሲንጉባኦሴ፤ ዩያ ሌሊቱዋንቴ ሹቹና ሚሢና ካኦሽኪ ሳዖ ዒዛ ዒኢሴኔ። 10 ዩያ ቢያ ዒዛ ማዴሰካፓ፡- ጉሙርቁንቱዋያ ማዔዛ፣ ዒሰራዔኤሌኮ ጌሪላ፣ ዪሁዳ ጊንሣ ታ ባንሢ ማዓኒ ኮዓያ ማሊ ጴዴሢ ዒናፓቱዋንቴ ዑሣ ጌሺሢናከ፤ ዩያ ጌዔሢ ታና፣ ናንጊና ናንጋ ጎዳሢከ።»

3:6 3:6 2ካኦቶ. ማ 22:1—23:30፤ 2ዖኦሲ. ዓሃከ 34:1—35:27።

11 ዋዚ ዒሰራዔኤሌ ታጊዳፓ ዲማዲያ ማዕያታቲያ ጉሙርቁንቱዋያ ማዕዘ፡ ዪሁዳይዳፓ ኮሺ ማዓ ካራ ዒዘኮ ዓኣሢ ናንጊና ናንጋ ጎዳ ታኣም ኬኤዘኔ። 12 ዬያሮ ናንጊና ናንጋ ጎዳ ኬዶ ዛሎ ዓጮ ታ ዴንዲ ዒሰራዔኤሌም ኬኤዘንዳጉዲ ታና ዓይሣሢ ሂዚ ጋዓያኩ፡- «ጉሙርቁንቱዋያ ማዕዘ፡ ዒሰራዔኤሌ! ታ ባንሢ ማዕዘ፤ ታኣኮ ማኣሪፃ ዲቢታሢሮ ታ ኔጊዳ ዳጋና ዔቃዓኬ፤ ታ ኔጊዳ ዳጋዳሢያ ናንጊና ናንጊ ሄላንዳኣናቱዋሴ። 13 ኔኤኒ ዳቢንቲያ ማዕሢና ናንጊና ናንጋ ጎዳ ማዕ ኔ ፆኦዛሢም ኔ ዋይዘ ዒፃማ ሌሊ ጎኔኬ ጌይ ዔኬ፤ ማሌ ፃንጎ ማዕ ፆኦዘና ዋላ ዋርቂ ዓኣ ሚፆ ዴኤፖ ሺቦይዳ ዘኣዛ ኮኦማ ላኣሎጉዲ ማዲ ሃንቲ ዒኣቲፆ ማዳንታ ታ ጋዓ ባኮ ዋይዘ ኔ ዒፃሢያ ቡኡፃ፤ ዬያ ጌዔሢ ታና፡ ናንጊና ናንጋ ጎዳኬ።

14 «ዒንሢ ጉሙርቁንቱዋያ ማዕ ታ ዴራ! ታኣሮ ዒንሢ ማዕሢሮ ታ ባንሢ ማዕብቱ፤ ዒንሢኮ ፔቲ ፔቲ ካታዋፓ ፔቲ፡ ፔቲ ፔቲ ማኣራፓ ላምፆ ላምፆ ዓሲ ታኣኒ ዶኦሪ ፂዮኔ ዲኮ ዔኪ ኬሳንዳኔ። 15 ታኣም ዓይሢንታያ፡ ዒንሢ ካፓንዳ ዓሲ ታ ዒንሢም ዒንጋንዳኔ፤ ዔያታ ዔራ፤ ሃሃ ጳቂሣ ሱኡጌ ማዒ ዒንሢ ዔኪ ዓኣዳያ ማዓንዳኔ። 16 ዬኖ ዓጩሎይዳ ዒንሢኮ ፓይዳ ሚርጋኣና ታኣኮ ጩኣቂዋ ሳኣፂኖ ዛሎ ኬኤዘንዳ ዓሲ ጴዳዓኬ፤ ዔያታ ጳቂሢያ ዳንዳዒንዳዋሴ፤ ዔያታ ኮዒንዳዋሴ፤ ኮይሱዋያ ማዒ ዔያታ ኮይላ ጴዳንዳሢሮ ጊንሣ ማሌ ኮሻኒ ዔያታ ኮዓዓኬ። 17 ዬኖ ዋዶና ዬሩሳላሚ ፔኤር፡- ናንጊና ናንጋ ጎዳኮ ካኣታዲ ዴፆ ያይቶ፡ ጌይንቲ ዔኤሊንታንዳኔ፤ ማሌ ዴራ ቢያ ታና ካኣሽካኒ ዒኣካ ቡካንዳኔ። ዬካፓ ዋይዘ ዒፃ ፑርቶ ማሊፆኮ ዓልቃ ካሮ ማዕ፡ ዔያቶ ዒኖ ጊንፆ ዔያታ ዓኣዳዓኬ። 18 ዒሰራዔኤሌና ዪሁዳና ፔቲ ማዓንዳኔ፤ ላምዓሢ ፔቲይዳ ኬዶ ዛላ ዓኣ ዓጩ ዲዒንቲ ዔያታ ዴንዴሰካፓ ማዓንዳኔ፤ ዔያቶኮ ቤርታኣ ዓዶንሢም ናንጊና ዔያቶ ዴኔ ማሂ ታ ዒንጌ ዓጩሎ ዔያታ ማዒ ጌላንዳኔ።»

ፆኦሲ ዴራ ማሌ ፆኦዘ ካኣሽኬ ካኣኦ

19 ናንጊና ናንጋ ጎዳ ሂዚ ጋዓኔ፡-
 «ዒሰራዔኤሌ! ኔና ታኣኒ ታናይ ማሂ ዛጊ ዔኪ
 ዓጮ ቢያይዳፓ ዑሣ ዓኣዳ ሚዛጲ፡ ማሊ ዓጩ ታ ኔኤም
 ዒንጋኒ ኮዔኔ፤
 «ዓዴ» ጌይ ኔታና ዔኤላንዳኔ፤ ሃሃ ታጊዳፓኣ ኔ ሃካዓኬ ጌይ ማሊኬ
 ታ ዬያ ማዳሢ።

20 ኔኤኒ ጋዓንቲ ጉሙርቁንታ ማቾጉዲ ታኣም ጉሙርቁንታያ ማዒ ባኣሴ፤

ዬያ ታና፥ ናንጊና ናንጋ ጎዳኬ ጌዔሢ።»

- 21 ዓጻዔ ባኣዚ ጰዲዋ ጌሚር ቶኦካ ዑኡሲ ዋይዚንታኔ፤
 ዬይ ዑኡዛ፡- ዒሰራዔኤሌ ዴራ ፔኤኮ ናንጊና ናንጋ ጎዳ ማዔ
 ያኣዛሢ ዋሊ
 ጎሜ ማዲሢር ሃሢ ዓይጋ ኑ ዬያይዳይ ጌዒ
 ዬኤካ ዬኤፒና ሸኢጲሢ ሸኢቃያናኮ ዑኡሲኬ።
- 22 ዒንሢ ሃሢ ናንጊና ናንጋ ጎዳ ሃሺ ዓኣ ዓሳ ቢያ ማዑዋቱ፤
 ዒዚ ዒንሢ ፓሣንዳኔ፤ ጉሙርቁንታ ዓሲያ ዒንሢ ዒ
 ማሃንዳኔ።

ዒንሢ ሂዚ ጌዔኔ፡- «ሂዮ! ናንጊና ናንጋ ጎዳ ኑኡኮ ያኣዛሢ ታሢር
 ዒዛ ባንሢ ኑ ማዓንዳኔ፤ 23 ጌሚር ቶኦኮይዳ ጎይሢባኣያ ሜሌ
 ያኡዞ ኑ ካኣሸካኔ ጌይ ማዲ ሃንቲ ባካ ኑና ማኣዴ ባኣዚ
 ባኣሴ፤ ዒሰራዔኤሌም ዳቁንታ ጰዲሢ ናንጊና ናንጋ ጎዳ ማዔ
 ኑ ያኣዛሢ ዲፓ ሌሊኬ። 24 ጋዓንቲ ቦርሲሳያ ማዔ ሜሌ ያኡዞም
 ኑኡኮ ዘጊ ካኣሸኪዳ፡- ባኣቶንታ ዋኣሮንታ ቢያ፥ ዓቲንቆና ዉዳር
 ናኣቶንታ ቢያ፥ ሚናፓ ዓርቃዖ ኑኡኮ ቤርታኣ ዓድንሢ ቆሊ ኑና
 ዳካልሴ ቆሎ ቢያ ኩርሲ ኩቺ ጉሪ ዴዓንዳጉዲ ዬይ ኑና ማሄኔ።
 25 ኑናንታ ኑኡኮ ቤርታኣ ዓድንሢንታ ላሚ ላሚ ጎሜ ማዲሢር
 ናንጊና ናንጋ ጎዳ ማዔ ኑ ያኣዛሢ ኑኡኒ ያዩሴኔ፤ ዒዛኮ ዓይሢያዋ ኑ
 ማዲ ኩንሢባኣሴ፤ ዬያር ቦርሲንቲና ኑ ሎኦሚ ላሄም ሞኦሪንቲሢ
 ዓፒላጉዲ ኑና ካንቃንዳያ ኮይሳኔ።»

4

ዒሰራዔኤሌ ዓሳ ያኡሲ ባንሢ ማዓንዳጉዲ ዔኤሎና ዔኤሊሢ
 1 ናንጊና ናንጋ ጎዳ ሂዚ ጋዓኔ፡- «ዒሰራዔኤሌ ዴሬዮቲ! ዓካሪ
 ዒንሢ ታ ባንሢ ማዓያታቲ ማዑዋቱ፤ ታኣኒ ዒዳ፥ ሜሌ ያኡዞ ዒንሢ
 ባይዚ ታኣም ሌሊ ዒንሢ ጉሙርቁንታያ ማዔቱ፤ 2 ጎኑሞና ያሉሞና
 ሃሃ ፒዜ ዒኔና፡- <ናንጊና ናንጋ ጎዳ ሃይቆ!> ጌይ ጫኣቁቱ፥ ሜሌ
 ዴራ ዬያና ታና ጋላታንዳኔ፤ ታኣኒያ ዔያቶ ዓንጃንዳኔ።»
 3 ናንጊና ናንጋ ጎዳ ዪሁዳና ዬሩሳላሚ ዴርናም ሂዚ ጋዓኔ፡-
 «ሻፓዴ ማኣሎ ዒንሢኮ ዋርፃፒ ጊኣጊሹዋቱ፤ ዜርፃ ጉሪ ዓንጊዖ
 ባኣካ ዜርቁፖቲ! 4 ዒንሢ ዪሁዳና ዬሩሳላሚናይዳ ናንጋ ዓሳ!
 ዒንሢኮ ዓቲንቶ ቤርቶ ቲቁዋቱ፤ ዒንሢኮ ዒና ዓኣ ፑርቶ ባኮዋ
 ቲቁ ሸኢሸ ማሊያ ዒንሢኮ ጌኤሺ ጉቤና ዒንሢኮ ዑዖ ናንጊና

4:3 4:3 ሆሴ. 10:12።

ናንጋ ጎዳም ዋርቃያ ማሁዋቴ፤ ዒንሢ ዬያይዲባኣቴ ዒንሢ ማዳ ፑርቶ ማዳ ዛሎና ታኣኮ ዳጋ ታሚጉዲ ዔኤታንዳኔ፤ ዬይ ታኣኮ ዳጋ ዔኤቴቴ ስኢኒያ ዬያ ዋዳንዳይ ባኣሴ።»

ዪሁዳ ካታሞ ጌሊ ዓርቃኒ ሞርኮኮ ዚርቁፆ

5 ዬኖ ዓጮ ዓሶ ቢያሢም ዛዬ ዋርቁዋቴ!

ዑኡዘ ዒንሢኮ ጰጊዲ ዒላቴዋቴ!

ዬይ፥ ዪሁዳና ዬሩሳላሜና ዳራ ዙላ ኬልቁንቲ ዲርቁንቲ ካታሞ ጳሽኪ ቶላንዳጉዲ ኬኤዙዋቴ።

6 ጧዮኔም ጎይፆ ዳውዋቴ!

ኔጉዋፆ ሽምፖ ዒንሢኮ ዓይሳንዳ ቤሲ ባንሢ ጳሽኪ ፑኩዋቴ!

ናንጊና ናንጋ ጎዳ ኬዶ ዛሎ ዓጮፓ ጰኤፒ ባይሲንታ ዳካኒኬ።

7 ዘቢ ጌሊ ዓኣ ዳኤሊፓ ኬሰካጉዲ

ዳር ባይዛይ ዔቃንዳኔ፤

ዒዚ ዬይ፥ ዪሁዳ ባይዛኒ ሙካንዳኔ፤

ዪሁዳ ካታማ ደዒ ባይቃንዳኔ፤

ዒኢካ ናንጋንዳ ዓሲያ ጳዳዓኬ።

8 ናንጊና ናንጋ ጎዳኮ ጰኤፖ ዳጋ ዪሁዳፓ ሽኢኪባኣሢር

ሲዬ ፓቴሌ ማይንቲ፥ ቃዩ ዬኤኩዋቴ።

9 ናንጊና ናንጋ ጎዳ ሂዚ ጋዓኔ፡- «ዬኖና ካኣቴንታ ደንዘንታይዳ ዒጊቹሞ ጌላንዳኔ፤ ቄኤሳ ዒጊጨ ጎጋይቃንዳኔ፤ ታ ማሊፆ ኬኤዛ ዓሳኣ ዲቃታንዳኔ።»

10 ታኣኒ ዒማና፡- «ናንጊና ናንጋ ጎዳ ማዔ ስኣዛሢያ! ዬይ ዬሩሳላሜ ዳር ጌሽሢ ማዓዓዳ? «ዒንሢም ኮሺ ማዓንዳኔ» ኔ ጌዔያንቲ፤ ሃሢ ጊንሢ «ጨንቻ ዓፓር ሆላ ዔያቶኮ ጌሢንቲኔ» ታ ጌዔም ጊኢጋንዳ?» ጌዔኔ።

11 ዒማና ሃያ፥ ዒሰራዔኤሌ ዳርም ሂዚ ጌይ ኬኤዘንታንዳኔ፡- «ታኣኮ ዳርይዳ ሙሙዓ ስይዲ ዠባሬ ዓሲ ናንጉዋ ዳውሎ ዲካፓ ዠባርሻንዳኔ፤ ዬይ ፒዲሲ፥ ጊንሢ ሃሃ ሶኦሪ ጌኤሻ ዠባሬቱዋሴ።

12 ናንጊና ናንጋ ጎዳ ዓይሢም ሙካ ዠባሬታሢር ቢያ ዠባሬፓ ደዳያ ማዓንዳኔ፤ ዬያ ዔያቶይዳ ጌሰቲ ዋጌሢ ታ ቶኣኪና ታና፥ ናንጊና ናንጋ ጎዳኬ።»

ዪሁዳኮ ሞርኮና ማንጊንቲፆ

13 «ሃይሾ ሞርኮኮ ስሎ ዓሳ ሻኣሬጉዲ ሙካኔ፤ ዔያቶኮ ስሎ ሳርጌሎ ስይታ ዓልጎጉዲ ሩኡራያኬ፤ ዔያቶኮ ፓራሢያ ኮኣኬፓ ባሽ ባራናያኬ፤ ኑና ባዴዔ! ኑ ኩዳኔ!»

14 ዬሩሳሌም! ዳቁንታ ኔ ኮዔቴ ፑርቱሞ ቢያ ኔኤኮ ዒናፓ ማሰኪ ባይዜ፤ ሂንዳ ኮሺ ዋይዜ ጎሜ ማለሂ ኔ ዒናፓ ባይቁዎ ዴዓሂ ዎማ ሄለንዳኣናዳይ?

15 ዳኣኔ ዓጮና ዔፕሬኤሜ ጌሚሮናፓ ፑርታ ባኣዚ ከኤዛኒ ዒላታ ዒላቲ ዑኡሲ ዋይዚንታኔ፤ 16 ዪሁዳ ካታሞ ጌሊ ዓርቃኒ ኮዓ ሞርካ ያልዚ ቡላኒ ከኤዚ ከኤዚ ሃኬ ዓጪፓ ሙከዳ ዓኣሂ ዴሮሞ ዔርዙዋቲ! ዬሩሳሌም ዴሮማኣ ከኤዙዋቲ! 17 ዴራ ናንጊና ናንጋ ጎዳሞ ዋይዜ ዒፃሂሮ ጎሺዳ ሌዎ ሃኣኮ ካፓ ዓሲ ጎይሂ ዬሩሳሌም ሞርካ ማንጋንዳኔ፤ ዬያ ጌዔሂ ታና፥ ናንጊና ናንጋ ጎዳኤ።

18 ዪሁዳ! ዬይ ቢያ ኔና ሄሌሂ ኔ ሃንታ ሃንቲያና ኔኤኮ ፑርቱ ማዶ ዛሎናኬ፤ ዬይ ቢያ ጫንጮ ሜታሂ ኔጊዳ ሙኬሂ ኔ ጎሞ ዛሎና ማዔሂሮ ኔ ዑዎ ጌሊ ዒኖ ኔኤኮ ኪፃሴ።

ዔርሚያሴ ዴሮ ዛሎ ያዬሂ

19 ሃያጉዴ ባኣዚ! ታ ዎዎይታንዳይ!

ሃያ ቢያ ሜቶ ታ ዎዲ ጊቢ ዳንዳዓንዳይ!

ቸዓ ታ ሳዜሌ! ታኣኮ ሳዛ ዎዚ ሩኡሪ ዳዓይ?

ዛዬ ዑኡሲና ያልዚ ዑኡሲና ታ ዋይዚ ዋይዚ

ዚቲ ጌይ ጊባኒ ታ ዳንዳዑዋሴ።

20 ባይዛ ደርዓ ቃሲንቲ ቃሲንቲ ጊዳ ከዳኔ፤

ሳዔላ ቢያ ባይቁ ዓሲ ናንጉዎ ካይዚ ማዔኔ፤

ኑኤኮ ዓፒሎና ማዦና ማኣራ ደዒ ባይቁ ጋፔኔ፤

ጎኣሶ ዓፒላኣ ዓኣፒ ጊኢ ጳማጉዴያና ደርዒ ባይቁ።።

21 ያልዚ ባንዲራ ዠጊንታሂ

ያልዚ ዛዬ ዑኡሲያ ዋይዚንታሂ

ዓይዲ ሄለንዳኣና ታ ዋይዚ ዋይዚ ናንጋንዳይ?

22 ናንጊና ናንጋ ጎዳ ሂዚ ጋዓኔ፡-

«ታኣኮ ዴራ ታና ዔሩዎያ፥ ዔኤያ ማዔኔ፤

ጳቂሂ ዔራ ባኣዚ ባኣሂሮ ናይጉዲ ጌሺንታያ ዔያታ ማዔኔ፤

ፑርታ ባኣዚ ማዳኒ ዓሲ ዔሩዎ ጎይሂ ጪንጮኬ፤

ኮሺ ባኣዚ ማዳኒ ጋዓንቲ ፔቲታዎ ዔያታ ዳንዳዑዋሴ።።»

ሙከንዳ ባይሲንቶ ዔርሚያሴም ያኣሲ ፔጋሲ ዳዌሂ

23 ሳዎ ታኣኒ ዛጌኔ፤

ጋዓንቲ ሃይማኬ ጌይ ዔርታ ባኣዚ ባኣያ

ሃሂ ፔቲታዎ ዔኤቢባኣያ ጉሪ ማዒ ዓኣኔ፤

ጫሪንጮዎ ታኣኒ ዛጌኔ፤

ዒኢካ ፖዒ ጋዓ ባኣዚያ ጴዲዎሴ።።

24 ዲኮ ታኣኒ ዛጌኔ፤

ዔያታ ጎጋይቆሢዳኬ፤
 ጌሜሮዋ ታ ዛጌኔ፤
 ካራ ባይዚ ሴካ ሃንጋ ጌይሢዳኬ።

25 ዓሲ ጋዓ ባአዚ ባአሢያ ታ ዴንቆኔ፤
 ካፓ ዒአካፓ ቢያ ባራኒ ዴንዲ ባይቆኔ።

26 ዓአዔ ሳዓ ዳውሌ ቦአሊ ማዒ ላአሚንቴኔ፤
 ናንጊና ናንጋ ጎዳኮ ዴኤፖ ዳጋፓ ዔቆያና
 ካታማ ቢያ ደዒ ባይቆኔ።

27 ሳዔላ ዓሲ ናንጉዋ ዳውሌ ቦአሊ ማዓንዳሢ፤ ጋዓንቴ ጋፒሲ
 ዒ ባይዚንዲዋአሢ ናንጊና ናንጋ ጎዳ ኬኤዜኔ።

28 ሳዓ ዩዩኤካኔ፤
 ጫሪንጫአ ዲሚና ዓአቺንታንዳኔ፤
 ዩያ ናንጊና ናንጋ ጎዳ ጌዔኔ፤
 ዒ ጌዔ ባካ ሺራያቱዋሴ፤
 ዒዚ ጋፒ ጌሰቲ ቱኬኔ፤
 ጊንሢም ዒ ማዓያቱዋሴ።

29 ፓራሢና ዖላ ዓሶንታ ሂኢዦና ዲካ ዓሶንታኮ ካአኖ ዋይዛዖ
 ካታማ ናንጋ ዓሳ ቢያ ጳሽኪ ዦናንዳኔ፤
 ፔቴ ፔቴ ዓሳ ካይዚ ጳሽካንዳኔ፤
 ዛላ ጊንሢ ዴኤፖ ላሎ ሹጮ ጊዓንዳኔ፤
 ፔቴ ፔቴ ካታማ ዓሲ ናንጉዋ ባዔ ቤሲ ማዓንዳኔ፤
 ዒኢካ ናንጋንዳ ዓሲ ዴዲንዲዋሴ።

30 ባይቃኒ ጊኢጌዜ፥ ዩሩሳላሚ! ኔና ባዴዔ!
 ኔኤኒ ዘቆ ማአዓሢ ማይንቴሢ ዓይጎሮዳይ?
 ኔኤኒ ፓልሚንቲ ዓአፖዋ ቲሽኪ ሚዛጲሴሢሢ ዓይጎሮዳይ?
 ኔኤና ኮአማ፥ ኔኤኮ ላጋ ኔና ዒዒ ዋዳኒ ኮዓኔ።

31 ሾይቺ ዓርቁ ላአሊ ዒላታ ዑኡሲጉዴያ ታ ዋይዜኔ፤
 ሾይ ቤቁባአዖ ቤርቲ ናይ ሾዓ ላአሊ
 ዒላታ ዑኡሲጉዴያ ዒላቲ ታ ዋይዜኔ፤
 ዩይ ዑኡዛ ዒሰራዔኤሌኮ ዑኡዛ ቲቂንቴም
 ፔኤኮ ኩጮ ሌካ ዔቂሲ «ባዴዔ ታና! ታ ጋፔኔ!
 ሃይሾ ታና ዔያታ ዋዳኒ ሙኬኔ!» ጌይ ጌይ ዒላታ ዑኡዛኬ።

5

ጉሙርቁንታ ዓሲና ፒዜ ዓሲናኮ ባይሱሞ
 1 ዒሰራዔኤሌ ዴሬዮቲ!
 «ሂንዳ ዩሩሳላሚ ካታሞኮ ጎይዖ ጎይዖ ሃንቲ ዛጉዋቲ!

ፒዜ ዋጌ ዋጋያና ጎኑሞ ኮዓ ዓሲ ፔቲታ? ዒንሢ ዴንቃንዳ?
ሂንዳ ዓሳ ቡካ ጰኦካ ኮዑዋቲ!

ዒንሢ ዴንቄያ ማዔቲ ታኦኒ ዬሩሳላሚ ማኣራንዳ።

2 <ናንጊና ናንጋ ጎዳ ሃይቆ!> ጌይ ዒንሢ ጫኣቃ፤
ጋዓንቲ ዒንሢ ጫኣቃሢ ሉኡዙሞናኬ።»

3 ናንጊና ናንጋ ጎዳሢዮ! ዓኣፓ ኔኤኮ ጎኔ ባኣዚ ዴንቃያቲዋዓዳ?
ኔ ዔያቶ ሃርጌና ጳርቄ፤ ዔያታ ጋዓንቲ ዔኤቢኬ ጌይባኣሴ፤
ኔ ዔያቶ ጋኣጩ፤ ዔያታ ፔ ዳቢንታፓ ዔራሲ ኮዒባኣሴ፤
ዋይዚ ዒዲ ዒኖ ዔያታ ዶዲሼ፤ ጎማፓ ዔያታ ማዓኒ
ዳንዳዒባኣሴ።

4 ዬካፓ ታኦኒ:-
«ዔያቶ ያኦዛሢኮ ዋጎ ዔያታ ዔሪባኣሢር
ናንጊና ናንጋ ጎዳኣ ዓይሢ ጎይፆ ሃንቲዋኣሢር
ሃይ ዓሳ ማንቆ፣ ማሊያ ጰቂሡዋያ፣ ቤልፃከ።»

5 ዓካሪ ታኦኒ ቢቲ ማዒ ዋይሢ ዓሶ ኮይላ ዴንዲ
ዔያቶና ዋላ ጌሰታንዳ፤
ዔያታ ናንጊና ናንጋ ጎዳኮ ጎይፆና ዔያቶ ያኦዛሢኮ ዋጎዋኣ
ዔራያዋይ»

ጌይ ማሌ።።
ጋዓንቲ ዔያታኣ ሃንጎ ዓሶ ማዒ ዴዔ፤
ያኦሲሞ ዓይሢንቶዋ ኮይባኣሴ።

6 ዴራ ያኦሲኮ ዋጎ ዓይሢንቲ ኩንሃ ሚርጌ ዋይ ዒዲ፣ ዳቢ ጎሜ
ማዴ፤
ዬያር ዔያቶኮ ሞርካ ካይዚፓ ኬሰካ ዘቢጉዲ
ሃሢ ደውሌ ያኣዮጉዲ ዔያቶይዳ ሜቶ ሄሊሳንዳ፤
ዔያታ ሞርካ ካታሞ ሙኪ ካቲ
ዬካፓ ኬሰካ ዓሶ ቢያ ማኣኪጉዲ ቡኡጩ ቡኡጩ
ሾኦላንዳ።።

7 ናንጊና ናንጋ ጎዳ ሂዚ ጋዓ።:-
«ታኣኮ ዴራ ታና ሃሺ ሉኡዚ ማዔ ያኦዘ ካኣሽካ፤
ሂዳፆ ታኦኒ ዔያቶኮ ጎሞ ዓቶሞ ጋዓንዳሢ ዓይጎ ዛላዳይ?
ታኦኒ ታ ዴርሞ ኮይጎ ሙኡዚ ቢያ ዒንጊ ሚሼ፤
ዔያታ ጋዓንቲ ዘኣሰካ ኮኦማያ ማዔ፤
ዔያቶኮ ዋርቆ ማኣራ ዘኣዛ ኮኦማ ላኣሎ ማኣር ማዔ።።

8 ማርካ ሙኡዚ ዲቾና ፓርጉዲ ላኣሊ ሱኡኬና ዔያታ ሜታዴ፤
ፔቲ ፔቲሢ ፔኤኮ ላጎ ላኣሎ ዓርቂ ዓማላኒ ኮዓ።።

9 ዬያር ታኦኒ ዔያቶይዳ ሜቶ ዓጋንዳያ ታኣሞ ኮይሱዋዓዳ?
ዬያጉይ ዋይዘ ዒፃ ዴር ታኦኒ ኮሜ ኮፃኒ ዳንዳዒዋዓዳ?

- 10 ታ ዴርኮ ወይኖ ቲቂ ቲቂ ፑርቲሳንዳ ሞርኬ ታኣኒ ዳካንዳኔ፤
ጋዓንቲ ወይኖኮ ፃፆ ቱጊ ታ ባይዚሳዓኬ፤
ካኣፓ ታኣርቱዋኣሢሮ
ቲቂ ዔያታ ኬኤራንዳጉዲ ታ ዓይሣንዳኔ።
- 11 ዒሰራዔኤሌና ዪሁዳና ዴራ ጋፒ ታኣሞ ወይዘ ዒጻኔ፤
ዬያ ጌዔሢ ታና፣ ናንጊና ናንጋ ጎዳኬ።»

ናንጊና ናንጋ ጎዳ ዒሰራዔኤሌ ዴሮ ሃሼሢ

12 ናንጊና ናንጋ ጎዳ ዴራ ዒዛይዳ ሉኡዙሞና ሂዚ ጌይ ጌሰቲሢ
ዓርቄኔ፡- «ናንጊና ናንጋ ጎዳ ኑና ፔቲታፖ ዔኤቢ ዋኦታዓኬ፤ ፑርታ
ባኣዚያ ኑና ሃላዓኬ፤ ፆልዚንታ ናይዚንታ ሙካዓኬ፤ 13 ናንጊና ናንጋ
ጎዳ ዔኤቢ ኬኤዚባኣ፣ ዒዛ ማሊፆ ኬኤዛ ዓሳ ኬኤዛ ባካ ቢያ
ዠባራጉዲታሢሮ ዔያታ ኬኤዜ ባካ ቢያ ዔያቶ ሃላንዳኔ።» 14 ቢያ
ባኮ ወይሣ ጎዳ፡- «ዔርሚያሴ! ዴራ ያዲ ጌዔሢሮ ታኣኮ ቃኣላ ኔ
ዲንጎይዳ ታሚ ማዓንዳኔ፤ ዬካፓ ዴራ ሃንጻሌ ማዓም ዬይ ታማ
ዔያቶ ሙዓንዳኔ» ሂዚ ጌይ ታኣሞ ኬኤዜኔ።

15 ዒሰራዔኤሌ ዴራዮቲ! ናንጊና ናንጋ ጎዳ ዒንሢዳ ሜቶ
ሄሊሳንዳ ዓሲ ሃኬ ዓጨፓ ዔኪ ዬዓንዳኔ፤ ዬይ ዴራ ዲንጎ ዔያቶሲ
ዒንሢ ዔሩዋያ፣ ጌሰታ ጌኤዘዋ ዒንሢ ዔሪ ዔኪንዲዋያ፣ ሚናኣ ዓሲ
ማዔ ዶዲ ዴራኬ። 16 ሂኢዠና ዒንሢ ዲካንዳ ዓሳ ሚጨንቲዋፖ
ዋዋዳ ዶዲ ፆልዚ ዓሲኬ። 17 ዒንሢኮ ሃኣኮንታ ሙፆንታ ቢያ ፒጻ
ሙይ ባይዘንዳኔ፤ ዓቲንቆንታ ዉዲሮ ናኣቶንታ ዒንሢኮ ቢያ ዔያታ
ዋዳንዳኔ፤ ማራቶንታ ባኣቶንታ ቢያ ዒንሢኮ ዔያታ ሹኪ ሙዓንዳኔ፤
ወይኖንታ ቤሌሶ ሚፆንታኮ ዓኣፖ ሙይ ባይዘንዳኔ፤ ዬይ ፆሎ ዓሳ
ዒንሢ ጉሙርቃ፣ ኬኤሎ ዲፆና ዲርቄንቲ ካታሞ ቢያ ዒንሢኮ ሻሃ
ደይሳንዳኔ።

18 ናንጊና ናንጋ ጎዳ ሂዚ ጋዓኔ፡- «ዬይ ቢያ ማዓኣና ዬንሢ
ኬሎንሢዳ ታኣኮ ዴሮ ጋፒሲ ታ ባይዘዓኬ፤ 19 ዔርሚያሴ! ዴራ፡-
ናንጊና ናንጋ ጎዳ ሃያ ቢያ ኑጊዳ ዔኪ ሙኬሢሢ ዓይጎርዳይን
ጌይ ፆኣጫ ዋዶና ታና ዔያታ ሃሺ ፔ ዓጮይዳ ማሌ ፆኣዞ
ካኣሽኬማጉዴያ ዔያታ ፔ ቶኣኪና ዔያቶር ማዒባኣ ዓጨ ዴንዲ
ፃንጎ ዴሬኮ ባይሌ ማዒፃ ዓቲንዲዋኣሢ ዔያቶም ኬኤዜ።»

ናንጊና ናንጋ ጎዳ ዴሮም ላቲ ኬኤዜ ባኮ

- 20 ናንጊና ናንጋ ጎዳ ሂዚ ጋዓኔ፡- «ያይቆኦኬ ዜርፆም ሃያ
ዋይዚሱዋቲ፤ ዪሁዳ ማኣሮማኣ ሂዚ ጌይ ዒላቲ ኬኤዘዋቲ፤
21 ዒንሢ ዓኣፒ ዓኣንቲ ዴንቁዋ ዓሳ፣ ዋይዚ ዓኣንቲ ዋይዘዋ ዓሳ፤

ዒንሢ ዔኤያ፣ ሃሣ ዋይዚ ዒና ዔኩዋ ደራ! ሃያ ዋይዙዋቴ።
 22 ታኣኒ ናንገና ናንጋ ጎዳኬ፤ ሂዳዎ ታና ዒንሢ ዋይታዛ ቦንቹዋይ?
 ታ ቤርታ ዒንሢ ዋይታዛ ዒጊጩ ጎጋይቁዋይ? ማኣሻሎይደና ዋኣፃ
 ሶፒ ደንዳዊጉዲ ናንገና ደኤፖ ባዘኮ ዓጮ ደኔ ማሂ ኮሼሢ ታናኬ፤
 ዬይ ደኤፖ ባዛ ዋዚ ዓጊፃቴያ፣ ባዛ ጉዳሢንታ ዠባሮንታ ዋኣፃ
 ደቼቴያ፣ ጉኡሜቴያ ዬያ ዛጲ ማዒ ዓኣ ማኣሻሎ ደናይደና ሶፒ
 ደንዳኒ ዳንደቡዋሴ። 23 ዒንሢ ጋዓንቴ ዋይዚ ዒፃያ ፑርታ ደሬ
 ማዔሢሮ ታና ዒንሢ ሃሺ ቤቴኔ። 24 ሌዎ ዒሮንታ ሲሎ ዒሮንታ
 ዋደና ዒንሢም ዒንጋሢ፣ ሌዎ ጎሽኮ ዋደዋ ሌዓ ሌዓ ዓኪ ሙካሢ
 ታናኬ፤ ዒንሢ ጋዓንቴ ታና ቦንቹ ዒፃኔ። 25 ዒንሢኮ ዳቢንታ ዓንጀ
 ዒንሢኮ ባይዘኔ፤ ዒንሢኮ ጎሞ ዲቡማ ኮሺ ባኣዚ ደንቁጉዲ
 ዒንሢ ለኣጌኔ።

26 «ታ ደሮ ባኣካ ናንጋ ፑርታ ዓሲ ዓኣኔ፤ ዬና ዓሳ ፒሮና ካፒ ዓርቃ
 ዓሲጉዲኬ፤ ዬያሮ ዔያታ ዓሲ ዓይሢኒ ፒራሢ ሱዞ ገኢጊሺ ካታኔ።
 27 ኬሞ ዓሲ ካፒ ዓርቃዎ ጌሦ ቤሲዳ ቡኩሲ ጌሣሢጉዲ ዔያታ
 ፔኤኮ ማኣሮ ዓሲዳፓ ቡሪ ዔኮ ባኣዚና ኩንሣኔ፤ ዔያታ ደዲ፣ ሃሣ
 ዖርጎቹ ማዔሢ ዬያሮኬ። 28 ዔያታ ጋርካ ቃዚ ሙኡዞና ቡዋጉዲ
 ማሌኔ፤ ዔያታ ማዳ ፑርቶ ማደኮ ሃይማኬ ጌይንታ ባኣዚ ባኣያኬ፤
 ዘኤሮ ናኣቶ ዛሎ ዔያታ ዔቂ ጌሰቴዋሴ፤ ማንቆ ዓሶም ፒኬ ዋጌ
 ዔያታ ዋጉዋሴ።

29 «ዬያሮ ታኣኒ፣ ናንገና ናንጋ ጎዳ ዬያ ባኮ ቢያሢሮ ዔያቶይዳ
 ሜቶ ዓጋንዳያ ታኣም ኮይሱዋዓዳ? ዬያጉደ ደሮ ኮሜ ኮፃፃ ታኣም
 ፒዘቱዋዓዳ? 30 ቡሰካ ጌላያና ዲቃሣያ ማዔ ባኣዚ ሃሮ ሳዖይዳ
 ማዳንቴኔ። 31 «ጾኦሲ ማላሢ ኑ ኬኤዛያኬ» ጋዓ ዓሳ ሉኡዙዋና
 ኬኤዛኔ፤ ቁኤሳ ዬይ፣ ጾኦሲ ማሊዎ ኬኤዛ ዓሳ ዞራ ዞሮና ዋይሣኔ፤
 ደራ ዬያ ባኮ ቢያ ዒፃ ማኩዋሴ፤ ዓካሪ ዬያ ቢያ ባኮኮ ጋፒንፃ
 ሙካኣና ዒንሢ ዓንኮ ጌላንዳይ?»

6

ዬሩሳላሜ ካታሞኮ ሞርኮና ማንገንቴዎ

1 ዔዛታ ቢኢኒያሜ ደራ! ሼሞፖ ዒንሢኮ ዓውሳኒ ጳሽኪ
 ቶሎዋቴ! ዬሩሳላሜፓ ኬሰኩዋቴ! ቴቆዓይዳ ዛዬ ዋርቁዋቴ፤
 ቤትሃካሪሜይዳ ማላታ ማዓንዳጉዲ ታሚ ዔኤሡዋቴ! ዋዲ
 ኩርሳ ዶርዖና ባይሲንታና ዓጮኮ ኬዶ ዛላፓ ሙካኒኬ። 2 ሚዛጲ፤

5:21 5:21 ዓ.ሲ. 6:9-10፤ ሂዚ. 12:2፤ ማር. 8:18። 5:22 5:22 ዓ.ዮ. 38:8-11።

ሃሣ ጋዳይሲንታያ መዔ ደዮኔ ካታሚላ ባይቃንዳኔ። 3 ቆልሞ ናኣታ ፔ ቆልሞና ዋላ ዒኢካ ዳዓንዳኔ፤ ፔኤኮ ዓፒሎና መገዢ ማኦር ካታሚሎኮ ኮይሎይዳ ቢያ ደቃንዳኔ፤ ፔቴ ፔቴሢ ፔ ሹና ጌዔ ቤዛ ቆልሞ ሄንቃንዳኔ። 4 ዒዘኮ ሞርካ ሂዚ ጋዓንዳኔ፡- «ዬሩሳላሚ ኑ ያላኒ ጊኢጎም! ዔቁዋቴ! ዓባሳዛ ጫርጋኣና ኑ ያሎ ቡሎም! ጋዓንቴ ኑ ሃሣ ናጌኔ፤ ማይ ሳዓ ዓማኒ ዑኬኔ፤ ዓባ ጌላኒ ዑኬሢር ሽባ ያደቁ ያደቁ ዳንዳኔ። 5 ያዲ መዔቴያ ጊኢጉዋቴ፤ ዲሞና ኑ ያሊ ካታሚሎ ሻሂ ደይሶም።»

6 ቢያ ባኮ ማገፍ ጎዳሢ ሂዚ ጋዓኔ፡- «መጾ ቲቁዋቴ፤ ዬሩሳላሚ ካታሞኮ ኬኤሎ ዲያይዳና ጊዒ ጌላኒ ዬያ ሚያና ሳና ኮሹዋቴ፤ ዒዘይዳ ጌኔ ማዶ ሚርጌና ማዲንታሢር ፑርታ ሜታ ዒዘይዳ ዓገንታንዳያ ኮይሳኔ፤ 7 ዋኣሢ ዔቴ ዋኣሢ ዓልቁሲ ኬሳሢጉዲ ዬሩሳላሚ ካታማ ፑርታ ባኣዚኮ ቢያ ዓልቃ ቤሲ ማዔኔ፤ ዒዘይዳ ታ ዋይዛሢ ጌኔ ማዶና ቡሪሢና ባኣዚ ሌሊኬ፤ ቢያ ዋዳ ዒዘይዳ ጴዳማ ሃርጌና ከዳሢሢናኬ። 8 ዒንሢ ዬሩሳላሚ ዳራ! ሃይ ቢያ ሜታ ዒንሢም <ዒንሢና ዔሩዋቴ> ጋዓያ ማጾም፤ ሃንጎ ታኣኒ ዒንሢ ታ ዓኣፓፓ ሽኢሻንዳኔ፤ ካታሞ ዒንሢኮ ታኣኒ ዳውሌ ቦኣሊ ማሃ፡ ዒኢካ ናንጋ ዓሲ ባኣያ ማሃንዳኔ።»

ዒሰራዔኤሌኮ ዋይዘ ዒያ

9 ቢያ ባኮ ማገፍ ጎዳሢ ሂዚ ጋዓኔ፡- «ዒሰራዔኤሌይዳ ፒኢጫዲ ዓቴ ዓሶ ዋይኖ ሶያፓ ዓኣፖ ማንጾማጉዲ ማንጾዋቴ፤ ማንጻ ጎይሣ ዴዳዓ ዓሲጉዲ ኩጮ ዒንሢኮ ዒኢካ ካኣፖ ባንሢ ሌይሱዋቴ።»

10 ታኣኒ ዒማና፡- «ታ ዔያቶም ኬኤዜቴያ ላቲ ላቲ ኬኤዜቴያ ያ ዋይዘንዳይ? ዔያታ ፑርታ ደዲ ዓሲታሢር ኔኤኮ ቃኣሎ ዔያታ ዋይዘኒ ኮዒንዲዋሴ፤ ኔ ቃኣሎ ታ ዔያቶም ኬኤዘኣና ዔያታ ሚኢጪ ዓማላንዳኔ፤ ታኣኒ ኬኤዘ ባካ ዔያቶ ዋዘሳዓኬ። 11 ናንጊና ናንጋ ጎዳሢየ! ኔ ዔያቶይዳ ዳጋዴ ዳጋ ታና ዳጋሲ ሳዛ ታኣኮ ዔኤታኔ፤ ፔቴታዮ ዬያ ታ ገባኒ ዳንዳዑዋሴ» ጌዔኔ።

ናንጊና ናንጋ ጎዳ ታኣም፡- «ጎይዎይዳ ዓኣ ናኣቶንታ ቡኪንቲ ዓኣ ዴጌዘንሢንታ ዑፃ ታኣኮ ዳጎ ጮኦሽኬ፤ ዓኒ ማዔቴያ ማቻ፡ ጋርቾ ማዔቴያ ባሽንቴ ጋርቻኣ ታ ዓጋ ማታሢፓ ቶሊ ዓታዓኬ» ጌይ ኬኤዜኔ። 12 ናንጊና ናንጋ ጎዳ ሂዚ ጋዓኔ፡- «ታኣኒ ሃኖ ዓጩሎ ዴርይዳ ሜቶ ዓጋ ዋደና ዔያቶኮ ማኣራ፡ ጎኩንታ ላኣሎንታ ዓቲዋዎ ሚሌ ዓሲም ዒንገንታንዳኔ። 13 ዴኤፖ ዓሶ ማዔቴያ ዳካኬ ጌይንታ ዓሳ ፔቴ ፔቴሢ ዋጌባኣ ጎይሢና ፔኤም ማዓንዳ ባኣዚ ቡኩሳኔ፤ ታ ማሊዮ ኬኤዘ ዓሶንታ ቄኤሶንታ ዓቲውዮ ዴር ጌሻኔ፤ 14 ታኣኮ ዴራ ሜቁሢ ዔያታ ዘጌዮ ኮኣሊዮ ሃሺ፡ ኮሺባኣ ቤሰካ <ኮሺኬ፤

ኮሺኬ» ጋዓኔ። 15 ዬያ ቢያ ሻኦካ ባኮ ማዳያ ዔያታ ቦርሲንቴኖ? ቦርሲንቴፃ ዓታዛ ዓኦፖ ካርታኦ ዳካሮ ዔያታ ሺርሺባኦኔ፤ ዬያሮ ሃንጎ ዓሳ ሎኦሚሢጉዲ ዔያታኦ ሎኦማንዳኔ፤ ታ ዔያቶይዳ ፑርቶ ባኮ ዓጋ ዎዶና ዬማ ዔያቶኮ ዳውሲንቶ ኬሎ ማዓንዳኔ፤ ዬያ ጌዔሢ ታና፣ ናንጊና ናንጋ ጎዳኬ።»

ዒሰራዔኤሌ ዴራ ናንጊና ናንጋ ጎዳ ጎይፃፓ ሃሺ ኬስኬሢ

16 ናንጊና ናንጋ ጎዳ ዴሮም ሂዚ ጋዓኔ፡- «ጎይፃ ዎላ ካኦም ካራ ካራ ዔቂ ዛኑዎቴ፤ ሚናኦ ጎይፃ ማዔዘና ኮሺ ማዔ ጎይፃላ ዎናታቴያ ምጎጪ ዔራዎቴ፤ ዒንሢ ዴንቄ ዎዶና ዒኦና ዓኦዲዎቴ፤ ኮሺ ናንጊ ዒንሢ ናንጋንዳኔ።»

ዴራ ጋዓንቴ «ዬኖ ጎይፃ ኑ ዓኦዳዓኬ!» ጌዔኔ። 17 ዬካፓ ናንጊና ናንጋ ጎዳ ላቲ ኬኤዛኒ ዎርቆ ዛዬ ዎርቃንዳ፣ ካፓ ዓሲ ዒኦካ ዔቂሴኔ፤ ዔያታ ጋዓንቴ «ኑ ዎይዛዓኬ» ጌዔኔ።

18 ዬያሮ ናንጊና ናንጋ ጎዳ ሂዚ ጌዔኔ፡- «ዒንሢ ሃይ ዴራ ዎይዙዎቴ! ታ ዴሮይዳ ማዳንታንዳ ባኮ ኮሺ ዛጊ ዒና ዔኩዎቴ። 19 ሳዔሌ! ዎይዜ! ዔያታ ታኦኒ ዔያቶ ዔርዜ ዴምሶ ዒዲ ማኬሢሮ፤ ሃሢ ጊንሣ ታ ዎጎም ዔያታ ዓይሢንቴባኦሢሮ ዔያቶኮ ፑርቶ ማሊፃ ቢያሮ ጌይ ሜቶ ዔያቶይዳ ዓጋኒ ፑርታ ባኦዚ ታ ዔኪ ዬዓንዳኔ። 20 ሳኦባ ጌይንታ ዓጫፓ ታኦም ዔያታ ዔኪ ሙካ ዐንጃ፤ ሃሢ ጊንሣ ሃኬ ዓጮይዳፓ ዔያታ ታኦም ዔኪ ሙካ ሳውቃ ዴኤሻ ታኦም ዓይጎ ዎኦታንዳያዳይ? ዔያታ ዒንጋ ባኮ ታ ዔካዓኬ፤ ሚቹ ዒንጋ ባካኦ ታና ዎዛሳያቱዎሴ። 21 ዬያሮ ሃያ ዴሮ ዲቂሲ ታኦኒ ሎንሣንዳኔ፤ ዓዶንታ ናኦቶንታ፣ ዎሊኮ ላጎ ማዓ ዓሶንታ ዓሺኖ ማዓ ዓሶንታ ፔቴይዳ ዎላ ሃይቃንዳኔ።»

ዓጮኮ ኬዶ ዛላፓ ሙካኒ ጊኢጋ ያልዚ

22 ናንጊና ናንጋ ጎዳ ሂዚ ጋዓኔ፡- «ኬዶ ዛሎና ዓኦ ዓጫፓ ያሊ ዓርቃንዳ ዓሲ ሙካንዳኔ፤ ሃኬይዳ ዎልቄና ዓኦ ዴራ ያልዚም ጊኢጊንቴኔ፤ 23 ዔያታ ፔኤኮ ሂኢፑ ኩጫ ዔኪ ዓኦኔ፤ ዔያታ ዓሲ ሚጪንቴዎ ዎዎዳያኬ፤ ዔያታ ቶጋ ፓራሢኮ ካኦና ዠባራ ዴቻ ባዘ ዎኦፃጉዲኬ። ሃይሾ ዔያታ ዬራሳላሚ ያላኒ ጊኢጊንቴኔ።»

24 ዬራሳላሚ ዴራ ሂዚ ጋዓኔ፡- «ዬያ ሃይሶ ኑ ዎይዜሢሮ ጎጳ ኑኡኮ ዎኦፃኔ፤ ሾይቹ ዓርቄ ላኦሊጉዲ ካራ ኑም ባይቄኔ፤ 25 ጎዡ ዴንዲፖቴ፤ ጎይፃይዳኦ ሃንቴፖቴ፤ ቢያ ካሮና ሂርጊሻ ባኦዚ ዓኦሢሮ ሞርኮ ዓራፓፓ ዒንሢና ካፑዎቴ።»

6:14 6:14 ሂዚ. 13:10። 6:15 6:15 ዔር. 8:10-12። 6:16 6:16 ማቴ. 11:29።

26 ናንጊና ናንጋ ጎዳ ፔ ዳሮሞ ሂዚ ጋዓኔ፡- «ዒንሢ ሳይዘኒ ሙኩ ሞርካ ዔሩሞንቴ ዒንሢዳ ያልዚ ቡላኒ ጋዓሢሮ ሲዬ ፓቴሌ ማይንቴ ዲቢንሢዳ ኮላዲሞቴ፤ ናሞ ፔቴ ማቴታሞ ሃይቄ ዓሲጉዲ ማቄ ዩኤኩሞቴ፤ 27 ዔርሚያሴ! ዓንጊኮ ጎኔ ዓንጊ ማዔፃ ዲማ ዲማ ጎይሢና ዛጊንቴ ዔርታሢጉዲ ታኣኮ ዳሮ ዩያይዲ ዛጊ ዔያታ ሞዚዲታቴያ ዔሬ፤ 28 ዔያታ ቢያሢ ሞኣና ዓንጊና ማሌ ዓንጎናጉዲ ደዲኬ፤ ዔያታ ታኣሞ ሞይዚያ ሞይዙሞኣያ፡ ፑርታ፡ ጌኔ ማዶ ማዶ ዓሲ ማዔኔ፤ ቢያሢ ደንኮ ሱኡኬና ዓኣያኬ። 29 ዓንጊ ሹኤሻኒ ጊልፓ ሞልቄና ጊልፒንታኔ፤ ፑርቶ ዓሳ ሺኢኪ ሳይቁባኣሢሮ ዩይ ዓንጎ ሹኤሻሢ ጉሪ ላባኔ። 30 ታኣኒ፡ ናንጊና ናንጋ ጎዳ ዔያቶ ከኤሬሢሮ <ኤኤሺ ማዒባኣሢሮ ከኤሪንቴ ቢራ ዓንጊ> ዔያታ ጌይንታንዳኔ።»

7

ዔርሚያሴ ጌኤዮ ማኣራ ከኤዜ ባኮ

1 ናንጊና ናንጋ ጎዳ ዔርሚያሴሞ፡- 2 «ናንጊና ናንጋ ጎዳ ማኣሮ ካራ ዔቄ፡ ሂዚ ጌይ ዳሮሞ ዒላቴ ከኤዜ» ጌዔኔ።

«ጾኣሲ ካኣሻካኒ ሃንሢ ካሮንሢና ጌላ ዩሁዳ ዳራ ቢያሢ ናንጊና ናንጋ ጎዳ ከኤዛ ባኮ ሞይዙሞቴ። 3 ዒሰራዔኤሌ ያኣዛሢ ማዔ ቢያ ባኮ ማጐ ጎዳ ሂዚ ጋዓኔ፡- <ዒንሢ ናንጋ ናንጎና ማዶ ማዶና ጊኢጊሹሞቴ፤ ዒንሢ ዩያይዴቴ ሃይካ ታ ዒንሢ ናንጊሻንዳኔ። 4 ሃይ ናንጊና ናንጋ ጎዳኮ ጌኤዮ ማኣሮኬ! ሃይ ናንጊና ናንጋ ጎዳኮ ጌኤዮ ማኣሮኬ፤ ዩያሮ ኦኡኒ ኮሺ ናንጊ ናንጋኔ!> ጌይ ጌይ ጉሪ ዒንሢ ጌሰታ ጌኤዞና ጉሙርቁንቴ ዳይፖቴ።

5 «ዒንሢ ናንጋ ናንጎንታ ማዶ ማዶንታ ላኣሚ ጊኢጊሹሞቴ፤ ሞላ ሴካና ሃንጋና ኮሺ ማዒ ናሹሞና ሞላ ቴኡቴ ናንጉሞቴ፤ 6 ማሌ ዓጫፓ ሙኩ ዓሰንታ ዜኤሮ ናኣቶንታ ዜኤሮይንደንሢንታኮ ካራ ባይዚ ቡሪ ዔያቶ ሙይ ሺሪፖቴ፤ ሃያ ዓጮይዳ ናንጋ ፒዜ ዓሶ ጌኔ ጎይሢና ሞዲፖቴ፤ ዒንሢ ሳይቁሞጉዲ ሉኡዚ ማዔ ያኣዞ ዘጊ ካኣሻኪፖቴ። 7 ዩያይዲ ናንጎ ዒንሢሲ ዒንሢ ላኣሚ ጊኢጊሹቴ ዒንሢኮ ቤርታኣ ዓደንሢሞ ናንጊና ዔያቶ ዳኔ ማሂታ ዒንጌ ሳያይዳ ታኣኒ ዒንሢ ናንጊሻንዳኔ።

8 «ዛጉሞቴ! ዒንሢ ጉሪ ጌጌሾ ጌኤሲ፡ ሉንሦ ከኤዘንጉባኣ ባኣዚ ጉሙርቃኔ። 9 ዒንሢ ዉዉኤቃኔ፡ ዓሲያ ሞዳኔ፡ ዓኒ ሃሣ ማቾ ማዒባኣያና ላሃኔ፡ ሉኡዙሞና ዒንሢ ጫኣቃኔ፡ ባዓኣሌ ጌይንታ

ጾኑዘሞ ዒንጎ ባኣዚ ዒንሢ ዒንጋኔ፤ ሃያኮ ቤርታ ዒንሢ ዔሩዋ ጾኑሲ ዒንሢ ካኣሽካኔ። 10 ታ ዒፃ ባኮ ዬያ ጉቤ ማዳያ ታ ሱንፃ ካኣሽኪንታ ጌኤዠ ማኣሪ ሙኪ ታ ቤርታ ዒንሢ ዔቁጋፓ፡- ኑ ባይሲንታፓ ቶሌኔ፤። ጋዓኔ። 11 ታኣኮ ሱንፃ ካኣሽኪንታ ጌኤዠ ማኣሪ ዉሲ ዓኣሺንታ ቤሲ ዒንሢ ኮይላ ማሊያ? ዒንሢ ማዳ ባኮ ቢያ ሃይሾ ታኣኒ ታ ቶኣኪና ዛጌኔ፤ 12 ታኣኒ ካኣሽኪንታንዳጉዲ ቤርታዲ ታኣኒ ዶኦሬ ቤዜሎ፥ ሴኤሎ ዴንዲዋቲ፤ ታ ዴሮ፥ ዒሰራዔኤሌ ዓሶ ጎሞሮ ጌይ ታኣኒ ዒኢካ ማዳ ባኮ ዛጉዋቲ። 13 ዒንሢ ሃያ ደቢንቶ ቢያ ማዳያ ለሚ ለሚ ታ ዒንሢም ከኤዜም ዋይዛዓ ዒንሢ ጌዔኔ፤ ታ ዒንሢ ዔኤላዛኣ ዒንሢ ዩሂባኣሴ። 14 ዬያሮ ሴኤሎይዳ ታ ማዳ ባኮ ሃያ ዒንሢ ጉሙርቃ፥ ታኣኮ ጌኤዠ ማኣሮይዳ ታ ማዳንዳኔ፤ ሴኤሎይዳ ታ ማዳማ ጊንሣ ለሚ ዒንሢኮ ቤርታኣ ዓዶንሢንታ ዒንሢንታም ታኣኒ ዒንጌ ቤዛ ማዳንዳኔ። 15 ዒንሢኮ ጌርሲንሢ ማዔ ዔፕሬሪሚ ዴሮ ቢያ ታኣኒ ዳውሲ ባይዜሢጉዲ ዒንሢያ ታኣኒ ታ ቤርታፓ ዳውሲ ባይዛንዳኔ፤ ዬያ ጌዔሢ ታና፥ ናንጊና ናንጋ ጎዳኩ።»

ዴሮኮ ዋይዘ ዒፃ

16 ናንጊና ናንጋ ጎዳ ሂዚ ጋዓኔ፡- «ዔርሚያሴ! ሃያ ዴሮም ሺኢቁፖ፤ ሃያ ዓሶም ሺኢቃኔ ጌይ ዒላቲፖ፤ ታ ኔኤም ቃይሺንቲንዲዋኣሢሮ ኔ ታና ቃይሺ ሺኢቃንዳያ ኮይሱዋሴ፤ 17 ዬያ ሃሺጋፓ ዬሩሳላሜኮ ሃንቶ ጎይያና ዪሁዳ ካታሞናይዳ ዔያታ ማዳ ባኮ ቢያ ኔ ዛጉዋዓዳ? 18 ናኣታ ሃንፃሌ ሃኣካኔ፤ ዓዶንሢ ታሞ ዔኤሢኔ፤ ላኣላ ጊንሣ፡- <ጫሪንጮ ጌኤሾ> ጌይንታ ጾኑዜሎም ካሣ ካሣኒ ዲኢሎ ዲርካኔ፤ ታና ዳጋሳኒ ማሌ ጾኑዘሞ ዔያታ ዋይሮ ዑዠ ዔኪ ሺኢሻኔ። 19 ዬያና ዔያታ ታና ዳጋሳንዳያ ዔያቶም ማላ? ዔያታ ሜቶይዳ ጌላኒ ቦርሲንቲ ፔ ባንሢ ዔኤላኔ፤ 20 ዬያሮ ታኣኒ፥ ቢያ ባኮ ማገፔ ጎዳሢ ዬያ ቤዘይዳ ዶዶ ዳጎ ታኣኮ ታ ጮኣሽካንዳኔ፤ ዓሶንታ ቆልሞንታይዳ፥ ሚያንታ ሃኣኮንታ ቢያሢዳ ታኣኮ ዳጎ ታ ዉዳንዳኔ፤ ታኣኮ ዳጋ ጾኢያ ዋዳኒ ዳንዳዑዋ ታሚጉዲ ማዓንዳኔ።»

21 «ታኣኒ፥ ዒሰራዔኤሌኮ ጾኑዘሢ ማዔ ቢያ ባኮ ማገፔ ጎዳ ሂዚ ጋዓኔ፡- <ዒንሢ ዒንጋኒ ጊኢጊሼ ቤዘይዳ ሚቶ ዒንጋኒና ማሌ ዒንጊያዋ ዒንሢ ዔኪ ሺኢሻሢኮ ዓሽኮ ቡኩሲ ዔኪ ዒንሢሮ ሙውዋቲ።» 22 ታኣኒ ዒንሢኮ ቤርታኣ ዓዶንሢ ጊብፃ ዓጫፓ

7:11 7:11 ማጉ. 21:13፤ ማር. 11:17፤ ሉቃ. 19:46። 7:14 7:14 ዒያ. 18:1፤ ዓይኑ. 78:60፤ ዔር. 26:6። 7:18 7:18 ዔር. 44:7-19።

ዔኪ ከሴ ዎድና ሚቺ ዒንጎ ዒንገሢንታ ሜሌ ዒንጎ ባኮ ዛላኣ ፔቴታዎ ታ ከኤዜ ባኣዚ ባኣሴ፤ 23 ጋዓንቴ ታኣኒ ዔያቶኮ ጾኦሲ ማዓዛ ዔያታ ታኣኮ ዴሬ ማዓኒ ታኣም ዓይሢንታኒ ኮይሳሣ ሌሊ ታ ዔያቶም ከኤዜኔ፤ ቢያ ባኣ ዔያቶም ገኢጋንዳጉዲ ዔያታ ኮዔቴ ታ ዓይሢ ዳምቦ ጎይጾማ ዔያታ ናንጋንዳጉዲ ታ ዔያቶ ዓይሢኔ። 24 ዔያታ ጋዓንቴ ዋይዛኒ ኮይባኣሴ፤ ዔኤቢኬያ ጌይባኣሴ፤ ዔያታ ፔኤኮ ዋይዞ ዒፃ ፑርቶ ዒና ዓይሣ ጎይጾ ኮይሴ ባኣዚ ማዳኔ፤ ቤርቲምቲዋንቴ ዔያታ ገንሢም ዴንዴኔ። 25 ዒንሢኮ ቤርታኣ ዓድንሢ ገብፃፓ ከሰከማፓ ዓርቃዎ ሃይማ ሃላንዳኣና ታኣም ማዳ፣ ታ ማሊዎ ከኤዛ ዓሶ ዎሊ ሃሊሲ ሃሊሲ ታኣኒ ዳኪሢፓ ገንሢም ጌይባኣሴ። 26 ጋዓንቴ ታኣም ዋይዜ ዓሲንታ ዓይሢዎዎ ታኣኮ ዔኤቢኬ ጌዔ ዓሲ ባኣሴ፤ ዔያቶኮ ቤርታኣ ዓድንሢፓ ዑሣ ዓኣዴ ዋይዚ ዒፃ፣ ፑርታ ዓሲ ዔያታ ማዔኔ።

27 «ኔኤኒ ዔርሚያሴ! ሃያ ቢያ ቃኣሎ ታ ዴርም ከኤዛንዳኔ፤ ጋዓንቴ ዔያታ ዋይዛዓኬ፤ ኔ ዔያቶ ዔኤላንዳኔ፣ ዔያታ ኔኤም ዩሃዓኬ። 28 ሃይ ዴራ ታና፣ ናንገና ናንጋ ጎዳ ዔያቶኮ ጾኦሲም ዋይዙዋያ፤ ሃሃ ታ ዔያቶይዳ ዓጌ ሜታሢዳፓ ፒዜ ዳምቤ ዔሬ ዔካኒ ኮዑዎያ ማዔኔ፤ ዬያ ዛሎና ጎኩም ጋፒ ባይቄኔ፤ ዒዞ ዬና ጎኩም ዛላ ጌሰታ ዓሲያኣ ፔቴታዎ ባኣሴ።

29 «ዬሩሳላሜ ዴሬዮቴ!
 ቶኣኮ ዒንሢኮ ሜኤዲ ላኣሊ ዎዩዋቴ፤
 ሚሢ ባቃሊባኣ ጌሜር ቶኣኮ ከሰከ ቃዩዋቴ፤
 ታኣኒ፣ ናንገና ናንጋ ጎዳሢ ሰጋጅኔ፤
 ሃና ዎዶ ዓሶ ታኣኒ ታ ቤርታፓ ዔኪ ዠቤኔ።»

ሃናሜ ዶኦጮይዳ ማዲንቴ ፑርታ ማዶ

30 «ዩሁዳ ዴራ ፑርታ ባኣዚ ማዳኔ፤ ዎዎዳይ ጌዔቴ ታኣኒ ዒፃ ሜሌ ጾኦዞ ጌኤዞ ማኣሪ ዔኪ ጌልዚ ታኣኮ ጌኤዞ ማኣር ዒኢሴኔ። 31 ዓቲንቆንታ ዉዴር ናኣቶንታ ታሚና ሚቺ ዒንጋኒ ሃናሜ ዶኦጮይዳ «ቶፔቴ» ጌይንታ ዒንጎ ቤሲ ዔያታ ገኢጊሼኔ፤ ዬይ ታኣኒ ዔያቶ ዓይሢ ዓቲም ፔቴታዎ ማሊባኣ ባኣዚኬ። 32 ዬያር ዬና ቤዜሎኮ ሱንፃ ቤን-ሃናሜ ዶኦጮ፤ ሃሃ ገንሣ ቶፔቴ ጌይንቴፃ ዓቲም ሹፒ ዶኦቺ ጌይንታንዳ ዎዶ ሙካንዳኔ፤ ሜሌ ዲኡፒ ቤሲ ዳዲንዳዎሢር ዬና ዶኦጮላ ዴርኮ ዲኡፒ ቤሲ ማዓንዳኔ። 33 ዔያቶኮ ሌዛ ካፖንታ ቦዎንታኮ ሙኡዚ ማዓንዳኔ፤ ዬያ ባኮ ሙይዎ ላኣጊ ዳውሳንዳ ባኣዚያ ባኣሴ። 34 ሳዔላ ጉሪ ሳዓ ማዒ ዓታንዳኔ፤ ዬሩሳላሜኮ ዓሳ ሃንታ ጎይጾና ዩሁዳ ካታሞናይዳ

7:31 7:31 ለዊ. ዓክ 18:21፤ 2ካኣቶ. ማ 23:10፤ ዔር. 32:35።

ቢያ ዔፒ ኮሢንታ ዎዛ ዑኡሲያ ፔቴታዎ ዋይዚንቱዋጉዲ ታ ባይዛንዳኔ።»

8

1 «ዔማና ዪሁዳ ዓጮ ካኣቶንታ ዴኤፖ ዴኤፖ ሱኡጎንታ፤ ዬያጉዲ ቁኤሶንታ ታ ማሊያ ኬኤዛ ዓሶንታ ሃንጎ ዬሩሳላሜይዳ ናንጋ ዓሶ ሃይቁሢኮ ማጌፃ ቢያ ዲኡፓፓ ቱጊንቲ ኬሰካንዳኔ። 2 ዬይ ማጌፃ ቡኩሲ ዲዲኡኪንቱዋዎ ላላኣሎ ቡኡራጉዲ ፔጌይዳ ጉሪ ኬኤሪንታንዳኔ፤ ዬይ ማጌፃ፡- ዴራ ካኣሽኪ ካኣሽኪ፤ ሃሣ ዓኤቢ ዔያቶ ኮይላ ጾኦጪ ዡኣቺ ዡኣቺ ናሹሞና ዔያታ ማዴ ዓሶንታ ዓጊኖንታ ዡኣጋሢንታ ቤርታ ላኣሊንቲ ዴዓንዳኔ። 3 ዬያ ፑርቶ ሾይንቶ ማዔ ዓሶይዳፓ ዓቲ ታኣኒ ዜርቂ ዳኬ ቤዛ ናንጋ ዴራ ናንጊሢዳፓ ሃይቢ ዓፃዳንዳኔ» ጋዓኔ፤ ናንጊና ናንጋ ጎዳ ማዔ ቢያ ባኮ ማኸፍ ጎዳሢ።

ጎሚ ዔኪ ሙኬ ማቶ

4 ናንጊና ናንጋ ጎዳ ሂዚ ጌይ ዴሮም ኬኤዛንዳጉዲ ታና ዓይሣኔ፡- «ሎኦሚ ዓሲ ላሚ ዔቃኒ ዳንዳዑዋዓዳ? ጎይሢ ዡኣኤ ዓሲ ጊንሣ ማዑዋዓዳ? 5 ሂዳዎ ታኣኮ ዴራ ታ ባንሢ ማዎ ሃሽ ሴካ ሃኪ ዴይ ዘቲኖ ዒንሢ ጌዔሢ ዓይጎርዳይ? ታ ባንሢ ማዎ ዒዲ ማሌ ጾኦዛ ባንሢ ዒንሢ ሸሬኔ። 6 ዒንሢ ጋዓሢ ዋይዚኒ ታኣኒ ኮሺ ካፔኔ፤ ዒንሢ ጋዓንቲ ጎኔ ጌሰቲባኣሴ፤ ዒንሢ ባኣኮይዳ ፑርቶ ማዴ ዛሎር ጾዬ ዓሲ ፔቴታዎ ባኣሴ፤ ታ ዓይጎ ማዲ ዳቤይ? ጌይ ጾኦጪ ዓሲያኣ ባኣሴ፤ ዒንሢ ፔቴ ፔቴሢ ጾልዚዳ ሩኡሪ ጸሽካ ፓርጉዲ ዒንሢ ካራና ካራና ሌሊ ጸሽካኔ። 7 ቦኣኮ ጌይንታ ካፓታዎ ዔያታ ዴንዴ ቤዛፓ ማዓንዳ ዎዶ ዔዔራኔ፤ ኪሬንታ ቦኮሮንታ ቡራይኖንታ ዎላ ቡኪ ዔያታ ቤቲ ዴንዳንዳ ዎዶዎ ዔራኔ፤ ዒንሢ ሃይ ታ ዴራ ጋዓንቲ ዒንሢ ዓይሢንቲ ዎርቃንዳጉዲ ታኣኒ ዒንጌ ዎጎ ዔሩዋሴ። 8 ሂዳዎ፡- «ኦኡኒ ዔራኬ፤ ናንጊና ናንጋ ጎዳኮ ዎጎ ኦ ዔራኔ» ዎይቲ ዒንሢ ጋዓይ? ዒንሢኮ ዔቦ ፃኣፓኔ ጋዓ ሎኡዛ ዓሳ ዎጎ ታኣኮ ዎቢሴሢ ዒንሢ ዡጉዋዓዳ? 9 ዒንሢኮ ዔር ዓሳ ቦርሲንቲኔ፤ ፓርና ዔያታ ዓዳንቲ ዎኣቶንዶ ካራ ባይዜኔ፤ ዔያታ ታኣኮ ቃኣሎ ሃሽኔ፤ ሂዳዎ ዔያቶኮ ዎዚጉዴ ዔራቶ ዓኣያ ማዓኒ ዳንዳዓይ? 10 ዬያር ዔያቶኮ ጎኸ ማሌ ዓሲ ዎልቁና ዔካንዳኔ፤ ላኣሎ ዔያቶኮ ማሌ ዓሲም ታኣኒ ዒንጋንዳኔ፤ ዔያቶኮ ዴኤፖ ጎዎ ዓሶንታ ዳኮ ዓሶንታ ፔቴ ፔቴ ዓሳ ጌሺሢና ፔኤም ማዓ ባኣዚ ቡኩሳኔ፤ ታ ማሊያ ኬኤዛ

7:34 7:34 ዔር. 16:9፤ 25:10፤ ኖሃ. ጾፔዳ 18:23።

ዓሰንታ ቁኔሶንታ ዳር ሉኡዙሞና ጌሺ ጌሺ ሺራኔ፤ 11 ታኣኮ ዳራ ማቋሚ ዔያታ ዛጌዎ ኮኦሊያ ሃሺ፡ ኮሺባኣ ቤሰካ <ኮሺኬ፤ ኮሺኬ> ጋዓኔ። 12 ታ ዳራዮቴ! ዬያ ዒንሢሢ ቢያ ማዳዖ ዳካርታዎ ቦርሲንቴኖ? ዒንሢሢ ቦርሲንታ ዓታዛ ዓኣፖ ካርታዎ ሺርሺባኣሴ፤ ዬያር ማሌ ዓሳ ሎኦሚሢሢ ዒንሢሢ ሎኦማንዳኔ፤ ታ ዒንሢሢ ዳ ማቶ ዓጋኣና ዬማ ዒንሢሢ ከጋፖ ማዓንዳኔ፤ ዬያ ጌዔሢ ታና፡ ናንጊና ናንጋ ጎዳኬ።

13 «ጎሺ ጎሽካ ዓሲ ፔኤኮ ሃኣኮ ቡኩሳሢሢ ዳታኮ ዳር ታ ቡኩሳሢ ኮዔኔ፤ ዔያታ ጋዓንቴ ሰዮይዳ ካፄ ባኣዚባኣ ዎይኔ፡ ዓኣፖ ዓኣፖ ባኣፖ ቤሌሴ ሚያጉዳ፤ ጊንሢ ሃሢ ዎላዥ ዲኢኒ ቲልቤ ሚሢ ታኣም ማዔኔ፤ ዬያር ታኣኒ ዔያቶም ዒንጌ ሳዔሎ ፃንጎ ዓሲ ዔካንዳኔ።»

14 ናንጊና ናንጋ ጎዳኮ ዳራ ሂዚ ጋዓኔ፡- «ዚቲ ጌይ ኑ ዳዓሢ ዓይጎርዳይ? ናንጊና ናንጋ ጎዳ ማዔ ኑ ያኣዛሢ ኑና ዳንጋ ዓይሢ፤ ዒዛም ኑ ፑርቲ ዳቤሢ ፑርቲ ዶርዖ ማዥ ዎኣሢ ኑና ዒ ዑሼኔ። ሃኒ ዬዑዎቴ! ኬኤሎና ዲርቁንቴ ካታም ኑ ጸሽኪ ዳንዲ ዒኣካ ሃይቆም፤ 15 ኮሹሞ ኑ ዳንቃንዳኔ ጌይ ጉሙርቁ ካፔኔ፡ ጋዓንቴ ኮሺ ባኣዚ ዳዲ ባኣሴ፤ ዶርዓሢ ፓፖ ዓንዳኔ ጌይ ጉሙርቁ ኑ ካፔኔ፡ ጋዓንቴ ሂርገሻ ባኣዚ ዲቤኔ። 16 ኑኡኮ ሞርካ ዳኣኔ ካታም ሙኪ ሄሌኔ፤ ፓራሢ ዔያቶኮ ሲኢ ዶ ዎርቃሢ ዎይዚንታ፤ ዲጩ ፓራሢ ዔያቶኮ ኩኡኪ ያኦላዛ ሳዓ ዓጊፃኔ፤ ኑኡኮ ሞርካ ሙኬሢ ኑና ፔቴታዖ ዓይሱዎዖ ኑኡኮ ዳርንታ ካታምንታ፤ ዒኣካ ዓኣ ባኮዎ ቢያ ባይዚ ኩርሳኒኬ።»

17 ናንጊና ናንጋ ጎዳ ሂዚ ጋዓኔ፡- «ዒንሢሢ ዔራዎቴ! ሃይሾ፡ ማርሾ ማርሻ ዓሳ ማርሻ ቃዛኒ ዳንዳዑዎ ፑርታ ዲማ ዲማ ሾኦሺንታ ጎፖንታ ታኣኒ ዒንሢሢ ባኣኮ ዳካንዳኔ፤ ዬይ ሾኦዥ ዒንሢሢ ዳዓንዳኔ።»

ዔርሚያሴ ዳር ዛሎ ያዪ ጌሰቴ ጌኤዘ

18 ታና ዶዲሻንዳ ባኣዚ ዳዳኑዎ ዳኤሢ ያዪሢ ታና ሄሌኔ፤ ዒና ታኣኮ ኮሺ ያዪኔ።

19 ሂንዳ ዎይዙዎቴ! «ናንጊና ናንጋ ጎዳ ለሚ ፃዮኔይዳ ዳዳዓዳ? ፃዮኔ ካኣታሢ ለሚ ዒኣካ ሙኪ ናንጋዓዳ?» ጌይ ጌይ ታኣኮ ዳራ ሳዔሎይዳ ቢያ ዒላታንቴ ታ ዎይዛኔ። ዔያቶኮ ካኣታሢ ማዔ ጎዳሢ፡-

«ዒንሢሢ ካኣሽካ ባኮ ካኣሽኪያና፤ ሃሢ ዒንሢሢ ማሌ ያኦዙም ዘጊያና

ታና ዒንሣ ደጋሳሣ ዎይታዛዳይ?» ጋዓንዳኔ፤
 20 ዴራ፡- «ሃኣካ ካፃ ሌዓ ጋፔኔ፤ ምፃኣ ኩዳኔ፤
 ኩኩኒ ጋዓንቴ ዳቁባኣሴ!» ጌይ ጌይ ዒላታንዳኔ።

21 ታኣኮ ዴራ ማቋሣሮ ታ ዒናኣ ማቋኔ፤
 ታጊዳ ዒጊቶሞ ጌሌሞ ታ ዩኤካኔ።

22 ጌሌዓዴይዳ ቲሺ ማዓ ዴኤሻ ባኣዓዳ?
 ዒኢካ ዴኤሻ ዔራ ዓሲ ዴዲሞዓዳ?
 ሂዳዎ ዴራ ታኣኮ ፓፀብሣ ዎይቲዳይ?

9

1 ዎደና ታ ደሮ ዛሎ ሮኦሮንታ ዋንቶንታ ታ ዩኤኮሞ
 ታኣኮ ቶኦካ ዎኣሣ ዔቲ ማዔቲ
 ዓኣፓኣ ታኣኮ ዓቢሣ ዓለቃያ ማዔቲ
 ታ ዓይጎ ጋዓንዳይ!

2 ታኣኮ ዴራ ዓሲ ሃሣ ማቶ ማዒባኣያና ላሃያ፤ ሃሣ ጌሻያ ማዔሣሮ
 ዔያቶ ባኣካፓ ዓሲ ናንጉዎ ዳውሌ ታ ዲማዲ ዴንዲ ናንጋንዳ
 ጎይሣ ዓሲ ዎርቃ ማኣሪ ታ ዴንቁቲ ዎዚ ታና ዎዛሳንዳይ!

3 ዔያታ ፔ ዳንጎና ሉኡዙሞ ባኣዚ ጌሰታኒ ጊኢጌያኬ፤
 ዩያሮ ሳዔሎይዳ ጎኑሞ ቤዘ ሉኡዙሞ ካኣታዴኔ።

ናንጊና ናንጋ ጎዳ ሂዚ ጋዓኔ፡-

«ታኣኮ ዴራ ፔቲ ጎሜ ማዳዎ ጊዴና ማሌይዳ ፒንቃኔ፤
 ታኣኒ ያኦሲ ማዔሣ ዔሪ ዔያታ ታና ቦንቲባኣሴ።»

4 ፔቲ ፔቲ ዓሳ ፔ ላጎኮ ጌኖ ዔሪ ፔና ካፖንጎ፤
 ፔኤኮ ጌርሲ ማዔቲያ ዒ ጉሙርቃኒ ኮይሱዋሴ፤

ጌርሲ ጌይንታሣ ቢያ ጌሻያ ማዔኔ፤
 ዒጊኖ ጎዶናሣ ቢያ ፔ ላጋሣኮ ሱንዎ ባይዛኔ።

5 ቢያሣ ፔኤኮ ላጎ ዔኤያሲ ጌሻኔ፤
 ጎኔ ጌሰታ ዓሲያ ባኣሴ፤

ዳንጎ ዔያታ ሉኡዙሞ ጌሰቲሲ ዔርዜኔ፤
 ጎሜ ማዲ ማዲ ዑዎ ዔያታ ፔኤኮ ላቢሳኔ።

6 ጌኔይዳ ጌኔ፡ ጌሺሣዳ ጌሺሣ ዔያታ ቃሲ ቃሲ ዓኣዳኔ፤
 «ታኣኒ ዔያቶኮ ያኦሲ ማዔሣ ዔሪ
 ዔኮ ዔያታ ዒፃኔ» ጋዓኔ ናንጊና ናንጋ ጎዳ።

7 ዬያይዳፓ ዔቄያና ናንጊና ናንጋ ጎዳ ማዔ ቢያ ባኮ ማገዜ ጎዳሢ ሂዚ ጋዓኔ፦

«ዳር ታኣኮ ታ ጌኤሻኒ ዓንገጉዲ ሸኤሻንዳኔ፤
ዴራ ታኣኮ ፑርታ ባኣዚ ማዳሢር
ዬማይዳፓ ማሌ ታ ዔያቶ ዋዋዳንዳይ?»

8 ዳንጋ ዔያቶኮ ቢያ ዋዳ ጌኔ ባኣዚ ጌሰታሢር ፑርታ ሂኢሸጉዲኬ፤

ፔቴ ፔቴሢ ፔኤኮ ላጎና ዋላ ናሹሞ ዑኡሲና ጌሰታኔ፤
ጋዓንቴ ዴሚና ዋሊም ፒር ፒራኔ።

9 ሢዳያ ዬያ ቢያ ባኮር ዔያቶይዳ ታ ማቶ ዓጋኒና ዬያጉዴ ዓሶ ኮሜ ኮፃኒ ታና ኮይሱዋዓዳ?
ዬያ ጌዔሢ ታና፣ ናንጊና ናንጋ ጎዳኬ።»

10 ታኣኒ ሂዚ ጌዔኔ፦

«ቢያሢ ሳዔ ማዔሢር፤ ሃሣ ዒኢካ ሴካ ሃንጋ ሃንታ ዓሲያ ባኣሢር

ዲኮ ዛላ ታና ማሊሻኔ፤ ቦኦሎ ዛሎዋ ታ ዬዬኤካኔ፤

ቆልሞኮ ዑኡሲያ ዒኢካ ዋይዚንቱዋሴ፤

ጫሪንጫ ባራና ካፖንታ ካዮ ቦፆንታ ቢያ ዒኢካፓ ቤቲ ዴንዲ ባይቄኔ።»

11 ናንጊና ናንጋ ጎዳ ሂዚ ጋዓኔ፦

«ዬሩሳላሜ ካታሞይዳ ዓኣ ማኣር ቢያ

ታኣኒ ደዔያ ሌሊ ማሃንዳኔ፤

ዉኡካ ኮኣሚ ሸራ ቤሲ ታ ማሃንዳኔ፤

ዪሁዳ ካታሞ ሃሣ ታኣኒ ያኦኒያ ናንጉዋያ ጉሪ ቤሲ ማሃንዳኔ።»

12 ናንጊና ናንጋ ጎዳ ኮይላ ታኣኒ፦ «ሳዔላ ያኦኒያ ዒኢካ ሃንታኒ ዳንዳዑዋያ ዳውሌ ቦኦሊ፤ ሃሣ ዔፃ ካይዚ ማዔሢ ዓይጎርዳይ? ዬያ ማሊ ጳቂሢ ዔራኒ ዳንዳዓ ዔር ያናዳይ? ማሌ ዓሶም ፔጋሲ ኬኤዚ ዔርዛንዳጉዲ ኔኤኒ ያኦም ፔጋሲ ዳቄይ?» ጌዔኔ።

13 ናንጊና ናንጋ ጎዳ ታኣሞ ሂዚ ጌይ ማሃኔ፦ «ዬይ ቢያ ማዓኒ ዳንዳዔሢ ታኣኮ ዴራ ታ ዔያቶም ዒንጌ ዋጎ ሃሸሢርኬ፤ ዔያታ ታኣሞ ዓይሢንቲባኣሴ፤ ታ ዔያቶም ኬኤዜ ባኮዋ ቢያ ዔያታ ማዲ ኩንሢባኣሴ። 14 ዬያይደንዶሢ ሃሸ ዋይዚ ዒፃ ፑርታ ዓሲ ማዔኔ፤ ዔያቶኮ ዓደንሢ ዔያቶ ዔርዜ ጎይያና ባዓኣሌ ማሊሲ ኮሾና ባኮ ዔያታ ዘጊ ካኣሸኬኔ። 15 ዬያር ታኣኒ፣ ዒሰራዔኤሌ ያኦዛሢ ማዔ

ቢያ ባኮ ማዜ ጎዳ ማዳንዳ ባኮ ታ ዒንሢሞ ኬኤዘም፤ ሃይ ዳራ ሙዓንዳ ሙዖ ጫንቸ፣ ሃሣ ዑሽካንዳ ዋኣዖዋ ፑርቲ ዶርዖ ማዞ ዋኣሢ ታ ማሃንዳ። 16 ዔያቶንታ ዔያቶኮ ቤርታኣ ዒድንሢንታ ዔሩቀያ፣ ሜሌ ዳሬ ባኣካ ታ ዔያቶ ዜርቃንዳ፤ ዔያቶ ጨንቻ ዒራፖና ወዳንዳ ሞርኬ ታኣኒ ዳኪ ወዲ ዔያቶ ባይዛንዳ።»

ዬሩሳላሜ ዳራ ማኣዶ ዳንቃኒ ዒላታ ዒላቶ

17 ቢያ ባኮ ማዜ ጎዳ ሂዚ ጋዔ፡-

«ሂንዳ ዓካሪ ኮሺ ማሉዋቲ፤

ቃዮ ቃያንዳ ላኣሊ ፔቲይዳ ቡኩሱዋቲ፤

ዒይዳዲ ቃያ ላኣሊያ ዔኤሉዋቲ።»

18 ዳራ ሂዚ ጌዔ፡-

«ዓኣፓ ኦኡኮ ዓቢሢና ኩማንዳጉዲ

ጋጋጮ ዑዖና ሊካ ኬዳንዳጉዲ

ቃዩ ኦና ዬውሳ ላኣላ ዑኬና ቃያንዳጉዲ ኬኤዘዋቲ።»

19 ጂዮኔይዳ፡- «ባዴዔ፣ ኦ ኩዴኔ!

ጋፒ ኦ ቦርሲንቲኔ!

ኬኤፃ ኦኡኮ ሻሂንቲሢሮ ዓጮ ኦ ሃሺ ዳንዲናኣኮኬ»

ጌይ ጌይ ዬኤኪንታ ዒላቶ ዑኡዘ ዋይዘዋቲ።

20 ታኣኒያ ሂዚ ጌዔ፡-

«ዒንሢ ሃይ ላኣላ! ናንጊና ናንጋ ጎዳ ጋዓሢ ዋይዘዋቲ፤

ጌይንታ ባኮ ዓርቂ ዔካኒ ጊኣጌያ ማዑዋቲ፤

ዔያታ ዋማይዲ ቃዩ ዬኤካንዳያ ኮይሳቲያ ዒንሢኮ ዉዱሮ ናኣቶም ኬኤዘዋቲ፤

ቃያሢ ቃዮ ጎይዖ ዒንሢ ባጎንሢሞ ኬኤዚ ዔርዘዋቲ።

21 ሃይቢ ኦ ኬኤዖኮ ፑልቶ ካርና ካርና ጌሌ፤

ኦኡኮ ካኣቶ ማኣሮ ማኣሮዋ ጌሌ፤

ናኣቶ ጎይዖይዳ፣ ዴጌ ዓሰዋ ዓሳ ቡካ ጳኦኮይዳ ማኣሳንሢ ጋፔ።

22 ዓሲኮ ሌሲ ፔጌይዳ ላላኣሊንታ ቡኡራጉዲ

ቢያ ቤሰካ ኬኤሪንቲኔ፤

ሃኣኮ ጮኦራ ዓሳ ጮኦራዖ ኬይሲ ሃሺም

ሜሌ ዓሲ ዳንቂ ዚንጉዋ ሃኣኮ ዬይ ማዔ፤

ናንጊና ናንጋ ጎዳ ታና ኬኤዘም ጌዔሢ ዬያኮ።»

23 ናንጊና ናንጋ ጎዳ ሂዚ ጋዔ፡-

«ዔራሢ ፔ ዔራቶና

ደዳሢ ፔ ዋልቆና
 ሾርጎጫሢያ ፔ ቆሎና ሾቶርቆፓ፤
 24 ፔቲ ዓሲ ሾቶርቆንዳያ ኮይሳያ ማዔቲ
 ሳይይዳ ማኣሪሢ ዳካያ፤
 ፒዜ ዋጌ ዋጊሢንታ ጎኑሞ ማድንታ ማዲንቲ ጴዳንዳጉዲ
 ማሃ
 ታና፡ ሾኦሲ ዔሪያና ሾቶርቆንጎ፤
 ታና ዋዛሳሢያ ዬያኬ፤
 ዬያ ጌዔሢ ታና፡ ናንጊና ናንጋ ጎዳኬ።»

25 ናንጊና ናንጋ ጎዳ ሂዚ ጋዓኔ፡- «ሄርሺንቲሮ ዓቲንቶ ቤርቶ ሌሊ
 ቲቁንቲዘንሢያ ማቶ ታ ዓጋንዳ ዋዴ ዬዓንዳኔ፤ 26 ጊብፆ ዓጮ ዓሶ፡
 ዪሁዳ ዓሶ፡ ዔዶኦሚ ዓሶ፡ ዓሞኦኔ ዓሶ፡ ሞዓኦቤንታ ዓሲ ናንጉዋ
 ዳውሎ ኮይላ ናንጋያ ሻውሎና ሚዛቆ ዛሎ ጋንጋሮይዳ ዓኣ ጋፓኖ
 ማኤዳ ዴሮንታ፤ ዬያጉዲ ሃሃ ዒሰራዔኤሌ ዴራኣ ዒኖይዳ ዓኣ
 ፑርቶ ቲቁ ሺኢሺባኣሢሮ ዬያቶ ቢያሢዳ ማቶ ታ ዓጋንዳኔ።»

10

ያኦዘ ጌይ ካኣሽኮ ማሌ ባኮ ዛሎ ሾኦሲ ጌዔ ባኮ

1 ዒሰራዔኤሌ ዴሪዮቲ! ናንጊና ናንጋ ጎዳ ዒንሢሞ ኬኤዛ ባኮ
 ዋይዙዋቲ፤ 2 ናንጊና ናንጋ ጎዳ ሂዚ ጋዓኔ፡-
 «ማሌ ዓሳ ናንጋ ጎይያ ናንጊፖቲ፤
 ፑርታ ባኣዚ ሙካንዳያ ማዒያ ዔያቶም ዔርዛ ባኣዚ
 ጫሪንጫ ጴዳማና ዒጊቹሞና ጎይቁሢና ዔያቶኮ ዳምቤኬ፤
 ዒንሢ ጋዓንቲ ዬያ ዒጊጪ ሴካ ሃንጋ ጌይፖቲ።
 3 ማሌ ዓሶኮ ዔያታ ጉሙርቁ ካኣሽኪ ናንጋ ባካ ጉሪ ባኣዚኬ፤
 ሚሢ ዴኤሊዳፓ ቲቁንታኔ፤
 ዓርሲ ዔራ ሃኣሚ ዛንቃሬና ዑሪ ጊኢጊሻኔ፤
 4 ዬያ ዔያታ ቢራ ዓንጊና ሃሃ ዋርቁና ጳርቁ ሚዛጲሳኔ፤
 ዓጊጹዋጉዲ ሚሰማሪና ጳርቁ ዓይሣኔ።
 5 ዬይ ባካ ቲኢኪንታ ካፒንታ ዬያጉዴ ባኮዋ ዒጊቻኒ
 ጎሺዳ ጌሦ ባኣዚ ጉዴያኬ፤
 ዬይ ባካ ጌሰታኒ ዳንዳዑዋያኬ፤
 ሃንታኒያ ዳንዳዑዋኣሢሮ ዓሲ ኬዲ ዬያ ሃንታኔ፤
 ፑርታ ባኣዚ ሄሊሳኒና ዔኤቢ ማኣዳ ባኣዚ ጴዳሳኒ
 ዬይ ባካ ዳንዳዑዋኣሢሮ ዬያ ባኮ ዒጊጪፖቲ።»

9:24 9:24 1ቆር. 1:31፤ 2ቆር. 10:17።

- 6 ናንጊና ናንጋ ጎዳሢዮ! ኔጉዴያ ጾኔኒያ ባኣሴ፤
ኔኔኒ ጳኤፒኬ፤
ኔኔኮ ሱንፃ ጳኤፒ፣ ሃሃ ዋልቄና ዓኣያኬ።
- 7 ካኣቶኮ ቢያ ኔኔኒ ካኣቲ ማዔሢሮ ኔና ዒጊጩዋይ ያናዳይ?
ዴሮኮ ዔሮ ዓሶንታ ዔያቶኮ ካኣቶንታ ባኣካ
ኔናጉዴያ ባኣሢሮ ቦንቶ ኔኤም ኮይሳኔ።
- 8 ቢያሢ ዔራቶ ባይቂ ዔዔኤያንዳኣፓዓቴም
ሚሢና ዔኤቢ ማሊሲ ኮሾና ባኮፓ ዓይጎ ዔያታ ዔኪ
ዔራንዳይ?
- 9 ዬይ ማሊሲ ኮሾና ባካ ቱርሴሴፓ ዔኪ ሙኮና ቢራ ዓንጊና፤
ሃሃ ዐፓዜ ጌይንታ ቤዛፓ ጴዳ ዋርቄና ጳርቄ ኮሺንቴያኬ፤
ዔሮ ማዔ ሃኣም ዓሳ ዬያ ኮሺያኬ፤
- ዬያጉዲ ዔሮ ዓሶንታ ዶርዘንታ ዲዔ
ዲንኪ ዓፒላና ጋላፒ ሚዛጲ ዓፒላና ዬያ ካንቆና።
- 10 ናንጊና ናንጋ ጎዳሢዮ! ኔኔኒ ጋዓንቴ ጎኔ ጾኣሲኬ፤
ኔኔኒ ባይቁዋ ጾኣሲ፣ ናንጊና ናንጋ ካኣቲኬ፤
ኔኔኒ ጳጋጳ ዋዶና ዓጪ ማዔ ካራና ቢያ ዓጊፃኔ፤
ዓሶኮ ካኣታ ኔ ዳጎ ጎሪንቶ ጊቢ ዶዲ ዔቃኒ ዳንዳዐዋሱ።
- 11 «ሜሌ ጾኦዝ ጫሪንጮና ሳዖና ማገዢባኣያ ማዒያ፤
ሃሃ ኔኔኒ ናንጊና ናንጋ ጎዳሢ ሜሌ ጾኦዝ ጌይንታ ካኣሸኮ
ባኮ
ቢያ ባይዛንዳሢ ዔያቶም ኬኤዜ» ታኣም ኔ ጌዔ።
- ናንጊና ናንጋ ጎዳ ጋላቶና ጋላታ
- 12 ጾኣሲ ፔ ዋልቆና ሳዖ ማገፍ፤
ፔ ዔራቶና ዓጮ ቢያ ማገፍ፤
ዒዛኮ ማሊ ጳቂሢ ዒኖናኣ ጫሪንጮ ጳጊዲ ዒ ዳሪ፤
- 13 ዒዛ ዓይሥሢና ጫሪንጮ ዑፃ ዓኣ ዋኣፃ ዴቸንታ ዑኡሲ
ዋይዚሳኔ፤
ዓጫ ማዔ ካራፓ ዒዚ ሻኣሬ ዔኪ ሙካኔ፤
ዒራ ዋርቃኣና ዜኤሊንሢ ዒዚ ዜኤሊንሢሳኔ፤
ዢባሮ ፔ ኮናፓ ዒ ዳካ።
- 14 ቢያሢ ዔራቶ ባይዚ ዔዔኤዬ፤
ዔያታ ማሊሲ ኮሺ ባካ ሉኡዚ ባኣዚ፣ ሃሃ ሺምፔያ ባኣሢሮ
ዓንጎ ሺኤሺ ዲዓሢ ዒ ማገፍ ጾኦዝ ዛጋዖ ቦርሲንቴ።
- 15 ዬይ ጾኦዝ ማሢ ኮሾና ባካ

10:7 10:7 ዮሃ. ጾፔጳ 15:4።

ዔኤቢ ፓሣ ባአዚ ባአያ ዓማሊ ባአዚኬ፤
ናንጊና ናንጋ ጎዳ ዬያቶ ጾኦዞ ማሂ ኮሽና ባኮይዳ
ማቶ ዓጋኒ ሙኪ ጴዳ ዎድና ዬይ ባካ ባይቃንዳኔ።

16 ያይቆኦቤ ጾኦሲ ጋዓንቴ ዬያቶጉዲቱዋሴ፤
ያይቆኦቤ ጾኦሲ ቢያ ባኮ ማገፍሂኬ።

ዒሰራዔኤሌ ፔ ዴሬ ማዓንዳጉዲ ዒ ዶኦሬኔ፤
ሱንፃ ዒዛኮ ቢያ ባኮ ማገፍ ጎዳኬ።

ሙካኒ ዑኪ ዓአ ዎዛ

17 ዒንሂ ማንጊንቲ ዓአ፣ ዬሩሳላሜ ካታማ ናንጋ ዴራ!
ዒኢካፓ ኬሰካኒ ዒንሂኮ ዓአ ባኮ ዑኬና ቡኩሱዋቴ!

18 ናንጊና ናንጋ ጎዳ ሂዚ ጋዓኔ፡-
«ሃኖ ዓጫ ናንጋ ዓሶ ታኣኒ ኬሲ ዳካንዳኔ፤
ዔያቶኮ ታኣኒ ካራ ባይዚ ዲዒንታንዳጉዲ ማሃንዳኔ።»

19 ዬሩሳላሜ ዴራ ዒላቲ ዒላቲ ሂዚ ጋዓንዳኔ፡-
«ሜቁ ማአሳኒ ኑ ከፃዴሂር ኑና ባዴዔ!
ከፃ ኑኡኮ ፓፃንዳያቱዋሴ፤
ኑ ኮራ ኑኡኒ ሃያ ሜቶ ቢያ ጊቢ ዳንዳዓንዳያ ማሌኔ።

20 ኑኡኮ ዓፒሎና ማኮና ማአራ ሻሂንቴኔ፤
ፃጲ ኑ ቱካ ሱዛኣ ቲቁንቴኔ፤
ናኣታ ኑኡኮ ቢያ ዳውሲንቲ ዴንዲ ባይቄኔ፤
ኑኡኮ ዓፒሎና ማኮ ማአራ ጊንሣ ደቃንዳያና
ጎኦቦ ዓፒሎዋ ሱፃንዳያ ፔቲታዎ ዓቲባኣሴ።»

21 ታኣኒ ማሃዎ ሂዚ ጌዔኔ፡-
«ኑኡኮ ሱኡጋ ዔኤያ ማዔሂር
ማአዶ ዔያታ ናንጊና ናንጋ ጎዳ ኮይላ ጾኦጪባኣሴ፤
ዴራ ኑኡኮ ሎኦማኒ ዳንዳዔሂና ዜርቁንቲ ባይቁ ዓቴሂ
ዬያሮኬ።

22 ዎይዙዋቴ፤ ዓኪ ሃይሴ ኬኤዚንታኔ!
ኬዴና ዛሎ ካኣቲ ዪሁዳ ካታሞ ጉሪ ቦኦሊ ዳውሌ
ጊንሣ ሃሣ ዉኡካ ኮኦሚ ዓማላ ቤሲ ማሃኒ ጳሺዳኬ።»

23 ናንጊና ናንጋ ጎዳሂዮ! ዓሲኮ ሸምፓ ዬያ ዓሂ ኩጫ ማዒባኣሂ
ዒ ናንጋ ናንጎዋ ፔኤሮ ፒዚሲ ዔኪ ዓኣዳኒ ዳንዳዑዋኣሂ ታ
ዔራኔ።

24 ናንጊና ናንጋ ጎዳሂዮ! ኔኤኒ ፒዜ ዎጋያ ማዔሂር ኑና ዘሪ ጎሪ፤
ጋዓንቴ ኑኡኒ ጋፒ ባይቁዎጉዲ ኔኤኒ ዳጋዲ ዓኣንቴ ዬይ
ማፃፓ።

25 ኔኤኮ ዳጎ ኔና ዔሩዋ ዓሶና ኔ ሱንፆ ዔኤሊ ካአሽኩዋ ዴሮይዳ ጮኦሽኬ፤
 ዔያታ ኔኤኮ ዴሮ ኩርሴኔ፤
 ኑና ቢያሢ ዔያታ ጋፒሲ ባይዚ፥ ዓጮ ኑኡኮ ጉሪ ማሂ ሃሽኔ።

11

ፆኦሲ ፔ ዴሮና ዋላ ጮኦቁ ጮኦቁማ ካፒንጉባአሢ

1 ናንጊና ናንጋ ጎዳ ሃካፓ ሊካ ኬኤዚንታ ጎይፆጉዴያና ዔርሚያሴም ዒ ጋዓ ባኮ ኬኤዜኔ፡- 2 «ታኣኒ ታ ዴሮና ጮኦቁ ጮኦቁዋኮ ሃያ ማሊፆ ኮሺ ዋይዚ ዔኪጋፓ ዪሁዳ ዴሮና ዩሩሳላሜይዳ ናንጋ ዓሶናም ኬኤዜ። 3 ሃያ ጮኦቁዋ ዓይሢንቲ ማዲ ኩንሠዋይ ቢያ ጋዳንቁንቲያ ማዖም። 4 ሃያ ጮኦቁዋ ቃኦሎ ገልፖ ዶኦቹጉዴ ዓጮሎ፥ ገብፆይዳፓ ታ ዔያቶ ኬሴ ዋዶና ዒንሢንቲ ቤርታኦ ዓዶንሢንቲ ታ ኬኤዜያኬ፤ ታኦም ዔያታ ዓይሢንታንዳጉዲና ታ ዔያቶም ጋዓ ባኮ ቢያ ዔያታ ማዲ ኩንሢንዳጉዲ ታ ዔያቶም ኬኤዜኔ፤ ዔያታ ታኦም ዓይሢንታያ ማዔቲ ዔያታ ታ ዴሪ ማዓንዳሢና ታኣኒያ ዔያቶኮ ፆኦሲ ማዓንዳሢ ታ ዔያቶም ፔጋሲ ዬያ ጮኦቁዋ ቃኦሎና ዳቄኔ። 5 ዬይ ያዲ ማዔቲ ሃሢ ዔያታ ዓኦ፥ ዔኤዘና ዲኢቆና ኩሜ ማሎ ዓጮሎ ዔያቶኮ ቤርታኦ ዓዶንሢ ታ ዳካልሴ ዋዶና ታ ዔያቶም ኬኤዜ ሃጊ ማዓንዳ ዋዘ ቃኦሎ ታ ማዲ ኩንሢንዳኔ።»

ታኣኒ ዒማና፡- «ዔኤዔ፥ ቃራኬ ናንጊና ናንጋ ጎዳሢያ!» ጌዔኔ።

6 ዬካፓ ሃሢ ታኦም ናንጊና ናንጋ ጎዳ ሂዚ ጌዔኔ፡- «ዪሁዳ ካታዋንታ ዩሩሳላሜ ካታዋ ጎይፆ ጎይፆ ዴንዲ ታኣኮ ጮኦቁዋ ቃኦሎ ዔያታ ዋይዘንዳጉዲና ታኣኮ ዓይሢፆ ዔያታ ማዲ ኩንሢንዳጉዲ ላቲ ዔያቶም ዑኡዘ ኔኤኮ ዴጊዲ ኬኤዜ፤ 7 ዔያቶኮ ቤርታኦ ዓዶንሢ ታኣኒ ገብፆ ዓጮፓ ኬሴ ዋዶና ታኦም ዔያታ ዓይሢንታንዳጉዲ ላኣቲ ላኣቲ ታ ዔያቶም ዶዲሺ ኬኤዜኔ፤ ዴሮም ሃሮ ሄላንዳኣና ሲንሢና ዔሩዋቲ፥ ጌይሢ ታ ሃሺ ቤቀባኣሴ። 8 ጋዓንቲ ዔያታ ታ ጋዓሢ ዋይዘና ዓይሢንታኒያ ኮዒባኣሴ፤ ዬያ ሃሺ ፔቲ ፔቲሢ ቤርታኦከካፓ ባሺ ዋይዚ ዒፃ ፑርታ ዓሲ ማዔኔ፤ ታ ዔያቶና ጮኦቁ ጮኦቁዋ ካፒ ዔያታ ኩንሢንዳጉዲ ታ ዔያቶ ዓይሢኔ፤ ዔያታ ጋዓንቲ ዒፆኔ፤ ዬያሮ ታኣኮ ጮኦቁዋ ቃኦሎይዳ ፆኦሲንቲ ጋዳዋ ታ ዔያቶ ሄሊሳንዳኔ።»

9 ሄሊሳፆ ሃሢ ናንጊና ናንጋ ጎዳ ሂዚ ጌዔኔ፡- «ዪሁዳና ዩሩሳላሜና ዴራ ታኦም ዋይዚ ዒፃኒ ዋላ ዘርቲ ታጊዳ ዓቄኔ፤ 10 ታኣኒ ዔያቶ ዓይሢ ባኮ ኩንሢንቲ ዒፃ፥ ዔያቶኮ ቤርታኦ

ዓደንሢጉዲ ጎሜ ዔያታ ማዳኔ፤ ፃንጎ ማዔ ሜሌ ፆኦዞ ዔያታ ካኣሽካኔ፤ ዒሰራዔኤሌና ዪሁዳ ዳርና ፔቱሞና ዎላ ዔቁ ዔያቶኮ ቤርታኣ ዓደንሢና ዎላ ታ ጩኣቁ ጩኣቁሞ ካፖ ዒፂ ሃሹኔ። 11 ዪያር ሃይሽ ታኣኒ፥ ናንጊና ናንጋ ጎዳ ዔያቶይዳ ባይሰንታ ዔኪ ዪዓኔ፤ ዪያ ባይሰንታፓ ዔያታ ቶላኒ ዳንዳዑዎሴ፤ ታ ዔያቶ ማኣዳንዳጉዲ ዔያታ ዒላቲቲታፆ ታ ዔያቶሞ ዎይዘዓኪ። 12 ዪያር ዪሁዳና ዪሩሳላሜ ዳርና ዒንጎ ባኮ ዔያታ ዒንጎ፥ ሜሌ ፆኦዞ ኮይላ ዳንዲ ማኣዳ ፆኦጪሢ ዒላታንዳኔ፤ ጋዓንቲ ዪይ ባይሰንታ ዔያቶይዳ ሙካኣና ዪይ ፆኦዞ ማኣዳኒ ዳንዳዑዎሴ። 13 ዪሁዳኮ ካታማ ሚርጌሢጉዳያ ካኣሽኮ ፆኦዞ ዳኒ ዒሳኔ፤ ዪሩሳላሜ ካታሞኮ ጎይፆ ሚርጌ ዓኣሢጉዲ ዒሢያ ማዔ፥ ባዓኣሌ ጌይንታ ፆኦዞ ሚንጎ ባኮ ዒንጎ ቤሲ ሚርጌ ዒንሢ ኮሹኔ። 14 ዔርሚያሴ፤ ዔያታ ሜታዳፆ ታ ዎይዘሞ ዒላታኣና ታ ዔያቶሞ ዎይዘንዲዎኣሢር ሃያ ዳር ዘሎ ታና ሺኣቁፖ፤ ዔያቶ ዘሎ ቃይሻያ ማዒ ታኣሞ ዔኤቢ ከኤዚ።»

15 ናንጊና ናንጋ ጎዳ ዪሁዳ ዳርሞ ታ ሂዚ ጌይ ከኤዘንዳጉዲ ጌዔኔ፡- «ዒንሢ ታኣኒ ዒንሢ ናሽካ ዳሬከ፤ ጋዓንቲ ዒንሢ ሃያጉዳ ፑርታ ባኣዚ ማዲ ማዲ ሃያ ታኣኮ ጌኤዢ ማኣር ሙኪ ጴዳንዳያ ኮይሱዎሴ፤ ዒንሢ ታኣሞ ቆለሞ ሹኪ ዒንጎ ዒንጎፆ ባይሰንታፓ ዒንሢ ዓውሳኒ ዳንዳዑዎሴ፤ ዪያር ታኣኮ ጌኤዢ ማኣርይዳ ዪያይዲ ዎዘዳንዳኔ ጌይፆ ሃሹዎቲ። 16 ሚርጌ ዓኣፒ ዓኣፔ ሚዘጲ ዘይቲ ሪሚቲ ሚሢ ጌይ ሱንሢ ታ ዒንሢኮ ጌሢኔ፤ ጋዓንቲ ዳካ ከሊ ጋርካ ጉጉንሢጉዲ ዲዲኡቃንዳ ታሚና ታኣኒ ዪዩ ሚፆሎኮ ካኣፖ ሚቶ ባይዘንዳኔ።

17 «ታኣኒ ቢያ ባኮ ማዢ ጎዳከ፤ ዒንሢ ዪሁዳና ዪሩሳላሜና ዳራ ታኣኒ ዒንሢ ቱከ ሚሢከ፤ ጋዓንቲ ባዓኣሌ ጌይንታ ፆኦዞ ሚንሢ ዒንጎ ባኮ ዒንጎፆና ታና ዳጋሴኔ፤ ዪያር ሃሢ ባይሰንታ ታ ዒንሢዳ ዔኪ ዪዓንዳኔ።»

ዔርሚያሴ ዎዳኒ ማሎና ጌኔ ማላሢ

18 ዒማና ዔያታ ማዳ ባኮ ናንጊና ናንጋ ጎዳ ታኣሞ ፔጋሲ ዳዌሢር ታ ዔያቶኮ ጌኖ ማሊፆ ዔሬኔ። 19 ታኣኒ ሹከንታኒ ዔውቲ ዳንዳ ማራናይጉዲ ማዒ፥ ዔያታ ታኣሞ፡- «ዒዘኮ ሱንፆ ላሚ ከሰኪ ዎይዘንቲዎጉዲ ሚፆሢ ዓኣፖና ዎላ ኑ ቲቁ ባይዘሞ፤ ሽሞፔና ዓኣ ዓሳ ናንጋ ዓጫፓ ኑ ዒዘ ሸኢሾሞ» ጌይ ዎላ ጌኖ ዘርታሢ ናንጊና ናንጋ ጎዳ ታኣሞ ፔጋሳንዳሢኮ ቤርታ ታኣኒ ዔሪባኣሴ።

20 ታኣኒ፡- «ቢያ ባኮ ማዘፍ ጎዳሢዮ! ኔኤኒ ዓሲኮ ዒኔና ጎሲና ዛጊ ዔሪ ፒዜ ዋጊሢ ዋጋያኮ፤ ሃይሾ ታ ማቶ ታ ኔኤም ኬኤዜ፤ ዬያሮ ሃያ ዴሮይዳ ኔኤኒ ዔካ ኮሞ ታና ዛጊሴ» ጌይ ያኦሲ ሺኢቁኔ።

21 «ናገረና ናገጋ ጎዳ ሱንፆና ያኦሲ ማሊያ ኔ ኬኤዜያታቲ ኔ ኔና ዋዳንዳኔ» ጌይ ዔርሚያሴኮ ሹምፖ ባይዛኒ ኮዓ ዓናቶቲ ዓሶ ዛሎ ናገረና ናገጋ ጎዳ ሂዚ ጋዓኔ፡- 22 «ታኣኒ ታ ቶኦኪና ማቶ ዔያቶይዳ ዓጋንዳኔ፤ ዴሃሢ ዔያቶኮ ያልዚዳ ጨንቾ ዓራፖና ኩዳንዳኔ፤ ዓቲንቆና ዉዲሮ ናኣቶና ዔያቶኮ ናይዚና ሃይቂ ጋፓንዳኔ። 23 ዓናቶቲ ዓሶ ባይዛንዳ ባኮ ታ ዔያቶይዳ ዓጋ ዋዳ ሄላኣና ዔያቶይዳፓ ፔቴ ዓሲታዎ ዜርሢ ማዒ ዓታዓኮ።»

12

ናገረና ናገጋ ጎዳ ኮይላ ዔርሚያሴ ያኦጩ ያኦጩሢ

1 ናገረና ናገጋ ጎዳሢዮ! ታኣኒ ኔ ቤርታ ኔና ሞኦቲ ጌሰታሢ ኔኤኒ ፒዜ ማዔሢ ዔሪያኮ፤

ሃሢ ኔኤኒ ፒዜ ዋጋ ዋጊያይዳ ታ ያኦጩ ባኣዚ ዓኣኔ፤
ጎሜ ዓሲኮ ናገጋ ፒዜ ማዒ ዓኣዳሢ ዎይቲዳይ?
ጌሺ ናገጋ ዓሶ ቢያሢኮ ዔባ ቢያ ገኢጋሢ ዎይቲዳይ?

2 ኔኤኒ ዔያቶ ቱኤም ዔያታ ያሲ ዳኮኔ፤

ዑጊ ዓኣፒያ ዓኣፔኔ፤

ዳንጋና ኔና ዔያታ ቦንቻኔ፤

ዒና ጋዓንቲ ዔያቶኮ ኔገዳፓ ሃኬያኮ።

3 ናገረና ናገጋ ጎዳሢዮ! ታና ጋዓንቲ ኔ ዔራኔ፤

ኔ ዛሎ ታ ማላ ማሊያ ኔ ዛጊ ዲማሲ ዴንቃኔ፤
ሃኣቶ ፑርቶ ዓሶ ሹካኒ ዔኪ ዴንዶ ማራይጉዲ ዒሹ፤
ሹኮንዶ ኬሎም ዲማሲ ዔያቶ ዔቂሴ።

4 «ኦ ማዳ ባኮ ቢያ ናገረና ናገጋ ጎዳ ዛጉዋሴ» ጋዓ

ዴርኮ ፑርቱማፓ ዔቂያና ኦኡኮ ሳዓ ሉማዳሢ፤ ገንሃ ሃሢ
ካዮይዳ ዓኣ ማኣታ ማሊ ኩዳሢ ዎማ ሄላንዳኣናዳይ?
ዬያ ዛሎና ካዮ ቦያንታ ካፖንታ ቢያ ጋፒ ዴንዲ ባይቁኔ።

ናገረና ናገጋ ጎዳ ማሂ ኬኤዜ ባኮ

5 ናገረና ናገጋ ጎዳ ሂዚ ጋዓኔ፡-

«ዔርሚያሴ! ቶኪና ሄሌሎ ጳሽካ ዓሶና ዎላ
ጳሽኪያ ኔና ላቢሳያ ማዔቲ
ፓራሢና ዎላ ኔ ዎዲ ሄሌሎ ጳሽካንዳይ?»

ዔኤቢባኣ ፔሳይዳ ጳዦ ባሺገቲ ሎኣማያ ማዔቴ
ዮርዳኖሴ ዎሮ ዓጫ ዓኣ ዳኤሎ ካዮ ባኣካ ኔ ዎዎይታንዳይ?

6 ኔኤኮ ጌርሲገሢገታ ኔኤኮ ዑኩ ዒጊኖገታ ኔና ሃሼኔ፤
ኔና ዔያታ ዒዲ ማኪ ጌሰቴኔ፤
ዬያሮ ኔ ቤርታ ዔያታ ኮሺ ባኣዚ ጌሰቴቴያ ዔያቶ
ጉሙርቂፖ።»

ዳሮኮ ዳቢንታ ናንጊና ናንጋ ጎዳ ያዩሴሢሢ

- 7 ናንጊና ናንጋ ጎዳ ሂዚ ጋዓኔ፦
«ታኣኮ ማኣሮገታ ታ ዴኖገታ ታ ሃሼኔ፤
ታኣኒ ናሽካ፥ ታ ዴሮዎ
ዔያቶኮ ሞርኮሞ ታ ዓኣሢ ዒጎጋንዳኔ።
- 8 ታ ዴራ ታጊዳ ፑርቱሞና ዔቂ ካይዚ ዘቢጉዲ ጉዳኔ፤
ዬያ ማዶ ዔያቶኮ ታ ዒፃኔ።
- 9 ታኣኒ ዶኦሬ፥ ታ ዴራ ቢያ ዘሎና
ዜኤጌ ካቲ ዔቂ ካቲ ማዔኔ፤
ዬያሮ ሜሌ ካዮ ቦዓ ሙኪ ዓሸኮ ዔያቶኮ ሙይ
ዎዛዳጎዳጉዲ ዬያ ቦያ ዔኤሎዎቴ።
- 10 ሜሌ ዳሮ ሱኡጋ ታኣኮ ዎይኖ ጎዦ ፑርቱሲ ባይዜኔ፤
ታ ዴኖ ማዔ ሳዎዎ ሄርቂ ዲርካቼኔ፤
ዎዛሳያ ማዔ ሳዔሎዎ ዓሲ ናንጉዎ ዳውሌ ማሂ ሃሼኔ።
- 11 ዓሲ ናንጉዎ ዳውሌ ማሂ ዔያታ ሃሼሢሢር ታ ቤርታ ጉሪ ሳዓ ማዒ
ዒዛ ዓቴኔ፤
ዓጩላ ካራና ዓሲ ናንጉዎ ዳውሌ ማዒ ጋፔኔ፤
ዒዛ ዔኤቢኬ ጌይ ዛጋ ዓሲ ፔቴታዎ ባኣሴ።
- 12 ዓሲ ናንጉዎ ዳውሌ ማዒ ዓኣ ዱካፓ
ባይዛንዳ ያልዚ ዓሲ ሙካንዳኔ፤
ናንጊና ናንጋ ጎዳ ዳኬ ጩንቻ ዓፓሮ ዓጩሎኮ
ካራፓ ካሮ ሄላንዳኣና ዓሶ ባይዛንዳሢሮ
ኮሺ ናንጊ ናንጋንዳ ዓሲ ፔቴታዎ ባኣሴ።
- 13 ዳራ ታኣኮ ዛርጌ ዜርቃዎ ማርካዲ ዓንገሢ ጮኦሬኔ፤
ማዶና ዔያታ ላባዎ ዔያቶሞ ማዓንዳ ባኣዚ ፔቴታዎ
ዴንቂባኣሴ፤
ታኣኮ ዶዶ ዳጋፓ ዔቂያና ዔያቶኮ ሃኣካ ባይቁሢሮ ዔያታ
ያዩኔ።»

ዩሁዳ ዳሮ

14 ናንጊና ናንጋ ጎዳ ሂዚ ጋዓኔ፡- «ታ ዳሮ ዒሰራዔኤሌም ታ ዒንጌ ዓጩሎ ባይዜ፣ ዒሰራዔኤሌኮ ዓሺኖ ዓጩም ታ ጋዓ ባአዚ ዓአኔ፤ ዩያቶ ፑርቶ ዓሶ ዔያቶኮ ዓጫፓ ዓጫፓ ቱጊ ዔኪ ታ ዓአዳንዳኔ፤ ዩሁዳ ዳሮዋ ዔያቶ ባአካፓ ዋቂ ታ ኬሳንዳኔ። 15 ጋዓንቴ ዔያቶኮ ዓጫፓ ታ ዔያቶ ኬሴሰካፓ ጊንሣ ዔያቶም ታ ሚጨጊቲ ዔያቶ ማአራንዳኔ፤ ፔቴ ፔቴ ዳሮ ፔኤኮ ሳዖና ፔኤኮ ዓጩና ባንሣ ታ ማሂ ዔኪ ዩዓንዳኔ። 16 ታ ዳራ ሃንታ ጎይፆ ጉቤ ዒኔና ዔያታ ሃንታኒ ዔኤዒ ዔያታ ሃያኮ ቤርታ ታአኮ ዳሮ ባዓአሌ ሱንፆና ዔኤሲ ሳላዳሣ ዔርዘማ ጎይፆ ናንጊና ናንጋ ጎዳ ሃይቆ፤ ጌይ ዔያታ ሳላዳያ ማዔቴ ታ ዳሮ ባአካ ታ ዔያቶ ናንጊሻንዳኔ፤ 17 ዔያቶ ባአካ ታአም ዋይዙዋ ዳሬ ዓአቴ ጋዓንቴ ቱጊ ዳቢ ታአኒ ባይዘንዳኔ፤ ዩያ ጌዔሣ ታና፡ ናንጊና ናንጋ ጎዳኬ።»

13

ታልሶ ጎልዚዳፓ ኮሺንቴያ ኬርና ቱኮ ባአዚ

1 ናንጊና ናንጋ ጎዳ ሂዚ ጋዓኔ፡- «ታልሶ ጎልዚፓ ዋጋርጉዲ ኮሸና ኬርና ቱኮ ባኮ ሻንቂ ዔኪ ቱኡቴ፤ ዋአሣና ጋዓንቴ ካንሣፖ።»
 2 ዩያሮ ናንጊና ናንጋ ጎዳ ታና ዓይሣ ጎይፆና ዩኖ ኬርና ቱኡቶ ባኬሎ ሻንቂ ታ ቱኡቴኔ፤ 3 ዩካፓ ጊንሣ ናንጊና ናንጋ ጎዳ ታና፡- 4 «ፔራቴ* ዋር ዴንዲጋፓ ዩኖ ኬርና ቱኡቶ ባኬሎ ላሌኮ ፃሂዳ ጌልዚ ዓአቺ» ጌይ ዓይሣኔ። 5 ዩያሮ ታአኒ ናንጊና ናንጋ ጎዳ ዓይሣ ጎይፆና ዴንዲ ፔራቴ ዋር ዓጫ ዩኖ ኬርና ቱኮ ባኬሎ ዓአቺ።

6 ሚርጌ ዋርቁሰካፓ ናንጊና ናንጋ ጎዳ ታና፡- «ፔራቴ ዋር ጊንሣ ዴንዲ ዩኖ ኬርና ቱኮ ባኬሎ ዔኬ» ጌይ ዓይሣኔ። 7 ታአኒ ዒማና ዴንዲ ዩኖ ኬርና ቱኮ ባኬሎ ዓአቺ ቤዛፓ ዴንቄኔ፤ ዩኖ ኬርና ቱኮ ባኬላ ፑርቲ፡ ማአዳንዳ ባአዚ ባአያ ማዒ ዓአንቴ ታ ዔኬኔ።

8 ዩካፓ ሃሣ ናንጊና ናንጋ ጎዳ ታአም፡- 9 «ዩሁዳኮ ሄርሺንቶና ዩሩሳላሜኮ ዴኤፖ ዖቶርሞ ታአኒ ዩያይዲ ባይዘንዳኔ፤ 10 ዩይ ፑርቶ ማዳ ዳራ ታአም ዋይዘ ዒፃኔ፤ ዒኖ ፔኤኮ ዔያታ ሹቺ ማሂ ደዲሺኔ፤ ሚሌ ያኦዞ ካአሸኪ ዩያቶም ማዳኔ፤ ዩያይዳፓ ዔቆያና ዔያታ ማአዳንዳ ባአዚ ባአያ ማዒ ዓቲ ዩኖ ኬርና ቱኡቶ ባኬሎጉዲ ማዓንዳኔ። 11 ኬርና ቱኮ ባካ ኬርኔይዳ ቱኡቲ ዴዓሣጉዲ ዩሁዳ ዳሮ፣ ሃሣ ዒሰራዔኤሌ ዳሮዋ ታ ኬርና ታአኒ

* 13:4 13:4 ፔራቴ ዩኖ ዋራሎና ዩፕራዒሴ ጌይንታ ዋርና ዔኤሊንታአና ሱንፆ ዋሊ ማላያኬ።

ደዲሺ ቱኬኔ፤ ዬያ ታ ማዳህ ታአኮ ዳሬ ዔያታ ማዓንዳጉዲና ታና ጋላቲ ቦንቻንዳጉዲኬ፤ ዔያታ ጋዓንቴ ታአሞ ዋይዚባአሴ» ጌዔ።

ዋይኖ ዑዠ ዖቶ

12 ዒሰራዔኤሌኮ ያአዛህ ማዔ ናንጊና ናንጋ ጎዳ ታአሞ ሂዚ ጌዔ፡- «ዔርሚያሴ! <ፔቴ ፔቴ ዖታ ዋይኖ ዑዠና ኩማንዳኔ> ጌይ ዒሰራዔኤሌ ዳርሞ ኬኤዜ፤ ዒማና ዔያታ ኔ ኮይላ፡- <ዖቶ ዋይኖ ዑዠ ኩማህ ኦኤኒ ዔሩዋያ ኔኤሞ ማላ?> ጋዓንዳኔ። 13 ዬካፓ ታአኒ፡ ናንጊና ናንጋ ጎዳ ሃኖ ዓጮይዳ ናንጋ ዳር ቢያ ማህንታንዳያ ሄላንዳአና ዋይኖ ዑዠ ዑሺ ኩንህኒ ማሌህ ዔያቶሞ ኬኤዜ፤ ዬኖ ዋይኖ ዳውቴ ካአቱሞ ዖይቶይዳ ዳዓ ካአታ፡ ቄኡሳ፡ ታ ማሊያ ኬኤዛ ዓሶንታ ዬሩሳላሚይዳ ናንጋ ዓሶዋ ቢያ ዋይኖ ዑዠና ታአኒ ማህሳንዳኔ። 14 ዒማና ታአኒ ዓድንህንታ ናአቶንታ ቢያህ ዖቶጉዲ ዋላ ጋአጪሳንዳኔ፤ ታአኒ ዔያቶ ሚጨንቱዋ፡ ቲኢሩዋ፡ ማአሩዋ፡ ባይዛንዳኔ።»

ዳውሲህ ሙካንዳያ ማዒፃ ላቲ ኬኤዚንቴህ

- 15 ናንጊና ናንጋ ጎዳ ኬኤዜህሮ
 ዒንህኮ ዖቶርሞ ሃሺ ዋይዙዋቴ፤
 ዒና ዔኪ ኮሺ ዋይዙዋቴ።
- 16 ሳዖ ዒ ዳሚሽሞ ዳንቆ ባሺንቲ ዒንህ ዳቁንታንዳህኮ ቤርታ
 ዒንህ ሃጊ ማዓንዳ ዎዛ ጌህ ዓአ ፖዖ ዒንህኮ ሻኔ ዳሚ
 ባንህ፤
 ጊንህ ሃህ ዳሞ ጌዔ ሻአሬ ባንህ ዒ ሸርሹዋንቴ ቤርታ
 ናንጊና ናንጋ ጎዳ ማዔ ዒንህኮ ያአዛህ ቦንቹዋቴ።
- 17 ዒንህ ዋይዛዓ ጌዔቴ ጋዓንቴ
 ዒንህኮ ዖቶርሞ ዛሎ ፑኒ ዔቂ ታ ዬኤካንዳኔ፤
 ናንጊና ናንጋ ጎዳኮ ቆልማ ዳዒንቲ ዔውቴህሮ
 ታአኒ ዒኔ ማቂ ዬኤካንዳኔ፤ ዓቢፃአ ታአኮ ጋፑዋያ ማዒ
 ሸአታንዳኔ።

18 ናንጊና ናንጋ ጎዳ ታአሞ፡- «ካአቱሞሮ ቦንቹ ዓሳ ባካ ዔያቶ ቶአካፓ ኬይህሮ ካአቲንታ ዒዛኮ ዒንዳ፡ ጌኤሾንታ ካአቱሞ ዖይታፓ ኬዲ ዳዓንዳጉዲ ኬኤዜ። 19 ዳኦሎ ዛሎይዳ ዓአ ዪሁዳ ካታማ ሞርከና ማንጊንቴህሮ ያኦኒያ ዒኢካ ጌላኒና ዒኢፓ ኬሰካኒ ዳንዳዑዋሴ፤ ዪሁዳ ዳራ ካራና ቢያ ዳዒንቲ ዔውታንዳኔ። 20 ዬሩሳላሚ! ኬይኖ ዛሊና ኔኤኮ ሞርካ ሙኬህ ዛጌ፤ ታ ኔኤሞ ዒንጌ ሚዛጶ ቆልማ ዓካሪ ዎዋይታንዳይ?» ጌዔ።

21 ኔ ላጎ ማሂ ኔ ኩቻ ኔ ማዜ ዓሳ ኔና ዎይሣንዳጉዲ ዲ ዔኪ ሙካያ ማዔኔ፤ ዓካሪ ኔ ዎዚ ጋዓይ? ሾይቸር ባና ላኣለጉዲ ኔ ማዒባኣዓዳ? 22 ዬይ ቢያ ታጊዳ ሄሌሂ ዓይጎ ዛላናዳይ? «ማኣዓሂ ታኣኮ ዳርዚ ዓሳ ታና ዒኢሴሂ ዓይጎርዳይ?» ጌይ ኔ ያኦጩቴ፣ ዬይ ቢያ ኔጊዳ ሄሌሂ ጎማ ኔኤኮ ዑሣ ዓኣዳ ቸርታ ማዔሂርታሂ ዔሬ። 23 ዒቶጲያ ዓሲ ፔኤኮ ማላሂ፣ ማኣኪ ፔኤኮ ቦርጩሞ ላኣማኒ ዳንዳዑቀሴ፤ ዬያጉዲ ዒንሂ ቸርታ ማዳ ማዲ ዔሬሂር ኮሺ ማዳ ማዲሂ ዒንሂም ማዑቀያኬ። 24 ሃሂ ጋዓንቴ ዳውሌ ዠባሬ ሃኣኮ ዲልባጊፂ ዔኪ ዳንዳሂጉዲ ናንጊና ናንጋ ጎዳ ዒንሂ ዜርቃንዳኔ። 25 ዒንሂም ጌይንቴ ባኮማ ዬማታሂ ናንጊና ናንጋ ጎዳ ኬኤዜኔ፤ ዒዛ ዒንሂ ዋሊ ሉኤዚ ማዔ ያኦዞ ዒንሂ ጉፎርቁሂር ዒንሂዳ ዒ ዬያይዳኒ ማሊ ዔቁኔ። 26 ናንጊና ናንጋ ጎዳ ፔኤር ዒንሂኮ ማኣዓሂ ዑፃፓ ጉሲ ካሎ ዒንሂ ዓይሳንዳኔ። 27 ዒዚ ዒፃ ባኣዚ ዒንሂ ማዳሂ ዒ ዳንቁኔ፤ ፔኤኮ ላጋሂኮ ማቸና ላሃኒ ዓፃዳ ዓሲጉዲ፣ ሃሃ ጊንሃ ዒንዳ ፓር ኮዓ ዲቺ ፓር ዓዳጉዲ ዒንሂ ማሌ ዳር ያኦዞ ጊንፃ ዓኣዲ ጌማር ጌማር ቶኣኮንታ ቦኣሎንታይዳ ማዲ ሺሬ ባኮ ዒ ዳንቁኔ። ዬሩሳላማ ዳሬዮቴ፤ ባዳዔ ዒንሂ! ጉቤና ዒንሂ ጌኤሺ ማዓኒ ዳንዳዓሂ ዓይዲናንዳይ?

14

ቁኢጮ ሉማ

- 1 ናንጊና ናንጋ ጎዳ ሃጊ ሙካንዳ ሉማ ዛላ ሂዚ ታኣም ጌዔኔ፦
- 2 «ዪሁዳ ያዩሂዳኬ፤
 ካታማ ዒዛኮ ቢያ ሃይቢር ሳዛ ጋሽኪሂዳኬ፤
 ዴራ ዒዛኮ ያዩሂር ሳያ ሲላላ ዳዒ ዬኤካኔ፤
 ዬሩሳላማያ ናንጊና ናንጋ ጎዳ ባንሂ ዒላቲሂዳኬ።
- 3 ያርጎጮ ዓሳ ዋኣሂ ዳንቃኒ ፔኤኮ ማዳ ዓሶ ኮይሲሂ ዳካንዳኔ፤
 ዬያር ዬይ ማዳ ዓሳ ዋኣያ ዔቶ ዔቶ ቤዞ ዳንዳንዳኔ፤
 ጋዓንቴ ፔቴታያ ዔያታ ዋኣሂ ዳንቁንዳዋኣሂር ጉዞ ጉሪ ኬዲ
 ማኣሪ ሙካንዳኔ፤
 ዎዛ ቲቁ፣ ካራ ዔያታ ባይዛንዳሂር
 ያዪ ፔኤኮ ቶኣኮ ዔያታ ዔኤቢና ካንቁ ዓኣቻንዳኔ።
- 4 ዒርዚ ባይቃንዳሂር ሳዓ ፃኣዲ፣ ፃሃንዳኔ፤
 ጎሽኪ ዎርቃ ዓሳኣ ዎዛ ባይዚ
 ያዩሂና ፔኤኮ ቶኣኮ ዔኤቢና ካንቁ ዓኣቻንዳኔ።

- 5 ማእቲ ጋዓባአዚኮ ዜርሢ ሳይቃንዳሢር
ርኡቶ ሾሾዓያ ናዖ ቦአላ ሃሺ ፔ ጎጲ ባአዚ ኮይሢ ዓአዳንዳኔ።
- 6 ኪርሞሎ ዲባ ዋአዖ ዴኤቦና ማታዳንዳሢር
ጌሜር ቶኦኮ ቶኦኮ ኬሰኪ ዉኡኮጉዲ ሆጊንቲ ሃንታንዳኔ፤
ሙዖንዶ ባአዚ ዔያታ ዴንቂንዲዋአሢር ዛጎ ባሺንታንዳኔ።
- 7 ታ ዴራ ታ ባንሢ ሂዚ ጌይ ዒላታንዳኔ፡-
«ዋዚ ኦኡኮ ዳቢንቶ ሚርጉማ ኦጊዳ ማርካዴያ ማዔቴያ
ናንጊና ናንጋ ጎዳሢዮ! ኔና ኦ ቦንቻንዳጉዲ ኦና ማአዴ፤
ኔጊዳፓ ኦ ሃኬኔ፤ ኔና ኦ ዖዩሴኔ።»
- 8 ዒሰራዔኤሌ ዓሳ ዓውሳንዳኔ ጌይ ጉሙርቃሢ ኔና ሌሊኬ፤
ካራ ኦሞ ሳይቃአና ካር ጌሣሢ ኔናኬ፤
ሂዳዖ ኔኤኒ ኦኡኮ ሳዖይዳ ሾኦቹ፤
ጊንሣ ሃሣ ፔቴ ኬሊ ዋርቃዖ ዴዴንዳዖ
ጎይሢ ዓሰ ማዔሢ ሳይጎርዳዖ?
- 9 ዶዲ ፖኦሊሴታዖ ካራ ባይዜያ፣ ሃሣ ማሌ ዓሰ ማአዳኒ
ዳንዳዒባአ ፖኦሊሴጉዲ ኔ ዓይጋ ማዓይ?
ናንጊና ናንጋ ጎዳሢዮ! ኔኤኒ ኦ ባአካ ዓአኔ፤
ኔ ሱንዖና ኔና ኦ ዔኤላኔ፤
ሃዳራ ኦና ኬኤሪፖ።»

10 ናንጊና ናንጋ ጎዳ ሃያ ዴር ዛሎ ሂዚ ጋዓኔ፡- «ታጊዳፓ ዔያታ ሃኪ ዓአዳኒ ናሽካኔ፤ ፔና ዔያታ ቃዚ ቆላያቱዋሴ፤ ዬያር ታና ዔያቶ ባካ ዋዛሱዋሴ፤ ዔያታ ማዴ ዳቢንቶ ቢያ ማሊ ጸቂሢ ጸቂሢ ዔያቶ ጎሞ ዛሎር ታ ዔያቶይዳ ማቶ ዓጋንዳኔ።»

11 ናንጊና ናንጋ ጎዳ ታአሞ፡- «ሃያ ዴርሞ ኮሺ ባአዚ ማዲንታንዳጉዲ ሺኢቂፖ፤ 12 ዔያታ ሙኡዚ ሃሺ ሺኢቂቲያ ታ ዔያቶም ዋይዛዓኬ፤ ሚቹ ዒንጎ ዒንጊሢታቲያ ሃኦኮ ዒንጊዖዋ ዔያታ ታአሞ ዒንጌቲታዖ ዔያቶ ባካ ታና ዋዛሳዓኬ፤ ታ ዔያቶ ዖልዚና ናይዚና፤ ሃሣ ፑርታ ዶርዖና ኩርሲሳንዳኔ» ጌይ ኬኤዜኔ።

13 ታኦኒ ዓማና፡- «ናንጊና ናንጋ ጎዳ ማዔ ቢያ ባኮ ማዜ ጎዳሢዮ! ኔ ማሊዖ ኬኤዛኔ ጋዓ ማሌ ዓሳ «ዖልዚንታ ናይዚንታ ሙካዓኬ» ጌይ ጌይ ዴርሞ ኬኤዛኔ፤ ዔያታ «ኦኡኮ ሳዖይዳ ባይቁዋዖ ዴዴዓ ኮሹሞ ሌሊ ማዓንዳሢ ኔኤኒ ኬኤዜኔ» ጋዓኔ» ጌኤኔ።

14 ናንጊና ናንጋ ጎዳ ሂዚ ጌይ ማሄኔ፡- «ዬያታ ታ ማሊዖ ኬኤዛኔ ጋዓ ዓሳ ታ ሱንዖና ሉኡዙሞ ባአዚ ኬኤዚሢሢ ዓርቄኔ፤ ታ ዔያቶ ዳኪባአሴ፤ ታ ዔያቶ ዓይሢ ባአዚያ ባአሴ፤ ፔቴ ባአዚታዎ ታ ዔያቶም ኬኤዚባአሴ፤ ዖኦሲ ፔጋሲ ዳቄሞ ኦ ዴንቄኔ ዔያታ ጋዓ

ባካ ቢያ ታጊዳፓ ታ ዳዌያቱዋሴ፤ ዔያታ ሎንሣ ሎንሣ ቢያ ሉኡዙዋ ባኣዚ፣ ፔ ዠዋቶ፣ ማሌ ካኣሽኮ ካኣዠፓ ዔያታ ዔኬያና ፔ ማሊሣፓ ኬሲ ኬኤዛያ ጉሪ ባኣዚኬ። 15 ታኣኒ ዔያቶ ዳኩዋንቴ ፔኤሮ፡- «ኑ ሳፆይዳ ናይዚ ታቴያ ፆልዚ ሙካዓኬ» ጌይ ጌይ ታ ሱንፆና ሎንሣ ኬኤዛ ዬኖ ዓሶ ታኣኒ፣ ናንጊና ናንጋ ጎዳ ፆልዚና፤ ሃሣ ናይዚና ዋዲ ኩርሲ ሳንዳኔ። 16 ዬይ ሎንሣ ኬኤዚንቴ ዳራኣ ቢያ ናይዚና፣ ሃሣ ፆልዚና ኩዳንዳኔ፤ ዔያቶኮ ሌዛ ቢያ ዬሩሳላሜ ካታሞይዳ ጎይፆ ጎይፆ ኬኤሪንቴ ዓታንዳኔ፤ ዔያቶ ዱኡካንዳ ዓሲ ጴዳዓኬ፤ ዬይ ዔያቶኮ ላኣሎይዳ፣ ዓቲንቆ ናኣቶይዳ፤ ሃሣ ዉዱሮ ናኣቶይዳኣ ዓቲዋፆ ቢያሣዳ ማዲንቴ ኩማንዳኔ። ዔያታ ማዴ ዳቢንቶጉዴያ ከይሳ ማቶ ታ ዔያቶይዳ ዳጋንዳኔ።»

17 ዬኖ ዛሎ ዳሮሞ ታኣኒ ሂዚ ጌይ ኬኤዛንዳጉዲ ናንጊና ናንጋ ጎዳ ታና ዓይሣኔ፡-
 «ዳራ ታኣኮ ፑርታ ጎይሢ ማቂ ኪፃዴኔ፤ ጋፒ ማኣሳኔ፤ ዬኖር ዓኣፓፓ ታኣኮ ርኣርንታ ዋንቶንታ ቢያ ዓቢሢ ዋታኔ፤ ሃሺሢባኣያ ታኣኒ ዬኤካኔ።»

18 ካታማፓ ታኣኒ ኬሰካፆ ፆልዚና ሃይቄ ዓሲ ሌሲ ዳንቃኔ፤ ካታሞ ጊንሣ ታ ጌላኣና ናይዚና ሃይቃኒ ሳዛ ጋሽካ ዓሲ ታኣሞ ጴዳኔ፤ ታ ማሊያ ኬኤዛ ዓሶንታ ቄኤሶንታ ፔ ማቶሮ ሌሊ ጳሽካኔ፤ ዔያታ ዋካ ዓኣዳቴያ ዔሩዋሴ።»

ዳራ ፆኦሲ ቃይሽ ቃይዠ
 19 ናንጊና ናንጋ ጎዳሢዮ! ዪሁዳ ጋፒ ኔኤኒ ኬኤራኒዳ?
 ፂዮኔ ዳሮዋ ዒፃፆ ኔ ጋጋፒያ?
 ዳቃኒ ኑ ዳንዳቡዋ ጎይሢ
 ሃያይዲ ኑና ኔ ማኣሳንሣሢ ዓይጎርዳፆ?
 ኮሹሞ ኑ ዳንቃንዳኔ ጌይ ኑ ሃጋኣ ዋዛ ጌሣኔ፣
 ጋዓንቴ ፔቴታፆ ኮሺ ባኣዚ ኑሞ ጴዳባኣሴ፤
 ኑና ፓሣንዳ ባኣዚ ኑ ዳንቃንዳኔ ጌይ ሃጋኣ ዋዛ ኑ ጌሣኔ፣
 ጋዓንቴ ሂርጊሻ ማታ ኩጊዳ ዲቢ ዲቢ ዓኣዳኔ።

20 ናንጊና ናንጋ ጎዳሢዮ! ኑኡኮ ዳቢንቶ ኑ ዔሬኔ፤
 ኑ ዓይንሢ ማዴ ጎማኣ ኑኡሞ ዔርቴኔ፤
 ጎኔና ኔ ቤርታ ጎማ ኑ ማዴኔ።

21 ኔ ኑና ጉሙርሴ ቃኣሎ ኔኤኮ ቢያ ማሊ ጳቂሢጋፓ ኑና ቦሂ ሃሺፒ፤
 ኔኤኮ ዳኤፑማ ፔጋዲ ዔርታ፣ ኔኤኒ ቦንቲንቴ ዴዓ ካኣቱሞ
 ፆይታ ጌሢንታ ዬሩሳላሜ ሞኑሪሲ፤
 ኑኡና ዋላ ኔ ሳላዲ ጫኣቄ ጫኣቄሞ ማሊ ጳቂሢ።»

22 ሜሌ ዳሮ የአዞ ባአካፓ
 ፔቴ የኦሲታፖ ዒርዚ ዋርቁሳኒ ዳንዳዑዋሴ፤
 ጫሪጎጫአ ፔ ሸኔና ዒርዚ የዲሠዋሴ፤
 ናንጊና ናንጋ ጎዳ ማዔ ኦ የኦዛሢዮ!
 ዬያ ቢያ ማዳሢ ኔናታሢሮ
 ኦኡኒ ጉሙርቃሢ ኔናኬ።

15

ዪሁዳ ዳራ ሃይቃንዳፖ ማዒፃ ኬኤዚንቴሢ

1 ዪካፓ ናንጊና ናንጋ ጎዳ ታአም ሂዚ ጌዔ፡- «ሙሴና ሳሙዔኤሌናታፖ ታ ቤርቶ ሸኢኪ ታና ቃይሾቴ ሃያ ዳሮ ታ ማአራባኬ፤ ዬያሮ ታ ቤርታፓ ዔያቶ ሸኢሺ ዳኬ። 2 ሂዳዎ ኦ ዋካ ባአዶንዶፖ? ጌይ ኔና ዔያታ የኦጩቴ፡ ሃያኮ ቤርታ ሂዚ ጌይ ኔ ኬኤዜሢ ዔያቶም ጸቂሢ፤
 ለዎዶንጎ ጌይ ዳኮና ባኮና ሃይቆም ጌይንቴ ባሳ ዬያና ሃይቃንዳ፤
 የልዚና ሃይቆም ጎፖና ባሳአ የልዚና ሃይቃንዳ፤
 ናይዚና ኩዶም ጌይንቴ ባሳ ናይዚና ኩዳንዳ፤
 ዲዒንጎቴ ባሲ ኩቺዳ ጌሊ ቱኡቶም ጎፖና ባሳአ ዲዒንጎቴ ዔውታንዳ።»

3 ታአኒ፡ ናንጊና ናንጋ ጎዳ ዔያቶይዳ የይዶ ፑርታ ባአዚ ሄላንዳጉዲ ማሊ ቱኬ፤ ዬያሮ ዔያታ፡-
 የልዚና ሃይቃንዳ፤
 ሌዞ ዔያቶኮ ካኒ ጎቻንዳ፤
 ካፓ ዔያቶኮ ዬያ ባሽኮ ሙዓንዳ፤
 ዬያፓ ባቴሢ ካዮ ቦዓ ሙዓንዳ።

4 ሂዚቂያሴ ናአዚ፡ ሚናአሴ ዪሁዳይዳ ካአታዴ ዎዶና ዬሩሳላሜይዳ ዒ ማዴ ፑርቶ ባኮ ዛሎሮ ቢያ ዔያቶይዳ ሄሌ ባኮ ዛሎና ባጮ ቢያሢዳ ባአ ባሶኮ ዑሰካ ዬይ ጌላንዳጉዲ ታ ማሃንዳ።»

5 «ናንጊና ናንጋ ጎዳ ሂዚ ጋዓ፡-
 ዬሩሳላሜ ዳሬዮቴ! የዒንሢ ዛሎ ሚጩንጎቴ ማላንዳይ?
 ዒንሢዳ ማዔ ባኮና የኦኒ የዪ ዬኤካንዳይ?
 ዳካሮታዎ ዔቂ ዬያ ማዔ ባኮ ዛሎ የኦጩንዳይያአ የና ናንዳይ?

15:1 15:1 ኬሲ. ማፃ 32:11-14፤ ፓይ. ማፃ 14:13-19፤ 1ሳሙ. 7:5-9። 15:2 15:2 ዮሃ. የፔዳ 13:10። 15:4 15:4 2ካአቶ. ማ 21:1-16፤ 2ዖሲ. ባሃኬ 33:1-9።

- 6 ዒንሢ ታና ሃሺያአዋይ፤
 ገንሢም ዒንሢ ማዕያዋይ፤
 ሃይካፓ ሴካ ታ ዒንሢም ዓቶም ጌይ ማአራዓኬ፤
 ታ ኩጮ ዳኪ ታ ዒንሢ ጋአጫንዳኔ።
- 7 ሃአኮ ዲልባ ዢባሪይዳ ዴንዳሢጉዲ
 ሳዔሎይዳ ዓአ ካታሞ ቢያ ታ ዒንሢ ዜርቄኔ፤
 ፑርቶ ማዶ ሃሺ ዒንሢ ማዓኒ ዳንዳዒባአሢር
 ዒንሢ፥ ታአኮ ዴር ታ ኩርሴኔ፤
 ላአሎኮ ሸይፆ ታአኒ ባይዜኔ።
- 8 ዒንሢ ሳይይዳ ዓአ ዓኒንሢ ሃይቄ ላአሎኮ ሚርጉማ
 ባዘ ማአሻሎፓ ባሻያ ማዓንዳኔ፤
 ዓባ ሳዘ ማዒ ዲኡቃአና ዴጌ ማዔ ዓሶ ዋዴባአያ ታ ዋዳንዳኔ፤
 ዒንድንሢ ዬያ ዘሎና ሚርጌ ሜቶይዳ ኬዳንዳኔ፤
 ዔያቶይዳ ሂርገሻ ባአዚና ማሊ ሜታዲሢያ ታ ዳካንዳኔ።
- 9 ላንካይ ናይ ሾዔ ዒንዴላ
 ዴኤፒ ዋዘ ተቁሢና ዑኡሲ ዔካኒ ባሺንቲ ሜታዲሢዳኔ፤
 ሮኦር ፖዓ ዒዘም ዳሚ ማዒ ዴዔኔ፤
 ሞኦሪንቲሢና ቦርሲንቲና ዒዘም ማዔኔ፤
 ሃጊ ሃይቄባአፆ ሹምፔና ዓአዘንሢያ
 ዔያቶኮ ሞርኮና ታ ዋዲሻንዳኔ፤
 ዬያ ጌዔሢ ታና፥ ናንጊና ናንጋ ጎዳኬ።»

ዔርሚያሴ ዒዘ ያዩሴ ባኮ ጎዳም ፔጋሲ ኬኤዜሢ

10 ታ ዒንዴ፥ ታና ባዴዔ! ታና ኔ ዓይጋ ሸዔይ? ሃኖ ዓጮ ዴር ቢያሢና ዋላ ማርሚ ዣሊሢ ታአም ዒንገንቲ ባአዚ ማዔኔ፤ ታአኒ ሚኢሹ ያኦማአ ታልዒባአሴ፥ ሃሃ ያ ኮይላፓአ ታአኒ ታልዒ ዔኪባአሴ፤ ጋዓንቲ ዓሲ ታና ቢያ ጋዳንቃ።

11 ዬካፓ ናንጊና ናንጋ ጎዳ ሂዚ ጌዔኔ፡- «ጎኔና ኮሺ ማሊሢር ታ ኔና ዓውሳንዳኔ፤ ሜቶና ካራ ባይዘ ባአዚና ሄሌ ዋዶና ሞርካ ቶላኒ ኔና ሺኢቃንዳጉዲ ታ ማሃንዳኔ። 12 ዪሁዳ ዴሬዮቲ! ሞኦና ዓንጊና ዋላ ካንሢ ዲያና ዓንጊ ሜንሢኒ ዒንሢ ዴንዳዒዋአሢጉዲ ዓጮኮ ኬዴፍ ዘላፓ ሞርካ ዒንሢ ያላኒ ጊኢጌሢ ዒንሢ ቃዘኒ ዳንዳዒዋሴ።»

13 ናንጊና ናንጋ ጎዳ ታአም ሂዚ ጌዔኔ፡- «ዓጮሎይዳ ጉቤ ዒንሢ ማዴ ጎሞ ዘሎና ዒንሢኮ ዓአ ቆሎና ዓአ ባኮና ሜሌ ዒንሢም ዒንጎ ማዴባአንቲ ሞርኮም ታ ዔኪ ዒንጋንዳኔ። 14 ታአኮ ዲጋ ሃይቃኒ ዳንዳዒዋ ታሚጉዲኬ። ዬያር ሜሌ ፃንጎ ዓጪዳ ዒንሢ ሞርኮኮ ታ ዒንሢ ዓይሌ ማሃንዳኔ።»

15 ታ ዒማና ሂዚ ጌዔኔ፡- «ናንገና ናንጋ ጎዳሢየ! ኔኤኒ ቢያ ባኣዚ ዔራኔ፤ ሃዳራ ታና ማሊ ጳቆሢ፤ ታና ማኣዳ፤ ታና ዳውሳ ዓሶ ኮሚ ኮፃ፤ ኔኤኒ ሚርጌና ገቢ ዳንዳዒያ ማዒያና ታና ሞርካ ባይዛንዳጉዲ ሃሺፖ፤ ሃይ ጫዛ ታና ሄሌሢ ኔ ዛላናኬ። 16 ናንገና ናንጋ ጎዳ ማዔ ቢያ ባኮ ማዜ ያኣዛሢየ! ታኣኒ ኔ ሱንያና ዔኤሊንቴኔ፤ ኔ ከኤዜ ቃኣላ ሙኪ ታና ሄሌ ዎዶና ጉቤ ዒናፓ ታ ዔኤዒ ዔከኔ፤ ታ ዒኖና ታኣኒ ሚርጌና ዎዛዳ። 17 ዎዛዲ ኮኣሚ ሺራ ዓሶና ዎላ ታ ዒገንቴባኣሴ፤ ዔያቶና ዎላ ታኣኒ ዎዛዲባኣሴ፤ ኔኤኮ ዳጋ ታገዳታሢሮ ታኣሮ ሌሊ ታ ዳዔኔ። 18 ሃርጋ ታኣኮ ፖውዎኣሢ፤ ገንሣ ሃሣ ኪፃኣ ታኣኮ ፓዲ ዳቆዎኣሢ ዒይጎሮዳይ? ያጎሢና ሚሚጫ ዎርዘጉዲ ሃገ ማዓ ዎዛ ኔ ታኣኮ ባይዜንቴሞ?»

19 ናንገና ናንጋ ጎዳ ታኣሞ ሂዚ ጌይ ማሂኔ፡- «ታ ባንሢ ኔኤኒ ጎሞ ኔኤኮ ቡኡዲ ማዔቴ፤ ታ ኔና ታ ዓሲ ማሂ ዔካንዳኔ፤ ለሚ ሃሣ ኔኤኒ ታኣሞ ማዳያ ማዓንዳኔ፤ ጉሪ ማዔ ባኣዚ ከኤዚ ሃንቴያ ሃሺ ዓኣፒ ባኣዚ ማዔ ኪኢታ ኔ ከኤዛያ ማዔቴ፤ ገንሣ ሃሣ ኔኤኒ ታ ማሊሢ ከኤዛ ዓሲ ማዓንዳኔ፤ ዳራ ኔ ባንሢ ሙካንዳኔ፤ ኔኤኒ ዔያቶ ባንሢ ዓኣዳዓኬ። 20 ዔያቶ ኔ ቃዛኒ ዳንዳዒያጉዲ ሞኣና ዓንገና ዲርቆና ዲሢጉዲ ታ ኔና ደዲሻንዳኔ፤ ኔና ማኣዳኒና ዓውሳኒ ታ ኔኤና ዎላ ዓኣሢሮ ፑርታ ባኣዚ ኔገዳ ዔያታ ማዳቴያ ኔና ዔያታ ባሻዓኬ። 21 ፑርቶ ዓሶፓ ታ ኔና ዓውሳንዳኔ፤ ዓሲሞ ሚጫንቴሞ ጌና ዓሶፓ ታ ኔና ቶሊሳንዳኔ፤ ዔያ ጌዔሢ ታና፡ ናንገና ናንጋ ጎዳኬ።»

16

ዔርሚያሴኮ ናንጋ ዪሁዳ ዓሶሞ ማላታ ማዔሢ

1 ናንገና ናንጋ ጎዳ ገንሣ ሃሣ ታኣሞ ሂዚ ጌዔኔ፡- 2 «ሃይካ ኔ ዓኣ ቤዛ ዓኣዎ ላኣሊ ዔኪፖ፤ ናይያኣ ሾይፖ፤ 3 ሃኖ ቤዛ ሾይንታ ናኣቶና ዔያቶ ሾዓ ዓድንሢናይዳ ታኣኒ ሄሊሳንዳ ባኮ ታ ኔኤሞ ከኤዛንዳኔ፤ 4 ዓሲኮ ዑሰካ ጌላ ፑርታ ዶርያና ቢያሢ ሃይቃንዳኔ፤ ዔያቶ ዔኤካንዳ ዓሲንታ ዲኡካንዳ ዓሲያ ጴዳዓኬ፤ ዔያቶኮ ሌዛ ቡኡራጉዲ ቡኣሊዳ ጉሪ ኩሊንታንዳኔ፤ ያለዚና፡ ሃሣ ናይዚና ዔያታ ኩዳንዳኔ፤ ዔያቶኮ ሌዛ ጫሪንጫ ባራና ካፖንታ ካዮ ቦያንታኮ ሙኡዚ ማዓንዳኔ።

5 «ዔኤፒ ዓኣ ማኣሪ ጌሊፖ፤ ዓይጎ ዓሲ ሃይቆቴያ ያኦቹ ዳንዲ ካዒፖ፤ ሃይካፓ ሴካ ታኣኮ ዳሮ ታኣኒ ኮሺና ዓንጃዓኬ፤ ናንገና ናንጋ ናሹሞንታ ማኣሪሢያ ታ ዔያቶሞ ፔጋሲ ዳዎዓኬ፤ 6 ሃኖ ዓጮይዳ ዓኣ ያርጎጮንታ ማንቆንታ ቢያ ሃይቃንዳኔ፤ ዔኤኪ ዔያቶ ዲኡካንዳ ዓሲያ ዔያታ ዳንቃዓኬ፤ ዔያቶ ዛሎ ያዪ ዓኣፖ ካር

ፔኤኮ ቡኡጫንዳያና ቶኦኮ ፔኤኮ ጉኡላንዳ ዓሲ ባኣያ ማዓንዳኔ።
7 ጊረና ሃይቄሢ ደዲሻኒ ሾቺ ዔኪ ዓኣዲ ዋላ ሙዓንዳ ዓሲና
ዑሽካንዳ ዓሲያ ባኣሴ፤ ሜሌ ዓታዛ ሲንደንታ ዓደንታ ሃይቄ ዓሲ
ሙኪ ደዲሻንዳ ዓሲ ጴዳዓኬ።

8 «ዓሲ ዋላ ሙኡዚ ሙይ ዋዛዳ ማኣሪ ጌሊፖ፤ ሙዓኒና
ዑሽካኒ ዔያቶና ዋላ ዳይፖ። 9 ታኣኒ፥ ዒሰራዔኤሌ ጾኦዛሢ ማዔ
ቢያ ባኮ ማዜ ጎዳ ጋዓሢ ዋይዜ፤ ኔኤኒ ሃሢ ዓኣ ዋደይዳ ዋዛንታ
ዔፔንታ ኮሢንታኮ ዑኡሲ ዋይዚንቱዋጉዲ ታ ማሃንዳኔ።

10 «ዬያ ቢያ ኔ ዔያቶም ኬኤዛ ዋደና ዔያታ፡- ሩንገና ሩንጋ
ጎዳ ኑጊዳ ዬያጉዳ ዴኤሢ ባይሰንታ ዓይጎሮ ዓጌይ? ኑ ዓይጎ
ዳቤይ? ሩንገና ሩንጋ ጎዳ ማዔ ኑ ጾኦዛሢ ቤርታ ኑ ማዳ ጎማ
ዓይጎዳይ? ጌይ ኔና ጾኦጫንዳኔ። 11 ዒማና ሩንገና ሩንጋ ጎዳ ሂዚ
ጋዓኔ ጌይ ዔያቶም ኬኤዜ፡- ሲንሢኮ ቤርታኣ ዓደንሢ ታጊዳፓ
ዲማዲ ሉኡዚ ማዔ ሜሌ ጾኦዛ ካኣሽኪ ዬያቶም ማዳኔ፤ ታና
ዔያታ ሃሺኔ፤ ታኣኮ ዋጎዋ ዔያታ ካፒ ኩንሢባኣሴ። 12 ዒንሢ
ሃሢ ዒንሢኮ ዓደንሢፓ ባሽ ፑርታ ባኣዚ ማዳኔ፤ ዒንሢ ቢያሢ
ዋይዚ ዒንሢ ፑርታ ዓሲ ማዔኔ፤ ታኣማኣ ዒንሢ ዓይሢንቱዋሴ።
13 ዬያሮ ሃሮ ዓጮፓ ታ ዒንሢ ኬሴ፥ ዒንሢንታ ዒንሢኮ ቤርታኣ
ዓደንሢንታ ዔሩዋ ዓጪዳ ዢባንዳኔ፤ ዒኣኣ ዒንሢ ሉኡዚ ማዔ
ጾኦዛ ሮኡርንታ ዋንቶንታ ቢያ ካኣሽካንዳኔ፤ ፔቲታፖ ታ ዒንሢሞ
ዓቶንጎ ጌይ ማኣራዓኬ።»

ዒሰራዔኤሌ ዳሮኮ ደዒንታፓ ማዒፖ

14 ሩንገና ሩንጋ ጎዳ ሂዚ ጋዓኔ፡- «ዒሰራዔኤሌ ዳሮ ጌብፆፓ
ዔኪ ኬሴ፥ ባይቄዋ ጾኦዛሢ ሃይቆ!» ጌይ ዔያታ ጌፒንዲዋ ዋዳ
ሙካንዳኔ፤ 15 ዬያ ጎፖ ዔያታ ሃሺ፡- «ዒሰራዔኤሌ ዳሮ ኬይ ዓጮና
ሜሌ ዒ ዔያቶ ዜርቄ ዓጮፓ ቢያ ዔኪ ኬሴ፥ ባይቄዋ ጾኦዛሢ
ሃይቆ!» ጌይ ጌፓንዳኔ፤ ዔያቶሮ ማዔ ዓጮና ዔያቶኮ ቤርታኣ
ዓደንሢሞ ታ ዒንጌ ዓጮ ታ ዔያቶ ጌንሢ ዔኪ ማሃንዳኔ፤ ዬያ
ጌዔሢ ታና፥ ሩንገና ሩንጋ ጎዳኬ።»

ጾኦሲ ዳካኒ ገኢጌ ሜቶ

16 ሩንገና ሩንጋ ጎዳ ሂዚ ጋዓኔ፡- «ሃያ ዳሮ ዋሎጉዲ ፒራያና
ቦፖጉዲ ኬማንዳ ሚርጌ ዓሲ ታኣኒ ዳካንዳኔ፤ ዬይ ዓሳ ዔያቶ
ዲኮና ጌሚሮና ዴኤፖ ዴኤፖ ሹጮኮ ዳማ ዓኣ ዔቶናይዳፓ
ዳውሲ ኬሚ ዓርቃንዳኔ። 17 ዔያታ ማዳ ባኮ ቢያ ታ ዛዛጋኔ፤
ታኣም ዓኣሺንታ ባኣዚ ፔቲታፖ ባኣሴ፤ ጎማ ቢያ ዔያቶኮ ታ

16:9 16:9 ዔር. 7:34፤ 25:10፤ ዮሃ. ጾፔዳ 18:23።

በርታ ፔጋ ጰዳኔ። 18 ሌሲጉዲ ሸምፔባኣ ጸኦዞና ዔያታ ታኣኮ ዴኖ ዒኢሴሢሢረ፤ ሃሣ ሉኡዚ ባኣዚ ማዔ ካኣሽኮ ባኮና ዔያታ ኩንሣሢረ ዔያቶኮ ጎሞና ፑርቱሞና ዛሎሮ ጰንጨፎ ማሂ ማቶ ታ ዔያቶይዳ ዓጋንዳኔ።»

ዔርሚያሴ ሸኢቁ ሸኢጲፆ

19 ናንጊና ናንጋ ጎዳሢዮ! ታና ካፓሢና ደዲሞ ዒንጋሢያ ኔናኬ፤ ማቶ ሞዳና ኔ ባንሢ ታ ደጫ ጎንጃሢ ታኣኮ ኔናኬ፤ ዓጨ ማዔ ካራፓ ዴሬ ቢያ ኔ ኮይላ ሙኪ ሂዚ ጋዓንዳኔ፡- «ኑኡኮ በርታኣ ዓደንሢኮ ሉኡዚ ማዔ ጸኦዞይፓዓቱሞ ማሌ ዓኣ ባኣዚ ባኣሴ፤ ዔያታ ካኣሽካ ባካ ቢያ ማኣዳ ባኣዚባኣያ ጉሪኬ፤ 20 ሂንዳ ዓሲ ፔኤኮ ጸኦሲ ማኸኒ ዳንዳዓኖ? ዳንዳዓያናንዳኔ፤ ጋዓንቱ ጎኔ ጸኦሱሞ ሞልቄ ዬያ ባኮኮ ባኣያኬ።»

21 ዬያሮ ናንጊና ናንጋ ጎዳ ማሃዮ፡- «ዴሮ ቢያ ታኣኮ ሞልቆና ጴኤፑሞና ታኣኒ ዔርዛንዳኔ፤ ሱንፃ ታኣኮ ናንጊና ናንጋ ጎዳ ማዔሢ ዔያታ ዔራንዳኔ» ጌዔኔ።

17

ዪሁዳ ዴሮኮ ጎሞንታ ዬያ ዛሎ ዔያቶይዳ ዓጎና ማቶ

1 ናንጊና ናንጋ ጎዳ ሂዚ ጋዓኔ፡- «ዪሁዳ ዴሬዮቴ! ጎማ ዒንሢኮ ዓንጊ ቢዒሬና ፃኣፒንቱኔ፤ ዓጨ ማዔ ዓልማዞ ጌይንታ ባኮና ዒንሢኮ ዒኖ ጋራ፤ ሃሣ ጊንሣ ዒንሢ ዒንጎ ባኮ ሸኢሻ በዘኮ ካኣሮጉዴ ባኮይዳ ቆኦቁንቱ ፃኣፒንቱኔ። 2 ዒንሢኮ ዓጮ ጉቤሢዳ ጌማሮና ዲኮናይዳ፤ ዬያጉዲ ጴኤፖ ጴኤፖ ሚፆኮ ዴማ ዴራ ፔኤኮ ጊንፆ ሸይንቱ ኬሰካ ናኣቶና ናኣቶና ቢያ ዒንጎ በሲ ኮሺ፣ ዳኣቦሞ ዳኣቢ ዓሸራ ጌይንታ ጸኦዞሎሞ ዘጊ ካኣሽካኔ። 3 ዒንሢኮ ዓጮይዳ ዒንሢ ማዴ ጴኤፖ ጎሞ ዛሎሮ ዒንሢኮ ዓኣ ቆሎንታ ዓኣ ባኮንታ፤ ሃሣ ጊንሣ ዒንሢ ዒንጎ ባኮ ዒንጋ በዘሞ ሞርካ ዒንሢኮ ዲዒ ዔኪ ዴንዳንዳጉዲ ታ ማሃንዳኔ። 4 ዳጋ ታኣኮ ታሚ ማዒ ዔኤታጎዳጉዲ ዒንሢ ማዴሢረ፤ ዬይ ሃሣ ናንጊና ዔኤቱ ዴዓንዳሢረ ታ ዒንሢሞ ዒንጌ ዴና ቢያ ዒንሢኮ ዔውታጎዳጉዲና ዒንሢ ዔራሞ ዓጨዳ ዒንሢ ሞርኮሞ ዓይሌ ማዒ ማዳያ ታ ዒንሢ ማሃንዳኔ።»

ዲማ ዲማ ኬኤዚንቱ ኮኦኪንሢ

5 ናንጊና ናንጋ ጎዳ ሂዚ ጋዓኔ፡-
«ታና ሃሺ ዓሲ ጉሙርቃይ

ታኣኮ ዋልቆ ማዓንዳኔ፣ ጌይ ዓሲና የቶርቃይ ጋዳንቂንቴያ ማዎም።

6 ዬያጉዳ ዓሲ
የኦኒያ ናንጋኒ ዳንዳዑዋ ሶኦጌ ሌሊ ማዔ ሳዎና
ዓሲ ናንጉዋ ዳውሎናይዳ ባቃላ ዳካ ካይዚጉዲኬ፤
ዒ ናንጋ ዋደይዳ ቢያ ፔቴታዎ ኮሺ ባኣዚ ዳንቃዓኬ።»

7 «ታና ሌሊ ጉሙርቂ ናንጋ ዓሲ ጋዓንቴ ዓንጂንቴያኬ።
8 ዬይ ዓሢ ዋታ ዋርዚኮ ዓልቃ ካር ኮይላ ቱከንቴያ
ዋኣዎኮ ደማ ፃጰ ዳኪ ዓኣ ሚሢ ማዓንዳኔ፤
ቢያ ዋዳ ዋርቂ ዳዓንዳ ዬይ ሚፃሢ
ዓቢ ሚቻያ ማዒ ሩኡጵቴያ ሂርጉዋያኬ፤
ዒርዚ ዋርቁዋዎ ዓቴቴያ ዓኣፒ ዓኣፒሢ ማቴዋሴ።»

9 «ዓሲኮ ዒኔ ቢያ ባኣዚፓ ባሺ
ጌኔ፣ ሃሣ ዋሶኬ፤
ዬያ ጋር ቡሊ ዛጌ ዔራንዳይ የናዳይ?
10 ታኣኒ፣ ናንጊና ናንጋ ጎዳ ጋዓንቴ ዓሲኮ ማሊሢንታ
ዒኔያ ዋዚዒታቴ ዛጋኔ፤
ፔቴ ፔቴ ዓሶኮ ሃንቴዎና ማዶና ጎይዎ ኮይሳ ባኮ ታ ዒንጋኔ።»

11 ዋጌባኣ ጎይሢና ቆሎ ቡኩሳ ዓሲ
ጵኡሊባኣ ጵኡላ ሃጲ ቃንቃ ኮኮጉዲኬ፤
ዒ ናንጋ ሌዎኮ ሃካሢዳ ዓኣዎ ዬያ ቆሎ ቢያ ሃሺ ዓኣዳንዳኔ።
ጋፒንዎይዳ ዒዛኮ ዔኤዩማ ፔጋዲ ዔርታንዳኔ።

12 ኦኡኮ ጌኤዮ ማኣራ ማዢንቴ ቤዛ
ቤርታኣፓ ዓርቃዎ ዳግ ጌይ ዓኣ ቦንቺንታ፣ ካኣቶ ዎይቶኬ።

13 ናንጊና ናንጋ ጎዳሢዮ! ዒሰራዔኤሌ ዓሳ ጉሙርቃሢ ኔናኬ፤
ኔና ሃሻሢ ቢያ ቦርሲንታንዳኔ፤
ናንጊኮ ዓልቃ ዋኣሢ ማዔሢ፣ ኔና፣ ናንጊና ናንጋ ጎዳሢ ዔይታ
ሃሺሢሮ
ሳዓይዳ ፃኣፒንቴ ባኣዚጉዲ ዲርካቺንቴ ባይቃንዳኔ።

ዔርሚያሴ ሺኣቁ ሺኣጲዎ

14 ናንጊና ናንጋ ጎዳሢዮ! ሃርጎ ታኦኮ ፖሲቤ፣ ኪዮዋ ታኦኮ ፓሢ፣ ታኦኮ ደቃንዳኔ፤ ቢያ ዋዴ ታ ነና ጋላታንዳኔ። 15 ዴራ፡- «ዔርሚያሴ! ናንጊና ናንጋ ጎዳ ጌዔኔ ጌይ ኔ ኦኡዎ ከኤዜያንቴ፤ ሂዳዎ ዋይቲ ዬይ ማዲንቲ ኩሙዋ ዓቴይ?» ጌይ ታና ያኦጫኔ።

16 ኔ ዴሮ ሄንቃያ ማዒ ኔኤዎ ማዲያ ታኦኮ ሃሼ ዋዴ ባኦ፤ ማቶ ዋዴ ዬዓኣብሽ ጌይ ታኦኮ ቤቁባኦ፤ ናንጊና ናንጋ ጎዳሢዮ! ኔኤኒ ዬያንታ ታ ጌዔ ባኮዋ ቢያ ዔዔራኔ። 17 ኔኤኒ ማቶ ዋዴና ታኦኮ ፑኖ ካያሢ ማዔሢሮ ታና ዲቃሣያ ማዒ፤ 18 ናንጊና ናንጋ ጎዳሢዮ! ታና ዳውሳ ዓሶ ቢያ ቦርሲሴ፤ ታና ጋዓንቴ ቦርሲሴ፤ ዔዔቶ ዒጊቹ ካራ ዔያቶኮ ባይዜ፤ ታና ጋዓንቴ ዲቃሢ፤ ማቁ ዔያታ ጋኦጫንታንዳያ ሄላንዳኦና ላሚ ላሚ ዔያቶ ባይዜ።

ሃውሾ ከሎ ቦንቹሢ ዛላ

19 ናንጊና ናንጋ ጎዳ ታኦኮ ሂዚ ጌዔኔ፡- «ዬሩሳላሜ ካታዎ ካኦቲንታ ዴሮንታ ጌላ ማርሾ ካራ፤ ዬያጉዲ ሃሣ ሃንጎ ጌሎ ካሮይዳኦ ዴንዲ ዔቁ፤ 20 ታኦኮ ጋዓ ቃኦሎ ሂዚ ጌይ ዔያቶዎ ከኤዜ፡- «ሲንሢ ዪሁዳ ካኦቶንታ ዴሮንታ! ዬያጉዲ ዬሩሳላሜይዳ ናንጋያ ማዒ ሃያ ማርሾ ካሮና ጌላ ዓሳ! ናንጊና ናንጋ ጎዳ ጋዓ ቃኦሎ ዋይዙዋቴ! 21 ሲንሢኮ ሹዎፖ ዓውሳኒ ታ ሲንሢዎ ላቲ ከኤዛ ባኮ ካፑዋቴ፤ ዬያሮ ሃውሾ ከሎና ዓይጎዎ ማዎዎ ከዶ ባኦዚ ከዲ ዬሩሳላሜ ጌሎ ማርሾ ካሮና ካሮና ጌሊፖቴ። 22 ታኦኮ ሲንሢኮ ቤርታኦ ዓድንሢ ዓይሢ ጎይዎና ሃውሾ ከሎ ታኦኮ ዲማዴያ ማሂ ቦቦንቹዋቴ፣ ሃውሾ ከሎና ዔኤቢ ከዲ ሲንሢ ጋራፓ ከሰኪፖቴ፤ ሃውሾ ከሎና ፔቴታዎ ማዶ ማዲፖቴ። 23 ሲንሢኮ ቤርታኦ ዓድንሢ ታ ጋዓ ባኮ ታኦኮ ዋይዚባኦ፤ ታ ዓይሢዎዎ ኩንሢባኦ፤ ዬያ ሃሺ ዋይዚ ዒፃ፣ ፑርታ ዓሲ ማዒሢና ታኦኮ ዓይሢንቲ ታጊዳፓ ዔኤቢ ዔኪ ዔሪዎዎ ዒፃ።

24 «ሳካሪ ሲንሢ ታ ጋዓ ባኮ ዒናፓ ዋይዚያ ማዔቴ ሃውሾ ከሎና ዓይጎዎ ማዎዎ ከዶ ባኦዚ ከዲ ካታዎ ጌሎ ካሮና ካሮና ጌሊፖቴ፤ ሃውሾ ከሎ ታኦኮ ዲማዴያ ማሂ ቦንቹዋቴ፤ ዬኖ ከሎ ፔቴታዎ ማዶ ማዲፖቴ። 25 ሲንሢ ዬያይዴቴ ዳውቴኮ ካኦቲዎ ያይቶይዳ ዴዔ ካኦታ ፔኤኮ ዶንዞና ዋላ ዬሩሳላሜ ጌሎ ካሮና ካሮና ጌላንዳኔ፤ ዔያታ ዪሁዳና ዬሩሳላሜና ዴራ ዔያቶኮ ቤርታ፣ ሃሣ ጊንጎ ማዔዎ ፓራሢና ሳርጌሎ ያይቶናይዳ ዴዒ ጌላንዳኔ፤ ዬሩሳላሜ ካታማ ቢያ ዋዴና ዴሬ ዒኢካ ኩሚ ናንጋያ ማዓንዳኔ። 26 ዪሁዳ ካታዎና

17:21 17:21 ኔሄ. 13:15-22። 17:22 17:22 ከሲ. ማፃ 20:8-10፤ ላሚ. ዎማ 5:12-14።

ዩሩሳሌም ከይላ ዓላ ጉርድናይዳ፡ ቢኢኒያሚ ዓሳፓ፡ ጌሚር ዴማፓ፡ ዲኮና ዪሁዳኮ ደኦሎ ዛሎናፓ ሚቺ ዒንጎ ባኮንታ ማሌ ዒንጎ ባኮዋ ዔኪ፤ ሃሃ ሃኣኮ ዒንጊያንታ ዑንጅንታ ጋላታ ዒንጊሢያ ዔኪ ዴሪ ጌኤዦ ማኣሪ ሙካንዳ።²⁷ ጋዓንቴ ዒንሢ ሃውሾ ኬሎ ታኣሞ ዴማሲ ቦንቸ ሃሺ ዪያ ኬሎና ዩሩሳሌም ጌሎ ካሮና ዓይጎዋ ማምም ኬዶ ባኣዚ ኬዲ ጌሊ፡ ታኣኮ ዓይሢያ ዋይዞ ዒንሢ ዒፃቴ ዩሩሳሌም ካታሞይዳ ታሚ ታኣኒ ዓጋንዳ፤ ዩይ ታማ ዒኢካ ዓኣ ማኣሮ ቢያ ሙዓንዳ፤ ዩያ ታሞ ዋዳንዳ ዓሲያኣ ባኣሴ።»

18

ዔርሚያሴ ዖቶ ማዦ ማናሢ ማኣሪ ዓኣዴሢ

1 ዔርሚያሴም ናንጊና ናንጋ ጎዳይዳፓ ሂዚ ጋዓ ቃኣላ ኬኤዚንቴ፡- 2 «ሃሢ ዔቂጋፓ ዖቶ ማዦ ማንዚ ማኣሪ ዋቴ፤ ዒኢካ ታኤኤም ኬኤዛንዳ ባኣዚ ዓኣ።»³ ዩያሮ ታኣኒ ዒኢካ ዋታያ ማንዚ ዖቶ ማዦ ቤዘይዳ ፔኤኮ ዖቶ ማዦንቴ ዴንቄ፤⁴ ዩይ ማንዚ ማዦ ዖታ ፑርታ ዋድና ላሚ ጊንሃ ዩያ ዠኢጤ ዓጮ ዋኣሢና ዋዒሳዖ ፔ ሽኔ ጌዔ ጎይያ ማሌ ባኣዚ ማዦ።

5 ዒማና ናንጊና ናንጋ ጎዳ ታኣም ሂዚ ጌዔ፡- 6 «ዒሰራዔኤሌ ዴሬዮቴ! ዖቶ ማዦ ማንዚ ኮዔ ጎይሢ ኮዔ ባኣዚ ማዦሢጉዲ ታኣኒ ዒንሢዳ ኮዔ ባኣዚ ማዳኒ ዳንዳዑዋዳ? ዩይ ዠኢጤ ዓጮ ዩያ ማንዚ ኩጮ ጋራ ዓኣሢጉዲ ዒንሢያ ታኣኮ ኩጮ ጋራ።

7 ታኣኒ ፔቴ ዴሬ፤ ሃንጎ ካኣቶ፡- ሐጌ ሸኢሻንዳ፤ ጊንሃ ሃሃ ማንሢ ባይዛንዳ፤ ጌይ ኬኤዘንቴ፤⁸ ዩይ ዴሪ ፔኤኮ ዳቢንቶ ዔሪ ፑርቴማፓ ማዔቴ ታኣኒ ማዳንዳ፤ ጌይ ማሌ ፑርቶ ባኮ ዔያቶይዳ ሄሊሳዓ።⁹ ጊንሃ ሃሃ ታኣኒ ፔቴ ዴሬ ማዔቴያ ካኣቶ፡- ደቂ ደዲሻንዳ፤ ማዠና ሚዛዲሲ ዔቂሳንዳ፤ ጌዒ ኬኤዘንቴ፤¹⁰ ዩይ ዴሪ ታኣም ዓይሢንቶ ዒፃ ታና ናሹዋ ፑርታ ባኣዚ ማዳያ ማዔቴ ታኣኒ ዩያ ማዳንዳ፤ ጌይ ማሌ ኮዦ ባኮ ሃሃሻንዳ።¹¹ ዩያሮ ታኣኒ ዔያቶይዳ ፑርታ ባኣዚ ዔኪ ዩዓኒ ጊኢጊሻሢዳ ማዔሢ ዪሁዳ ዴሮና ዩሩሳሌም ዴሮናም ኬኤዘ፤ ዔያታ ጎሜ ማዳሢ ሃሻንዳጉዲ፡ ዔያታ ሃንታ ሃንቲያና ማዳ ማዳና ቢያ ላኣሚ ጊኢጊሻንዳጉዲ ዔያቶም ዘሪ ኬኤዘ።¹² ዔያታ ጋዓንቴ፡- <ጉሪ ላቢፖ፤ ኑ ማሌ ባኮ ማማዳንዳ፤ ሃቸም ኑኡኒ ዋይዞ ዒፃንዳ፤ ጌይ ኤኤም ማሃንዳ።»

ዒሰራዔኤሌ ዴሪ ናንጊና ናንጋ ጎዳ ሃሸሢ

13 ዩያሮ ናንጊና ናንጋ ጎዳ ሂዚ ጋዓ፡-

«ዬያጉዳ ባአዚ ሂንዳ ዳሬ ባአካ ዋይዚንቲ ቤቂያታቲ ያኑጨዋቲ፤ ታአሞ ዲማዳ፣ ዒሰራዔኤሌ ዳራ ሚርጌና ሻአካያ ማዔ ባአዚ ማዳኔ።

14 ሊባኖኦሴኮ ሹቺ ሌሊ ማዔ ዲኮይዳ ሻቺ ኬዲ ላሂባአ ዋዳ ዓአ?

ዬያ ዲኮይዳፓ ዓልቂ ዋታ ሺሜ ዋአፃ ሚጨ ቤቂያ?

15 ታአኮ ዳራ ጋዓንቲ ታና ዋሌኔ፤

ጉሪ ሉኡዚ ማዔ ያኦዞሞ ዑንጃ ጨቢሻኔ፤

ሚናአ ጎይያ ዔያታ ሃሺ ሚሌ ገአገባአ ጎይሢ ዓአዳኔ።

16 ዔያቶኮ ጎይይዳ ሚዲንታንዳ ባካ ዓሲኮ ዑሰካ ጌላያ ማዓንዳኔ፤

ዒአና ኮርሲና ዳንዳ ዓሳ ቢያ ዲቃቲ ፔኤኮ ዳንጎ ዓርቃንዳኔ።

17 ዓልጎ ዠባሬ ጫሪንካ ስላሊ ፒዒ ዔኪ ዳካሢጉዲ

ታአኮ ዳሮ ታአኒ ዔያቶኮ ሞርኮ ቤርታ ዜራንዳኔ።

ባይሰንታ ዔያቶይዳ ሙካአና ዓአፖ ካሮ ታ ዔያቶ ባንፃፓ ማሂ

ዙሎ ታአኮ ታ ዳዋንዳኔ።።።»

ዔርሚያሴ ማዳኒ ማሎና ጌኔ ማዳ

18 ፔቲ ፔቲ ዓሲ ዳሮ ባአካፓ፡- «ሃኒ ዬዑዋቲ፣ ዔርሚያሴ ኑ ማዳንዳ ባአዚ ዋላ ዘርቶሞ! ያኦሲ ዋጎ ታማርሳ ቁኤሶንታ ኑና ዘራ ዔር ዓሶንታ ያኦሲ ማሊያ ኑኡሞ ኬኤዛ ዓሶንታፓ ቢያ ዋዳ ኑ ዋይዚ ዔካንዳ ባአዚ ባአዚ ዓአኔ፤ ዬያሮ ሃይካፓ ሴካ ዔርሚያሴ ጋዓሂ ዋይዚያይዳፓ ዒ ጌሰታ ጌኤዘና ዒዛ ቡኡዲ ዳቢሲ ዋጎና ኑ ዒዛ ዓይሢሶሞ» ጌይ ዋላ ጌሰቲኔ።

19 ዔያታ ዬያ ማሌሢሮ ታአኒ፡- «ናንገና ናንጋ ጎዳሢዮ! ታ ሺኢቃ ሺኢጲያ ዋይዜ፤ ታአኮ ሞርካ ታጊዳ ጋዓ ፑርቶ ባኮ ዋይዜ። 20 ኮሺ ማዳ ማዳ ዘላ ማሂ ዒንጎማ ፑርታ ማዳሢዳ? ዔያቶይዳ ኔ ዳጋዲ ዔቁዋጉዲ ታአኒ ኔ ቤርታ ዔቂ ኔና ቃይሼሢ ማሊ ጳቂሣ፤ ሃአዛጌ፣ ዔያታ ጋዓንቲ ታአሞ ታአኒ ሎኦሚ ሜቃንዳ ዔቲ ቦኦኮኔ። 21 ናንገና ናንጋ ጎዳሢዮ! ሃሢ ጋዓንቲ ዔያቶኮ ናአቶ ናይዚና፣ ዔያቶዋ ያልዚና ኩርሴ፤ ዔያቶኮ ላአላ ዓኒባአያ፣ ሃሣ ናይ ባአያ ማዒ ዓቶንጎ፤ ዔያቶኮ ዓቲንቆጋርቻ ሃይቆንጎ፣ ዳጌሢ ገንሣ ያልዚና ሃይቂ ኩደንጎ። 22 ዔያቶ ማንገ ያላንዳ ዓሲ ዔርቲባአንቲ ዔያቶይዳ ዳኮ፤ ዔያቶ ማአራ ዒላቲ ዋይዚንቶንጎ፤ ዔያታ ታአኒ ሎኦማንዳ ዔቶ ታአሞ ቦኦኮኔ፤ ታአኒ ዓዲንታንዳ ፒራሢያ ታአሞ ዔያታ ገአገሼኔ። 23 ናንገና ናንጋ ጎዳሢዮ! ዔያታ ታና ዋዳኒ ማሌ ጌሮ ማዳ ኔ ዔራኔ፤ ዬያሮ ዔያቶኮ ዳቢንቶ ዓቶሞ ጌይፖ፤ ጎማ ዔያቶኮ ጌኤሽካንዳጉዲ

ማዲፖ፤ ኔ ቤርታ ዔያቶ ባሽንቲሲ፣ ኔኤኮ ዳኤፖ ዳጎና ዔያቶ ባይዜ» ጌይ ሸኢቁኔ።

19

ፆቲ ዎዲ ኮኣኪንሦና ኮኣኪንሢ

1 ናንጊና ናንጋ ጎዳ ታኣሞ ሂዚ ጌዔኔ፡- «ዳንዲ ማንዚ ማኣራፓ ፆቲ ሻንቁ፤ ዩካፓ ዳሮና ቁኤሶናፓ ጫዎ ጫዎ ማዓ ጨሚ ዶኦሪ ኔኤና ዎላ ዔኪ ዳንዳ። 2 ሃይቁ ፆቶ ኩንፆ ካሮ ጌይንታዞና ጌይ ሂኖሜ ዶኦሪ ዳንዳ፤ ዒኢካ ታኣኒ ኔኤም ኬኤዛ ቃኣሎ ሂዚ ጌይ ዳጊዲ ኬኤዜ፡- 3 ጴሁዳ ካኣቶንታ ዩሩሳላሜ ዳርንታ ቢያ ታኣኒ ዒሰራዔኤሌ ፆኦዛሢ፡ ቢያ ባኮ ማዜ ጎዳሢ ዒንሢም ጋዓ ባኮ ዎይዙዎቲ፤ ሃይሾ ዓካሪ ታኣኒ ዎይዛ ዓሲኮ ዑሰካ ጌላንዳ ፑርታ ባይሲንታ ዒንሢዳ ዓጋንዳኔ። 4 ዩያ ታ ማዳንዳሢ ዳራ ታና ሃሽሢና ማሌ ፆኦዞም ዒንጎ ባኣዚ ዒንጊ ሃያ ቤዞ ዒኢሴሢሢ፤ ዔያቶ ማዔቲያ ዔያቶኮ ቤርታኣ ዓደንሢ ጴሁዳ ካኣታኣ ቢያ ዩያ ዔያታ ካኣሽካ ፆኦዞ ዛሎ ዔራ ባኣዚ ባኣያኬ፤ ዩያ ሌሊቱዎንቲ ጌኤሽ ማዔ ዓሶ ዎዲ ሃያ ቤዞ ሰጉሢ ሳዓ ዔያታ ማሃኔ። 5 ዔያታ ፔኤኮ ናኣቶ ዒንጎ ባኣዚ ማሂ ታሚና ሚቲ ዒንጋኒ ባዓኣሌ ጌይንታሢም ዒንጎ ቤሲ ኮሽኔ፤ ዔያታ ዩያይዳንዳጉዲ ታኣኒ ዔያቶ ዓይሢባኣሴ፤ ፔቲታፆ ዩያ ዛላ ማሊታዎ ታኣኒ ማሊባኣሴ። 6 ዩያሮ ሃይ ቤዛ «ቶፔቲ» ጊንሣ ሃሣ «ሃኖሜ ዶኦሪ» ጌይንቲፆ ዓቲም «ሹፒ ዶኦቲ» ጌይንታንዳ ዎዴ ሙካንዳኔ። 7 ጴሁዳ ዳሮና ዩሩሳላሜ ዳሮና ማሊ ቱኬ ባካ ቢያ ሃኖ ቤዞይዳ ማዲንቲ ኩሙዎጉዲ ታ ላኣጋንዳኔ፤ ዔያቶኮ ሞርካ ዔያቶ ባሻንዳጉዲና ፆሊ ዔያቶ ዎዳንዳጉዲ ታ ማሃንዳኔ፤ ሌዞ ዔያቶኮ ጫሪንጫ ባራና ካፖና ካይዚ ቦፆና ታ ሙኡዛንዳኔ። 8 ሃኖ ካታሜሎ ታኣኒ ዶይሲ ባይዚ ዓሲኮ ዑሰካ ጌላያ ማሃንዳኔ፤ ዒኢና ዳንዳ ዓሲያኣ ዲቃቲ ፔኤኮ ዳንጎ ዓርቃንዳኔ። 9 ሞርኬ ካታሜሎ ማንጊ ዳር ጋፐሳኒ ሙኪ ዔያቶኮ ካራ ባይዛንዳኔ፤ ዩኖ ዎዶና ሙፆ ባኣዚ ቢያ ጋፓንዳሢሮ ዳራ ናይዲንቲ ዎሊ ሙዓንዳኔ፤ ዩያ ሌሊቱዎንቲ ሾዔ ዓሳ ፔኤኮ ናኣቶ ሙዓንዳኔ።»

10 ዩካፓ ናንጊና ናንጋ ጎዳ ታኣና ዎላ ዓኣዳ ዓሶ ቤርታ ፆቶ ታኣኒ ጳዲሲ ዎዳንዳጉዲ ዓይሢኔ፤ 11 ቢያ ባኮ ዎይሣ ጎዳ ዔያቶም ታና ኬኤዞም ጌይ ዓይሢሢ፡- «ሃይ ሃይቁ ፆታሢ ጊንሣ

19:2 19:2 2ካኣቶ. ማ 23:10፤ ዔር. 7:30-32፤ 32:34-35። 19:5 19:5 ሊዩ. ባኬ 18:21። 19:9 19:9 ዔቃ. ማ 4:10፤ ላሚ. ዎማ 28:53።

ዎላ ካንሢ ማዢንታኒ ዳንዳዑዎአሢጉዲ ሃያ ዳሮና ሃኖ ካታሞና ዒማይዲ ታ ቡርሻንዳኔ፤ ዓሳ ፔኤኮ ሃይቄ ዓሶ ዲኡካንዳ ሜሌ ቤሲ ጴዲንዲዎሢር ቶፔቴይዳ ዲኡካንዳኔ።» 12 ናንገና ናንጋ ጎዳ ሂዚ ጋዓኔ፡- «ቶፔቴይዳ ታ ማዳ ጎይፆማ ሃኖ ካታሞና ናንጋ ዓሶናይዳ ታ ማዳንዳኔ፤ 13 ዬሩሳሌሜ ዳሮንታ ዪሁዳ ካእቶንታ ናንጋ ማኣራ፤ ዬያጉዲ ሃሃ ዒያታ ፔ ኬኤፆኮ ዑፃ ጫሪንጮ ማዢንቶሞ ዑንጆ ጩቢሻሢንታ ሜሌ ፆኦዞሞ ዎይኖ ዑዡ ዎሃ ኬኤፃ ቢያ ቶፔቴጉዲ ዒኢቴያ ማዓንዳኔ።»

14 ዬካፓ ታኣኒ ቃኣሎ ኬኤዛንዳጉዲ ናንገና ናንጋ ጎዳ ዓይሤ፡ ቶፔቴይዳፓ ማዒ ሙኬኔ፤ ናንገና ናንጋ ጎዳኮ ጌኤዡ ማኣሮይዳ ዳሪ ቡካ ቤዛ ዒቄ ሂዚ ጌይ ታኣኒ ዒያቶሞ ኬኤዜኔ፡- 15 «ዒሰራዒኤሌ ፆኦዞሢ፡ ቢያ ባኮ ዎይሢ ጎዳሢ ሂዚ ጋዓኔ፤ ዒያታ ዎይዚ ዒፃ ፑርታ ዓሲ ማዒሢር ሃኖ ካታሜሎና ኮይሎይዳ ዓኣ ቤዞ ቢያይዳ ኬዳንዳኔ ጌይ ታኣኒ ኬኤዜ ፑርቶ ባኮ ቢያ ዒያቶይዳ ታኣኒ ዒኪ ሙካንዳኔ።»

20

ዔርሚያሴ ፓሽሁሬ ጌይንታ ቄኤሴሰኬያና ማርሜ ማርሞ

1 ጌኤዡ ማኣሮኮ ሱኡጌ ማዒ ዎይሢ፡ ዒማሬ ናኣዚ፡ ፓሽሁሬ ጌይንታ ቄኤሴሰኬይ ዬያ ዎይዛፆ፡ 2 ታና ዓርቄ ዓሳ ጳርቃንዳጉዲ ዓይሤኔ፤ ጌኤዡ ማኣሮኮ ኬዶ ዛሎና ዓኣ፡ ቢኢኒያሜ ማርሾ ካሮይዳ ቶኮ ታኣኮ ዲፆና ቱኪሴኔ። 3 ዚሮ ጉቴሎ ዬያይዲ ታና ዒ ቱኪሴ ዲፆሢዳፓ ቡላዛ ታኣኒ ዒዛሞ፡- «ሃይካፓ ሴካ ናንገና ናንጋ ጎዳ ኔኤኮ ሱንፆ ፓሽሁሬ ጌይ ዒኤላዓኬ፤ ኔኤሞ ናንገና ናንጋ ጎዳ ጌሢ ሱንፆ <ቢያ ቤሰካ ሜቶ ማዡ ሂርጊሻ> ጋዓያኬ። 4 ናንገና ናንጋ ጎዳ ፔ ቶኣኪና ሂዚ ጌዔኔ፡- ኔናንታ ኔ ላጎንታሞ ሂርጊሻ ሜቶ ማዡ ዓሲ ታ ኔና ማሃኒኬ፤ ዒያታ ቢያ ፔኤኮ ሞርኮኮ ዓራፖና ሃይቃንቲ ኔ ዛጋንዳኔ፤ ዪሁዳ ዳሮ ቢያ ባብሎኔ ካኣቲ ዳማ ታ ዎይሢንዳኔ፤ ዒዚ ዛሎ ዒያቶኮ ቱኡሲ ዓሲ ማሂ ዲዒ ዒኪ ባብሎኔ ዓኣዳንዳኔ፤ ዛሎ ዒዚ ሃይካ ዎዎዳንዳኔ። 5 ዬያጉዲ ዒያቶኮ ሞርካ ሃኖ ካታሞ ቆሎ ቢያ ቡራንዳጉዲ፡ ዒዛ ቆሊ ዳንቄ ባኮዎ ጋኣዚ ዒኪ፤ ዪሁዳ ካኣቶኮ ዲማ ቆልዓይዳ ቡኩሲ ጌሦና ኮዡ ባኮዎ ዓይሱዎፆ ፒፃ ዒኪ ባብሎኔ ዳንዳንዳጉዲ ታ ማሃንዳኔ። 6 ፓሽሁሬ! ኔናንታ ኔ ማኣሮ ዓሶንታ ቢያ ዲዒንቲ ባብሎኔ ዳንዳንዳኔ፤ ሉኡዙሞና ኔ ዒያቶሞ ዡኡቄ ዓሶንታ ዎላ ቢያ ዒኢካ ኔ ሃይቄ ዲኡታንዳኔ።» ጌዔኔ።

- ዔርሚያሴ ናንገና ናንጋ ጎዳና ሞኦቲ ሞኦቶ
 7 ናንገና ናንጋ ጎዳሢዮ! ኔ ታና ጌሼኔ፤
 ታኣኒያ ጌሹንቴኔ፤
 ኔኤኒ ታጊዳፓ ዶዳያ ማዔኔ፤
 ሞልቃ ኔኤኮ ታጊዳፓ ዑሣ ዓኣዳ ማይ ባሼኔ፤
 ዓሲ ቢያ ኬሊ ታና ሚኢጨ ባማላያ ማዔኔ።
- 8 ታኣኒ ኬኤዛ ሞዶና ቢያ
 ታኣኒ ኬኤዛሢ ፑርቱሞና ባይሲንታና ዛላከ፤
 ናንገና ናንጋ ጎዳሢዮ! ኔኤኒ ታና ዓይሢ፥ ኔ ማሊያ ታ
 ኬኤዚያና
 ታኣኒ ቢያ ሞዶ ጨሽኪንታኔ፤ ዓሲኮ ባማሊ ታ ማዔኔ።
- 9 ጋዓንቴ ታኣኒ፡- «ሃካፓ ሴካ ናንገና ናንጋ ጎዳ ማሊ ጳቂሣዓ፤
 ዒዛ ሱንያና ዔኤቢ ኬኤዛዓ ጋዓኒ ማላዛ፤
 ዒዛይዳፓ ታኣሞ ዳኪንቴ ዒዛ ማሊያ ቃኣላ
 ታኣኮ ዒናይዳ ታሚጉዲ ዔኤታኔ፤
 ታኣኮ ሜጌያ ጋራኣ ሙርቁንሢጉዲ ታና ሙዓኔ።
 ታ ዒና ታኣኒ ዓኣቺ ዓርቃኒ ኮዓዛ
 ዲኡኪ ታ ቃዛኒ ዳንዳዒባኣሴ።»
- 10 ሚርጌ ዓሲ ዒጊጨ ሂዚ ጌይ ካሽካሻንቴ ታ ሞይዘኔ፡-
 «ሃሢ ዔርሚያሴ ሞጎና ዓይሢሳኒ ቃራ ካራ ጴዳኔ!»
 ታኣኮ ዒጊኖኬ ታኣኒ ጋዓ ዓሳታያ ታኣኒ ዳቢንቴ ማዶ ማዳንዳጉዲ
 ካፒ ዓኣኔ፤
 «ዔርሚያሴ ኑ ጌሻኒ ዳንዳዓንዳኣ ናንዳኔ፤ ያዲ ማዔቲ ዒዛ
 ኑ ዓርቂ ኮሞ ኮፃንዳኔ» ጋዓኔ።
- 11 ናንገና ናንጋ ጎዳ ጋዓንቴ ዔርቲ ፖኦሊሴ ማዒ ታ ኮይላ ዓኣኔ፤
 ዬያር ታና ዳውሳ ዓሳ ሜቶይዳ ኬዲ ሞልቁ ባይቁሢና
 ሎኦማንዳኔ።
 ዔያታ ሎኦማ ሞዶና ፑርታ ዳውሲንታንዳኔ፤
 ዔያቶኮ ዬይ ዳውሲንታ ሚርጌ ሞዶ ባይቁሞያ ማዒ
 ዴዓንዳኔ።
- 12 ቢያ ባኮ ማዜ ጎዳሢዮ!
 ፂላሢ ኔኤኒ ዛጊ ጎኔ ማዔሢ ዔራኔ፤
 ዒናይዳ ዓኣሽንቴ ዓኣ ማሊያሞ ኮጲሲ ኔ ዳንቃኔ፤
 ታኣኒ ኔኤሞ ዒላቶ ሺኢሻኔ፤
 ዬያር ታኣኮ ሞርኮ ኔኤኒ ኮሚ ማዳ ባኮ ታና ዛጊሴ።
- 13 ናንገና ናንጋ ጎዳሞ ዓይናዲሞቲ!
 ዒዛ ጋላቱሞቲ!

ዒዚ ሜታዳ ዓሶ ፑርቶ ዓሶ ኩጫፓ ቶሊሲ ዓውሳኔ።

- 14 ታኣኒ ሾይንቴ ኬሌላ ጋዳንቁንቴያ ማፃፎ።
ታኣኩ ዒንዳ ታና ሾዔ ኬላ ዓንጂንቴያ ማፃፎ።
- 15 ታኣኩ ዓዶ ኮይላ፡- «ዓቲንቁ ናይ ኔኤም ሾይንቴኔ ዋዛዴ!»
ጌዒ ሃይሶ ኬኤዜህ ጋዳንቁንቴያ ማፃፎ።
- 16 ናንጊና ናንጋ ጎዳ ሚጨንቲህባኣያና ደይሲ ባይዚ ኩርሴ
ካታሞጉዲ ዬይ ዓህ ማዒ ዓቶንጎ፤
ጉቶና ዒላቲ ዑኡሲ ዒ ዋይዘንጎ፤
ዓባ ዲኤቃኣና ሃህ ሃልዚ ሃይሴና ካራ ባይቂ ሜታዳንጎ።
- 17 ዬይ ታኣኩ ዲኤፒ ቤሲ ማዓንዳጉዲ ታ ዒንዶ ጎጳ ዓኣንቴ ታና ኔ
ዋዎዳቴ ዓይጎ!
ታ ዒንዳኩ ጎጳ ቢያ ዋዳ ያዲ ዳኤፔ ጎይህ ዴዳዓንዳንቴኩ።
- 18 ሃይህና ላቢህና ዛጋኒ
ታኣኒ ናንጋ ዋዶ ቢያ ቦርሲንቲና ኩርሳኒ
ታ ዒንዶ ጎጳፓ ታኣኒ ዓይጋ ሾይንቴይ?

21

ዬሩሳላሜኮ ባሺንቲያ ዛሎ ኬኤዚንቴ ሎንሃ

1 ዪሁዳ ካኣቲ፡ ሴዴቂያሴ ማልኪያ ናኣዚ ፓሽሁሬና ሜዕሴያ ናኣዚ ቁኤሳህ ሶፖኒያሴና ታ ኮይላ ዳካያ፡- 2 «ባብሎኔ ካኣቲ ናብካዳናያኦሬ ፔኤኮ ሃሎ ዓሶና ዋላ ኑ ካታሞ ሃላኒ ማንጊህዳኬ፤ ዬያሮ ጎፆንቴ ናንጊና ናንጋ ጎዳ ኑና ማኣዲ ኑኡና ዋላ ማዒጋፓ ዒዛ ዋልቆና ማዲንታ ዴኤፖ ማዶ ማዲ ናብካዳናያኦሬ ማህ ዳካንዳያናንዳኔ፡ ዒዛ ኑኤም ሃኦጩ» ጌዔኔ።

3 ታ ኮይላ ዳከንቲ ሙኬ ዓሳ ሴዴቂያሴም ሂዚ ጌይ ኬኤዛንዳጉዲ ጌይ ታ ዳኬኔ፡- 4 «ዒሰራዔኤሌ ሃኦዛህ ማዔ ናንጊና ናንጋ ጎዳህ ሂዚ ጋዓኔ፤ ሴዴቂያሴ! ኔ ካታሞ ዲያኮ ዙሎ ሙከ ማንጌ፡ ባብሎኔ ካኣቲንታ ባብሎኔ ዓሶንታ ኔ ሃላኒ ጊኢጌ ዓንጋሞ ኔ ባንህ ታኣኒ ሺርሻንዳኔ፤ ዬያ ሃሎ ዓንጋሞ ካታሞኮ ሳዘይዳ ዔኪ ሺኢሺ ታ ኩላንዳኔ። 5 ታኣኒ ታ ቶኩና ዔዔኤታ ዲጋና፡ ጊንህ ሃህ ዳኤፒ ጎሪንቲና ማዒ ታኣኩ ዋልቆና፤ ሃህ ጊንህ ታ ቢታንቶና ኔና ሃላንዳኔ። 6 ሃሮ ካታሞይዳ ናንጋ ዓሶ ማዔቴያ ቆልሞ ቢያ ዓሲኮ ዑሰካ ጌሊ ዒጊቻ ፑርታ ዶርሶና ዋዲ ታ ኩርሳንዳኔ፤

20:18 20:18 ዓ.የ. 3:1-19። 21:2 21:2 2ካኣቶ. ማ 25:1-11፤ 2ያኦሲ. ዓሃኬ 36:17-21። 21:5 21:5 ማቲ. 23:38፤ ሉቃ. 13:35።

7 ኔናገታ ኔኤና ዋላ ቢቶ ማዒ ማዒ ዓሶገታ ፑርቶ ደርዓሢ፤ ናዮገታ ያሎገታይዳፓ ቶሊ ዓቲ ዴርዋ ቢያ ካኣቲ ናብካዳናያሰፊና፤ ጊንሣ ሃሣ ዋዳኒ ዒንሣ ኮዓ ሞርኮና ዲዒ ዔኪ ዓኣዳገዳጉዲ ታ ማሃንዳኔ፤ ዒዚ ኔና ማኣሪ ሃገሳ ሃሣ ሚጪገቲ ፔቲ ዓሲታዎ ኔኤም ዓይሳዓኬ፤ ዬያ ጌዔሢ ታና፤ ናንጊና ናንጋ ጎዳኬ።»

8 ዬካፓ ናንጊና ናንጋ ጎዳ ዴርዋ ታኣኒ ሂዚ ጌይ ኬኤዛንዳጉዲ ዓይሣኔ፡- «ሂንዳ ዋይዙዋቲ! ታኣኒ፤ ናንጊና ናንጋ ጎዳ ናንጊ ባንሢ ዔኪ ዴንዳ ጎይያና ሃይቢ ባንሢ ዔኪ ዴንዳ ጎይያና ዒንሢ ቤርታ ጌሣኔ፤ ለምዮንሢፓ ፔቲማ ዶኦሩዋቲ፤ 9 ሃኖ ካታሞይዳ ዓቲ ዓሳ ቢያ ያልዚና፤ ናይዚና፤ ጊንሣ ሃሣ ዲማ ዲማ ደርዖና ሃይቂ ኩዳንዳኔ፤ ሃሢ ካታሞ ማንጊ ዓኣ፤ ባብሎኔ ዓሶም ዴንዲ ኩቸ ዒንጌ ዓሲ ጋዓገቲ ሃይቃዓኬ፤ ማሌ ባካ ዓቲቲ ሹምፓሢ ፔኤኮ ዬይ ዓውሳንዳኔ፤ 10 ሃና ካታማ ባይቃንዳጉዲ ታኣኒ ጌዔኔ፤ ፔቲታዎ ታ ዔያቶ ማኣራዓኬ፤ ባብሎኔ ካኣቲም ታኣኒ ዓኣሢ ዒንጋንዳኔ፤ ዒዚ ታሚና ዒዞ ሚቻንዳኔ፤ ዬያ ጌዔሢ ታና፤ ናንጊና ናንጋ ጎዳኬ።»

ዪሁዳ ካኣቲ ማኣሮ ዓሶይዳ ዎጎና ዎጌ

11-12 ዳውቲ ዜርዖ ማዔ፤ ዪሁዳ ካኣቲ ማኣሮ ዓሶም ኬኤዛንዳጉዲ ናንጊና ናንጋ ጎዳ ታና ዓይሣ ቃኣላ ያዲኬ፡- «ታኣኒ፤ ናንጊና ናንጋ ጎዳ ዒንሢም ኬኤዛ ባኮ ዋይዙዋቲ፤ ቢያ ኬላ ኬላ ዒንሢ ዎጋ ዎጎ ዎቢሲፖቲ፤ ፔቲይ ባጋሢ ቡሪ ጌኔ ማዶ ማዶዋጉዲ ካፒ ላኣቲዋቲ፤ ዬያ ዒንሢ ማዲባኣቲ ጋዓገቲ ዒንሢ ማዶ ፑርቶ ማዳፓ ዔቂያና ታኣኮ ዳጋ ታሚጉዲ ዔኤታንዳኔ፤ ዬያ ዎዳንዳ ዓሲያኣ ባኣሴ፤ 13 ዬሩሳላሜ! ኔኤኒ ቦኦሊዳ ዓኣ ዴኤፒ ሹቸጉዲ ዶኦጫዳ ቤዛፓ ዴግ ጌይ ጴዳኔ፤ ጋዓገቲ ታኣኒ ኔና ያላንዳኔ፤ ኔኤም ጋዓገቲ ዓይሳ ዓሲያ ማዖም ዎልቄና ዎርዲና ኔኤኮ ሻሂ ጌላንዳያ ማሉዎሴ፤ 14 ጋዓገቲ ኔኤኒ ማዶ ባኮ ዘሎና ታኣኒ ኔጊዳ ማቶ ዓጋንዳኔ፤ ካኣቶ ማኣራ ኔኤኮ ታሚና ሚቸንታንዳጉዲ ታኣኒ ማሃንዳኔ፤ ዬይ ታማ ኮይሎይዳ ዓኣ ባኮ ቢያ ፁኡጋንዳኔ፤ ዬያ ጋዓሢ ታና፤ ናንጊና ናንጋ ጎዳኬ።»

22

ዔርሚያሴ ዪሁዳ ዓጮ ካኣቲ ማኣሮ ዓሶም ኬኤዜ ቃኣሎ

1-2 ዳውቲ ዜርሢ ማዔ፤ ዪሁዳ ካኣቲ ናንጋ ማኣሮ ዎቲ ካኣቲገታ ካኣቲ ቢታንቶ ዒንጌ ዓሶገታ ዬሩሳላሜይዳ ናንጋ ዴርገታም ሂዚ ጌይ ታኣኒ ኬኤዛንዳጉዲ ናንጊና ናንጋ ጎዳ ታና ዓይሣኔ፡- 3 «ታኣኒ፤

21:11-12 21:11-12 2ካኣቶ. ማ 23:31-34፤ 2ዎኦሲ. ዓሃኬ 36:1-4።

ናገረና ናገጋ ጎዳ ፒዜ ዋጌና ጎኔ ማዔ ባአዚ ዒንሢ ማዳንዳጉዲ ዓይሣኔ፤ ፔቴይ ባገሢ ቡሪ ጌኔ ማዳ ማዳዋጉዲ ካፒ ላአጉዋቴ፤ ማሌ ዓጪፓ ሙኩ ዓሶ፡ ዓደንታ ዒንደንታ ሃይቄ ዜኤሮ ናአቶንታ ዜኤሮይንደንሢንታኮ ካራ ባይዚ ማታሲፖቴ፤ ሃይካ ዬሩሳላሜይዳ ጌኤሺ ዓሲ ዋዲፖቴ። 4 ዓዳ ታአኒ ዓይሣማ ጎይያ ዒንሢ ማዳቴ ዳውቴ ዜርፃ ካአቱሞ ያይታፓ ኬዳዓኬ፤ ሃያኮ ቤርታ ማዳንታ ጎይያ ቢታንታ ዒንገንቴ ዓሶንታ ዳሮንታ ዋላ ማዒ ሳርጌሎ ያይቶና ፓራሢና ቶጊ ሃያ ካአቱሞ ማአሮ ጌሎ ካሮና ካሮና ጌላኒ ዒንሢ ዳንዳዓኔ። 5 ታ ዓይሣ ዓይሣያ ዒንሢ ካፒ ኩንሡዋአያ ማዔቴ ሃይ ካአቶ ማአራ ሻሂንቴ ደዓንዳሢ ታና ታ ጌፒ ጫአቃኔ፤ ዬያ ጌዔሢ ታና፡ ናገረና ናገጋ ጎዳኩ።»

6 «ዪሁዳ ካአታ ናገጋ ማአራ ጌሌዓዴ ዓጮና ሊባኖኦሴ ዲኮናጉዲ ታአሞ ሚዛጳያኬ፤ ጋዓንቴ ዒኢካ ዓሲ ናንጉዋ፡ ጉሪ ቤሲ ታአኒ ዬያ ማሃንዳኔ። 7 ዬያ ማአሮ ሻሂ ባይዛንዳ ዓሲ ታአኒ ዳካንዳኔ፤ ዔያታ ፔኤኮሃሪጎ ዔኪ ዬዓንዳኔ፤ ሊባኖኦሴ ሚያና ኮሾና ቱርቱር ተቂ ተቂ ታሚዳ ዓጋንዳኔ።

8 «ዬካፓ ዒኢና ዴንዳ ማሌ ዓጮ ዓሳ፡- ናገረና ናገጋ ጎዳ ሃኖ ዳኤፖ ካታሜሎይዳ ሃያጉዴ ባይሲንታ ዔኪ ዬዔሢ ዓይጎርናንዳይ? ጌይ ጌይ ዋሊ ኮይላ ያአጫንዳኔ። 9 ያዲ ጌይ ያአጫኮካፓ ታና፡ ናገረና ናገጋ ጎዳ ማዔ ዒንሢኮ ያአዛሢና ዋላ ዒንሢ ጫአቄ ጫአቄሞ ሃሺ ማሌ ያአዞ ዒንሢ ካአሻኬሢረና ዬያሞ ዒንሢ ማዳሢረ ዬይ ማዳንቴሢ ዔያታ ዔራንዳኔ።»

ዔርሚያስ ሻሉማ ጌይንታ ዓሢ ዛሎ ኬኤዜ ባአዚ

10 ዪሁዳ ዴሬዮቴ! ካአቲ ዒዮሲያሴ ዛሎ ዬኤኪፖቴ፤

ዒዚ ሃይቄሢረ ያዪፖቴ፤

- ጋዓንቴ ዒዮሲያሴ ናአዚ፡ ሻሉማ
- ላሚ ማዒ ሙኪንዱዋ ቤሲ ዔውታሢረ
- ዒ ሸይንቴ ዓጮዋ ላሚ ዛጉዋአሢረ
- ዒኔ ማቂ ዒዛ ዬኤኩዋቴ።

11 ዓደ ቤዛ ዪሁዳይዳ ካአታዴ፡ ካአቲ ዒዮሲያሴ ናአዚ፤ ዳዒንቴ ዔውቴ ዴንዴ ሻሉማ ዛሎ ናገረና ናገጋ ጎዳ ሂዚ ጋዓኔ፡ «ማይ ላሚ ዒዚ ሙካዓኬ፤ 12 ዒዚ ዒኢካ ዳዒንቴ ዴንዴ ዓጮይዳ ሃይቃንዳሢረ ላሚ ሃኖ ዓጮ ዒ ዛገንዱዋሴ።»

ዔርሚያስ ካአቲ ዒዮዓቄማ ዛላ ኬኤዜ ባአዚ

13 ካአቱሞ ማአሮ ፔኤኮ ጌኔ ጎይሢና ማዢሳሢ ኩሶ ኬኤያ ፔኤኮ ፒዜ ዋጌባአ ጎይሢና ማዢ ዓሢ

ፔ ዓጪ ዓሲታንቲ ዒንጋ ባአዚባአያ ጉሪ ማዲሻ ዓሢ
ዒ ማዳ ማዶኮ ጨጉዋ ዓሢም ባዴዔ!

14 ዬይ ዓሢ፡- «ታኣኒ ታኣኮ ዳልጊ ኩባ ጋርሲና ዓአ ማአሪ
ማዠንዳኔ፤ ዬያጉዲ ዳልጊ ዳልጊ ፑልታ ካራ ታኣኒ ጌሣንዳኔ፤ ዬያ
ማአር ታኣኒ ዳልጊ ዳልጊ ዴኤሊ ዚቢቂ ሚሢና ሚዛጲሲ ኮሻንዳኔ፤
ዞቂ ዲንኪ ቃላሜና ታኣኒ ዬያ ማአር ቲሽካንዳኔ» ጋዓኔ።

15 ሜሌ ዓሳ ማዳሢዳፓ ዑሣ ዓአዳ
ኮሺ ቃራ ማዔ ዴኤሎ ዚቢቆ ሚፆና ማአር ማዠሢር
ቢያሢፓ ቃራ ካአቶ ኔኤኒ ማዔያ ኔኤም ማላ?

ኔ ዓዴ ኩሙሢ፡ ጊዳ ለዔ ዋዛና ናንጌኔ፤
ዒዚ ቢያ ዋዴ ፒዜ፡ ሃሣ ጎኔ ዓሲ ማዒፆና
ዒ ማዳ ባካ ቢያ ዒዛም ጊኢጋያ ማዔኔ።

16 ዒዚ ማንቆ ዓሶና ሜታዳ ዓሶናም ፒዙሞና ዋጋሢር
ቢያ ባካ ዒዛም ጊኢጋኔ፤
ናንጊና ናንጋ ጎዳ ዔሪሢ ጌይፃ ዬያታሢ ዔሬ።

17 ኔኤኮ ማዳ ጌኤሽ ዓሲ ዋዲሢና ዓሲ ሄርቂ ዋይሥሢኔ፤
ኔኤኮ ዓአፖና ዒኖና ዓአ ቤዛ
ዔርቲባአ ጎይሢና ጌሽ ዔኤቢ ዲቢ ዴንቂሢዳ ሌሊኔ።

18 ዬያር ናንጊና ናንጋ ጎዳ ዪሁዳ ካኣቲ፡ ዒዮሲያሴ ናአዚ
ዒዮዓቂሜ ዛሎ ሂዚ ጋዓኔ፡-

«ዒዚ ሃይቃ ዋዶና
«ዋኦ! ታ ዒሽ ዋኦ!» ጌይ ጎዪ ዬኤካንዳ ዓሲ ባአሴ፤
ዬያጉዲ ሃሣ «ዋኦ! ኑ ጎዳ፤ ኑ ካኣቲዮ ዋኦ!» ጌይያአ
ዬኤካንዳ ዓሲ ጴዳዓኔ።

19 ሌዛ ዒዛኮ ቦንቸባኢያና ጎቺንቲ
ዬሩሳላሜ ካታሞኮ ዲፆ ዙላ ኬሲ
ሃሪ ጎይሢ ዴኤከንታንዳኔ።»

ዬሩሳላሜይዳ ሄላንዳ ሜቶ ዛሎ ዔርሚያሴ ኬኤዜ ቃኣሎ

20 ዬሩሳላሜ ዴሬዮቲ!
ዒንሢ ዋሊ ናሽካ ሚሳታ ባሽንቲ ሎኦሜኔ፤
ለባኖኦሴ ዲኮ ኬሰኪ ዒላቱዋቲ፤
ባአሳኔ ዓጮዋ ዴንዲ ዬኤኩዋቲ፤
ሞዓኣቤ ዲኮ ቶኦካ ኬሰኪ ዔቂ ቃዩዋቲ።

21 ዒንሢ ፆርሳጪ ናንጋ ዋዶና

ናንገና ናንጋ ጎዳ ዒንሢሞ ኬኤዘኔ፤
 ዒንሢ ጋባንቴ ዋይዞ ዒፄኔ፤
 ዒይፃፓ ዓርቃፆ ዒንሢ ማዳማ ዬማኬ፤
 ዒዛሞ ዒይሢንቶ ዒንሢ ዒፄኔ።

22 ዒንሢ ማዳ ጎሞ ዛሎና
 ዠባሬ ዲልባ ፒፂ ዔኪ ዴንዳሢጉዲ
 ዒንሢ ሄንቃ ዓሳ ፒፂንቴ ዔውታንዳኔ፤
 ዒንሢ ጉሙርቃ፥ ዒንሢኮ ፆሎ ሚሳታ
 ዲዒንቴ ዔርቴባኣ ዓጨ ዴንዳንዳኔ፤
 ቦርሲንቴና ዳውሲንቴና ዒንሢሞ ማዓንዳኔ።

23 ሊባኖኦሴ ዲካፓ ዔኪ ሙኮና ዴኤሎ ዚቤቆና ማዠና ማኣራ
 ኮሺና ሃሢ ዒንሢ ሃውሺ ናንጋኔ፤
 ጋባንቴ ሾይቺ ዓርቄ ላኣሊጉዲ ባኒፃ ዒንሢ ዓርቃኣና ዒንሢ
 ዋዋይታንዳይ?

ዒኮኒያይዳ ዓገንቴ ሜታሢ

24 ዒኖዓቆሜ ናኣዚ፥ ዒኮኒያሞ ናንገና ናንጋ ጎዳ ሂዚ ጌዔኔ፡-
 «ታ ሸምፓ ሃይቆ! ኔኤኒ ታኣኮ ሚዛቆ ኩጮይዳ ዓኣሢንቴ ዓኣ
 ማላቶ ዠኢራሢጉዲ ማዔቴያ ታ ኔና ኬሲ ኬኤራንዳኔ፤ 25 ኔና
 ዋዲኒ ኮዓ ዓሶና ኔኤኒያ ኮሺ ዒገጫ ዴር፤ ጌይፆ፡- ባብሎኔ ካኣቴ
 ናብካዳናፆኦሬንታ ባብሎኔ ዓሶንታሞ ታ ኔና ዓኣሢ ዒንጋንዳኔ፤
 26 ኔናንታ ኔና ሾዔ ዒንደንታ ዒንሢ ዳውሲንቴ ዴንዲ ባይቃንዳጉዲ
 ታኣኒ ማሃንዳኔ፤ ዒንሢ ቢያሢ ዒንሢ ሾይንቴባኣ ዓጨ ዴንዲ
 ዒኢካ ሃይቃንዳኔ። 27 ሃኖ ዓጩሎ ላሚ ዛጋኒ ኔኤኒ ጳቂሃንዳኔ፤
 ጋባንቴ ላሚ ኔ ማዒ ሙካዓኬ።»

28 ታኣኒ ዒማና ሂዚ ጌዔኔ፡- «ካኣቴ ዒኮኒያ ቶኦቺንቴ ሃይቄ ፆቴ
 ፆኦኒያ ኮዑዋያጉዲ ማዓንዳኔ ጌይሢዳ? ዒዛንታ ናኣቶንታ ዔያታ
 ዓሩቀ ዓጨ ዲዒንቴ ዔውታሢ ዓይጎርዳይ?»

29 ዓጨዮ! ዓጨዮ! ዓጨዮ!
 ናንገና ናንጋ ጎዳ ጋዓ ቃኣሎ ዋይዘ!

30 «ሃይ ዓሢ ናኣታፓ ቢያ ፔኤኮ ጉሪ ዓቴ
 ናንጋኣ ዒዛኮ ገኢጉዋያ ማዓንዳጉዲ ናንገና ናንጋ ጎዳ ዋጌኔ፤
 ዳውቴኮ ካኣቱሞ ፆይቶ ዳካላኒ
 ዪሁዳይዳ ካኣታዳንዳ ዜርሢባኣያ፥ ናይ ሾይባኣ ዓሲ ጌይ
 ዒዛ ፃኣፔ፤
 ዬያ ጌዔሢ ታና፥ ናንገና ናንጋ ጎዳኬ።»

22:24 22:24 2ካኣቶ. ማ 24:8-15፤ 2ፆኦሲ. ዓሃኬ 36:9-10።

23

ሃጊ ማዓንዳ ባአዚ ዛላ ኬኤዚንቴ ባአዚ

1 «ታአኮ ቆልሞ ማዔ፥ ዴሮ ዣአሊሳ ዓሶና ባይዛ ዓሳ ዒንሣና ባዴዔ!» ሃዚ ጋዓኔ ናንጊና ናንጋ ጎዳ፥ 2 ናንጊና ናንጋ ጎዳ፥ ዒሰራዔኤሌኮ ጾአዛሣ ዴሮ ሄንቃ ዓሶሞ ሃዚ ጋዓኔ፡- «ዴሮ ታአኮ ዒንሣ ኮይሳ ጎይጾ ሄንቁባአሴ፤ ዒንሣ ታአኮ ዴሮ ዳውሲ ዣአሊሳ ባይዘኔ፤ ዬያሮ ዒንሣ ማዴ ፑርቶ ማድሮ ቢያ ታ ዒንሣዳ ማቶ ዓጋንዳኔ። 3 ፒኤጫዲ ዓቴ ታ ዴሮ ታአኔ ዜርቂ ሃሺ ዓጮይዳፓ ቢያ ቡኩሲ ዔያታ ሾይንቴ ዓጮ ዔኪ ዬዓንዳኔ፤ ዔያታ ሚርጌ ናይ ሾዓንዳሣሮ ፓይዳ ዔያቶኮ ሚርጌ ሚርጌ ዓአዳንዳኔ። 4 ዔያቶ ሄንቃንዳ ዓሲ ታአኔ ዶአራንዳኔ፤ ታአኮ ዴራ ሃካፓ ሴካ ዒጊቹሞና ዲቃቲሣና ባአያ ናንጋንዳኔ፤ ሃሣ ዔያቶይዳፓ ፔቴ ዓሲታዎ ሴላዳዓኬ፤ ዬያ ጌዔሣ፥ ታና ናንጊና ናንጋ ጎዳኬ።»

5 ናንጊና ናንጋ ጎዳ ሃዚ ጋዓኔ፡- «ዳውቴ ዜርዎ ባአካፓ ዒሎ ማዔያ ካአቲ ታአኔ ዶአማንዳ ዎዴ ሙካንዳኔ፤ ዬይ ካአታሣ ዔራቶና ዎይሣንዳኔ፤ ዓጮይዳ ቢያ ፒዜ፥ ሃሣ ጎኔ ማዔ ባአዚ ማዳንዳኔ። 6 ዒዚ ካአታዳ ዎዶና ዪሁዳ ዴራ ዳቁንታ ዴንቃንዳኔ፤ ዒሰራዔኤሌ ዴራአ ኮሺ ናንጊ ናንጋንዳኔ፤ ዒዛኮ ሱንፃ፡- «ኩሎ ሚሎ ባአዚ ማዳ ናንጊና ናንጋ ጎዳ» ጌይንታንዳኔ።

7 «ዓሳ፡- «ዒሰራዔኤሌ ዴሮ ጊብፃ ዓጫፓ ዔኪ ኬሴ ናንጊና ናንጋ ጎዳ ሃይቆ!» ጌይ ጌፒንዳዎ ዎዴ ዬዓንዳኔ። 8 ዬያ ሃሺ ዔያታ፡- «ዒሰራዔኤሌ ዴሮ ኬዶ ዛሎ ዓጫፓ፤ ጊንሣ ሃሣ ዔያታ ዜርቂንቴ ዓአ ማሌ ዓጫፓ ቡኩሲ ዔኪ ሙኬ ናንጊና ናንጋ ጎዳ ሃይቆ!» ጌይ ጌፓንዳኔ፤ ዬካፓ ዔያቶ ዓጮ ማዔሣዳ ዔያታ ናንጋንዳኔ።»

ዔርሚያሴ ጾኦሲ ማሊዎ ኬኤዛኔ ጌይ ሉኦቃ ዓሶ ዛሎ ኬኤዜ ባኮ

9 ጾኦሲ ማሊዎ ኬኤዛ ዓሶ ዛሎ ታ ማላዛ ታአኮ ዒና ጾዪ ሜሜቃኔ፤ ማጌፃ ታአኮ ጎጋይቃኔ፤ ናንጊና ናንጋ ጎዳንታ ዒዛኮ ዴማዴ ቃአሎንታሮ ታአኔ ዎይኖ ዑዠ ዑሸኪ ማሣንቴ ዓሲ ማዔኔ፤

10 ሳዓ ቢያ ናንጊና ናንጋ ጎዳ ሃሺ ዘአሰካ ኮአማያ ማዔ ዓሶና ኩሜኔ፤ ጾኦሲ ማሊዎ ኬኤዛ ዓሳ ዒንጊንቴ ቢታንቶና ጌቴቃይዶ ማዳ ማዳኔ፤ ፑርታ ጎይሣ ዔያታ ዓአዳኔ፤

23:6 23:6 ዔር. 33:14-16።

ናንገና ናንጋ ጎዳ ሳያ ጋዳንቁሂረ
ሳዔላ ዩኤካኔ፤ ቦኦሎይዳ ቆልማ ሄንቃ ባካ ቢያ ማሌኔ።

- 11 ናንገና ናንጋ ጎዳ ሂዚ ጋዓኔ፡-
«ያኦሲ ማሊያ ከኤዛ ዓሶና ቄኤሴናኮ ዓያናና ናንጎ ናንጋ
ፑርቴኔ፤
ማሌ ዓታዛ ጌኤዡ ማኦርይዳታያ ዔያታ ፑርታ ባኦዚ ማዳኔ።
- 12 ዩያር ዔያታ ዴንዳ ጎይፃ ሃሊሂ ዔያቶም ማዓንዳኔ፤
ዲሞና ሃንታኦና ጎይፃ ዣኦሊ ዔያታ ሎኦማንዳኔ፤
ሜቶ ታ ዔያቶይዳ ዔኪ ዩዓኦና ዴኤሂ ባኦዚ ዳካንዳኔ፤
ዩያ ጌዔሂ ታና፣ ናንገና ናንጋ ጎዳኬ።
- 13 ሳማሪያይዳ ዓኦ ታ ማሊያ ከኤዛ ዓሳ ማዴ ሻኦካ ባኮ ታ ዴንቄኔ፤
ዔያታ ባዓኦሌ ሱንፆና ሎንሦ ከኤዚ ከኤዚ ታኦኮ ዴር፣
ዒሰራዔኤሌ ዳቢሳኔ።
- 14 ጋዓንቴ ዩሩሳላሜይዳ ዓኦ ታ ማሊያ ከኤዛ ዓሳ
ዩያይዳፓ ዑሣ ዓኦዴ ፑርታ ባኦዚ ማዳሂ ታ ዛጌኔ፤
ዔያታ ዘኦሰካ ኮኦማኔ፤ ሉኡቂያኦ ጌሰታኔ፤
ዓሶ ፑርታ ማዳም ዒቁሳኔ፤
ዩያይዳፓ ዔቂያና ዴራ ፑርታ ማዲፓ ገንሂም ጎዑዋሴ።
ዩያር ዔያታ ታ ቤርቶይዳ
ሶዶሜና ጋሞራ ዓሶናጉዲ ጋፒ ፑርቴኔ።

15 «ዩያር ታኦኒ፣ ናንገና ናንጋ ጎዳ ማዔ ቢያ ባኮ ማዡ ጎዳሂ
ዩሩሳላሜይዳ ዓኦ ታ ማሊያ ከኤዛ ዓሶ ዛሎ ሂዚ ጋዔኔ፡-
«ዓጩሎይዳ ካራና ዒኦሳ ማዳ ዔያታ ዳልገሼሂረ
ጫንቺ ዋላሺ ታ ዔያቶ ሙኡዛንዳኔ፤ ዋዎዳ ዴኤሻኦ ዔያቶ ታ
ዑሻንዳኔ።» »

16 ናንገና ናንጋ ጎዳ ማዔ ቢያ ባኮ ማዡ ጎዳሂ ዩሩሳላሜ
ዴርም ሂዚ ጋዓኔ፡- «ታ ማሊያ ከኤዛኔ ጋዓ ዓሳ ከኤዛ ባኮ
ዋይዚፖቴ፤ ዔያታ ሃጊ ማዲንታኡዋ ባኦዚ ከኤዚ ዒንሂ ጌሻንዳኔ፤
ዔያታ ዒንሂም ከኤዛንዳሂ ዔያታ ፔ ዒኖና ማሌ ባኦዚ
ማዓንዳኦፓዳቴም ታ ዔያቶም ከኤዜያ ማዓዓኬ፤ 17 ታ ቃኦሎ
ዋይዘ ዒፃ ዴርም፡- «ዒንሂረ ዚቲ ጎዑዋቴ፣ ኮሺ ማዓንዳኔ» ዔያታ
ጋዓንዳኔ፤ ዋይዘ ዒፃ ፑርቶ ዓሂም ዔያታ፡- «ዔኤቢ ባኦሴ፣ ፔቴታያ
ሜታ ኔና ሄላዓኬ» ጋዓንዳኔ።»

23:14 23:14 ማዡ. ማፃ 18:20፤ ሂዚ. 16:49።

18 ዔያቶ ባኣካፓ ናንጊና ናንጋ ጎዳ ማዳኒ ማሊ ዘርታ ዘር ዋይዚ፤ ሃሣ ዬያ ጌይንቴ ባኮ ዒና ዔኪ ዓይሢንቴይ ያናዳይ? 19 ናንጊና ናንጋ ጎዳኮ ዳጋ ፑርቶ ዓሶ ቶኦኮይዳ ባዞ ጉዳሢ ዳኤፖ ባዞ ዋኣያ ሂዓዛ ሙካ ዋኣያጉዲ፤ ሃሣ ጊንሣ ደዲ ዓልጎ ዠባሬጉዲ ሙኪ ኬዳሢ ኮሺ ዛጌ። 20 ናንጊና ናንጋ ጎዳ ዒ ማሊ ባኮ ማዲ ከንሣንዳያ ሄላንዳኣና ዒዛኮ ዳጋ ማዓያቱዋሴ፤ ሃጋ ዴራ ዬያ ቢያ ፔጋሲ ጋፒ ዔራንዳኔ።

21 ናንጊና ናንጋ ጎዳ ሂዚ ጋዓኔ፡- «ፔ ሸኔና ዔያታ ሩኡሪ ዴንዴኔ፥ ዬና ታ ማሊያ ኬኤዛ ዓሶ ታኣኒ ዳኪባኣሴ፤ ታኣኒ ታ ማሊሢኪ ጌይ ፔቴታዎ ዔያቶም ኬኤዜ ባኣዚ ባኣሴ፤ ዔያታ ጋዓንቴ ታ ሱንዮና ታ ማሊሢኪ ጌይ ዔኤቢ ኬኤዛኔ፤ 22 ዋንዴ ዔያቶ ባኣካፓ ታኣኒ ማዳኒ ማሊ ዘርታ ዘር ዋይዜይ ዓኣያ ማዔቴ ታ ቃኣሎ ዔያታ ኬኤዜያናንዳኔ፤ ታኣኮ ዴርዋ ዋሶ ጎይፃፓ፥ ጊንሣ ሃሣ ፑርቶ ናንጋፓ ሃሺሲ ማሄያናንዳንቴኤ።»

23 ናንጊና ናንጋ ጎዳ ሂዚ ጋዓኔ፡- «ታኣኒ ዑኩንታ ሃኬ ማዔ ቤዘ ቢያሢንታይዳ ዓኣ ያኦሲኬ። 24 ታኣኒ ጫሪንጮንታ ሳዮንታ ኩሚ ያኣ ያኦሲቱዋዓዳ? ዓሲ ዴዲዋ ቤሰካ ዓኣሸንቴቴ ታኣኒ ዴንቁዋ ዓኣሲዳ? 25 ታ ሱንዮና ሉኡቂ ኬኤዛ ዓሳ ጋዓ ባኮ ታኣኒ ዋይዜኔ፤ ታ ዓውተዓውታዴ፥ ዓውተታኣኒ ዛጌ» ጌይ ጌይ ዔያታ ዒላታኔ። 26 ዬና ታ ማሊያ ኬኤዛኔ ጋዓ ዓሳ ፔ ማሊያና ማኸፍ ዔኬ፥ ሉኡዙዋ ባኮና ዴር ታኣኮ ዳቢሺ ናንጋሢ ዋማ ሄላንዳኣናዳይ? 27 ዔያቶኮ ዓደንሢ ባዓኣሌ ካኣሸኪ ታ ሱንዮ ዋሌሢጉዲ ዔያታኣ ፔኤኮ ዓውቶ ዋሊም ኬኤዚ ኬኤዚ ሺሬም ታኣኮ ዴራ ታ ሱንዮ ዋላንዳያ ዔያቶም ማላኔ። 28 ታ ማሊሢ ኬኤዛያታዎ ዓውተዓውታዴ ዓሲ ዓኣቶ ፔኤኮ ዓውቶማ ሌሊ ኬኤዘንጎ፤ ታኣኮ ቃኣሎ ዋይዜ፥ ታ ማሊያ ኬኤዛ ዓሲ ጋዓንቴ ዒማ ዒ ዋይዜማ ጉሙርቂንቴሢኒ ኬኤዘም፤ ዲኢሪና ሜይ ዓኣፒናኮ ዓይጎ ፔቱዋ ዓኣይ? 29 ታኣኮ ቃኣላ ታሚጉዲ፥ ሃሣ ጊንሣ ደደ ላሎ ሹዋ ዴይ ጋኣጫ ሞቶሻጉዲኬ። 30 ፔቴ ባጋሢፓ ቃኣላ ዉኡቂሢ፡- «ሃይ ናንጊና ናንጋ ጎዳ ኬኤዜ ቃኣላኬ» ጌይ ኬኤዛ፥ ታ ማሊያ ኬኤዛኔ ጋዓ ዓሶ ታኣኒ ዒዒፃኔ። 31 ዔያታ ፔዒናፓ ኬሲ ዔኬ፡- «ሃይ ናንጊና ናንጋ ጎዳ ኬኤዜ ቃኣላኬ» ጌይ ኬኤዛ፥ ታ ማሊያ ኬኤዛ ዓሶዋ ታ ዒፃኔ። 32 ሃይሸ ታኣኒ፥ ናንጊና ናንጋ ጎዳ ጋዓሢ ዋይዙዋቴ! ሉኡዙዋ ሌሊ ማዔ ዓውቶ ፔኤኮ ኬኤዛ፥ ታ ማሊያ ኬኤዛኔ ጋዓ ዓሶ ታ ዒፃኔ፤ ዬያ ዓውቶ ዔያታ ኬኤዚ ኬኤዚ ሉኡዚ ሌሊ ማዔ ፔኤኮ ሆኦሊንቴዮና ታኣኮ ዴር ጎኔ ጎይፃፓ ኬሳኔ፤ ታ ዔያቶ ዳኪባኣሴ፤ ታኣም ዴንዲዋቴ ታ ጌይባኣሴ፤ ታኣኮ ዴርም ማኣዳ ባኣዚ ዔያታ ኬኤዛ ባኣዚያ ባኣሴ፤ ዬያ ጌዔሢ ታና፥ ናንጊና ናንጋ ጎዳኬ።»

ሉኡዚ ባአዚ ማዔ ባኮ ኬኤዛ ዓሶ

33 ናንጊና ናንጋ ጎዳ ሂዚ ጋዓኔ፡- «ዔርሚያሴ! ታ ማሊያ ኬኤዛ ዓሴ፣ ቁኤሴ፤ ሃንጎ ሃሣ ታ ዴርፓ ፔቴ፡- <ናንጊና ናንጋ ጎዳኮ ባሲ ማዔ ዴኤፃ ባካ ዓይጎዳይ?> ጌይ ኔና ጾኦጮቴ፣ ናንጊና ናንጋ ጎዳኮ ባሲ ማዔ ዴኤፃ ባካ ዓይጎዳይ፤ ዩያር ፔ ቤርታፓ ዓይጎሢ ዓ. ሸኢሻንዳኔ» ጌይ ዔያቶም ኬኤዜ። 34 ታ ማሊያ ኬኤዛ ዓሴ፣ ቁኤሴ፤ ሃንጎ ሃሣ ዴርፓ ፔቴ ዓሴ፡- <ናንጊና ናንጋ ጎዳኮ ባሲ ማዔ ዴኤሢ ባአዚ» ጌይ ኬኤዜቴ ዩያ ዓሢንታ ዒዛኮ ማእር ዓሶንታይዳ ሜቶ ታኣኒ ዓጋንዳኔ። 35 ዩያ ጌይያ ሃሺ ፔቴ ፔቴሢ፡- <ናንጊና ናንጋ ጎዳ ማሂ ኬኤዜ ባካ ዓይጎዳይ? ናንጊና ናንጋ ጎዳ ኦኡም ዋዚ ጌዔይ?> ጌዒ ፔኤኮ ለጋሢና ዒጊናሢያ ጾኦጮንዳያ ኮይሳኔ። 36 <ናንጊና ናንጋ ጎዳኮ ባሲ ማዔ ዴኤሢ ባአዚ» ጌይ ፔቴታያ ዔኤቢ ኬኤዚፖቴ፤ ናንጊና ናንጋ ጎዳ ኬኤዛ ቃኣላ ዋይቴ ባሲ ማዔ ዴኤፃኒ ዳንዳዓይ? ዓይጎሢ ጋዓንቴ ናንጊና ናንጋ ጎዳ ማዔ ቢያ ባኮ ማዜ ጎዳሢኮ ቃኣሎ ዋቢሳኔ። 37 ኔኤኒ ዔርሚያሴ! ታ ማሊያ ኬኤዛሢ ኮይላ፡- <ናንጊና ናንጋ ጎዳ ዋዚ ጌይ ማሂ ኬኤዜይ? ዓይጎ ባአዚ ኬኤዜይ?> ጌይ ጾኦጮ። 38 ጋዓንቴ ዔያቶ ባአካፓ ታኣኮ ዓይሢያ ዋይዘ ዒፂ፡- <ናንጊና ናንጋ ጎዳኮ ባሲ ማዔ ዴኤሢ ባአዚ» ጌይ ዔያታ ኬኤዛያ፡ <ናንጊና ናንጋ ጎዳኮ ባሲ ማዔ ዴኤፃ ባአዚ ጌይፖቴ» ጌዒ ታ ዔያቶም ኬኤዜንቴ ዔያታ፡- «ጾኦሲኮ ባሲ ማዔ ዴኤሢ ባአዚ» ጌዔሢር። 39 ታኣኒ ታ ቶኣኪና ዓይጎሢንታ ዔያቶንታ፤ ጊንሣ ሃሣ ዔያቶና ዔያቶኮ ቤርታኣ ዓደንሢናም ዒንጌ ካታሞ ኬዲ ዔኪ ታ ቤርታፓ ሸኢሻ ኬኤራንዳሢ ዔያቶም ኬኤዜ። 40 ዔያቶይዳ ታኣኒ ፔቴታያ ዋለንታኦዎያ፣ ናንጊና ናንጋንዳ ቦርሲንቴና ሞኦሪንቴሢና ዔኪ ዩዓንዳኔ።»

24

ለምዕ ኮታና ጌሢንቴ ቤሌሴ ሚያ ዓኣፖ ኮኣኪንሃ

1 ናንጊና ናንጋ ጎዳ ጌኤዮ ማእሮኮ ሆታ ጌሢንቴ ቤሌሴ ሚያ ዓኣፖ ጌሃናያ ለምዕ ኮታ ታና ዳዌኔ፤ ዩይያዲ ማዔሢ ባብሎኔ ካኣቴ ናብካዳናያኦሬ ዒዮዓቆሜ ናኣዚ፣ ዪሁዳ ካኣቴ፣ ዒኮኒያኔ ዪሁዳ ዓጮ ዋይሣ ሱኡጎና ዋላ፣ ኩጮና ዔቦ ማዲ ዔራ ሃኣሞንታ ሜሌ ሜሌ ባአዚ ማዲያ ማዔ ዔር ዓሶዋ ዋላ ዩራሳላሚፓ ዲዒ ዔኪ ባብሎኔ ዴንዴሢኮ ጊንፃኣኬ። 2 ፔቴ ቤርታሳ ኮቴሎ ጋራ ሃንጎ ቤሌሶ ሚያ ዓኣፓፓ ቤርታ ካፃ፣ ሚዛጲ ዓኣፒ ዓኣያኬ፤ ለምዓሳዞኮ

24:1 24:1 2ካኣቶ. ማ 24:12-16፤ 2ጾኦሲ. ዓሃኬ 36:10።

ጊንሣ ቤሌሴ ሚያ ዓኣፖታዎ ሙሮንታኒ ዳንዳዑዋ ጎይሣ ፑርቴያ ጋራ ዓኣኔ፤³ ናንጊና ናንጋ ጎዳ ዒማና ታ ኮይላ፡- «ዔርሚያሴ! ኔኤም ዓይጎ ባኣዚ ጴዳይ?» ጌይ ያኦጩኔ።

ታኣኒያ፡- «ታኣኒ ቤሌሴ ሚያኮ ዓኣፒ ዳንቃኔ፤ ቃራ ማዔ ዓኣፖንሣ ኮሺ ሚዛጳያኩ፤ ፑርቴያ ዓኣኔ፤ ዬያታ ጋዓንቴ ሙዓኒ ጊኢጉዋያ ጋፒ ፑፑርቴያኩ» ጌይ ማሄኔ።

⁴ ዬያር ናንጊና ናንጋ ጎዳ ታኣም ሂዚ ጌዔኔ፡- ⁵ «ታኣኒ፡ ናንጊና ናንጋ ጎዳ ማዔ ዒሰራዔኤሌ ያኦዛሣ ባብሎኔ ዓጮ ታኣኒ ዳኬ ታ ዴር ዬንሣ ቃር ቤሌሶ ሚያ ዓኣፖንሣጉዲ ማሂ ዛጋኔ፤ ⁶ ዔያቶኮ ሸምፓሣ ታኣኒ ካፒ ሃሮ ዓጮ ማሂ ዔኪ ዬዓንዳኔ፤ ታ ዔያቶ ማዢ ዔቁሳንዳኔ፤ ታ ዔያቶ ሻሃዓኬ፤ ታ ዔያቶ ሚሣጉዲ ቱካንዳኔ፤ ቱጊ ቱጋዓኬ፤ ⁷ ታኣኒ ያኦሲ ማዔሣ ዔያቶ ታ ዔርዛንዳኔ። ዬካፓ ዔያታ ጉቤ ዔኔና ታባንሣ ማዓንዳሣር ዔያታ ታ ዴሬ ማዓንዳኔ፤ ታኣኒያ ዔያቶኮ ያኦሲ ማዓንዳኔ።

⁸ «ዪሁዳ ካኣቲ፡ ሴዴቂያሴንታ ዒዛ ኮይላ ማዒ ዒዛ ዘራ ቢታንታ ዓኣ ዓሶንታ፤ ዬያጉዲ ሃሣ ዬሩሳላሜይዳ ናንጋ ዓሶፓ ሃሮ ዓጮይዳ ዓቲ ዓኣ ዓሶንታ ጊብፃ ዓጮ ዴንዴ ዓሶ ቢያ ጋዓንቴ ሙዓኒ ጊኢጉዋያ ማዒ፤ ፑርቴ ቤሌሴ ሚያ ዓኣፖንሣጉዲ ታኣኒ ማሃንዳኔ። ⁹ ዔያታ ዳውሲንቲ ዴንዳንዳጉዲ ታኣኒ ማሄ ዓጮይዳ ዓጮ ጉቤሣኮ ካኣታ ዔያቶ ዒፃያ፤ ጫሽኪንታያ፤ ሃይሴ ማሂ ዔያቶ ጉሪ ኬኤዚ ሸርያ፤ ሚኢጪ ዓማሎያና ዒላቶና ዓሲያ ዔያቶ ታ ማሃንዳኔ። ¹⁰ ዔያቶንታ ዔያቶኮ ቤርታኣ ዓድንሣንታም ታኣኒ ዒንጌ፤ ሃሮ ዓጩሎፓ ያልዚና፤ ናይዚና ዴማ ዴማ ዶርዶና ታ ዔያቶ ኩርሳንዳኔ።»

25

ዓጮኮ ኬዶ ዛላፓ ያላኒ ሙኬ ሞርኬ

¹ ዒዮሲያሴ ናኣዚ፡ ዒዮዓቄሜ ዪሁዳይዳ ካኣታዳንቴ ያይዳሳ ለዓ ዪሁዳ ዴር ዛሎ ናንጊና ናንጋ ጎዳ ታኣም ኬኤዜ ባኣዚ ዓኣኔ፤ ዬይ ኬኤዚንቴሣ ባብሎኔ ካኣቲ፤ ናብካዳናያኦሬ ካኣታዳ ቤርታሳ ለዎናኬ፤ ² ዬያር ታኣኒ ዪሁዳ ዴርና ዬሩሳላሜ ዴርናም ሂዚ ጌዔኔ፡- ³ «ዓሞኦኔ ናኣዚ፡ ዒዮሲያሴ ዪሁዳይዳ ካኣታዳንቴ ታጳ ሃይሣሳ ለዓፓ ዓርቃዎ ዴንዲ ሃማ ሄላንዳኣና ላማታሚ ሃይሣ ለዔይዳ ቢያ ናንጊና ናንጊና ጎዳ ታኣም ኬኤዜ ጎይሣ ዴዔኔ፤ ዒዚ ጋዓ ባኮ ታ ዒንሣም ኬኤዚፓ ጊንሣም ጌይባኣሴ፤ ዒንሣ ጋዓንቴ ጳቂሣ ዒና

25:1 25:1 2ካኣቶ. ማ 24:1፤ 2ያኦሲ. ዓሃኬ 36:5-7፤ ዳኣኔ. 1:1-2።

ዔኪባኣሴ፤ 4 ናንገና ናንጋ ጎዳ ዒዛም ማዳ፣ ዒዛ ማሊያ ኬኤዛ ዓሶ ዋሊ ሄሊሲ ዒንሢም ዳኬንቴያ ዒንሢ ዔኤቢኬ ጌይ ዒና ዔኪ ዋይዚባኣሴ፤ 5 ዬያታ ዒንሢም፡- <ናንገና ናንጋ ጎዳ ዒንሢንታ ዒንሢኮ ቤርታኣ ዓድንሢንታም ዒንጌ፣ ሃኖ ዓጨሎይዳ ናኣናና ዒንሢ ናንጋኒ ዒንሢኮ ፑርቶ ናንጎና ማዳና ሃሺ ማዑዋቴ፤ 6 ሜሌ ያኦዞ ካኣሽኪፖቴ፤ ዔያቶም ማዲፖቴ፤ ዚጊያ ዚጊፖቴ፤ ዒንሢ ኩቻ ዒንሢ ማዜ ሜሌ ያኦዞም ዚጊ ናንገና ናንጋ ጎዳኮ ዳጎ ዔቂሲፖቴ፤ ዬያ ዓይሢያ ዒንሢ ካቴቴ ዒዚ ዒንሢዳ ሜቶ ዓጋዓኬ፤ ጌይ ኬኤዚ ናኣኮኬ። 7 ሃሣ ዔያታ ዒንሢም ሂዚ ጌይ ኬኤዜኔ፡- <ናንገና ናንጋ ጎዳ ሂዚ ጋዓኔ፤ ዒንሢ ኩቻ ዒንሢ ማዜ ያኦዞ ዛሎና ታና ዒንሢ ዳጋሴኔ፤ ዒንሢዳ ዒንሢሮ ዒንሢ ፑርታ ባኣዚ ዔኪ ዬዔኔ።>

8 «ኑ ዒዛም ዋይዛዓ ዒንሢ ጌዔሢሮ ቢያ ባኮ ዋይሣ ጎዳሣ ሂዚ ጋዓኔ። 9 ሃይሾ፣ ታኣኒ ዓጨኮ ኬዳ ዛላ ዓኣ ፃጰ ባንሢ፤ ጊንሣ ሃሣ ታኣም ማዲያ ማዔ፣ ባብሎኔ ካኣቴ ናብካዳናያኦሬ ባንሢ ኪኢታ ዓሲ ዳካንዳኔ፤ ዬሁዳ ካታሞንታ ዒኢካ ናንጋ ዓሶዋ፣ ዬያጉዲ ጊንሣ ዓሺኒ ማዔ ዓጨ ዴሮዋ ዔያታ ያላንዳጉዲ ታ ዔያቶ ዔኤላንዳኔ፤ ኮይላ ዓኣ ዓሺኖ ዓጨና ዋላ ሃኖ ዓጨሎ ታኣኒ ባይዛንዳኔ፤ ዛገም ዓጊቻያ፣ ዓሲያ ሚኢጨ ዓማላንዳጉዲ ናንገና ሻሂንቴ ካታማ ማዒ ዴዓንዳጉዲ ታኣኒ ሃሻንዳኔ፤ ዬያ ጌዔሢ ታና፣ ናንገና ናንጋ ጎዳኬ። 10 ዋዛዳያንታ ዒላሾ ዑኡሲንታ ዔፒ ዑኡሲያ ዋይዚንቴዋጉዲ ታኣኒ ማሃንዳኔ፤ ጊንሣ ሃሣ ሃኣኮ ዒኢካ ዋዲንቴዋጉዲ፣ ዲሚና ዒኢካ ታሚ ፖዒያ ፖዑዋጉዲ ታኣኒ ላኣጋንዳኔ። 11 ሳዔላ ካራና ደዔ ካታማና ዓሲያ ናንጉዋያ ጉሪ ቤሲ ማዓንዳኔ፤ ዬያታ ዴራ ላንካይታሚ ለዔ ባብሎኔ ካኣቴ ዴማ ዋርቃንዳኔ። 12 ዬካፓ ላንካይታም ለዓ ጋፓዛ ባብሎኔንታ ዴሮንታ ካኣቴንታይዳ ዔያታ ዳቤ ዳቢንቶ ዛሎና ሜቶ ታኣኒ ዓጋንዳኔ፤ 13 ታኣኒ ዴሮ ቢያሢዳ ዔኪ ዬዓንዳኔ ጌይ ዔርሚያሴም ኬኤዜ፣ ሃያ ማፃአፖይዳ ፃኣፒንቴ ዓኣ ፑርቶ ባኮ ቢያ ኬይሲ ባብሎኔ ታሜታሳንዳኔ። 14 ባብሎኔ ዓሳ ማዴ ፑርቶ ባኮሮ ቢያ ኮይሳማ ታ ዔያቶም ዒንጋንዳኔ፤ ሜሌ ዴሬ ሚርጌንታ ዴኤፒ ዴኤፒ ካኣቶንታ ዔያቶ ዓይሌ ማሂ ዋይሣንዳኔ።»

ናንገና ናንጋ ጎዳ ሜሌ ዴሮይዳ ዓጋንዳ ፑርቶ ባኮ
 15 ዒሰራዔኤሌኮ ያኦሲ፣ ናንገና ናንጋ ጎዳ ሂዚ ታኣም ጌዔኔ፡-
 «ታኣኮ ዳጎ ማዔ ሃያ ዋይኖ ዑኩ ኩንሃና ዑኩ ዓንጎ ታ

25:10 25:10 ዔር. 7:34፤ 16:9፤ ዮሃ. ያፕዳ 18:22-23። 25:11 25:11 2ያሱ. ዓሃኬ 36:21፤ ዔር. 29:10፤ ዳኣኔ. 9:2።

ኩጫፓ ዔኪ፡ ታኣኒ ኔና ዳካ ዳሮ ኮይላ ዳንዲ ዔያቶ ዑሼ።
16 ዔያታ ዑሽካፆ ዔያቶይዳ ታኣኒ ዳካንዳ ፆሎ ዛሎና ዒና ባይቂ ዜኤ ማንዳኔ።»

17 ዬያሮ ዬያ ዑዠና ዓኣ ዓንጎ ታኣኒ ናንገና ናንጋ ጎዳ ኩጫፓ ዔኪ ዒዚ ታና ዳኬ ዳሮ ቢያሢ ኮይላ ዳንዲ ዔያቶ ዑሼኔ፤

18 ዬሩሳላሜ ዳሮንታ ዪሁዳ ካታሞ ዳሮንታ ፔኤኮ ካኣቶንታ ቢታንታ ዒንገንቴ ዓሶንታ ዎላ ዬያ ዑዠ ዓንጎይዳ ዓኣ ዑዠፓ ዑሽኬኔ፤ ዬያይዳፓ ዔቆያና ዬንሢ ቤዛ ዛገሞ ዒጊቻያ፡ ዓሲ ናንጉዎ ዳውሌ፤ ገንሣ ሃሣ ዓሲ ጫሺ ጫሽካያና ጋዳማ ጋዳንቃ ቤሲ ማዓንዳኔ።

19-26 ዬያ ዑዠ ዑሽካኒ ኮይላ ሜሌ ዓሳ ሃካፓ ለካ ፓይዲንታ ዓሶኬ፡-

ጊብፃ ካኣቲ ፔኤኮ ደንዘና ቢታንቶ ዒዚ ዒንጌ ዓሶና ዎላ፤

ጊብፃ ዳሮና ጊብፃይዳ ሙፒ ዓሲ ማዒ ናንጋ ዓሳ ቢያ፤

ፆኦፃ ዓጮይዳ ናንጋ ካኣታ ቢያ፤

ፒሊስጳኤ ሜ ዓጮ ካታሞኮ ዓሰቆሎናይዳ፡ ጋኣዛይዳ፡

ዓቅሮኔና ዓሽደዳናይዳ፡ ገንሣ ሃሣ ሜሌ ቤዛይዳ ናንጋ፡-

ዔደኦ ሜ ዳራ፡ ሞዓኣቤንታ ዓሞኦኔ ዳሮንታ ቢያ፤

ዒሮሴና ሲደና ዓጮ ካኣታ ቢያ፤

ሜድቴራኒያ ባዞ ኮይላ ዓኣ ዓጮ ካኣታ ቢያ፤

ዳዳኔ፡ ቴማኔንታ ቡዜ ካታሞንታ ቢያ፤

ሻውሎና ሚዛቆ ዛሎ ጋንጋሮይዳ ዓኣ ጋፓሮ ሜኤዳ ዳራ ቢያ፤

ዓሬቤ ዓጮ ካኣታ ቢያ፤

ዳውላዳ ዓጮይዳ ናንጋ ፃጰ ካኣታ ቢያ፤

ዚምራ፡ ዔላኦሚንታ ሜዳኔ ዓጮ ካኣቶንታ ቢያ፤

ሃንጎ ሃሣ ዓጮኮ ኬዶ ዛሎና ሃኬያ ማፆሞ ዑኬ ዓኣ ካኣታ ቢያ ፔ ዎደና ዎደና።

ሳፆ ቢያሢዳ ናንጋ ዳራ ጉቤ፤ ዬያ ዑዠ ዓንጎና ዓኣ ዑዠፓ ዑሽካንዳኔ፤ ጋፒንፆይዳ ባብሎኔ ካኣቲ ዬያ ዑዠ ዑሽካንዳያ ኮይሳኔ።

27 ናንገና ናንጋ ጎዳ ታኣሞ ሂዚ ጌዔኔ፡- «ታኣኒ፡ ቢያ ባኮ ማዜ ጎዳ ማዔ ዒሰራዔኤሌ ፆኦዛሢ ዔያቶይዳ ዔኪ ዬዓንዳ ፆሎ ዛሎና ዔያታ ማሢንቲ ጮኦሽካንዳያ ሄላንዳኣና፤ ገንሣ ሃሣ ሎኦሚ፡ ዔቂ ባሽንታንዳያ ሄላንዳኣና ዬያ ዑዠ ዔያታ ዑሽካንዳጉዲ ታኣኒ ዓይሣንዳሢ ዳሮሞ ኬኤዜ፤ 28 ዬያ ዑዠ ዓንጎና ዓኣ ዑዠ ኔ ኩጫፓ ዔያታ ዔኪ ዑሽኮ ዒፃፆ ማዔቴ፡- ሃያ ዑዠ ዒንሢ ዑሽካንዳጉዲ ቢያ ባኮ ዎይሣ ጎዳ ማዔ ፆኦዛሢ ዓይሣኔ ጌይ ዔያቶሞ ኬኤዜ።

29 ሃይሹ፡ ታኣኒ ባይዚያ ታኣኮ ሱንፃ ዔኤሊንታ ካታሞፓ ዓርቃንዳኔ፤

ሂንዳ ዓካሪ፥ ዔያታ ታኣኒ ዓጋ ሜታሢፓ ቶላንዳጉዲ ዔያቶም ማላፖ ታኣኒ ዓጮይዳ ቢያ ናንጋ ዴሮይዳ የልዚ ዔኪ ዩዓንዳሢሮ ፔቴታየ ታኣኒ ዓጋ ሜታሢፓ ቶላንዳ ዓሲ ባኣሴ፤ ዩያ ጌዔሢ ታና፥ ቢያ ባኮ ዋይሢ ጎዳኬ።

30 «ዔርሚያሴ! ኔኤኒያ ታኣኒ ኔኤም ኬኤዜ ቃኣሎ ቢያ ዴጊዲ ኬኤዛንዳያ ኮይሳኔ፤ ዩያቶ ዴሮም ሂዚ ጌዔ፡-

ናንጊና ናንጋ ጎዳ ጫሪንጫፓ ዴኤፒ ዑኡሲ ዋይዚሳኔ፤
ዒዚ ናንጋ፥ ዒዛም ዴማዴ ኬኤፃፓ ጉጉንሣኔ፤
ሳየይዳኣ ዴኤፒ ዑኡሲ ዋይዚሳኔ፤

ዋይሮ ጩኡጳ ዓሶ ጎይሢ ዴኤፒ ዑኡሲና ጌሰታኔ፤
ሳየይዳ ናንጋ ዓሶም ቢያ ዴኤፒ ዑኡሲ ዋይዚሳኔ።

31 ናንጊና ናንጋ ጎዳ ዴሮ ዘሪ ጎራ ዋዶና
ዋይዚሳ ዑኡዛ
ዴንዲ ዓጮኮ ጋፖ ሃላኔ፤
ሜሌ ዴሮ ቢያሢዳ ጌሰቲ ዋጋኔ፤
ፑርቶ ዓሶዋ ዒ ዋዋዳኔ
ዩያ ጌዔሢ ናንጊና ናንጋ ጎዳኬ።»

32 ቢያ ባኮ ማዜ ጎዳሢ ሂዚ ጋዓኔ፡- «ሃይሾ፥ ዴሮይዳ ቢያ ፔ ዋዶና ዋዶና ባይሲንታ ሙካንዳኔ፤ ዓጮኮ ካራፓ ቢያ ዴኤፒ ዓልጎ ዠባሪ ዔቃንዳኔ። 33 ዩሮ ዋዶና ናንጊና ናንጋ ጎዳ ዋዳንዳ ዓሶኮ ሌዛ ሳየኮ ካራፓ ጋፖ ሃላንዳኣና ኬኤሪንቲ ኩማንዳኔ፤ ዔያቶ ዩኤካንዳ ዓሲንታ ዩያ ሌዘ ዔያቶኮ ቡኩሲ ዴኡካንዳ ዓሲያ ጴዳዓኬ፤ ዩያሮ ዔያታ ቡኡራጉዲ ቦልካ ኬኤሪንቲ ዓታንዳኔ።

34 «ዒንሢ፥ ሱኡጋ ዩኤኩዋቴ፤ ዒንሢ፥ ዴሮ ካፓ ዓሳ ዑኡዘ ዒንሢኮ ዴጊዲ፡- <ዋኦ! ዋኦ!> ጎዑዋቴ፤ ዲቢንሢዳ ኮላዲ ኮላዲ የዩዋቴ፤ ቢያሢ ዒንሢ ሹከንታንዳ ዋዳ ሃሌኔ፤ ዠኢጩ ዓጪና ማዠና ቦንቹንታያ ማዔ ባኣዚ ኬዲ ሃይቃየ ቡርሺንታሢጉዲ ዒንሢያ የዳ ቡርሺንቲ ላኣሊንታንዳኔ። 35 ዩይ ሱኡጋ ፑኒ ጌላንዳ ቤሲ ባኣሴ፤ ዴሮ ካፓ ዓሳኣ ቶላንዳ ጎይሢ ባኣሴ። 36 ሂንቃ ዓሳ ዒላታንዳኔ፤ ናንጊና ናንጋ ጎዳ ቆልሞኮ ሂንቆ ቤዘ ባይዜሢሮ ቆልሞ ዓዶንሢ ዒናፓ ዩኤካኔ። 37 ናንጊና ናንጋ ጎዳኮ ዴኤፖ ዳጎ ዛሎና ኮሺ ዔያታ ናንጋ ማኣራ ዔያቶኮ ሻሂንቲኔ። 38 ሄርቂ ዋይሢ ዓሶኮ ጩንቹ ዓፓሮና ናንጊና ናንጋ ጎዳኮ ዴኤፖ ዳጎናፓ ዔቄያና ሳዔላ ዓሲ ናንጉዋ ጉሪ ቤሲ ማዔሢሮ ዘቢ ናንጋ ቤዘ ሃሺ ፑኒ ዴንዳሢጉዲ ዔያታ ፑኒ ባይቃንዳኔ።»

26

ዔርሚያሴ ጌኤዠ ማኣራ ኬኤዜ ባኮ

1-2 ዔዮሲያሴ ናኣዚ፡ ዔዮዓቁሜ ዪሁዳይዳ ካካኣታዳማና ናንጊና ናንጋ ጎዳ ታኣም ሂዚ ጌዔኔ፡- «ጌኤዠ ማኣሮይዳ ዓሳ ቡካ ቤዛ ዔቁጋፓ ዪሁዳ ካታሞይዳፓ ቢያ ዘገ ካኣሸካኒ ሙካ ዳሮም ታኣኒ ኔና ዓይሣሢ ቢያ ፔቲ ባኣዚታዎ ዓይሱዎፖ ኬኤዜ፤
 3 ጎፆንቲ ዴራ ዋይዚ ፑርቶ ማዳፓ ማዓገዳያናንዳኔ፤ ዔያታ ማዓያ ማዔቲ ዔያቶኮ ፑርቲሞፓ ዔቁያና ዔያቶይዳ ታኣኒ ዔኪ ዬዓኒ ማሌ ባይሲንቶ ሃሻንዳኔ።»

4 ዳሮም ሂዚ ጌይ ኬኤዘንጎ ጌይ ናንጊና ናንጋ ጎዳ ታና ዓይሣኔ፡- «ታኣኒ፡ ናንጊና ናንጋ ጎዳ ዒንሢም ዒንጌ ዎጎ ጎይፆ ዒንሢ ማዳብኣቲ፡ ታኣማኣ ዒንሢ ዓይሢንቲባኣቲ፡ 5 ዒንሢ ዋይዚባኣያ ማዔቲያ ታኣም ማዳ፡ ታ ማሊፆ ኬኤዘ ዓሶ ለሚ ለሚ ታ ዒንሢ ባንሢ ዳኬኔ፤ 6 ዋይዘ ዒፆ ሃሹዋያ ዒንሢ ማዔቲ ሴኤሎይዳ ታኣኒ ማዴ ባኮንሢ ቢያ ሃያ ጌኤዠ ማኣሮይዳ ለሚ ሃሣ ታ ማዳንዳኔ፤ ዓጮ ዴራ ቢያ ሃኖ ካታሜሎኮ ሱንፆ ጋዳንቁሢ ሱንሢ ማሂ ፓይዳንዳኔ።»

7 ቁኤሶንታ ፆኦሲ ማሊፆ ኬኤዘ ዓሶንታ ዳሮንታ ቢያ ጌኤዠ ማኣሮይዳ ዬያ ታ ኬኤዘሢ ዋይዜኔ፤ 8 ናንጊና ናንጋ ጎዳ ታና ኬኤዘም ጌይ ዓይሢ ባኮ ቢያ ኬኤዚ ታ ኩኩርሳኣና ታ ዔሪባኣንቲ ታና ዔያታ ዓርቁ፡- «ሃያ ዎዎዳንዶ ዓሲኬ!» ጌይ ዒላቲኔ፤ ጊንሣ ሃሣ፡- 9 «ሃይ ጌኤዠ ማኣራ ሴኤሎ ማዓንዳኔ» ጌይ ናንጊና ናንጋ ጎዳ ሱንፆና ኔኤኒ ኑኡም ሎንሣ ኬኤዘሢ ዓይጎርዳይ? ሃሣ፡- «ሃና ካታማ ባይቃንዳኔ፤ ሃካ ናንጋንዳ ዓሲያ ጴዳዓኬ» ኔኤኒ ጌዔሢ ዓይጎርዳይ?» ጌይ ታና ፆኣጩኔ። ዬካፓ ዴራ ቢያ ጌኤዠ ማኣሮይዳ ቡከንቲ ታኣኮ ኮይሎ ሙከ ማንጌኔ።

10 ዒማና ዪሁዳ ዓሶ ዎይሣ ሱኡጋ ዬያ ባኮ ዋይዘፆ ካኣቲሞ ማኣራፓ ኬሰኪ ጌኤዠ ማኣራ ሙኬኔ፤ ዬካፓ ጌኤዠ ማኣሮኮ ዓኮ ጌሎ ካርይዳ ፔ ቤዛ ዴዔኔ። 11 ቁኤሶና ፆኦሲ ማሊፆ ኬኤዘ ዓሶና ዳሮናም ዔያታ ሂዚ ጌዔኔ፡- «ሃይ ዓሢ ጌዔ ባኮ ቢያ ዒንሢ ዒንሢ ቶኣኪና ዋይዜኔ፤ ኑ ካታሞይዳ ዒ ፑርታ ሎንሣ ባኣዚ ኬኤዘሢረ ዒ ዎዲንታንዳያ ኮይሳኔ።»

12 ታኣኒ፡ ዔርሚያሴ ዬያ ዳሮኮ ሱኡጎና ዳሮናም ሂዚ ጌዔኔ፡- «ሃኖ ካታሞና ሃያ ጌኤዠ ማኣሮይዳ ዬያ ዒንሢ ዋይዜ ሎንሣ ቃኣሎ ኬኤዘንዳጉዲ ታና ዳኬሢ ናንጊና ናንጋ ጎዳኬ። 13 ሃሢ

26:1-2 26:1-2 2ካኣቶ. ማ 23:36—24:6፤ 2ፆኦሲ. ዓሃኬ 36:5-7። 26:6 26:6 ዓያ. 18:1፤ ዓይኑ. 78:60፤ ዔር. 7:12-14።

ዒንሢ ርንጋ ርንጎና ዒንሢ ማዳ ማዳና ለአሚ ገሊገሺ ዒንሢኮ ርንገና ርንጋ ጎዳ ማዔ ያኦዛሢም ዓይሢንታንዳያ ኮይሳኔ፤ ዬያ ዒንሢ ማዳቴ ዒንሢዳ ዒዚ ዔኪ ዬዓኒ ማሌ ባይሰንቶ ሃሻንዳኔ።
 14 ታ ዛሎኮታቶ ሃይሾ ታኣኒ ዒንሢ ኩጫከኔ፤ ፒዜ ሃሃ ቃራ ማሊ ዒንሢም ጴዳ ባኣዚ ቢያ ታገዳ ማማዲዋቴ፤ 15 ጋዓንቴ ፔቴ ባኣዚ ሌሊ ዒንሢ ኮሺ ዔራኒ ኮይሳኔ፤ ዬይያ፡- ታና ዒንሢ ዋዳያ ማዔቴ ዒንሢንታ ሃኖ ካታሞይዳ ርንጋ ዳሮንታ ቢያ ጌኤሺ ዓሲ ዋዲያና ሱጉሢ ዓሲ ማዓንዳኔ፤ ዬያ ላቲያ ሃይሶ ከኤዛንዳጉዲ ዒንሢ ባንሢ ታና ዳከሢ ጎኔና ፔኤሮ ርንገና ርንጋ ጎዳከ።።»

16 ዬካፓ ዳሮኮ ሱኡጎና ዳሮና፡- «ሃይ ዓሢ ኦኡም ከኤዜሢ ኦ ያኦሲ ማዔ ርንገና ርንጋ ጎዳሢ ሱንያና ማዔሢሮ ዒ ዋዲንታኒ ኮይሱዋሴ» ጌይ ቄኤሶና ያኦሲ ማሊያ ከኤዛ ዓሶናም ከኤዜኔ።

17 ሄሊሳያ ሃሃ ጋርቾ ጨሞ ባኣካፓ ፔቴ ፔቴ ዓሲ ዔቁ፡ ዒኢካ ቡኩ ዳሮም ሂዚ ጌይ ከኤዜኔ፡- 18 «ሂዘቂያሴ ዪሁዳይዳ ካኣታዲ ዓኣንቴ ሞሬሽቴ ዓጮይዳ ያኦሲ ማሊያ ከኤዛ፡ ሚኪያሴ ቢያ ባኮ ማዜ ጎዳሢ ከኤዜ ሎንሃ ቃኣሎ ዳሮም ሂዚ ጌይ ቤርታ ከኤዚናኣኮኩ፡-

ጲዮኔ ጎሽጉዲ ጎሽኪንታንዳኔ፤
 ዬሩሳላሜ ሻሂንቴ ቡኡራ ኩሎናያ ማዓንዳኔ፤
 ጌኤዦ ማኣራ ማዜንቴ ጌሚሮይዳ ኩምቡሊ ካይዚ ከሰካንዳኔ።።»

19 «ዬያ ዒ ጌዔሢሮ ካኣቲ ሂዘቂያሴንታ ዪሁዳ ዳሮንታ ሚኪያሴ ዋዲሺያ? ዋዲሺባኣሴ! ሂዘቂያሴ ዒማና ርንገና ርንጋ ጎዳ ዒጊጨ ዒዛ ማኣራንዳጉዲ ሺኢቄኔ፤ ርንገና ርንጋ ጎዳኣ ዔያቶይዳ ዔኪ ዬዓኒ ማሌ ፑርቶ ባኮ ሃሽኔ፤ ኦኡኒ ሃሢ ጋዓንቴ ፑርቶ ባኮ ኦ ባንሢ ዔኤላኒ ገሊጌኔ።።»

20 ቂሪያትይዓሪሜይዳ ርንጋ፡ ሺማያ ርኣዚ፡ ዑሪያ ጌይንታሰኪይያኣ ዓኣኔ፤ ዬይ ዓሢ ዓዳ ዔርሚያሴ ከኤዜ ጎይያ ሃኖ ካታሞና ሃኖ ዓጮናይዳ ባይሰንታ ሙካንዳሢ ርንገና ርንጋ ጎዳ ሱንያና ሎንሃ ከኤዜኔ፤ 21 ካኣቲ ዒኖዓቄሚንታ ዒዚ ቢታንቶ ዒንጌ ዓሶንታ ያሎ ዓሶ ዓይሢ ሱኡጋሢንታ ዑሪያ ጌዔ ባኮ ዋይዜሰካፓ ዑሪያ ዋዲንታንዳጉዲ ካኣቲ ኮዔኔ፤ ዑሪያ ዬያ ዋይዛያ ሚርጌና ዒጊጨኦ፤ ዬያሮ ጊብፄ ዓጮ ፑኒ ዴንዴኔ፤ 22 ጋዓንቴ ካኣቲ ዒኖዓቄሚ ዒማና ዓክቦሪ ርኣዚ፡ ዔልናኣታኔና ሚሌ ዓሲና ጊብፄ ዓጮ ዴንዲ ዑሪያ ዔኪ ዬዓንዳጉዲ ዳከኔ፤ 23 ዬያታ ዓሳ ዑሪያ

26:18 26:18 ሚኪ. 3:12።

ዔኪ ካአቲ ዒዮባቄሜ ኮይላ ሙኬኔ፤ ዑሪያ ዎዲንቲ ጋኦጫይዳ ኬኤሪንታንዳጉዲ ካአቲ ዓይሣኔ።

24 ታኣኒ ጋዓንቲ ሳኣፓኔ ናኣዚ፣ ዓሂቃሜ ታና ዓሳ ዎዲዋጉዲ ካፕሢር ዴራ ዎዲንዳጉዲ ዓኣሢ ታና ዒንገቢሶኦ።

27

ዔርሚያሴ ኬዴ ቃምባር

1 ዒዮሲያሴ ናኣዚ፣ ሴዴቂያሴ ዪሁዳይዳ ካኣታደሰካፓ ኔጉዋዎ ናንገና ናንጋ ጎዳ ታኣም ሂዚ ገዔኔ፡- 2 «ዋኣዎ ሱዛ ቃልሾና ኮሺንቲ ሚሢ ቃምባር ገኢገሺ ኔ ባቃና ዓገ። 3 ዬካፓ ዬሩሳሌሜይዳ ናንጋ፣ ዪሁዳ ካአቲ፣ ሴዴቂያሴ ኮይላ ሙኬ ከኢቶ ዓሶ ዑፃ ዔዶኦሜ፣ ሞዓኣቤንታ ዓሞኦኔንታ፤ ዬያጉዲ ፃሮሴና ሲዶና ዓጮ ካኣቶንታም ከኢታ ዳኬ። 4 ዔያታ ፔኤኮ ካኣቶም ታና፣ ቢያ ባኮ ዎይሢ ጎዳሢ፣ ዒሰራዔኤሌ ያኦዛሢኮ ሃያ ከኢቶ ኬኤዛንዳጉዲ ዓይሢ ዳኬ! 5 ታኣኒ ታኣኮ ዴኤፖ ዎልቆና፣ ሃሣ ደዲሞና ዓጮ ቢያሢንታ ዓሲ ዜርሢንታ፤ ዬያጉዲ ሳይዳ ናንጋ ባኮ ቢያ ማገፍ፤ ሳዮ ሃያ ዎይሢንዳሢ ሶናታቲያ ታኣኒ ዶኦሪ ጌሣንዳኔ። 6 ሃይ ዴራ ቢያ ባብሎኔ ካአቲ፣ ታኣም ማዳሢ፣ ናብካዳናያኦሬ ቢታንቶ ዴማ ዎርቃንዳጉዲ ማዴሢ ታናኬ፤ ሳይዳ ዓኣ ቦዓኣ ዓቲዎዎ ዒዛም ዓይሢንቲ ዎርቃኔ። 7 ሜሌ ዴራኣ ቢያ ዒዛም ማዳንዳኔ፤ ዬያጉዲ ሃሣ ዒዛ ዴራኣ ዬያ ዴኤፑማፓ ዒ ኬዳንዳያ ሄላንዳኣና ዒዛኮ ናኣቶና ናኣቶኮ ናኣቶናም ዓይሢንቲ ዎርቃንዳኔ፤ ዬካፓ ዬያ ናብካዳናያኦሬኮ ዴራ ዲቢ ዲቢ ዴሬ፤ ገንሣ ሃሣ ዴኤፒ ዴኤፒ ካኣቶም ዓይሢንቲ ማዳያ ማዓንዳኔ።»

8 «ጋዓንቲ ዓይጎ ዴሬያ ማዎም ካኣታ፡- <ዒዛም ዓይሢንቲ ማዳዓ፤ ዒዛ ቃምባር ባቃና ዴዔም ዎርቃዓ፣ ገዔቲ ናብካዳናያኦሬ ፔኤር ዬያ ዴርንታ ካኣቶንታ ባይዛንዳጉዲ ታኣኒ ጋዓማ ሄላንዳኣና ያልዚና ናይዚና፤ ገንሣ ሃሣ ዴማ ዴማ ፑርታ ዶርዎና ታኣኒ ኩርሲሳንዳኔ። 9 ዒንሢም ሎንሦ ባኮ ኬኤዛ ዓሶንታ፣ ዡዎንታ ማርሾ ማርሻ ዓሶንታ፤ ዬያጉዲ ሃይቄ ዓሶኮ ዔኤዡ ዔኤሊ ጌሰታ ዓሶንታ ዓውቶ ዛጋኔ ጋዓ ዓሶንታ <ሃጊ ማዓንዳ ባኮ ቢያ ኑ ዔራራ> ጋዓሢ ዔያቶሲ ዎይዚፖቲ፤ ዬያታ ቢያ ዒንሢ ዘራሢ፡- ባብሎኔ ካአቲም ዒንሢ ዓይሢንቲ ዎርቂንዲሞሴ ጌይኬ፤ 10 ዔያታ ዒንሢም ኬኤዛ ሎንሣ ለኡዚ ባኣዚኬ፤ ዒንሢ ዬያ ዎይዜያ ማዔቲ ዒንሢ ሾይንቲ ዓጫፓ ታ ዒንሢ ሃኬ ዓጪ ዳውሲ ዳካንዳኔ፤ ዬያር ዒንሢ

27:1 27:1 2ካኣቶ. ማ 24:18-20፤ 2ዎኦሲ. ዓሃኬ 36:11-13።

ባይቃንዳኔ። 11 ጋዓንቲ ባብሎኔ ካኣቲኮ ቃምባራ ባቃና ዴዔም
ዒዛም ዓይሢንቲ ማዳ ዴሮ ፔኤኮ ሳዖ ጎሽኪ ጎሽኪ ዴዓንዳጉዲ
ታኣኒ ማሃንዳኔ፤ ዬያ ጌዔሢ ታና፣ ናንጊና ናንጋ ጎዳኬ።»

12 ዪሁዳ ካኣቲ፣ ሴዴቂያሴም ሂዚ ጌይ ታኣኒ ኬኤዜኔ፡-
«ባብሎኔ ካኣቲም ዒንሢ ጊኢሬቲ፣ ዒዛንታ ዒዛኮ ዴሮንታም
ዒንሢ ማዴቲ ሹምፔና ዒንሢ ናንጋንዳኔ፤ 13 «ባብሎኔ ካኣቲም
ዓይሢንቲ ዋርቃዓ» ጌዔ ዴሮይዳ ናንጊና ናንጋ ጎዳ ዔኪ ዬዓንዳኔ
ጌዔ ዖሎና ናዮና ፑርቶ ዶርዓሢና ኔናንታ ዴሮንታ ዓይጋ ኩዳይ?
14 ባብሎኔ ካኣቲም ዒንሢ ዓይሢንቲ ዋርቃዓኬ» ጌይ ሎንሣ ሃይሶ
ኬኤዛ ዓሶሲ ዋይዚፖቲ፤ ዔያታ ኬኤዛ ሎንሣ ሉኡዚኬ። 15 ዒዚ
ዔያቶ ዳኪባኣያ ማዔሢና ዔያታ ጊንሣ ዒዛ ሱንፆና ኬኤዛ ባካ
ሉኡዚ ባኣዚታሢ ናንጊና ናንጋ ጎዳ ፔ ቶኦኪና ዒንሢም ኬኤዜኔ።
ዴያር ዒዚ ዒንሢ ዳውሳንዳኔ፤ ዒንሢንታ ሃያ ሉኡዚ ማዔ ባኮ
ኬኤዛ ዓሶንታ ቢያ ባይቃንዳኔ።»

16 ዬካፓ ቄኤሶና ዴሮናም ታኣኒ ኬኤዛንዳጉዲ ናንጊና ናንጋ ጎዳ
ሃካፓ ሊካ ጌይንቲ ባኮ ኬኤዜኔ፤ ዬያሮ ታኣኒ ዔያቶም ሂዚ ጌዔኔ፡-
« <ጌኤዢ ማኣሮይዳ ማዲንቶ ማሃ ቢያ ባብሎኔፓ ማዒ ኔጉዋዖ
ሃይካ ዬዓንዳኔ» ጌይ ጌይ ዒንሢም ሎንሣ ኬኤዛ ዓሳ ጋዓ ባኮ
ዋይዚፖቲ፤ ዔያታ ኬኤዛ ሎንሣ ሉኡዚኬ፤ 17 ዬያሮ ዔያቶሲ ዋይዘ
ሃሺጋፓ ባብሎኔ ካኣቲም ዒንሢ ዓይሢንቲ ዋርቄቲ ሹምፔና ዒንሢ
ናንጋንዳኔ፤ ሃይ ካታማ ዒንሢኮ ዓይሢንቶ ዒፂፆና ሻሂንቲ ኩሎና
ቡኡራ ቤሲ ማዓንዳጉዲ ዓይጋ ዒንሢ ማዳይ? 18 ዔያታ ሂንዳ ጎኔ
ሎንሣ ኬኤዛ ዓሶ ማዔቲ፤ ጊንሣ ሃሣ ታኣኒ ዔያቶም ኬኤዜ ሎንሣ
ባኣዚ ዓኣቲ ሃጊ ዔውቲባኣ ጌኤዢ ማኣሮ ማሃ፣ ዪሁዳ ካኣቲኮ
ካኣቲም ማኣሮና ዬሩሳላሜናይዳ ዓቲ ዓኣ ማሃ ቢያ ባብሎኔ ዓጮ
ዲዒንቲ ዔውቲዋጉዲ ታኣኒ ላኣጎም ቃይሺ፤ ቢያ ባኮ ዋይሣ ጎዳ
ማዔሢ ታና ዖኦጮንጎ።»

19-20 ባብሎኔ ካኣቲ ናብካዳናፆኦሬ ዪሁዳ ካኣቲ፣ ዒዮዓቄሜ
ናኣዚ፣ ዒኮኒያ ዪሁዳና ዬሩሳላሜናይዳ ዓኣ ዴኤፖ ዴኤፖ ዓሶና
ዋላ ዲዒ ባብሎኔ ዔኪ ዴንዴ ዋዶና ቱርቱሮንታ ሞኦኖ ዓንጎና ኮሸና
ዋኣፆ ዴይሃ ጎንጎንታ ዬያ ባኮ ዴይሃ ባኮንታ ጌኤዢ ማኣሮኮ ማሌ
ሜሃንታ ዬሩሳላሜይዳ ሃሺ ዴንዳኔ።

21 «ዬሩሳላሜይዳ፣ ጌኤዢ ማኣራ፤ ጊንሣ ሃሣ ካኣቲም
ማኣሮይዳ ዓቲ ዓኣ ማሆ ዛሎ ታኣኒ፣ ቢያ ባኮ ማገፍ ጎዳ ማዔ
ዒሰራዔኤሌ ፆኦዛሢ ጋዓ ባኮ ዋይዘዋቲ፤ 22 ዬይ ባካ ባብሎኔ
ዔኪ ዓኣዲንታንዳኔ፤ ታኣኒ ዬያ ባኮ ጊንሣ ሸሪ ዛጋንዳያ ሃላንዳኣና
ዒኢካ ዴዓንዳኔ፤ ዬካፓ ታኣኒ ጊንሣ ማሃ ሃይካ ዔኪ ዬዓንዳኔ፤ ዬያ
ጌዔሢ ታና፣ ናንጊና ናንጋ ጎዳኬ።»

28

ዔርሚያሴና ሎንሦ ኬኤዛ ሃናኒያ ጎዖስኬያና

1 ዬኖ ሌዖይዳ፣ ጌይፃ፡- ሴዴቂያሴ ዪሁዳይዳ ካአታዳንቴ ዖይዳሳ ሌዖኮ ደንጋሳ ዓገኖና ጌባዖኦኔ ዓሲ ማዔ ዓዙሬ ናአዚ፣ ሃናኒያ ጌኤዢ ማአሮይዳ ታ ኮይላ ሂዚ ጌዔኔ፤ ቁኤሶንታ ዳር ቢያሢንታ ቤርታ ሂዚ ጌዔኔ፡- 2 «ዒሰራዔኤሌ ዖኦዛሢ ማዔ ቢያ ባኮ ማዢ ጎዳ ሂዚ ጋዓኔ፤ <ባብሎኔ ካአቲ ዓገ ቃምባር ታኦኒ ሜንሣንዳኔ፤ 3 ካአቲ ናብካዳናዖኦሬ ሃይካፓ ዔኪ ባብሎኔ ዴንዴ ጌኤዢ ማአሮ ሜሆ ቢያ ላምዖ ለዔ ጋርካ ሃይካ ማሂ ታኦኒ ዔኪ ዬዓንዳኔ፤ 4 ዬያጉዲ ሃሣ ባብሎኔ ዲዒንቲ ዔውቴ ዳርና ዋላ ዒዮዓቁሜ ናአዚ፣ ዪሁዳ ካአቲ፣ ዒኪኒያ ማሂ ታኦኒ ዔኪ ዬዓንዳኔ፤ ሂዮ! ባብሎኔ ካአቲ ዒንሢዳ ጌሢ ዋይሣ ቃምባር ታኦኒ ሜንሣንዳኔ፤ ዬያ ጌዔሢ ታና፣ ናንገና ናንጋ ጎዳኩ።»

5 ታኦኒ ዒማና ቁኤሶንታ ጌኤዢ ማአሮይዳ ዔቂ ዓአ ዳር ቢያሢንታ ቤርታ ሃናኒያም ሂዚ ጌዔኔ፡- 6 «ሂዮ! ኔኤኒ ጌዔ ጎይዖ ናንገና ናንጋ ጎዳ ማዶንጎ! ጌኤዢ ማአሮ ሜሆ ዔኪ ሙኪ፤ ገንሣ ሃሣ ዲዒንቲ ዔውቴ ዓሰዋ ማሂ ዔኪ ሙኪ ናንገና ናንጋ ጎዳ ኔ ጌዔሢጉዲ ኔ ዴንጎ ኩንሦንጎ። 7 ጋዓንቲ ኔናንታ ዳርንታም ታ ጋዓሢ ዋይዜ፤ 8 ሚናአ ዋዶና ታናንታ ኔናንታኮ ቤርታ ዖኦሲ ማላሢ ኬኤዛኔ ጌይ ዔቁዓሳ ሚርጌ ዳሬና ዴኤፒ ዴኤፒ ካአቶናይዳ ዖልዚ፣ ናይዚንታ ዲማ ዲማ ደርዖንታ ሙካንዳኔ ጌይ ሎንሦ ኬኤዛኔ፤ 9 ጋዓንቲ ኮሹሞ ዛላ ኬኤዛ ዓሢኮ ዬይ ዓሢ ጎኔ ናንገና ናንጋ ጎዳ ዳኩ፣ ሎንሦ ኬኤዛ ዓሲታቲ ዔርታሢ ዬይ ዒ ጌዔ ሎንሦ ባካ ጎኔ ማዒ ኩሜቲኩ።»

10 ዬካፓ ሎንሦ ኬኤዛሢ፣ ሃናኒያ ታኦኒ ባቃና ዓአ ቃምባር ዔኪ ሜንሣኔ፤ 11 ዒዚ ዒማና ዳር ቤርታ፡- «ላምዖ ለዔ ጋርካ ባብሎኔ ካአቲ፣ ናብካዳናዖኦሬኮ ዳርይዳ ዒ ዓገ ቃምባር ባቃናፓ ዔኪ ሃማይዲ ናንገና ናንጋ ጎዳ ሜንሣንዳሢ ኬኤዛኔ» ጌዔኔ፤ ዬካፓ ታኦኒ ዬኖ ቤዛፓ ዴንዳኔ።

12 ሎንሦ ኬኤዛሢ፣ ሃናኒያ ቃምባር ታ ባቃናፓ ዔኪ ሜንሣዛ ናንገና ናንጋ ጎዳ ታኦም ሂዚ ጌይ ኬኤዛኔ፡- 13 «ዴንዴ! ሃናኒያም ሂዚ ጌይ ኬኤዛ፡- <ኔኤኒ ሃሢ ሚዖ ቃምባር ሜንሣኔ፤ ጋዓንቲ ታኦኒ ዬያ ቤዛይዳ ዓንጊ ቃምባራ ጊኢጊሻንዳኔ፤ 14 ሃያ ዳር ቢያሢ ባቃናይዳ ዓንጊ ቃምባራ ታኦኒ ዓጋንዳኔ፤ ዔያታ ባብሎኔ ካአቲ፣ ናብካዳናዖኦሬም ዋርቃንዳኔ፤ ዬይ ዓሳ ዓታዛ ካዮ ቦዓታዖ ቢያ

28:1 28:1 2ካአቶ. ማ 24:18-20፤ 2ዖኦሲ. ዓሃኬ 36:11-13።

ዒዛም ዓይሢነት ዋርቃንዳጉዲ ታማሃንዳኔ፤ ታኣኒ፡ ዒሰራዔኤሌ ጾኦዛሢ ማዔ ቢያ ባኮ ማኸፍ ጎዳ ዬያ ጌዔኔ።»

15 ታኣኒ ዬያ ሃናኒያም፡- «ሃናኒያ! ዋይዜ፤ ናንገና ናንጋ ጎዳ ኔና ዳኪባኣሴ፤ ሃያ ዳር ቢያ ሉኡዚ ማዔ ባኣዚ ጉሙርቃንዳጉዲ ኔ ማሄኔ፤ 16 ዬያር ናንገና ናንጋ ጎዳ፡- ሕና ታኣኒ ሳይዳፓ ዔኪ ሸኢሻንዳኔ፤ ሃይ ዳራ ታና፡ ዔያቶኮ ጾኦዛሢም ዋይዘ ዒፃንዳጉዲ ኔ ማሄሢር ሃይ ሌዓጋፑዋንቴ ኔኤኒ ሃይቃንዳኔ» ጋዓኔ። ጌይ ኬኤዜኔ።

17 ዬካፓ ሃናኒያ ዬዮ ሌዎኮ ላንካሳ ዓገናና ሃይቄኔ።

29

ዔርሚያስ ባብሎኔይዳ ናንጋ ዓይሁደም ፃኣፒ ዳኬ ከኢታ

1 ናብካዳናጾኦሬ ዬሩሳላሜፓ ባብሎኔ ዲዒ ዔኪ ዳንደ ቄኤሶም፡ ጾኦሲ ማሊያ ኬኤዛ ዓሶም፤ ገንሣ ሃሣ ዳርኮ ሱኡጎና ማሌ ዲዒንት ዔውቴ ዓሶም ቢያ ዬሩሳላሜፓ ታኣኒ ፃኣፒ ዳኬ ከኢታ ሂዚ ጋዓያኬ፤ 2 ዬዮ ከኢቶ ታኣኒ ፃኣፒሢ ካኣቴ ዒኮኒያኔንታ ጌኤሾ ማዔ ዒዛኮ ዒንደንታ ዒዛና ዋላ ማዒ ዒዛም ማዳ ዓሶንታ፤ ዬያጉዲ ሃሣ ዬሁዳና ዬሩሳላሜናኮ ሱኡጎንታ ኩቸና ዔኤቢ ማዲ ዔራ ሃኣምንታ ገታሢንታ ቢያ ዲዒንት ዔውቴሢኮ ገንፃኣኬ፤

3 ዬሁዳ ካኣቴ ሴቄያሴ ባብሎኔ ካኣቴ ናብካዳናጾኦሬ ኮይላ ዬያኮ ቤርታ ዳከ፡ ሻፓኔ ናኣዚ ዔልዓሳና ሂልቄያ ናኣዚ ጌማሪያና ዑፃ ዬያ ፃኣፖና ከኢቶ ታኣኒ ዳኬኔ፤ ዬዮ ከኢቱሎይዳ ዓኣፒ ማዒ ኬኤዚንቴ ባካ ሂዚ ጋዓያኬ፡- 4 «ዬሩሳላሜፓ ዲዒንት ባብሎኔ ዳንዳንዳጉዲ ዒዚ ማሄ ዳር ቢያሢም ዒሰራዔኤሌኮ ጾኦዛሢ ማዔ ቢያ ባኮ ዋይሢ ጎዳ ሂዚ ጋዓኔ፤ 5 ማኣሪ ማኸፍ ናንጉዋቴ፤ ቱኮ ዲማ ዲማ ሚሢያ ቱኩዋቴ፤ ዬያ ሚያኮ ዓኣፖዋ ሙዑዋቴ፤ 6 ላኣሊ ዔኪ፡ ሃሣ ሎዒያ ሎይ ናይ ሾውዋቴ፤ ናኣቶዋ ዒንሢኮ ላኣሊ ዔኪሲ፡ ሃሣ ዉዲር ናኣቶ ሎይሲያ ሎይሱዋቴ፡ ዔያታ ናይ ሾፖንጎ፤ ዬያይዲ ፓይዳ ዒንሢኮ ዲዲሶንጎ፡ ዳኮፓ፤ 7 ዲዒንት ዒንሢ ዔውቴ ዳንዲ ናንጋንዳጉዲ ታኣኒ ማሄ ካታምም ዲጨሢ ማዓንዳ ኮሺ ባኣዚ ኮዑዋቴ፤ ዬይ ካታም ዓሳ ኮሺ ናንገ ናንጋንዳጉዲ ታና ሸኢቁዋቴ፤

ዔያታ ኮሺ ናንገ ናንጌቴ ዒንሢያ ኮሺ ናንገ ናንጋንዳኔ። 8 ታኣኒ፡ ዒሰራዔኤሌ ጾኦዛሢ ማዔ ቢያ ባኮ ማኸፍ ጎዳሢ ዒንሢ ባኣካ ናንጋ ሎንሦ ኬኤዛ ዓሶናኣ ማፃም ሃጋኣ ባኣዚ ኑ ዔራራ፤ ጋዓ ዓሶና ቢያ ዒንሢ ጌሺንቴዋጉዲ ላቴ ታ ዒንሢም ኬኤዛኔ፤ ዔያቶኮ ዓውቶዋ ዔኤቢኬ ጌይፖቴ። 9 ዔያታ ታ ሱንፆና ዒንሢም ኬኤዛ ሎንሢ ቢያ

29:2 29:2 2ካኣቶ. ማ 24:12-16፤ 2ጾኦሲ. ዓሃኬ 36:10።

ሉኡዚ ባአዚኩኔ፤ ታ ዔያቶ ፔቲታፖ ዳኪባአያኩኔ፤ ዬያ ጌዔሢ ታና፥ ናንጊና ናንጋ ጎዳኩ።» »

10 ናንጊና ናንጋ ጎዳ ሂዚ ጋዓኔ፡- «ባብሎኔይዳ ዒንሢ ናንጋንዳ፥ ለንካይታሞ ለዓ ጋፔሰካፓ ለሚ ታኣኒ ዒንሢ ሺሪ ዛጋንዳኔ፤ ዒንሢ ዒጮ ባንሢ ታኣኒ ዒንሢ ማሃኒ ጫአቄ ጫአቄሞ ኩንሣንዳኔ፤

11 ዒንሢ ዛሎ ታኣኒ ማላ ማሊፆ ታ ዔራኔ፤ ዬይ ማሊፆ፡- ፑርታ ባአዚቱዋንቲ ኮሺ ባአዚ ዒንሢሞ ጴዲሳያ፥ ዒንሢ ዋዛ ጌሢ ካፓ ኮዦ ባካአ ማዲንቲ ኩማንዳጉዲ ማሃያኩ፤ 12 ዬካፓ ዒንሢ ታና

ዔኤላንዳኔ፤ ታ ባንሢ ዑኪ ታና ዒንሢ ሺኢቃንዳኔ፤ ታኣኒያ ዒንሢሞ ዋይዛንዳኔ፤ 13 ዒንሢ ታና ኮዓንዳኔ፤ ዒንሢ ታና ኮዓሢ ጉቤ ዒኔፓ ማዔቲ ታና ዒንሢ ዴንቃንዳኔ፤ 14 ጎኔ ታ ዒንሢሞ ጋዓኔ! ታና

ዒንሢ ዴንቃንዳኔ፤ ታኣኒ ዒንሢ ዒንሢኮ ዓጮ ባንሢ ማሃንዳኔ፤ ታኣኒ ዒንሢ ዘርቄ፥ ዓጮ ቢያሢዳፓ ቢያ ቡኩሳንዳኔ፤ ታኣኒ ዒንሢ ዳውሲሲ ዳካንዳሢኮ ቤርታ ዒንሢ ዓአ ቤዞ ጊንሣ ታ ዒንሢ ማሃ ዔኪ ዬዓንዳኔ፤ ዬያ ጌዔሢ ታና፥ ናንጊና ናንጋ ጎዳኩ።»

15 «ናንጊና ናንጋ ጎዳ ባብሎኔይዳ ሎንሣ ኬኤዛ ዓሲ ኑኡሞ ኬሴኔ» ጌይ ዒንሢ ኬኤዛኔ። 16 ዳውቲኮ ካአቱሞ ፆይቶ ዳካሊ ዴዒ ዋይሣ፥ ካአታሢንታ ዒንሢጉዲ ዲዒንቲ ዔውቲባአያ ማዒ ሃኖ ካታማ ናንጋ ዒንሢ ዒጊኖ ዛሎ ታኣኒ፥ ናንጊና ናንጋ ጎዳ ጋዓሢ ዋይዙዋቲ። 17 ቢያ ባኮ ዋይሣ ጎዳ ሂዚ ጋዓኔ፡- «ታኣኒ ዔያቶይዳ

ፆልዚ፥ ናይዘንታ ዱማ ዱማ ዶርፆንታ ዔኪ ዬዓኒኩ፤ ሙይንታኒ ዴንዳዑዋያ ማዒ ፑርቲ ቤሌሴ ሚፆ ዓአፖ ታ ዔያቶ ማሃንዳኔ፤ 18 ፆልዚና፥ ናይዘና፤ ሃሣ ዱማ ዱማ ዶርፆና ታ ዔያቶ ዳውሳንዳኔ።

ዓጮ ጉቤይዳ ናንጋ ሜሌ ዴራ ቢያ ዔያቶይዳ ማዲንቲሞ ዛጋ ባኮና ዲቃታንዳኔ፤ ዔያታ ዘርቄንቲ ዴንዳንዳጉዲ ታኣኒ ማሃ ቤዞይዳ ቢያ ዔያቶይዳ ታ ዔኪ ዬዓ ፑርቶ ባኮ ዛጋ ሜሌ ዴራ ቢያ ዒጊቹሞና ካራ ባይዛንዳኔ፤ ዬይ ዴራ ቢያ ሚኢጪ ዓማሎ ባአዚ ዔያቶ ማሃንዳኔ። 19 ዬይ ቢያ ዔያቶይዳ ሂላሢ ታኣሞ ማዳ፥ ታ ማሊፆ

ኬኤዛ ዓሶ ዛሎና ለሚ ለሚ ታ ዔያቶሞ ኬኤዜ ቃኣሎ ዔያታ ዋይዚ ዓይሢንቶ ዒፃሢርኩ።» 20 ዬሩሳላሜፓ ባብሎኔ ዳውሲሲ ታኣኒ ዳኪ ዓሳ ዒንሢ ቢያሢ ታኣኒ፥ ናንጊና ናንጋ ጎዳ ጋዓ ባኮ ዋይዙዋቲ።

21 «ናንጊና ናንጋ ጎዳ ሱንፆና ሉኡዙሞ ሎንሣ ዒንሢሞ ኬኤዛ፥ ቆላያ ናኣዚ ዓክዓቤና ማዕሴያ ናኣዚ ሴዴቆያሴና ዛሎ ዒሰራዔኤሌኮ ፆኣዛሢ ቢያ ባኮ ዋይሣ ጎዳ ሂዚ ጌይ ኬኤዜኔ፡- ዬያቶ ታኣኒ ባብሎኔ ካአቲ፥ ናብካዳናፆኦሬሞ ዓአሢ ዒንጋንዳኔ፤

22 ዬሩሳላሜፓ ዲዒንቲ

29:10 29:10 2ፆኦሲ. ዓሃኩ 36:21፤ ዔር. 25:11፤ ዳኣኔ. 9:2። 29:13 29:13 ለሚ. ዋማ 4:29።

ባብሎኔ ዔውቴ ዴር ቢያ ፔቴ ዓሲ ጋዳንቃኒ ኮዓ ዎድና፡- <ባብሎኔ ካኣቴ ሹምፔና ዓኣንቴ ታሚና ሚቺ ዎዴ ሴዴቁያሴና ዓክዓቤናጉዲ ያኦሲ ኔና ማሆንጎ! ጋዓንዳኔ፤ 23 ዔያታ ያዲ ማይ ዓታንዳጉዲ ጌይንቴሢ ዓሲኮ ዑሰካ ጌላ ጎሚ ዔያታ ማዳሢርኬ፤ ዔያታ ዎዎዴይ ጌዔቴ ፔኤኮ ላጎ ማዔ ዓሶኮ ላኣሎ ዒኢሴኔ፤ ታኣኒ ዔያቶ ዓይሢባኣ ሉኡዚ ባኣዚ ታ ሱንፆና ዔያታ ከኤዜኔ፤ ዬይ ታኣኒ ዔያቶ ዓይሢ ባኣዚቱዋሴ፤ ዔያታ ማዳ ባኮ ቢያ ታ ዔራሢር ዬያኮ ታኣኒ ማርካኬ፤ ዬያ ጌዔሢ ታና፤ ናንጊና ናንጋ ጎዳኬ።» >

ሹማዒያም ፃኣፒ ዳከንቴ ከኢታ

24-25 ኔሃላሚ ዓጮይዳ ሾይንቴ ሹማዒያም ሂዚ ጌዔ፤ ሃይ ቢያ ባኮ ዎይሢ ጎዳሢ ማዔ ዒሰራዔኤሌ ያኦዛሢ ከኤዜ ቃኣላኬ፤ ዬሩሳላሚይዳ ናንጋ ዓሶም፤ ማዕሴያ ናኣዚ ቁኤሳሢ ሶፖኒያሴና ሃንጎ ቁኤሶናም ኔ ሱንሢና ኔኤኒ ሂዚ ጌይ ከኢታ ዳኬኔ፤ ኔ ዳኬ ከኢቶይዳ ሶፖኒያሴም ኔኤኒ ሂዚ ጌዔኔ፡- 26 «ቁኤሳሢ፡ ዮዳሄ ቤዛ ናንጊና ናንጋ ጎዳ ኔና ቁኤሴ ማሂ ደኦሬኔ፤ ጌኤዦ ማኣርይዳ ቢቲ ማዒ ዎይሢንዳ ሱኡጋሢ ኔናኬ፤ ዬያር ታኣኒ ያኦሲ ማሊሢ ከኤዛያኬ» ጌይ ጌይ ዔኤቢ ከኤዚ ሹራ ዣኣዦ ዓሲ ቢያ ቶኮ ዲፆና፤ ባቃኖዎ ካኒ ቢራታና ጨጭዲ ቱካኒ ኔኤኒ ዳንዳዓኔ፤ 27 ሂዳዎ ኔኤኒ፡- ታኣኒ ያኦሲ ማሊሢ ከኤዛያኬ» ጌይ ጌይ ዴርም ዔቦ ከኤዚ ሹራ፤ ዓናቶቴ ዓጮይዳ ሾይንቴ፤ ዔርሚያሴ ኔኤኒ ጎሩዎዎ ዎይታዛ ዘቲ ጌዔይ? 28 ዒዚ ዔኤቢ ከኤዙዋጉዲ ላኣጊንታኒ ኮይሳኔ፤ ዓይጎር ጌዔቴ ባብሎኔ ዓጮ ዲዒንቴ ዔውቴ ዴራ ሃጊ ሚርጌ ለዔ ናንጋንዳኔ ጌይ፡- <ማኣሪ ማዦ፤ ማታባኣያ ናንጉዎቴ፤ ዲማ ዲማ ሚሢያ ቱኩዎቴ፤ ዬያ ሚፆኮ ዓኣፖዎ ሙዑዎቴ» ጌይ ዴርም ዒ ከኤዜኔ።»

29 ዬያ ፃኣፒንቴ ከኢቶ ሶፖኒያሴ ታና፤ ዔርሚያሴም ናባቤኔ፤ 30 ዬካፓ ናንጊና ናንጋ ጎዳ ታኣም ሂዚ ጌዔኔ፡- 31 «ዲዒንቴ ዴንዲ ባብሎኔይዳ ናንጋ ዴር ቢያሢም ሹማዒያ ዛሎ ከኤዚንቴ፤ ሃያ ሎንሃ ቃኣሎ ሂዚ ጌይ ዳኬ፡- <ሹማዒያ ታኣኒ ዒዛ ዳኩዋንቴ ሎንሃ ከኤዚ ሉኡዚ ባኣዚና ዒንሢ ጉሙርሴኔ፤ 32 ዬያር ታኣኒ፤ ናንጊና ናንጋ ጎዳ ዒዛንታ ዒዛኮ ዜርፆንታይዳ ማቶ ዓጋንዳኔ፤ ሃይካፓ ሴካ ዬያ ዓሢኮ ዒንሢ ባኣካ ቶሊ ዓታንዳ ዜርሢ ባኣያ ማዓንዳኔ፤ ዒዚ ፔ ቶኦኪና ታ ዴርም ታኣኒ ኮሺ ባኣዚ ማዳሢ ቢያ ዛጋንዳ ካራ ባኣሴ፤ ዓይጎር ጌዔቴ ዒዚ ታኣም ዒንሢ ዎይዞ ዒፃንዳጉዲ ማሄኔ፤ ዬያ ጌዔሢ ታና፤ ናንጊና ናንጋ ጎዳኬ።» >

30

ዒሰራዔኤሌ ዴራ ማዒ ሙካንዲያ ማዒፃ ኬኤዘንቴህ

1 ዒሰራዔኤሌኮ ጾኦሲ ማዔ ናንጊና ናንጋ ጎዳ ታአሞ ሂዚ ጌይ ኬኤዘኔ፤ ዒሰራዔኤሌ ጾኦሲ ማዔ ናንጊና ናንጋ ጎዳህ ሂዚ ጋዓኔ፡-

2 «ታ ኔኤሞ ኬኤዘ ባኮ ቢያ ማፃአፔይዳ ፃአፔ። 3 ታአኮ ዴሮ ዒሰራዔኤሌንታ ዪሁዳ ዴሮንታ ጊንህ ማሂ ታኣኒ ዔኪ ዬዓንዳ ዎዳ ዑከኔ፤ ዔያቶኮ ቤርታኣ ዓደንሂሞ ታኣኒ ዒንጌ ዓጮ ታ ዔያቶ ማሃንዳኔ፤ ዔያታ ጊንህ ዬያ ዓጮ ፔ ዓጪ ማሃንዳኔ፤ ዬያ ጌዔህ ታና፡ ናንጊና ናንጋ ጎዳኬ።»

4 ናንጊና ናንጋ ጎዳ ዒሰራዔኤሌና ዪሁዳ ዴሮናሞ ሂዚ ጋዓኔ፡-

5 «ኮሺ ዑኣሲቱዎንቴ ካራ ባይቂ
ዒጊቹሞና ጎጋይቂህ ዑኡሲ ታኣኒ ዎይዛኔ፤

6 ሂንዳ ጫክ ጌይ ማሉዎቴ!
ዓቲንቂ ባኒ ናይ ሾዓ?

ሂዳዎ ዓቲንቃ ቢያ ሾሾዓ ላኣሊጉዲ
ፔኤኮ ኩጮና ጎጾ ዓርቂ ዓኣንቴ ታ ዘጋህ ዎይቲዳይ?
ፔቴ ፔቴ ዓሶኮ ዓኣፖ ካራ ዎይቲ ቦኦሬይ?

7 ዬና ኬላ ዎዚ ሜታሳያ ማዓንዳይ!
ዬናጉዳ ኬሊ ሜሌ ባኣያ ማዓንዳኔ፤
ያይቆኦሌሞ ዬይ ሜቶ ዎዳ ማዓንዳኔ፤
ያዲ ማዔቴያ ዔያታ ዬያ ዎኣዪፃፓ ቢያ ዳቃንዳኔ።»

8 ቢያ ባኮ ማገፔ ጎዳ ሂዚ ጋዓኔ፡- «ዬና ኬላ ሄላኣና ታአኮ ዴሮኮ ባቃና ዓጊ ዎይህ ቃሞባሮ ታኣኒ ሜንህንዳኔ፤ ዔያታ ቱሲንቴ ካኖ ቢራቶዎ ታኣኒ ዲኡዘንዳኔ፤ ዬካፓ ዔያታ ሜሌ ፃንጎ ማዔ ዴሮሞ ዓይሌ ማዒ ዎርቃዓኬ፤ 9 ጋዓንቴ ታና፡ ዔያቶኮ ጾኣዘህሞ ዔያታ ዚጋንዳኔ፤ ታኣኒ ካኣቱሞ ጾይቶይዳ ጌህ፡ ዳውቴ ዜርዎ ማዔ ዔያቶኮ ካኣቲሞ ዔያታ ዎርቃንዳኔ።»

10 «ታአሞ ማዳ፡ ያይቆኦሌ ዒጊጪፖ፤
ዒሰራዔኤሌ ዲቃቲፖ፤
ታኣኒ ኔና ሃኬ ማዔ ዓጮይዳፓ
ኔኤኮ ዜርዎዎ ዲዒንቴ ዴንዲ ዓኣ ሳይይዳፓ ዓውሲ ዔኪ ማሃንዳኔ፤
ያይቆኦሌ ማዒ ሙኪ ሂርጋ ባኣያ ኮሺ ናንጊ ናንጋንዳኔ፤
ዒዛ ዒጊቻንዳ ባኣዚያ ባኣሴ።

11 ታኣኒ ታኣሮ ዒንሂና ዎላ ማዒ ዒንሂ ዓውሳንዳኔ፤
ታኣኒ ዒንሂ ዜርቂ ዔያቶ ባኣኮ ዳኬ ዴሮ ታኣኒ ባይዘንዳኔ፤
ዒንሂ ጋዓንቴ ታኣኒ ባይዘዓኬ፤

ያዲ ማዕቴያ ማቶ ታ ዒንሢዳ ዓጉዋ ሃሻዓኬ፤
 ታ ዒንሢዳ ማቶ ዓጋንዳሢ ዒንሢ ደቤ ጎይጾጉዴያኬ፤
 ዬያ ጌዔሢ ታና፡ ናንጊና ናንጋ ጎዳኬ።»

12 ናንጊና ናንጋ ጎዳ ሂዚ ጋዓኔ፡-

«ከፃ ዒንሢኮ ፓፁዋያ
 ዒንሢ ጋፒ ማአሳኔኔ።

13 ዒንሢ ዛሎ ሞአታንዳ ዓሲ ባአሴ፤
 ዒንሢ ከጾኮ ዴኤሻአ ጴዳዓኬ፤
 ዒንሢ ደቃዓኬ።

14 ዒንሢ ማአዲ ያላ ዓሳ ቢያ ዒንሢ ዋሌኔ፤
 ዔያታ ዒንሢ ኮዑሞሴ፤
 ጎማ ዒንሢኮ ዲቢ፤
 ፑርቱማአ ዒንሢኮ ዑሣ ዓአዴ ሚርጌሢር
 ታ ዒንሢ ታአኮ ሞርኬጉዲ ጰርቄኔ፤
 ሚጨንቱዋያ ታ ዒንሢዳ ማቶ ዓጌኔ።

15 ጎማ ዒንሢኮ ዲቢ፤
 ፑርቱማ ዒንሢኮ ዑሣ ዓአዴ ሚርጌሢር
 ፓፃንዳ ካራ ዒንሢ ባአሴ፤
 ዬያሮ ዒንሢኮ ከፃ ዛሎ ጉንዲሚፖቱ፤
 ታአኒ ዬያይዲ ዒንሢ ማቶይዳ ዓጋንዳኔ።

16 ጋዓንቱ ጋአሺ ዒንሢ ሙዔ ዓሳ ቢያ
 ዔያታአ ፔኤሮ ጋአሺንቲ ሙይንታንዳኔ፤
 ዒንሢኮ ሞርካ ቢያ ዲዒንቲ ዔውታንዳኔ፤
 ዒንሢ ቡራ ዓሳ ቢያ ቡሪንታንዳኔ።
 ዒንሢዳፓ ሳሪ ዔቦ ዔኬ ዓሳ ቢያ
 ዒማይዲ ሳሪንቲ ዔውታያ ማዓንዳኔ።

17 ዒንሢኮ ሞርካ፡- «ጸዮኔ ከኤሪንቲ ዓቴኔ፤
 ዒዞም ኮሺ ባአዚ ማዳያአ ባአሴ» ጌዔቴያ፡
 ታአኒ ጊንሣ ዒንሢኮ ዒቢሎ ማሃንዳኔ፤
 ከፃዋ ታ ዒንሢኮ ፓፂሳንዳኔ፤
 ዬያ ጌዔሢ ታና፡ ናንጊና ናንጋ ጎዳኬ።»

18 ናንጊና ናንጋ ጎዳ ሂዚ ጋዓኔ፡-
 «ዒሰራዔኤሌ ናአቶኮ ማአሮ ጊንሣ ታአኒ ማዡንዳኔ፤
 ፔቱ ፔቱ ማአሮ ታአኒ ሚጨንቲ ማአራንዳኔ፤
 ዬሩሳላሜ ካታማ ላሚ ጊንሣ ማዡንታንዳኔ፤
 ካአቱሞ ማአራ ጊንሣ ሚናአ ቤዛ ማዡንታንዳኔ።

19 ዒኢካ ናንጋ ዴራ ቢያ

ጋላታ ዓይኑሞ ዓይናዳንዳኔ፤
 ዋዘናኣ ዒሊሻንዳኔ፤
 ታ ዔያቶ ዲዲቢሻንዳኔ፤ ፓይዳ ዔያቶኮ ዳካዓኬ፤
 ታ ዔያቶ ቦንቸሳንዳኔ፤ ዩካፓ ዔያታ ቦሂንታዓኬ።
 20 ዔያቶኮ ናኣታ ቤርታኣ ዓደንሢጉዲ ዒጊጨነቲ ናንጋንዳኔ፤
 ዔያታ ዋላ ናንጋ ናንጋኣ ታ ቤርታ ደዲ ማዓንዳኔ፤
 ዔያቶ ሄርቂ ዋይሣ ዓሶ ቢያ ታኣኒ ሜቶይዳ ዓጋንዳኔ።
 21 ዔያቶኮ ዒጊኒ ዔያቶ ባኣካፓ ዔቂ
 ዔያቶኮ ሱኡጌ ማዓንዳኔ፤
 ታኣኒ ታኣሮ ዒዛ ዔከ ዩዓንዳሢሮ ታ ባንሢ ዒዚ ዑካንዳኔ፤
 ያዲ ማዒባኣቱ ጾኣኒ ጨርቂ ዑካኒ ዳንዳዓይ?
 22 ዒንሢ ታ ዴሬ ማዓንዳኔ፤
 ታኣኒያ ዔያቶኮ ጾኣሲ ማዓንዳኔ፤
 ዩያ ጌዔሢ ታና፡ ናንጊና ናንጋ ጎዳኬ።»
 23 ዓልጎ ዠባሬጉዲ ማዔ፡ ጎዳኮ ዳጋ ደዲ ዠባሬጉዲ ዠባርሺ
 ፑርቶ ዓሶ ዑፃ ዩዓንዳኔ። 24 ናንጊና ናንጋ ጎዳኮ ዴኤፖ ዳጋ ማዳኒ
 ማሌ ባኮ ማዲ ኩንሡሞፃ ጊንሣ ማዓዓኬ፤ ዩይ ዋዳ ሄላዛ ዴራ
 ፔኤሮ ዩያ ቢያ ፔጌና ዔራንዳኔ።

31

ዒሰራዔኤሌ ዴሮኮ ፔ ዓጮ ማዒ ሙኪፃ

1 ናንጊና ናንጋ ጎዳ ሂዚ ጋዓኔ፡- «ታኣኒ ዒሰራዔኤሌ ፃጶኮ ቢያ
 ጾኣሲ ማዓንዳያና ዔያታኣ ታዴሬ ማዓንዳ ዋዴ ሙካንዳኔ፤ 2 ጩንቾ
 ዓራፖና ሃይቦይዳፓ ቶሌ ዴራ ቦኦሎ ጉሮይዳ ቦንቸንታንዳኔ፤
 ታኣኒያ ዒሰራዔኤሌ ዴሮሞ ሃውሾ ዒንጋኒ ሙካንዳኔ። 3 ታኣኒ
 ዔያቶሞ ሃኬፓ ፔጋዲ ጴዳኔ፤ ዒሰራዔኤሌ ዴራዮቴ፡ ታኣኒ
 ዒንሢ ናንጊና ናሽኬኔ፤ ታኣኮ ናንጊና ናንጋ ኮሹማ ዒንሢሞ ደዲ
 ዴዓንዳኔ። 4 ታ ዴራዮ ዒሰራዔኤሌ፡ ላሚ ጊንሣ ዒንሢ ታኣኒ
 ዓካሲ ማከንዳኔ፤ ዩያሮ ኔኤኒ ማከንታንዳኔ፤ ጊንሣ ኔኤኒ ካራቤ
 ዔካንዳኔ፤ ዋዛሮ ዓሶና ዋላ ከሰከ ኔኤኒ ኮርጋንዳኔ። 5 ጊንሣ ኔኤኒ
 ሳማሪያኮ ጌሜሮይዳ ዋይኖ ቱካንዳኔ፤ ዩያ ዓኣፖ ማዲ ላቤ ዓሳ
 ሙዓንዳኔ፤ 6 ዩያ ጎዠ ካፓ ዓሳ ዔፕሬኤሜ ዲኮይዳ ዔቂ፡- <ሂኒ
 ዩዑዋቴ፤ ኑ ጾኣዛሢ ማዔ ናንጊና ናንጋ ጎዳ ዓኣ ቤዘ ፂዮኔ ኦኤኒ
 ዴንደሞ፤ ጋዓንዳ ዋዴ ዩዓንዳኔ።»
 7 ናንጊና ናንጋ ጎዳ ሂዚ ጋዓኔ፡-
 «ሜሌ ዴሮ ቢያይዳፓ ኔኤኒ ባሻያታሢሮ ያይቆኦቤ ዛሎ ዋዛና
 ዓይናዳዋቴ፤

ናንገና ናንጋ ጎዳ ፔኤኮ ዳሮ ዓውሴኔ፤
 ዒሰራዔኤሌ ሳይደዳ ዓቲ ዓኣ ዓሶ ቢያ ፔ ዓሲ ማሂ ዔኬኔ
 ጌይ ጌይ ጋላታ ዓይኑሞ ዓይናደዋቴ።»

8 «ታኣኒ ዓጮኮ ኬዶ ዛላፓ ዔያቶ ዔኪ ዩዓንዳኔ፤
 ዓጫ ማዔ ካራፓ ቢያ ዔኪ ዩይ ቡኩሳንዳኔ፤
 ዓኣፓ ባይቄ ዓሳ፣ ዋቦ ዓሳ፣ ጎጰይንዳሂንታ ሸይፆና ዓዲንቴ
 ለኣላኣ ቢያ

ዔያቶና ዋላ ዩዓንዳኔ፤
 ዲቢ ዳሬ ማዒ ፔ ዓጮ ዔያታ ማዓንዳኔ፤

9 ታኣኒ ዔያቶ ፔ ዓጮ ባንሂ ዔኪ ዩዓኣና
 ታኣኮ ዳራ ዋዛፓ ዔቄያና ዩኤኪ ዩኤኪ፤ ሃሃ ታና ሸኢቂ ሸኢቂ
 ዩዓንዳኔ።

ዔያታ ዳቂንቴንዳዋ፣ ገኢጋ ጎይሂና
 ቃራ ዓልቃ ዋኣሂ ባንሂ ታ ዔያቶ ዳካንዳኔ።

ታኣኒ ዒሰራዔኤሌኮ ዓዶኬ፤
 ዔፕሬኤሚያ ታኣኮ ናኣዚ ቶይዲኬ።»

10 ናንገና ናንጋ ጎዳ ሃዚ ጋዓኔ፡-
 «ሜሌ ዳራ ዒንሂ ዋይዙዋቴ!
 ባዘ ዳኤፖኮ ኮይሎና ሱኮናይዳ ሃኬ ዓኣ ዓጮሞ

ቃኣሎ ታኣሲ ዳገዲ ኬኤዙዋቴ፤
 ታኣኒ ታኣኮ ዳሮ ሃያኮ ቤርታ ዜርቄኔ፤
 ሃሂ ጋዓንቴ ታ ማሂ ዔኪ ዩይ ዔያቶ ቡኩሳንዳኔ፤
 ቆልሞ ሄንቃሂ ፔኤኮ ቆልሞ ሄንቃ ጎይፆ ታ ዔያቶ ሄንቃንዳኔ።

11 ታኣኒ ያይቆኦ ማሂ ገንሃ ሻንቂ ዓይላታፓ ኬሴኔ፤
 ዳኤፖ ካኣቶኮ ኩጫፓ ማኣዲ ታ ዔያቶ ዳቂሼኔ፤

12 ዩያሮ ዔያታ ማዒ ሙኪ ፃዮኔ ዲኮይዳ ዋዛና ዓይናደንዳኔ፤
 ታኣኒ ዔያቶሞ ዒንጋንዳ ሃኣኮና፣ ዋይኖ ዑኩና፣ ሪሚቶ ዛይቶና
 ማራቶና ባኣቶናፓ ዔያታ ዳንቃ ዓንጀና ቢያ ሜታባኣያ
 ዋዛደንዳኔ፤

ገዳ ዋኣሂ ሙኪ ዑሻ ዋይኔ ጎሺጉዲ ዔያታ ማዓንዳኔ፤
 ሃይካፓ ሴካ ዔያታ ጎያዓኬ።

13 ዉድሮ ናኣታ ዔያቶኮ ዋዛና ኮርጋንዳኔ፤
 ዓቲንቆንታ ዳጌሂንታ ጋርቾንታ ዋዛደንዳኔ፤

ታ ዔያቶ ዶዲሻንዳኔ፤ ዩኤፖ ታ ዔያቶኮ ዋዛ ባንሂ
 ያዪፆዋ ታ ዔያቶኮ ሸርሺ ዋዛ ማሂ ለኣማንዳኔ፤

14 ቄኤሶ ታኣኒ ሳይደዳፓ ጴዳ ዓንጀና ሚሻንዳኔ፤
 ታ ዳሮሞ ታኣኒ ታ ኮሹሞና ዒንጋ ባኮ ዲቢሺ ዒንጋንዳኔ፤

ዬያ ጌዔሢ ታና፥ ናንጊና ናንጋ ጎዳኩ።»

ናንጊና ናንጋ ጎዳ ዒሰራዔኤሌ ዴሮ ማአሬሢ

- 15 ናንጊና ናንጋ ጎዳ ሂዚ ጋዓኔ፦
 «ዒላቲና ዒናፓ ዬኤኮ ዬኤፒ ዑኡሲ ራእማይዳ ዋይዚንቴኔ፤
 ራሂላ ፔ ናኣቶ ዛሎ ዬኤካኔ፤
 ናኣታ ዒዛኮ ሃይቁሢሮ ዶዲያ ባሺንቴኔ።»
- 16 ዬኤፖ ሃሺ፥ ዓቢያ ዒንሢኮ ዑጨዋቱ፤
 ዒንሢ ናኣቶ ዛሎ ዒንሢ ማዴ ባካ ቢያ ጉሪ ዓታዓኩ፤
 ዔያታ ሞርኮ ዓጨፓ ማዒ ዬዓንዳኔ።
- 17 ናኣታ ዒንሢኮ ፔ ዓጨ ማዒ ሙካንዳሢሮ
 ሃጊ ማዓንዳ ዋዛ ዒንሢኮ ዓኣኔ፤
 ዬያ ጌዔሢ ታና፥ ናንጊና ናንጋ ጎዳኩ።»
- 18 «ዔፕሬኤሜ ዖዩሢና ሂዚ ጋዓንቴ ታኣኒ ዋይዜኔ፤
 ናንጊና ናንጋ ጎዳሢዮ! ኑኤኒ ጎሽኪ ዔርዚቦኦ
 ዋፓናጉዲ ታንቴ
 ኔኤኒ ኑና ዓይሢንቴሢ ዔርዜኔ፤
 ኔኤኒ ኑኡኮ ዖኦሲ ታሢሮ
 ሃሢ ኔና፥ ኑ ዖኦዛሢ ባንሢ ኑና ማሃ፤ ኑኤኒያ ማዓንዳኔ።»
- 19 ኔጊዳፓ ኑ ሃኪ ዴንዴቴያ ሃሢ ጎሞ ኑኡኮ ኑ ቡኡፃኔ፤
 ኑ ዬያ ማዴ ባኮ ዔሪ ቦርሲንቴና ኑ ቶኦኮ ሂርኪዲ ዳዶ ኑኡኮ
 ኑ ዲዓኔ፤
 ዴጋቶ ዋዶና ኑ ማዴ ጎማ ኑና ዳውሲሴኔ።»
- 20 «ዔፕሬኤሜ! ታኣኒ ዒንሢ ናሽካ፥ ታኣኮ ዒንሢ ናኣቶኩ፤
 ቢያፓ ባሺ ማሃ ታ ዒንሢ ናሽካያቱዋዓዳ?
 ታ ዒንሢ ማኣራኒ፥ ታ ባንሢ ዑኪሳኒ ኮዓኔ፤
 ዬያ ጋዓሢ ታና፥ ናንጊና ናንጋ ጎዳኩ።»
- 21 ዒንሢኮ ጎይዖይዳ ማላታ ማዓንዳ ባኣዚ ኮሹዋቱ፤
 ጎይዖ ዔርዛንዳ ዳኣቦዋ ዳኣቡዋቱ፤
 ዒንሢ ዴንዳ ዚጊሮ ጎይዖ ዒናፓ ኮሺ ዛጉዋቱ፤
 ታ ዴሬዮ፥ ዒሰራዔኤሌ!
 ሃያ ኔኤኮ ካታሞ ማዒ ጌሉዋቱ።»
- 22 ዒንሢ ሃይ ጉሙርቁፃ ፓጨ ዴራ
 ዓይዲ ሄላንዳኣና ዒንሢ ዓልታይ?
 ታኣኒ፥ ናንጊና ናንጋ ጎዳ ሳይደ ዓኪ ባኣዚ ማገፍኔ፤
 ዬይ ዓይጎዳይ ጌዔቴ ላኣሊ ዓቲንቁ ማኣዳኒ ዔቃኔ፤
 ዬያ ዲማ ማዒ ዓኮ ባኮ ታኣኒ ማገፍኔ።»

31:15 31:15 ማዢ. ማፃ 35:16-19፤ ማቲ. 2:18።

ናንገና ናንጋ ጎዳ ዴራ ሃገ ዖርጎጫንዳ ዖርጎቹሞ

23 ዒስራዔኤል ያኦዛሢ፡ ቢያ ባኮ ዎይህ ጎዳሢ ሂዚ ጋዓኔ፡- «ታኣኒ ዴር ፔ ዓጮ ባንሢ ማሂ ዎዶና ዪሁዳና ካታሞናይዳ ላሚ ጊንሢ ዔያታ «ኔኤኒ ጎኑሞ ዎርቃ ቤሲ ማዔዜ፡ ያኦሲሞ ዲማዴ ዲኬሌ ናንገና ናንጋ ጎዳ ኔና ዓንጃጎጎ፡ ጋዓንዳኔ። 24 ዪሁዳ ዓጮንታ ካታሞንታ ቢያ ዴራ ናንጋ ቤሲ ማዓንዳኔ፤ ሳዎ ጎሽካ ዓሲና ቆልሞ ሄንቃ ዓሲና ዒኢካ ዓኢያ ማዓንዳኔ፤ 25 ላቤዘንሢኮ ቢያ ዎልቆ ታኣኒ ዶዲሻንዳኔ፤ ናዮና ካራ ባይቂ ሜታዴዘንሢሞ ሙኡዚ ዒንገ ታኣኒ ሚሻንዳኔ።»

26 ዒማና ታኣኒ ኮሺ ጊንዎ ጊንዒ፡ ጊንዓሰካፓ ጰጫዎ ኮይሎ ዘጌኔ።

27 «ታኣኒ፡ ናንገና ናንጋ ጎዳ ዒስራዔኤሌንታ ዪሁዳንታ ሳዎ ሚርጌ ዴሬና፤ ጊንሢ ሃሃ ቆልሞና ኩንሃንዳ ዎዴ ዬዓንዳኔ።

28 ዔያቶ ታኣኒ ቱጋኒና ሻሃኒ፤ ሴካ ሃንጋ ሺርሺ ጉኡፓኒና ባይዘኒ፤ ኩርሳኒያ ዘርቂ ዔቂ ማዴሢጉዲ ዔያቶ ጊንሢ ዶቂ ዔቂሳኒ ዒማዲ ታኣኒ ማዳንዳኔ።

29 ዬዮ ዎዶና፡- «ዓዶንሢ ሙዔ ሶልኮ ዎይኖ ዓኣፓ ናኣቶ ዓጮ ዎዴኔ፤ ጌይንቲ ጌሰቲንታ ኮኣኪንሢ ዓታንዳኔ።

30 ዬያ ማዒፃ ዓቲሞ ሶልኮ ዎይኖ ዓኣፖ ሙዔ ዓሶማኮ ዒማና ዓጫ ሃይቃንዳኔ፤ ፔቲ ፔቲ ዓሳ ፔ ጎሞማና ሃይቃንዳኔ።»

31 ናንገና ናንጋ ጎዳ ሂዚ ጋዓኔ፡- «ሃይሻ ታኣኒ ዒስራዔኤል ዴርና ዪሁዳ ዴርና ዎላ ዓኪ ጫኣቁሞ ጫኣቃንዳ ዎዴ ሙካንዳኔ፤ 32 ዬይ ጫኣቁማ ዔያቶ ታኣኒ ጊብፄ ዓጫፓ ኩጮ ዔያቶኮ ዓርቂ ዔኪ ኬሴ ዎዶና ጌሌ ጫኣቁሞጉዲ ማዓዓኬ፤ ታኣኒ ዔያቶኮ ያኦዛሢታንቲ ዔያቶ ታኣኮ ዬያ ጫኣቁሞ ጉሙርቂንቲ ካፒባኣሴ፤ ዬያር ታኣኒ ዔያቶ ቁል ጌይ ዘጌኔ፤ 33 ሃሢ ዓካሪ ሃካፓ ሴካ ዒስራዔኤል ዴርና ዎላ ታኣኒ ጫኣቃንዳ ጫኣቁማ ያዲ ማዓንዳኔ፤ ታኣኮ ዎጎ ታኣኒ ዔያቶኮ ዒና ጌሃንዳኔ፤ ዒና ታ ዔያቶኮ ፃፃኣፓንዳኔ፤ ታኣኒ ዔያቶኮ ያኦዛሢ ማዓንዳኔ፤ ዔያታኣ ታኣኮ ዴሬ ማዓንዳኔ፤ 34 ሃይካፓ ሴካ ናንገና ናንጋ ጎዳ ዔሬ፤ ጌይ ፔኤኮ ላጋሢሞታቲያ ጌርሰሞ ኬኤዚ ዔርዛንዳ ዓሲ ባኣሴ፤ ዴኤፖፓ ዴንዲ ዳኮ ዓሶ ጌይንታሢ ሄላንዳኣና ቢያሢ ታና ዔራንዳኔ፤ ዳቢንቶሞ ታ ዔያቶኮ ዓቶሞ

31:29 31:29 ሂዚ. 18:2። 31:31 31:31 ማቲ. 26:28፤ ዔ.ብ. 8:8-12፤ ማር. 14:24፤ ሉቃ. 22:20፤ 1ቆሮ. 11:25፤ 2ቆሮ. 3:6። 31:33 31:33 ዔ.ብ. 10:16።

ጋዓንዳኔ፤ ጎሞዋ ታ ዔያቶኮ ዔኤቢኬ ጌይ ማሊ ዔካዓኬ፤ ዬያ ጌዔሢ ታና፡ ናንጊና ናንጋ ጎዳኬ።»

35 ዓቦ ሮኦሮና ፖሲሣሢ
ዓጊሮንታ ዠኦጋሢንታ ዲሞና ፖዓንዳጉዲ ዳምቦ ኬሴሢ
ዴኤፖ ባዘዋ ዠባሮና ዴቺ ዓጊሣ፡ ናንጊና ናንጋ ጎዳሢ

ሂዚ ጋዓኔ፤
ሱንፃእ ዒዛኮ ቢያ ባኮ ማዠፍ ጎዳኬ።
36 ታኣኒ ዬያ ባኮ ዓይሢ ማዲሻ ዳምባ ዓታያ ማዔቴ፤
ዓካሪ ዒሰራዔኤሌ ዜርፃ ታ ቤርታ ዴሬ ማዒ ናንጊና ናንጊፃ
ዓታንዳኔ።

37 ዒዛኮ ዴሬ፡ ዒሰራዔኤሌ ማዴ ጎሞ ዛሎና ናንጊና ናንጋ ጎዳ
ዔያቶ ኬኤራንዳኔ ጌይንታኒ ዳንዳዓሢ
ጫሪንጮኮ ዳልጉማ ዋርቁንቲ ዔርቲ
ሳፆኮዋ ማዠንቲ ካራ ቢያ ዛጊንቲ ዔርታኒ ዳንዳዒንቲቴ
ሌሊኬ።

ዬያ ጌዔሢ ናንጊና ናንጋ ጎዳኬ።

38 ናንጊና ናንጋ ጎዳ ሂዚ ጋዓኔ፡- «ሃናኒዔኤሌ ኬኤሎ ካራፓ
ዓርቃፃ ዴንዲ ኬኤሎ ዲፃ ዋላ ካኣማ ካሮ ሄላንዳኣና ዬሩሳላሜ
ታ ካታማ ማዒ ማዠንታንዳ ዋዴ ዬዓንዳኔ። 39 ዬያኮ ዛጳ ኬኤሎ
ዲፃ ዋላ ካኣማ ካራፓ ጋራቤ ጌሜሮ ባንሢ ዴንዳያ ማዓፃ ዒኣና
ጎዓ ባንሢ ዴንዳያኔ። 40 ሸምፓ ሃይቄ ባኮንታ ዲቢንፆንታ ላኣሎ
ደኣጫ ቢያ ዓባ ኬሰካ ባንፆና ዴንዲ ፓራሢ ካሮ ሄላንዳኣና ጉቤ
ናንጊና ናንጋ ጎዳም ዲማዴያ ማዓንዳኔ፤ ዬይ ካታማ ማይ ላሚ
ሻሂንቲ ባይቃዓኬ።»

32

ዔርሚያሴ ሳፆ ሻንቁሢ

1 ዩሁዳ ካኣቲ፡ ሴዴቁያሴ ካኣታዴንቲ ታጳሳ ሌፆና፤ ጊንሣ
ሃሣ ባብሎኔ ካኣቲ ናብካዳናፆኦሬ ካኣታዴንቲ ታጳ ሳላሳ ሌፆና
ናንጊና ናንጋ ጎዳ ታና፡ ዔርሚያሴም ሂዚ ጌይ ኬኤዜኔ፡- 2 ዬና
ዋዳ ባብሎኔ ካኣቲ፡ ናብካዳናፆኦሬኮ ፆሎ ዓሳ ዬሩሳላሜ ፆሊ
ዓርቃኒ ሙኪ ማንጌ ዋዴኬ፤ ታኣኒ ዒማና ካኣቱሞ ማኣሮኮ ዲሮ
ጋራ ቱኡሲ ዓሲ ማዒ ዓኣኔ፤ 3 ካኣቲ ሴዴቁያሴ ታና ዒኣካ ቱኪ
ጌሣሢ፤ ጊንሣሃሣ ዋጎና ዓይሢሢሢ ናንጊና ናንጋ ጎዳ ታኣም ኬኤዜ
ማሊፃ ዒዛም ታ ኬኤዜሢሢ ማዓዛ፡ ዬይ ሂዚ ጋዓያኬ፡- «ባብሎኔ
ካኣቲ ሃሮ ካታሜሎ ዋልቁና ዓርቃንዳጉዲ ታኣኒ ዒዛም ዒንጋኒኬ፤

31:34 31:34 ዔ.ብ. 10:17። 32:1 32:1 2ካኣቶ. ማ 25:1-7።

4 ካአቲ፣ ሴዴቂያሴ ቶላንዳ ካራ ባአሴ፤ ዒዚ ባብሎኔ ካአቲም ዓአሢ ዒንገንታንዳኔ፤ ዒዚ ካአቲኮ ቤርታ ዔቂ ዬያ ካአቲ ዘገንዳኔ፤ ፔኤር ዒዚ ዒዛና ዋላ ገሰታንዳኔ። 5 ሴዴቂያሴ ባብሎኔ ዓጮ ዲዒንቲ ዔውታንዳኔ፤ ታ ሙኪ ዒዛኮ ገኤዘ ገሰታንዳኔና ዒዚ ናንገንዳኔ፤ ባብሎኔ ዓሶና ዒ ያልታኒ ኮዔቲያ ዒዛም ሃናዓኔ፤ ዬያ ጌዔሢ ታና፣ ናንገና ናንገ ጎዳኔ።»

6 ገንሣ ሃሣ ናንገና ናንገ ጎዳ ሂዚ ጌዔኔ፡- 7 «ኔ ዓዶ ዒሾ ሻሉሜ ናአዚ፣ ሃናሚዔኤሌ ቢኢኒያሜ ዓጫ ዓናቶቲይዳ ዓአ ጎዡ ፔኤኮ ኔኤም ሻንታኒ ኔ ኮይላ ዬዓንዳኔ፤ ኔ ዒዛኮ ዑኩ ዒጊኒታሢር ዬና ጎዡ ሻንታኒ ኮይሳሢ ኔናኔ።» 8 ናንገና ናንገ ጎዳ ጌዔ ጎይያና ታአኒ ቱኡቲ ዓአ፣ ካፓ ዓሳ ዋርቃ ኬኤያ ሃናሚዔኤሌ ታ ኮይላ ሙካዖ፡- «ሻንታኒ ኮይሳሢ ኔናታሢር ታአኮ ጎዡ ሻንቁ» ጌዔኔ፤ ዬያር ታአኒ ናንገና ናንገ ጎዳ ታአም ዬያ ባኮ ኬኤዜያታሢ ዔሬኔ። 9 ዬና ጎዡ ሃናሚዔኤሌፓ ሻንታኒ ቢር ታአኒ ፓይዲ ዒንገኔ፤ ዬና ጎዡላ ሻንቁንቲ ሚኢሻ ላምዖ ጂኤታ ገራአሜ ማዓያ ሹቺ ቢራከ። 10 ዬያ ታአኒ ሻንቁያ ማዒያ ዔርዛ ማርካ ማዓ ዋርቃታ ፓራሚ ገኢጊሸሰካፓ ያሼኔ፤ ኮይሳ ቢርኮ ዴኤሡም ታአኒ ዛጊ ዔሪ ዒንገኔ። 11 ዬካፓ ዬያ ባኮ ፔቲይዳ ዓርቂያ ማሂ ማላቶ ዓይሢ ገኢጊሸና ዋርቃቶ ያሾናሢንታ ጉርንታ ማላታ ዓይሢንቲባአ ሻንቁያ ዔርዛ ዋርቃቶናኮ ገዳፓ ዔኪ ያአፖና ላምዖ ዋርቃታ ዔከ። 12 ማሂሴያኮ ናአዚ ናይ ማዔ ኔሪያ ናአዚ ባአርኬም ታአኒ ዒንገኔ፤ ዬንሢ ዋርቃቶንሢ ታአኒ ዒንገሢ ሃናሚዔኤሌንታ ኮርሚንታ ዋዶና ማርካ ማዒ ፓራሜ ዓሶንታ ዒኢካ ጸኦካ ዓአ ዓሶንታኮ ቤርታኔ፤ 13 ዬያ ዓሶ ቢያሢ ቤርታ ባአርኬም ታአኒ ሂዚ ጌዔኔ፡- 14 «ዒሰራዔኤሌ ያኦዛሢ ማዔ ቢያ ባኮ ዋይሣ ጎዳሢ ሂዚ ገዓኔ፤ ሶሽንቲዘንታ ፔጋ ጴዳያ ማዔ ሻንቁያ ዔርዛ ላምዖ ዋርቃቶንሢ ዔኪ ያቲ ጋርካ ሚርጌ ዋዴ ዴዓንዳጉዲ ጌሢ፤ 15 ላሚ ገንሣ ሃና ሳያይዳ ማአሪ፣ ጎሽንታ ዋይኔ ቱኮ ቤሰንታ ሻንታኒ ዳንዳዒንታ ዋዴ ዬዓንዳኔ ጌዔኔ።»

ዔርሚያሴ ሸኢቁ ሸኢዲያ

16 ዬያ ሻንቁያ ዔርዛ ዋርቃቶ ኔሪያ ናአዚ፣ ባአርኬም ታአኒ ዒንገሰካፓ ሂዚ ጌይ ታአኒ ሸኢቁኔ፡- 17 «ናንገና ናንገ ጎዳ ማዔ ያኦዛሢ፤ ኔኤኮ ዴኤፖ ቢታንቶና ዋልቆና ኔኤኒ ጫሪንጮንታ ሳዖንታ ማገፔኔ፤ ፔቲታዖ ኔና ባሻ ባአዚ ባአሴ፤ 18 ሚርጌ ሸያ ዴሪም ኔኤኮ ናንገና ናንገ ናሹም ኔኤኒ ፔጋሲ ዳዌኔ፤ ያዲ ማዔቲያ ዓደንሢ ማዴ ጎምር ኔኤኒ ናአቶይዳ ሚቶ ዓጋኔ፤ ኔኤኒ ዴኤፔ፣ ሃሣ ዋልቁና ዓአ ያኦሲኔ፤ ኔኤኒ ቢያ ባአዚ ዳንዳዓያ፣ ሱንፃአ ኔኤኮ

ቢያ ባኮ ማገዥ ጎዳኬ፤ 19 ኔኤኒ ማሊ ቱካ ማሊፃ ዴኤፒኬ፤ ኔኤኮ ማዳኣ ፑኤፒኬ፤ ዓሲ ማዠኘንቲ ቢያ ማዳ ባኮ ኔኤኒ ዛጋኔ፤ ፔቴ ፔቴ ዓሶሞ ዓሳ ሃንታ ጎይፆና ማዳ ማዳ ጎይፆ ኔኤኒ ኮይሳ ባኮ ዒንጋኔ። 20 ሚና ጊብፄ ዓጮይዳ ኔ ዎልቄና ማዳንታ ዓኪ ባኣዚና ሄርሺሳ ባኣዚያ ኔኤኒ ማዳኔ፤ ሃሢ ሄላንዳኣና ዬያ ዓኮ ዲቃሢ ሄርሺሳ ባኮ ዒሰራዔኤሌ ዴርንታ ሜሌ ዴርንታ ባኣካ ማዳያ ኔኤኒ ሃሺባኣሴ፤ ዬያሮ ቢያ ቤዘይዳ ሱንፃ ኔኤኮ ሄርሺንቲ ዴኤፔኔ። 21 ዲቃሢ ሄርሺሳ ማዳዎ ማዳ ኔ ዎልቆና፣ ሃሢ ኔኤኮ ዴኤፑሞና፤ ዬያጉዲ ሃሢ ኔኤኮ ዒጊቻያ ማዔ ቦንቸና ኔኤኮ ዴሮ ዒሰራዔኤሌ ጊብፄ ዓጮፓ ኔኤኒ ኬሴኔ፤ 22 ዔያቶኮ ቤርታኣ ዓደንሢሞ ኔኤኒ ጮኣቁ ጎይፆጉዴያና ሃሮ ዔኤቢ ቢያ ኩሜ ማሎ ዓጮሎ ኔ ዔያቶ ዳካልሴኔ። 23 ጋንጉቴ ዔያታ ሃሮ ዓጮ ሙኪ ዳካሌሰካፓ ኔኤኮ ቃኣሎሞ ዓይሢንቲፆና ኔኤኒ ዔያቶ ዔርዜ ዎጎና ደዲ ናንጊፆ ዒፀኔ፤ ኔ ዔያቶ ዓይሢ ባኮ ቢያ ዔያታ ማዳ ኩንሢባኣሴ፤ ዬያይዳፓ ዔቂፆና ዬያ ቢያ ባይሲንቶ ኔ ዔያቶይዳ ኬይሴኔ።

24 «ሃይሾ፣ ባብሎኔ ዓሳ ካታሜሎ ዓርቃኒ ዓጪ ዎርዲያ ማሃ ኩሊ ማንጊሢዳኬ፤ ፆልዚ፣ ናይዚንታ ዲማ ዲማ ደርፆንታ ዔያቶ ባብሎኔ ዓሶ ኩጮ ጋሮ ጌልዘንዳኔ፤ ኔኤኒ ጌዔ ባካ ቢያ ማዳንቲ ኩማንቲ ኔኤኒ ዛጋንዳኔ፤ 25 ናንጊና ናንጋ ጎዳ ማዔ ፆኣዛሢሮ! ካታሜሎ ባብሎኔ ዓሳ ዓርቃኒ ዑካዛ ማርካዳ ጪሞ ቤርታ ጎዡ ታኣኒ ሻንቃንዳጉዲ ዓይሢሢ ኔናኬ።»

26 ናንጊና ናንጋ ጎዳ ታኣሞ ሂዚ ጌዔኔ፡- 27 «ዓሲ ዜርሢ ቢያኮ ፆኣሲ ማዔ ናንጊና ናንጋ ጎዳሢ ታናኬ፤ ታና ባሻ ባኣዚ ፔቴታፆ ዓኣኖ? 28 ሃሮ ካታሜሎ ባብሎኔ ዓሶና ዔያቶኮ ካኣታሢ ናብካዳናፆናሞ ታኣኒ ዓኣሢ ዒንጋንዳኔ፤ ዒዚያ ዒዘ ዓርቃንዳኔ። 29 ሃሮ ካታሜሎ ማንጌ ባብሎኔ ዓሳ ሙኪ ታሚና ካታሞ ሚቻንዳኔ፤ ዬያጉዲ ሃሢ ታና ዳጋሳኒ ዔያቶኮ ማኣሮ ዑፆይዳ ባዓኣሌ ጌይንታ ፆኣዘሞ ዑንጅ ዔያታ ጩቢሻሢንታ ሜሌ ፆኣዘማኣ ዔያታ ዑዡ ዒንጋ ኬኤፆዎ ታሞና ዬይ ዓሳ ሚቻንዳኔ። 30 ዒሰራዔኤሌ ዴርንታ ዪሁዳ ዴርንታ ዴሬ ማዒ ደዴማፓ ዓርቃፆ ፑርታ ማዳሢፓፆቴሞ ፔቴታፆ ኮሺ ባኣዚ ማዳያ ባኣሴ። ዒሰራዔኤሌ ዴራ ፔ ኩጮና ኮሻ ፆኣዘ ዛሎና ታና ዳጋሲሢፓ ዓታዛ ፔቴታፆ ሜሌ ማዳ ባኣዚ ባኣሴ። 31 ሃሮ ካታሜላ ማዠኘንቲማፓ ዓርቃፆ ዴራ ታና ሚርጌና ዳጋሴሢሮ ሃሮ ካታሜሎ ባይዛኒ ታኣኒ ዚርቁ ዔቂኔ። 32 ዒሰራዔኤሌንታ ዪሁዳንታ ዴራ፣ ዔያቶኮ ካኣታ፡

32:28 32:28 2ካኣቶ. ማ 25:1-11፤ 2ፆኣሲ. ዓሃኬ 36:17-21።

ቢታገታ ዓኣ ዓሳ፣ ዔያቶኮ ቄኤሶንታ ታ ማሊያ ኬኤዘኔ ጋዓ ዓሳ፣
 ዪሁዳ ዓሶንታ ዪሩሳላሚይዳ ናንጋ ዓሳ ማዳ ፑርቶ ባኮና ቢያ ታኣኮ
 ዳጎ ዔያታ ዔቂሴኔ። 33 ዔያታ ታና ሃሺ ዳንዳኔ፤ ቢያ ዎይ ላሚ
 ላሚ ታ ዔያቶም ኬኤዘቲያ ዔያታ ዎይዚባኣሴ፤ ታኣኒ ጎሪ ዘራ
 ዘርዎ ዔያታ ዔኪባኣሴ፤ 34 ዪያ ሌሊቱዎንቲ ታኣኮ ሱንፃ ዔኤሊንቲ
 ካኣሽኪንታንዳጉዲ ማዢንቲ ጌኤዢ ማኣርይዳ ሻኣካያ ማዔ ያኣዘ
 ዔያታ ጌልዚ ዔቂሴ ዒኢሴኔ። 35 ዔያቶኮ ዓቲንቆ ናኣቶና ዉዲር
 ናኣቶና ሞሎኬ ጌይንታ ያኣዘም ዒንጎ ባኣዚ ማሂ ሺኢሻኒ ሄኖሚ
 ደኣጮይዳ ባዓኣሊም ዒንጎ ባኣዚ ዒንጎ ቤሴ ዔያታ ኮሼኔ፤ ዔያታ
 ዪያይዳንዳጉዲ ታኣኒ ዔያቶ ዓይሢባኣሴ፤ ዪሁዳ ዴርዎ ዳቢሴ
 ጎሚይዳ ጌልዚን ዔያታ ዪያይዳንዳኔ ጌይ ታኣኒ ማሊባኣሴ።»

ጉሙርሳያ ማዒ ኬኤዚንቲ ባኣዚ

36 ዒሰራዔኤሌ ያኣዛሢ ማዔ ናንጊና ናንጋ ጎዳ ሂዚ ጋዓኔ፡-
 «ዔርሚያሴ! ዴራ፣ ሃኖ ካታሞ ያልዚንታ ናይዚንታ ዲማ ዲማ
 ደርዎንታ ባብሎኔ ካኣቲ ኩጮ ጋር ጌልዛኒኬ» ኮዓኔ፤ ጋዓንቲ ታኣኒ
 ጋዓ ሚሌ ባኣዚ ሃሣ ዎይዘ፤ 37 ታሚጉዲ ታኣኮ ዔኤታ ዳኤፖ ዳጎና
 ታኣኒ ዜርቁዴር ታኣኒ ዜሬ ዓጫፓ ቢያ ጊንሣ ዔኪ ዪይ ቡኩሳንዳኔ፤
 ኮሺናኣ ታ ዔያቶ ናንጊሻንዳኔ። 38 ዔያታ ታኣኮ ዴሬ ማዓንዳኔ፤
 ታኣኒያ ዔያቶኮ ያኣሴ ማዓንዳኔ፤ 39 ፔቲ ማሊሢ ዔያቶኮ ዓኣያ
 ታኣኒ ማሃንዳኔ፤ ዪያ ታኣኒ ማዳንዳሢ ዔያቶንታ ዔያቶኮ ናኣቶንታ
 ቢያ ታና ቦንቻንዳጉዲኬ፤ ዪይ ዔያቶም ኮሺ ባኣዚ ማዓንዳኔ።
 40 ዔያቶና ዎላ ናንጊና ናንጋ ጫኣቁሞ ታኣኒ ጫኣቃንዳኔ፤ ዔያቶም
 ኮሺ ባኣዚ ማዳሢ ታኣኒ ሃሻዓኬ፤ ጎኔና ዔያታ ታና ዓጊጫንዳጉዲ
 ታኣኒ ማሃንዳኔ። ዪካፓ ዔያታ ዓኣፖ ካር ሚሌ ባንሢ ሺርሻዓኬ።
 41 ታኣኒያ ዔያቶም ኮሺ ባኣዚ ማዳሢና ዎዛዳንዳኔ፤ ታኣኒ ታ ሹኔና
 ሃኖ ዓጮይዳ ጎኔና ማዢ ዔያቶ ደዲሻንዳኔ።

42 «ሃያ ዴርይዳ ሃያ ባይሴንቶ ጉቤ ዔኪ ታኣኒ ዪዔሢጉዲ፣
 ጊንሣ ሃሣ ታኣኒ ዔያቶም ጫኣቁ ኮዢ ባኮዎ ዒንጋንዳኔ፤ 43 ሳዔላ
 ባብሎኔ ዓሶም ዒንጊንቲሢር ዓሴንታ ቆልሞንታ ናንጉዎ ጉሪ ሳዓ
 ማዓንዳኔ» ዒንሢ ጌዔ፣ ሃኖ ሳዔሎይዳ ጎሺ ሻንቁሢና ሻንቺሢና
 ጊንሣ ዓርቁንታንዳኔ። 44 ዴራ ጎሺ ፔኤኮ ሻንቃንዳኔ፤ ሻንቺያ ዔርዛ
 ዎርቃታኣ ፓራሚንቲ ማርኮ ዓሶ ቤርታ ያሺንታንዳኔ፤ ዪይ ባካ
 ቢያ ቢኢኒያሚ ዓጮይዳ ዪሩሳላሚ ካታሞ ኮይላ ዓኣ ጉርዶይዳ፣
 ዪሁዳኮ ኮይላ ኮይላ ዓኣ ዳኮ ካታሞይዳ፣ ጌሚራዳ ቤዘይዳ ዓኣ

32:34 32:34 2ካኣቶ. ማ 23:10፤ ዔር. 7:30-31፤ 19:1-6። 32:35 32:35
 ሌዊ. ዓኬ 18:21፤ 2ካኣቶ. ማ 23:10፤ ዔር. 7:31።

ካታዎይዳ፣ ጌሜር ዴሞና ዪሁዳኮ ደኦሎ ዛሎ ዓጮናይዳ ቢያ ማዲንታንዳኔ። ዴራ ቢያ ፔ ዓጮ ማዒ ሙኪ ፔኤኮ ዓኣ ቆሎ ዔካንዳጉዲ ታኣኒ ማሃንዳኔ።»

33

ዴራ ፔ ዓጮ ማዓንዳያታሢ ከኤዚንቴሢ

1 ካኣቱሞ ማኣሮኮ ዲሮ ጋራ ታኣኒ ቱኡሲ ዓሲ ማዒ ዓኣ ጎይሣ ዓኣንቴ ናንጊና ናንጋ ጎዳ ሂዚ ጋዓ ቃኣላ ታኣሞ ከኤዜኔ፤ 2 ጎዖ ማዠፍሢና ጊኢጊሸሢ። ኮሺ ማዒ ዴዓንዳጉዲያ ማሄ ናንጊና ናንጋ ጎዳሢ ታኣሞ ሂዚ ጌዔኔ፤ ሱንፃ ዒዛኮ ናንጊና ናንጋ ጎዳኪ፤ 3 ዒዚ ሂዚ ታኣሞ ጌዔኔ፡- «ታ ባንሢ ዒላቲ ታኣሞ ከኤዜ፤ ታ ኔኤም ኔ ኮዓ ባኮ ማሃንዳኔ፤ ሃያኮ ቤርታ ኔኤኒ ዔራዋኣያ፣ ዓሲ ጋፒሲ ዔራጉዋ ዴኤፒ ዴኤፒ ባኣዚ ፔጋሲ ታ ኔና ደሞንዳኔ። 4 ሞርካ ሙኪ ማንጌሢሮ፣ ሃሣዖላሢሮ ዬራሳላሜ ካታዎይዳ ዓኣ ማኣሮንታ ዪሁዳኮ ካኣቶ ማኣሮንታ ሻሂንቲ ደዓንዳኔ፤ 5 ዔያቶኮ ፑርቱሞፓ ዔቆያና ታኣኒ ታ ዓኣፖ ካሮ ሃሮ ካታሜሎፓ ሺርሼሢሮ ዴር ባኣካፓ ዔያታ ባላሎኔ ዓሶና ዖልታኣና ታኣኮ ደጎና፤ ጊንሣ ሃሣ ታ ዔያቶይዳ ዓጋንዳ ፑርቶ ባኮና ታ ዎዲንዳ ዓሶኮ ሌዛ ማኣሮ ማኣሮ ኩማንዳኔ። 6 ያዲ ማዔቴያ ሃሮ ካታሞና ዴሮና ታኣኒ ጊንሣ ፓሃንዳኔ፤ ዒቢሎዋ ታኣኒ ዔያቶኮ ማሃንዳኔ፤ ቢያ ቤዘይዳ ሼሞፔና ዴይሢ ኮሺ ናንጊያ ታኣኒ ዔያቶ ናንጊሳንዳኔ፤ 7 ዪሁዳና ዒሰራዔኤሌናኮ ዲዒ ዔኪ ዓኣዶና ዓሶ ጊንሣ ታኣኒ ማሃንዳኔ፤ ቤርታ ዔያታ ዓኣ ጎይዖ ጊንሣ ዒማይዲ ማሂ ታኣኒ ዔያቶ ጊኢጊሻንዳኔ። 8 ታኣኮ ዎጎ ዔያታ ካፖ ዒፂ ማዴ ጎሞ ቢያ ታ ዔያቶኮ ጌኤሻንዳኔ፤ ዔያቶኮ ዳቢንቶና ዎይዘ ዒፂዖና ቢያ ታኣኒ ዓቶሞ ጋዓንዳኔ። 9 ዬራሳላሜም ታኣኒ ማዴ ኮዠ ማዴ ቢያ ዬያ ባኮ ዎይዘ ዴራ ታና ዴኤፒሳንዳጉዲ፣ ቢንቻንዳጉዲ፣ ጋላታንዳጉዲ ማሃንዳኔ፤ ዬራሳላሜ ዴሮም ታኣኒ ማዴ ኮዠ ባኮና ካታሜሎም ታኣኒ ዔኪ ሙካ ዖርጎቹሞንታ ኮሹሞንታ ዎይዘ ዎዶና ዴራ ቢያ ዒጊቹሞና ጎጋይቃንዳኔ።»

10 ናንጊና ናንጋ ጎዳ ሂዚ ጋዓኔ፡- «ዔርሚያሴ! <ሃሮ ዓጮሎይዳ ዓሲታቴያ ቆልሞ ናንጊንዲሞ ጉሪ ቤሲ ማዓንዳኔ> ኔ ጌዔኔ፤ ጎኔኬ ዪሁዳ ካታሞና ዬራሳላሜ ካታሞ ጎይዖናይዳ ዓሲንታ ቆልሞንታ ባኣያ ጉሪ ቤሲ ማዔኔ፤ ፔቴ ከሊ ጋዓንቴ ዬያ ቤዘይዳ ዎዛና ዒላሸሢሢ ዑኡሲና ዎይዚንታንዳኔ፤ 11 ዬሮ ቤዘይዳ ዎዛ ዑኡሲንታ ዔፒንታ ኮሢንታኮዎ ዑኡሲ ጊንሣ ዎይዚንታንዳኔ፤ ዲዒንቲ ዴንዴ ቤዛፓ ማዔ ዓሶም ዔያቶኮ ዓኣ ቆሎ ታኣኒ ማሃንዳሢሮ ጋላታ ዒንጎ

ባአዚ ማሂ ዒንገሊ ታኣኮ ጌኤዡ ማኣሪ ዔያታ ሙካ ዎደና፡- ሲያ ባኮ ዎይሣ ጎዳሢ ጋላቱዋቱ፤ ዒዚ ኮሺኬ፤ ናሹማ ዒዛኮ ናንገና ናንጋያኸ» ጌይ ጌይ ጴግ ጌዔ ዑኡሲና ዔያታ ዓይናዳንዳኔ፤ ዬያ ጌዔሢ ታና፡ ናንገና ናንጋ ጎዳኬ።።»

12 ሲያ ባኮ ዎይሣ ጎዳ ሂዚ ጋዓኔ፡- «ዓሲታቲያ ቆልሞ ናንጉዎ ዳውሎ ቦኦሎ ማዔ ሃኖ ሳዔሎይዳ ሄንቃ ዓሳ ቆልሞ ሄንቃንዳ ቤሲ ዓኣያ ማዓንዳኔ። 13 ጌሜራዳ ቤዘይዳ ዓኣ ካታሞይዳ፣ ጌሜሮ ዴሞና ዪሁዳኮ ደኦሎ ዛሎ ካታሞይዳ፣ ቢኢኢያሜ ዓጮ ማዔ ካታሞይዳ፣ ዬሩሳላሜኮ ኮይላ ዓኣ ጉርደና ዪሁዳይዳ ዓኣ ዳኮ ዳኮ ካታሞንታይዳ ሲያ ቆልሞ ሄንቃ ዓሳ ማራቶ ፔኤኮ ቤርታኣሲ ጎይያ ገንሣ ኬሲ ሄንቃንዳኔ፤ ዬያ ጌዔሢ ታና፡ ናንገና ናንጋ ጎዳኬ።።»

14 ናንገና ናንጋ ጎዳ ሂዚ ጋዓኔ፡- «ዒሰራዔኤሌና ዪሁዳ ዴርናም ሃጊ ማዓ ዎዛ ማሂ ኬኤዜ ቃኣላ ኩማንዳ ዎዳ ዑኬኔ፤ 15 ዬኖ ዎደና ዳውቲ ዜርፃፓ ማዔያ፣ ፔቲ ዒሎ ካኣቲ ታኣኒ ደኦማንዳኔ፤ ዬይ ካኣታሢ ዓጩሎይዳ ፒዜ ማዔ ባአዚ ማዳንዳኔ፤ ፒዜ ዎጌያኣ ዎጋንዳኔ። 16 ዪሁዳና ዬሩሳላሜና ዴራ ፔኤኮ ሞርኮ ኩጫፓ ቶሊ ኮሺ ናንጋንዳኔ። ዬኖ ካታሜሎኮ ሱንፃ፡- ኦኡም ዒሎ ባአዚ ማዳ ናንገና ናንጋ ጎዳ» ጌይንታንዳኔ፤ 17 ዳውቲ ዜርፃፓ ዒሰራዔኤሌይዳ ካኣታዳንዳ ካኣቲ ፔቲታዎ ባይቂንዲዎኣሢ ታኣኒ፡ ናንገና ናንጋ ጎዳ ኬኤዜኔ፤ 18 ዬያጉዲ ሃሣ ሚቹ ዒንጎ ዒንገሢንታ ሃኣኮ ዒንገያንታ ሜሌ ዒንጎ ባኮዎ ዒንገ ታኣም ማዳንዳ ቄኤሴ ሌዊ ፃጳፓ ፔቲታዎ ባይቃዓኬ።።»

19 ናንገና ናንጋ ጎዳ ታኣም ሂዚ ጌዔኔ፡- 20-21 «ታ ዓይላሢ ዳውቲ ቤዛ ካኣታዳንዳ ናይ ታኣኒ ዒዛም ዒንጋንዳያታሢ ጫኣቂሢንታ ታ ዓይላ፣ ሌዊ ዓሳ ታኣም ማዳንዳጉዲ ኦ ዎላ ጫኣቂ ጫኣቂሞንታ ሃሽንታኒ ዳንዳዓሢ ሮኦርና ዎንቶና ዔያታ ማዳንዳጉዲ ጌይንቲ ዓቦና ታ ዔያቶም ኬሴ ዳምቦ ዒንሢ ባኣካፓ ማዳ ኩንሡዎዎ ሃሻኒ ዳንዳዓ ዓሲ ኬሰኬያታቲኬ። 22 ዬያሮ ታ ዓይላሢ ዳውቲ ዜርፃና ሌዊ ፃጳ ማዔ ቄኤሶናኮ ፓይዶ ታኣኒ ሚርገሻንዳኔ፤ ዬይ ዔያቶኮ ፓይዳ ፓይዲንታኒ ዳንዳዑዎ ባዘ ማኣሻሎና ጫሪንጮ ዡኦጋሢንዲ ማዳንዳኔ።።»

33:11 33:11 1ዎኣሲ. ዓሃኬ 16:34፤ 2ዎኣሲ. ዓሃኬ 5:13፤ 7:3፤ ዒዝ. 3:11፤ ዓይኦ. 100:5፤ 106:1፤ 107:1፤ 118:1፤ 136:1። 33:14 33:14 ዔር. 23:5-6። 33:17 33:17 2ሳሙ. 7:12-16፤ 1ካኣቶ. ማ 2:4፤ 1ዎኣሲ. ዓሃኬ 1:11-14። 33:18 33:18 ፓይ. ማፃ 3:5-10።

23 ናንጊና ናንጋ ጎዳ ታአም ሂዚ ጌዔኔ፡- 24 «ዬይ ዴራ ሩዚ ዶኦሪ ዬያቶ ላምዎ ካኣቶ ናንጊና ናንጋ ጎዳ ሃሼኔ» ጌይ ታኣኮ ዴር ቦሂ ዓሲኬ ዔያቶ ጎዑዋኣሂ ኔ ዛጊባኣዓዳ?» 25 ሂሊሳዎ ሃሃ ናንጊና ናንጋ ጎዳ ሂዚ ጌዔኔ፡- «ሮኦሮና ዋንቶና ዋሊም ቤሲ ጌሃንዳጉዲ፣ ጫሪንጮና ሳዎናኮዋ ናንጊና ናንጋ ዳምቤ ዓኣያ ማዓንዳጉዲ ጫኣቂ ደዲሼሂ ታናኬ፤ ዬያ ታኣኒ ማዲባኣያ ማዔቴ፣ 26 ያይቆኦቤንታ ታ ዓይላሂ ዳውቴ ዜርዎዋ ታኣኒ ሃሼኔ ጌይሂከ፤ ያዲ ማዓያታቴ ታ ዓይላሂ ዳውቴም ዓብራሃሜና ዩሳኣቄና ያይቆኦቤና ዜርዎፓ ዒዛ ቤዛ ካኣታዳንዳ ናይ ፔቴታዎ ታኣኒ ከሳዓኬ ጌይሂከ። ያዲቴዋንቴ ታኣኒ ዔያቶ ማኣራንዳኔ፤ ዔያቶኮ ዲዒንቲ ዔውቴ ባኮዋ ታኣኒ ማሃንዳኔ።»

34

ሴዴቂያሴ ዛላ ኬኤዚንቲ ያኦሲ ማሊሂ

1 ባብሎኔ ካኣቲ፣ ናብካዳናዎኦሪና ዒዛኮ ያሎ ዓሶና ዒዚ ካኣታዲ ዋይሃ ዓጮ ካኣቶንታ ዴርንታ ዒዛ ማኣዴም ዬሩሳላሜ ካታሞና ኮይሎ ካታሞዋ ያላ ዋዶና ናንጊና ናንጋ ጎዳ ታአም ሂዚ ጌይ ኬኤዜኔ። 2 ታኣኒ ዩሁዳ ካኣቲ ሴዴቂያሴ ኮይላ ዴንዲ ሂዚ ጌይ ኬኤዛንዳጉዲ ዒሰራዔኤሌኮ ያኦዛሂ ማዔ ናንጊና ናንጋ ጎዳ ታና ዓይሂኔ፡- «ታኣኒ፣ ናንጊና ናንጋ ጎዳ ሃኖ ካታሜሎ ባብሎኔ ካኣቲም ዓኣሂ ዒንጋንዳኔ፤ ዒዚ ዒዛ ታሚና ሚቻንዳኔ። 3 ኔኤኒ ቶላኒ ዳንዳዑዋሴ፤ ኔኤኒ ዲዒንቲ ዔውታንዳኔ፤ ዒዛ ኩጫ ኔኤኒ ዓዲንታንዳኔ፤ ዒዛኮ ቤርታ ዔቂ ኔ ዒዛ ዛጋንዳኔ፤ ዒዚ ኔኤና ዋላ ጌሰታንዳኔ፤ ዩካፓ ኔኤኒ ባብሎኔ ዓኣዳንዳኔ። 4 ሴዴቂያሴ! ናንጊና ናንጋ ጎዳ ጋዓ ባኮ ዋይዜ፤ ኔኤኒ ያልዚዳ ሃይቃዓከ፤ 5 ኮሺ ሃይቢ ኔኤኒ ሃይቃንዳኔ፤ ኔኤኮ ቤርታ ካኣታዳ፣ ኔኤኮ ቤርታኣ ዓደንሂ ሃይቂ ዋዶና ዴራ ዔያቶ ቦንቹ ታሞ ዔኤሃሂጉዲ ኔኤማኣ ኔና ቦንቹ ታሞ ዔኤሃንዳኔ፤ ት ካኣቲዮ ኔና ዎኦ!» ጌይ ጌይ ኔና ዩኤካንዳኔ፤ ዬያ ጌዔሂ ታና፣ ናንጊና ናንጋ ጎዳከ።»

6 ዬያ ያኦሲ ማሊዎ ዩሁዳ ካኣቲ ሴዴቂያሴም ታኣኒ ዩሩሳላሜይዳ ኬኤዛኣና፣ 7 ባብሎኔ ካኣቲኮ ያሎ ዓሳ ዩሩሳላሜንታ፤ ጊንሃ ዩካፓኣ ዓኣዲ ዩሁዳይዳ ዙሎ ኬኤሎ ዲዎና ዲርቂ ዋርዲዮና ካታሞፓ ዓቲ ዓኣ ላኪሼና ዓዜቃ ጌይንታ ካታሞ ያሊ ያሊ ዓኣኔ።

ዓይላቶፓ ኬሰኪሂ ዛላ

34:1 34:1 2ካኣቶ. ማ 25:1-11፤ 2ዎኦሲ. ዓሃኬ 36:17-21።

8 ዓይሌ ማዒ ናንገሢ ዓታንዳጉዲ ዴርሞ ከኤዛኒ ሴዴቂያሴ ዩሩሳሌም ዴርና ዋላ ቡኪ ጌሰቲ ጊኢጌሰካፓ ናንገና ናንጋ ጎዳፓ ሂዚ ጋዓ ቃኣላ ታኣም ከኤዛንቴኔ። 9 ዬይ ዔያታ ጌሰቲ ባካ፡ ዔብሬ ዓሲ ማዔያታዎ ዔብሬ ዓሲ ዓይሌ ማሂ ዎይሣ ዓይሎ ቢያ፤ ዓቲንቁንታ ላኣሊንታ ጎዑዎዎ ዓይላቶ ናንጎ ሃሺሳንዳጉዲከ፤ ዓይጎ ዓሲያኣ ማዎም ዒሰራዔኤሌ ፃጺ ማዔይ ፔ ዒጊኖ ዓይሌ ማሂ ዎይሠቀጉዲ ዔያታ ዋላ ጌሰቲ ዔቁሴኔ። 10 ዴርንታ ሱኡጎንታ ቢያ ዒማና ፔኤኮ ዓይሎ ዓይላታፓ ከሲ ሃሻኒና ጊንሣ ሺሬ ዓይሌ ማሂ ዔኪንዳዎኣያ ማዒያዎ ዋላ ጌሰቲ ዔኤዔኔ፤ ዬያ ዔያታ ጌሰቲ ጊኢጌ ጎይዎና ቢያ ዓይሎ ዔያታ ዓይላታፓ ከሴኔ፤ 11 ጋዓንቴ ዳካ ጋዓዎ ዔያታ ፔ ማሊያ ሺርሺ ዬያ ዓሶ ጊንሣ ዓይሌ ማሂ ዎይሣ፤ ዎልቃዳሢ ዓርቁኔ።

12 ዬካፓ ዔርሚያሴም ናንገና ናንጋ ጎዳይዳፓ ሂዚ ጋዓ ቃኣላ ከኤዛንቴኔ፡- 13 ዒሰራዔኤሌ ያኣዛሢ ማዔ ናንገና ናንጋ ጎዳ ሂዚ ጋዓኔ፤ «ታኣኒ ታ ቶኦኪና ዒንሢኮ ቤርታኣ ዓደንሢ ጊብፄ ዓጫፓ፡ ዓይላቶ ናንጋፓ ዓውሲ ከሴ ዎዶና ሂዚ ጌይ ታ ዔያቶና ዋላ ጫኣቁኔ። 14 ዬያ ጫኣቁም ጎይዎና ፔ ፃጺ ማዔ፡ ዔብሬ ዓሲ ዓይሌ ማሂ ዔኪ ዎይሣ ዓሲ ቢያ ላሆ ለዔ ማዴሰካፓ ላንካሳ ሌዎና ዓይላታፓ ከሳንዳጉዲ ታኣኒ ዓይሢኔ፤ ጋዓንቴ ዒንሢኮ ቤርታኣ ዓደንሢ ታኣም ዓይሢንታኒና ታ ጋዓ ባኮ ዎይዛኒያ ኮይባኣሴ፤

15 ሃይሾ ዒንሢያ ሃሢ ዳካ ከሊኮ ቤርታ ዒንሢ ማዳ ማዳ ዳቢንቲ ማዔሢ ዔሪ ታና ዎዛሳ ማዳ ማዳሢ ዓርቁዎከ፤ ዒንሢ ዎዎዴይ፡- ቢያሢ ዒሰራዔኤሌ ፃጺ ማዔ፡ ዒንሢ ዒጊኖ ዓይላታፓ ከሳኒ ዎላ ጌሰቲ ጊኢጌኔ፤ ታኣኒ ካኣሽኪንታ ጌኤኮ ማኣርይዳ ቡኪ ታ ቤርታ ዒንሢ ጫኣቁኔ፤ 16 ጋዓንቴ ዒንሢ ጊንሣ ዒንሢኮ ማሊያ ሺርሺ ቦርሲሳ ማዳ ማዴኔ፤ ዒንሢ ዎዎዴይ ጌዔቴ፡- ዒንሢ ቢያሢ ዒንሢ ሹኔና ጉሪ ሃሽ ዓይሎ ጊንሣ ዔኪ ዎይሥሢ ዓርቁኔ። 17 ዓካሪ ዎይዙዎቴ፤ ታኣኒ፡ ናንገና ናንጋ ጎዳ ዒንሢ ማኣ ሂዚ ጋዓኔ፡- ታኣም ዒንሢ ዓይሢንቲባኣሴ፤ ዒንሢ ዒጊኖ ማዔ ዒሰራዔኤሌ ዓሶ ዓይላታፓ ዒንሢ ከሲባኣሴ፤ ዬያር ዎልዚ፡ ናይዚንታ ፑርታ ደርዓኣ ዒንሢ ኩርሳንዳጉዲ ታኣኒ ሃሻንዳኔ፤ ዒንሢዳ ታ ማዳ ባካ ዓጪ ዴሬ ቢያኮ ዑሰካ ጌላንዳጉዲ ታኣኒ ማሃንዳኔ። 18 ዒንሢኮ ዓይሎ ዒንሢ ሃሻኒ ታ ቤርታ ጫኣቁ ዎዶና ፔቴ ናኣሪ ላምዎ ቤሲ ቲቁ ዬያኮ ባኣኪና ዒንሢ ዓኣዳኔ፤ ጋዓንቴ ዒንሢ ዬያ ጫኣቁምንታ ታኣኒያ ዒሰራዔኤሌ ዴርና ዋላ ጫኣቁ ጫኣቁም ከኤሪ ሃሽኔ፤ ዬያር ዒንሢ ናኣርማ ማዴ ጎይዎ ታኣኒያ ዒንሢዳ ዒማይዳንዳኔ።

34:14 34:14 ከሴ. ማፃ 21:2፤ ላሚ. ዎማ 15:12።

19 ዪሁዳና ዪሩሳሌሚናኮ ደኤፖ ደኤፖ ዓሶንታ ካአቱሞ ማአራ ቢታንቶና ዓአ ዓሶንታ ቄኤሶንታ ዪያ ናአሮ ላሞዎ ቤሲ ቲቃዎ ዪያይዴና ሃንቲ ዴንዴ ዪኖ ዓጮ ዴሮዋ ቢያ፥ 20 ዔያቶ ዎዲኒ ኮዓ፥ ዔያቶኮ ሞርኮም ታ ዔያቶ ዓአሢ ዒንጋንዳኔ፤ ዔያቶኮ ሌዘ ቢያ ካፖና ካዮ ሰዎና ሙዓንዳኔ።

21 «ዪሁዳ ካአቲ ሴዴቋያሴና ቢታንታ ዓአ ዓሶና ቢያ ዔያቶ ዎዲኒ ኮዓ ሞርኮም ታአኒ ዓአሢ ዒንጋንዳኔ፤ ታ ዒንሢ ዓአሢ ዒንጋንዳሢ ዒንሢ ያሊያ ዳካሮ ሃሹ፥ ባብሎኔኮ ያሎ ዓሶምኬ።

22 «ታአኒ ዔያቶ ዓይሣንዳኔ፤ ዔያታ ሃኖ ካታሞ ጊንሣ ማዒ ሙካንዳኔ፤ ዪካፓ ዔያታ ያሊ ዓርቁሰካፓ ታሚና ሚቻንዳኔ፤ ዪሁዳይዳ ዓአ ካታሞ ቢያ ዓይጎ ዓሲያአ ናንጉሞ ቤሲ ታአኒ ማሃንዳኔ። ዪያ ጌዔሢ ታና፥ ናንጊና ናንጋ ጎዳኬ።»

35

ሬካባ ዓሶኮ ጉሙርቁንቲዎ

1 ዒዮሲያሴ ናአዚ፥ ዒዮዓቄሜ ዪሁዳይዳ ካአታዳ ዎዶና ናንጊና ናንጋ ጎዳ፡- 2 «ሬካባ ዓሶ ማአሮ ዓሶ ኮይላ ዴንዲ ዔያቶና ጌሰቲ፤ ዪካፓ ጌኤዡ ማአሮኮ ዓአ ቆልፓፓ ፔቲይዳ ዔያቶ ጌልዚ ዔያታ ዑሽካንዳ ዎይኔ ዑሽ ዔያቶም ዒንጌ» ጌይ ታአም ኬኤዜኔ። 3 ዪዮሮ ታአኒ ዔርሚያሴ ናአዚ ዪዓዛኒያንታ ሃባዲኒያ ናአዚንታ ጌርሲንሢንታ ዔያቶኮ ናአቶንታ ቢያ፥ ሬካባ ማአሮ ዓሶ ጉቤ ዔኪ ዴንዴኔ። 4 ዪያቶ ታአኒ ጌኤዡ ማአሪ ዔኪ ዪዒ፥ ሃናኒ ናአቶ ቆልፖ ጌልዜኔ፤ ሃናኒኮ ዓዴ፥ ጌዴሊያ ያኦሲ ዓሲኬ። ዪና ቆልዓ ቢታንታ ዓአ ዓሶ ቆልፖኮ ኮይላ፥ ማዒሴያ ጌይንታ ዓሢ ቆልፖኮ ኬዴኬ፤ ማዒሴያ ጌኤዡ ማአሪ ጌሎ ካሮ ካፓ፥ ሹሉሜ ናይኬ። 5 ታአኒ ዒማና ዎይኖ ዑዡ ኩንሢ ጌሦና ዓንጎንታ ዑዡ ዑሽኮ ዓንጎንታ ሬካባ ዓሶ ቤርታ ጌሢ፡- «ሃያ ዎይኖ ዑዡ ዑሽኩሞቲ» ጌዔኔ።

6 ዔያታ ጋዓንቲ ማሃዎ፡- «ኦኦኒ ዎይኖ ዑዡ ዑሽካዓኬ፤ ሬካባ ናይ ማዔሢ፥ ኦኦኮ ዓዳሢ፥ ዒዮናዳአቤ ኦና ማዔቲያ ኦኦኮ ዜርፃአ ቢያ ፔቲታዎ ዎይኔ ዑሽ ጋዓ ባአዚ ዑሽኩሞጉዲ ላአጌኔ። 7 ዪያ ሌሊቱሞንቲ ማአሪ ኦ ማዡሞጉዲ፥ ጎሺ ኦ ጎሽኩሞጉዲ፥ ዎይኔ ቱኮንዶ ቤሲያ ዔኪ ኦኦሮ ማሃ ኦ ኮሺ ዓርቁሞጉዲ ኦና ላአጌኔ፤ ሸኦቺጉዲ ሌሊ ማዒ ሃያ ሳይይዳ ሚርጌ ዎዴ ናንጋንዳጉዲ ዓፕላና ማዡ ማአሪ ኦ ማዡኒ ኮይሳሢ ኦኦም ዒዚ ኬኤዚ ዓይሢኔ። 8 ዒዮናዳአቤ ኦኦም ኬኤዚ ዔርዜ ባኮ ቢያ ኦ ዔኬኔ፤ ዪዮሮ ኦና

35:1 35:1 2ካአቶ. ማ 23:36—24:6፤ 2ዎኦሲ. ዓሃኬ 36:5-7።

ማዕቴያ ኑኡኮ ላኣላ፡ ኑኡኮ ዓቲንቆንታ ዉድር ናኣቶንታ ዎይኖ ዑኩኮ ኑ ዑሽኩዋሴ፤ 9 ሚርጌ ዎዴ ናንጎ ማኣሪ ኑ ማዠዋዎ ዓፒላና ማዠና ማኣሪዳ ኑ ናንጋኔ፤ ዎይኔ ቱኮ ቤሲንታ ሃኣኮ ኑ ጎሽካ ጎሽያ ኑኡኮ ባኣሴ፤ 10 ኑኡኒ ዓፒላና ማዠና ማኣሪዳ ናንጋኔ፤ ኑኡኮ ቤርታኣ ዓዳሢ፡ ዒዮናዳኣቤ ኑና ዓይሢ ባኮ ጉቤ ዒኔፓ ኑ ዓይሢንቲ ካፒ ናንጋኔ። 11 ጋዓንቴ ባብሎኔ ካኣቲ፡ ናብካዳናፆኦሬ ሙኪ ዓጩሎ ያሊ ዓርቄ ዎድና ባብሎኔ ዓሶና ሶኦሪያ ዓሶናኮ ያሎ ዓሳፓ ኑኡኒ ፑኒ ቶላኒ ሃይካ ዩሩሳላሜ ሙኩኔ፤ ሃሢ ኑኡኒ ሃይካ ዩሩሳላሜይዳ ናንጋሢ ዩያሮኩ» ጌዔኔ።

12-13 ዩካፓ ዒሰራዔኤሌ ያኦዛሢ ማዕ ቢያ ባኮ ዎይሢ ጎዳ ዩሁዳና ዩሩሳላሜና ዳር ኮይላ ዳንዲ ሂዚ ጌይ ዔያቶ ዓይሢንቲዳቲ ታኣም ኬኤዜኔ፡- «ኬኤዞ ባኣዚ ዒንሢ ዔኪ ታ ቃኣሎም ዓይሢንታኒ ዒንሢ ዳንዳዑዎዳ? 14 ዒዮናዳኣቤ ዜርፃታዎ ዎይኖ ዑኩኮ ዑሽኩዋጉዲ ዔያቶኮ ዓዳሢ ዔያቶ ዓይሢ ቃኣሎ ካፒ ሃኣዛጉዋቴ ሃይማ ሃላንዳኣና ፔቴታዎ ዎይኔ ዑሽና ካኣሙዋሴ፤ ታኣኒ ጋዓንቴ ዒንሢም ቢያ ዎዴ ለሚ ኬኤዜኔ፤ ዒንሢ ጋዓንቴ ታኣም ዓይሢንታኒ ኮዑዋሴ፤ 15 ታ ማሊያ ኬኤዛ፡ ታ ዓይሎ ታ ዒንሢ ኮይላ ለሚ ለሚ ዳኬኔ፤ ዔያታ ዒንሢም ዒንሢ ፑርቶ ማዳ ሃሽ ፒዜ ባኣዚ ማዳንዳቲ ኬኤዜኔ፤ ዒንሢ ማሌ ያኦዞም ዘጉዋጉዲና ዔያቶም ማዳያ ዒንሢ ማዑዋጉዲ ዒንሢም ላቲ ኬኤዜኔ፤ ዒንሢና ዒንሢኮ ቤርታኣ ዓዳንሢናም ታኣኒ ዒንጌ ዓጩሎይዳ ዒንሢ ናንጋንዳቲዳ ዩያ ቢያ ታ ዒንሢ ዓይሢኔ፤ ዒንሢ ጋዓንቴ ታኣም ዎይዛኒና ታ ዒንሢም ኬኤዛ ቃኣሎ ዔኤቢኬ ጋዓኒ ኮይባኣሴ። 16 ሬካቤ ናኣዚ፡ ዒዮናዳኣቤ ዜርፃ ዔያቶኮ ቤርታኣ ዓዳንሢ ዔያቶ ዓይሢ ባኮ ቢያ ማዳ ኩንሢኔ፤ ዒንሢ ታ ዳራ ጋዓንቴ ታኣም ዓይሢንቲባኣሴ። 17 ዩያር ታኣኒ ዒሰራዔኤሌ ያኦዛሢ ማዕ ቢያ ባኮ ዎይሢ ጎዳሢ «ዒንሢዳ ዓጋንዳኔ» ጌዔ ባይሲንቶ ቢያ ዩሁዳና ዩሩሳላሜናይዳ ናንጋ ዓሶ፡ ዒንሢዳ ዔኪ ዩዓንዳኔ፤ ዩያ ታኣኒ ማዳንዳሢ ዒንሢም ታኣኒ ኬኤዛንቴ ዒንሢ ዎይዞ ዒፃሢና ታኣኒ ዔኤላዛኣ ዒንሢ ዩሆ ዒፃሢሮኩ።»

18 ዩካፓ ታኣኒ ዔርሚያስ ሬካባ ዓሶም ዒሰራዔኤሌ ያኦዛሢ ማዕ ቢያ ባኮ ዎይሢ ጎዳሢ ኬኤዜ ቃኣሎ ሂዚ ጌይ ፔጋሲ ኬኤዜኔ፡- «ዒንሢኮ ቤርታኣ ዓዳሢ፡ ዒዮናዳኣቤ ዒንሢ ዓይሢ ባኮ ቢያ ማዳ ዒንሢ ኩንሢኔ፤ ዒዚ ዒንሢ ኬኤዚ ዔርዜ ባኮም ቢያ ዒንሢ ማዳኔ፤ ዒዚ ዓይሢ ባኮም ቢያ ዒንሢ ዓይሢንቲ ኩንሢኔ፤ 19 ዩያር ዒሰራዔኤሌ ያኦዛሢ ማዕ ቢያ ባኮ ዎይሢ ጎዳሢ ሂዚ ጋዓኔ፡- «ሬካባ ናኣዚ፡ ዒዮናዳኣቤኮ ዜርፃፓ ቢያ ዎድና ታኣም ማዳንዳ ዓሲ ባይቃዓኩ።» »

36

ቁሪንቴ ቢራኖ ማፃአፖ ባኣሮኬ ናባቤሢ

1 ዒዮሲያሴ ናኣዚ፥ ዒዮዓቁሜ ዪሁዳይዳ ካኣታዳንቴ ያይዳሳ ሌዖና ናንጊና ናንጋ ጎዳ ታኣም ሂዚ ጌዔኔ፡- 2 «ታኣኒ ኔኤና ዎላ ጌሰቶ ዓርቁማፓ፤ ጊንሣ ሃሣ ዒዮሲያሴ ካኣታዳማፓ ዓርቃዖ ሃኖ ሄላንዳኣና ዒሰራዔኤሌ ዴር ዛሎ፥ ዪሁዳ ዴር ዛሎንታ ሜሌ ዴር ዛሎዎ ቢያ ታ ኔኤም ኬኤዜ ባኮ ቢያ ቢራናይዳ ፃኣፔ። 3 ዪሁዳ ዴራታኣኒ ዔያቶይዳ ዔኪ ዬዓኒ ማሌ ባይሲንቶ ዎይዜ ዎዶና ጎዖንቴ ፑርቶ ማዳፓ ማዓንዳያናንዳኔ፤ ታኣኒያ ዔያቶኮ ዳቢንቶንታ ጎዎዎ ዓቶም ጋዓንዳኔ።»

4 ዬያር ታኣኒ ኔሪያ ናኣዚ፥ ባኣሮኬ ዔኤሊ ናንጊና ናንጋ ጎዳ ታኣም ኬኤዜ ባኮ ቢያ ፔቴ ፔቴ ኬኤዜም ዒዚ ቁሪንታ ቢራናይዳ ፃኣፔ። 5 ዬካፓ ታኣኒ ባኣሮኬም ሂዚ ጌይ ኬኤዚ ዓይሣኔ፡- «ሃይካፓ ሴካ ጌኤዢ ማኣሪ ታኣኒ ጌሉዎጉዲ ታና ላኣጎና፤ 6 ጋዓንቴ ጊንፃኣ ዓባ ዴራ ሙዖ ሃሺ ሺኢጲ ያ ሺኢቃኣና ኔኤኒ ዒኢካ ዴንዳንዳጉዲ ታኣኒ ኮዓኔ፤ ናንጊና ናንጋ ጎዳ ታኣም ኬኤዜ ቃኣሎ ቢያ ፔቴ ፔቴ ታ ኔኤም ኬኤዜም ቁሪንታ ቢራኖ ማፃአፖይዳ ኔ ፃኣፔ ባኮ ቢያ ዑኡዞ ኔኤኮ ዳጊዲ ዔያቶም ናባቤ፤ ካታዎኮ ዙላ ዓኣ ጉርዶ ጉርዶፓኣ ሙኩ፥ ዪሁዳ ዴራኣ ዓቶዎባ ቢያሢ ዎይዛንዳ ቤሲዳ ዔቁ ዬያ ማዳ፤ 7 ናንጊና ናንጋ ጎዳ ዒጊቻያ ማዔ ዳጎና ፑርቶ ባኮና ዴርይዳ ዔኪ ዬይ ዴር ሜቶይዳ ዓጋንዳያ ማዔሢ ኬኤዜያታሢር ጎዖንቴ ዔያታ ፑርቶ ማዳ ማዳ ዔሪ፥ ሃሺ ናንጊና ናንጋ ጎዳ ሺኢቃንዳያናንዳኔ።» 8 ዬያር ባኣሮኬ ዓዳ ታ ጌዔማ ጎይዖ ጌኤዢ ማኣሮይዳ ናንጊና ናንጋ ጎዳኮ ቃኣሎ ናባቤ።

9 ዪሁዳ ካኣቴ፥ ዒዮሲያሴ ናኣዚ ዒዮዓቁሜ ካኣታዳንቴ ዶንጋሳ ሌዖኮ ታዘጳሳ ዓጊኖና ዬሩሳላሜ ዴርንታ ዪሁዳ ካታማፓ ሙኩ ዴርንታ ናንጊና ናንጋ ጎዳፓ ማኣሪሢ ዴንቃኒ ሙኡዚ ሃሺ ሺኢቆ ሺኢጲሢ ኬሊ ጌሣኔ። 10 ዴራ ዎይዛኒ ዴንዳዓ ጎይሢና ታኣኒ ዒዛም ኬኤዜም ቢራኖ ማፃአፖይዳ ዒዚ ፃኣፔ ቃኣሎ ቢያ ባኣሮኬ ዒማና ዴርም ናባቤ። ጌኤዢ ማኣሮይዳ ዒዚ ዬዮ ማዳሢ ፃኣፔ ዓርቆ ባኮ ፃኣፓ፥ ሳኣፓኔ ናኣዚ፥ ጌማሪያኮ ቆልዖ ጋርና ጌሊኬ፤ ዬና ቆልዓ ጌኤዢ ማኣሪ ጌሎ «ማርሾ ካር ዓኮ» ጌይንታዞኮ ኮይላ ኬዶ ዛሊና ዴራ ቡካ ቤዞና ዳካ ያኦኪ ዓኣያኬ።

ቢራኖ ማፃአፖይዳ ዓኣ ቃኣላ ቢታንታ ዓኣ ዓሶም ናባቢንቴሢ

36:1 36:1 2ካኣቶ. ማ 24:1፤ 2ዖኣሲ. ዓሃኬ 36:5-7፤ ዳኣኔ. 1:1-2።

11 ሳፓኔኮ ናኣዚ ናዖ ማዔሢ፡ ጌማሪያ ናኣዚ፡ ሚኪያሴ ናገገና ናገጋ ጎዳኮ ቃኣሎ ቢያ ቢራኖ ማፃአፓፓ ባኣሮኬ ናባባሢ ዋይዜኔ።
 12 ዬካፓ ዒዚ ካኣቱሞ ማኣሮይዳ፡ ቢታንቶና ዓኣ ዓሳ ዓኣ ቤዞ ፃኣፓሢ ኬኤፃ ዴንዲ ጌሌኔ፤ ዒማና፡- ፃኣፓሢ ዔሊሻማዔ፡ ሹማዒያ ናኣዚ ዴላያ፡ ዓክቦኦሪ ናኣዚ ዔልናኣታኔ፡ ሳኣፓኔ ናኣዚ ጌማሪያ፡ ሃናኔ ናኣዚ ሴዴቂያሴንታ ማሌ ቢታንቶና ዓኣ ዓሳ ዓሳ ዒሲያኣ ዒኣካ ዴዒ ዓኣኔ። 13 ዬያሮ ዒዚ ዴሮሞ ባኣሮኬ ናባባንቴ ዋይዜ ቃኣሎ ቢያ ዔያቶሞ ኬኤዜኔ፤ 14 ቢታንታ ዓኣ ዓሳ ቢያሢ ዴሮሞ ዒ ናባቤ፡ ቁሪንቴ ቢራኖ ማፃአፔሎ ባኣሮኬ ዔኪ ዬዓንዳጉዲ ኬኤዞሞ ጌይ ዪሁዲ ጎዖሰኬያ ዳኬኔ፤ ባኣሮኬያ ቁሪንቴ ቢራኖ ማፃአፔሎ ዔኪ ዬያቶ ቢታንታ ዓኣ ዓሳ ኮይላ ዬዔኔ፤ 15 ዔያታ ዒማና፡- «ሂንዳ ዓካሪ ዴይጋፓ ፃኣፒንቴ ባኮ ናባቤ!» ጌዔኔ፤ ባኣሮኬያ ዓይሢንቴ ጎይዖም ማዳኔ። 16 ዒዚ ናባቤ ጋፒሴሰካፓ ዔያታ ዲቃቱሢሮ ዋሊ ሴካ ሃንጋ ዛጋዖ፡- «ሃያ ባኮ ካኣቱሞ ኦኡኒ ዔርዛኒ ኮይሳኔ» ጌዔኔ፤ 17 ዬካፓ ሃሣ ዔያታ፡- «ሃያ ባኮ ኔኤኒ ዋይቲ ፃኣፔቲያ ሂንዳ ኬኤዜ፤ ሃያ ኔኤኒ ፃኣፔሢ ዔርሚያሴ ፔ ዳንጋና ኔኤም ኬኤዞሞዳ?» ጌይ ባኣሮኬ ዖኦጩኔ።

18 ባኣሮኬ ማሃዖ፡- «ጎኔኬ፡ ቃኣሎ ፔቲ ፔቲ ታኣም ኬኤዜሢ ዔርሚያሴኬ፤ ታኣኒያ ዬያ ቃኣሎ ሃያ ቢራኖይዳ ቃላማና ፃኣፔኔ» ጌዔኔ።

19 ዔያታ ዒማና፡- «ኔናንታ ዔርሚያሴንታ ማይ ፔቲ ቤሲ ዴንዲ ፑፑኮዋቲ፤ ዒንሢ ዓኣ ቤዞ ዓይጎ ዓሲያኣ ዔርፓ» ጌዔኔ።

ካኣቲ ቢራኖ ማፃአፖ ሚቹሢ

20 ቢታንታ ዓኣ ዓሳ ቁሪንቴ ቢራኖ ማፃአፖ ፃኣፓሢ ዔሊሻማዔ ኬኤፃ ጌሢ፡ ካኣቲ ዴዒ ዋጎ ዋጋ ቤዞ ዴንዳዖ ዬያ ሃይሶ ቢያ ኬኤዜኔ፤ 21 ካኣቲ ዬያ ቁሪንቴ ቢራኖ ማፃአፖ ዔኪ ዬዓንዳጉዲ ዪሁዲ ዓይሢኔ፤ ዬያሮ ዒዚ ዬያ ቢራኖ ዔሊሻማዔ ኬኤፃፓ ዔኪ ካኣቲና ካኣቲኮ ኮይላ ዔቂ ዓኣ፡ ቢታንታ ዓኣ ዓሳ ቢያሢሞ ናባቤኔ። 22 ታዞጳሳ ዓገኖና ዬና ዓገኔላ ባርገ ዓገኒታሢሮ ካኣቲ ዬና ዋዶ ዴዒ ዓኣሢ፡ ካኣቱሞ ማኣሮይዳ ታሞ ዔኤሃ ናኣቦኮ ሆታ ዴዒ ዓኣኔ፤ 23 ዪሁዲ ሃይሃ፡ ገንሢ ሃሣ ዖይዶ ፓቆና ቤሲ ማዓያ ናባቤ ጋፓማና ጋፓማና ካኣቲ ናባቤንቴ ቢራኖ ማፃአፖ ፃኣፓሢኮ ዓፓጋና ቲቂ ቲቂ ታሞይዳ ዓጋኔ፤ ዬያይዴ ጎይሢ ቁሪንቴ ቢራኖ ማፃአፖ ጉቤ ሚቹኔ። 24 ካኣቲንታ ቢታንታ ዓኣ ዓሳንታ ዬያ ናባቤንቴ ባኮ ዋይዞፃ ፔቲታዖ ዒኔ ዲጲ ዒገጩዋያ ማዔኔ፤ ሃሣ ዖዩ ፔኤኮ ማኣሣሢ ዳርዚባኣሴ። 25 ዒማና ዔልናኣታኔንታ ዴላያንታ ጌማሪያንታ ካኣቲ ዬያ ቢራኖ ማፃአፖ ሚቹዋጉዲ ሺኢቁንቴያ ካኣቲ ዔያቶሞ ዋይዚባኣሴ። 26 ዬካፓ ዒዛኮ ናኣዚ ዪሬሂማዔኤሌ ፔኤና

ዎላ ዓዘሪዔኤሌ ናኣዚ ሴራያና ዓብዲዔኤሌ ናኣዚ ሹሌሚያ ዔኪ ታሪንታ ባኣሮኬንታ ዓርቃንዳጉዲ ዒ ዓይሣኔ፤ ኑና ጋዓንቱ ናንጊና ናንጋ ጎዳ ዔያቶ ዓኣፓፓ ዓኣቼኔ።

ዔርሚያሴ ላሚ ገንሣ ፃኣፔ ቃኣሎ

27-28 ታኣኒ ኬኤዘም ባኣሮኬ ፃኣፔ፣ ቁሪንታ ቢራኖ ማፃአፖ ካኣቲ ዒዮዓቁሜ ሚቼሰካፓ ሜሌ ቁሪንታ ቢራኖ ታኣኒ ዔኪ ቤርታ ኬኤዚንቱ ቃኣሎ ፃኣፓንዳጉዲ ናንጊና ናንጋ ጎዳ ታና ዓይሣኔ። 29 ካኣቲማኣ ታኣኒ ሂዚ ጌይ ኬኤዘንዳጉዲ ታና ናንጊና ናንጋ ጎዳ ዓይሣኔ፡- «ኔኤኒ ቁሪንታ ቢራኖ ማፃአፖ ሚቼኔ፤ <ባብሎኔ ካኣቲ ሙከሃ ሃኖ ዓጮንታ ዒዘይዳ ናንጋ ዴርንታ፤ ዬያጉዲ ሃሣ ቆልሞዎ ቢያ ባይዘንዳኔ» ጌይ ዓይጋ ኔኤኒ ያኦሲ ማሊያ ኬኤዘይ? ጌይሣና ዔርሚያሴ ኮይላ ኔኤኒ ያኦጮኔ፤ 30 ካኣቲዮ ዒዮዓቁሜ! ዎይዘ፤ ናንጊና ናንጋ ጎዳ ኔ ዛሎ ሂዚ ጋዓኔ፡- «ኔ ዘርፃፓ ፔቱ ዓሲታዎ ዳውቴኮ ካኣቲሞ ያይቶይዳ ዴዒ ካኣታዳዓኬ፤ ኔኤኮ ሌዛ ቦልካ ዓቦ ሩኡጶና ዒባኖ ጨኢዦናይዳ ኬኤሪንታንዳኔ፤ 31 ዒንሣ ማዴ ጎሞ ዛሎ ኔናንታ ኔኤኮ ናኣቶንታ ኔኤኒ ቢታንቶ ዒንጌ ዓሶንታይዳ ታኣኒ ሜቶ ዓጋንዳኔ። ኔኤኒ፤ ገንሣ ሃሣ ዬሩሳላሜና ዪሁዳ ዴርና ታ ዒንሣሞ ላቲ ኬኤዘ ባኮ ዔኤቢኬ ዒንሣ ጌይባኣሴ፤ ዬያሮ ሃያኮ ቤርታ ዒንሣዳ ታኣኒ ዓጋንዳኔ ጌይ ማሌ ፑርቶ ባኮ ቢያ ዒንሣዳ ሄሊሳንዳኔ።»

32 ዬካፓ ታኣኒ ሜሌ ቁሪንታ ቢራኖ ዔኪ ታኣኮ ዔቦ ፃኣፔ ዓርቃ ባኣሮኬም ዒንጌኔ፤ ዒዚያ ዳንጋና ታዒዛም ኬኤዘ ባኮ ቢያ ዒኢካ ፃኣፔኔ፤ ዬያይዲ ዪሁዳ ካኣቲ ዒዮዓቁሜ ታሞና ሚቼ ቢራኖይዳ ፃኣፔንቲ ዓኣ ባካ ገንሣ ፃኣፔንቲኔ፤ ዒማና ሜሌ ቤርታኣሲ ማላ ሚርጌ ቃኣላ ገዳ ቃሲንቲኔ።

37

ሴዴቂያሴ ዔርሚያሴ ያኦጮ ያኦጪሣ

1 ባብሎኔ ካኣቲ፣ ናብካዳናያኦሪ ዒዮሲያሴ ናኣዚ ሴዴቂያሴ ዒኪኒያ ቤዛ ዪሁዳይዳ ካኣታሣኔ፤ ዒዚ ዒዮዓቁሜ ናይኬ።

2 ሴዴቂያሴንታ ሃንጎ ቢታንታ ዓኣ ዓሶንታ፤ ገንሣ ሃሣ ዴርንታ ናንጊና ናንጋ ጎዳ ታኣም ኬኤዘ ቃኣሎም ዔያታ ዓይሣንታያ ማዒባኣሴ።

3 ካኣቲ፣ ሴዴቂያሴ ሹሌሚያ ናኣዚ ሁካሌና ማዒያ ናኣዚ ቁኤሳሣ ሶፖኒያሴና ታ ኮይላ ዳኪ፡- «ኑ ዴር ዛሎ ኑኤኮ ያኣዛሣ

37:1 37:1 2ካኣቶ. ማ 24:17፤ 2ያኦሲ. ዓሃኬ 36:10።

ማዔ ናንጊና ናንጋ ጎዳ ኑኡም ሸኢቁ» ጌይ ያኦጪሴ። 4 ታኣኒ ዩማና ሃጊ ቱኡዞ ማኣሪ ጌሊ ቱኡቲባኣሴ፤ ዩያሮ ታኣኒ ዴሮ ባኣካ ማታ ባኣያ ሴካ ሃንጋ ሃንታ። 5 ዒማና ሃሃ ባብሎኔ ዓጮኮ ያሎ ዓሳ ዩሩሳላሚ ሙኪ ማንጌ፤ ጋዓንቱ ጊብዳ ዓጮ ያሎ ዓሳ ዛጾና ፒንቁ ሙካሢ ዔያታ ዋይዛያ ዩያ ቤዞ ሃሺ ጊንሢም ዶጩ።

6-7 ዩካፓ ዒሰራዔኤሌ ያኦዛሢ ማዔ ናንጊና ናንጋ ጎዳ ሴዴቋያሴም ኪኢቶ ዓሰንሢ ዑፃ ሂዚ ጌይ ከኤዚ ዳካንዳጉዲ ታና ዓይሢ፡- «ሃይሸ፤ ኔና ማኣዳኒ ሙከ፡ ጊብዳ ዓጮ ያሎ ዓሳ ፔ ዓጮ ጊብዳ ጊንሢ ማዒሢ። 8 ባብሎኔ ዓሳ ማዒ ጊንሢ ሙካንዳ፤ ዔያታ ያልዚ ቡሊ ካታሚሎ ዓርቃንዳ፤ ታሚናኣ ዔያታ ካታሞ ሚቻንዳ፤ 9 ናንጊና ናንጋ ጎዳ ሂዚ ጋዓ፡- ባብሎኔ ዓሳ ጊንሢ ማዒ ዓኣዳንዳ፤ ጌይ ዒንሢ ጌሺፖ፤ ዔያታ ማዒ ዴንዳያቱሞ። 10 ባብሎኔ ዓጮ ያሎ ዓሰጋፒ ዒንሢ ባሺያ ማዔቴያ ዔያቶፓ ዱኡቲ ከፃዲ ዳካ ቶሊ ዓቲ ፔ ከኤያይዳ ዓኣዞንሢ ጊንሢ ዶዲ ዔቁ ካታሚሎ ታሚና ሚቹ ባይዛንዳ።»

ዔርሚያሴ ዓርቋንቲ ቱኡቲሢ

11 ዩያኮ ቤርታ ጊብዳ ዓጮ ያሎ ዓሳ ሙኪ ዑኩሢ ባብሎኔ ዓሳ ዋይዛያ ቤዞ ሃሺ ጊንሢም ዶጩ፤ 12 ታኣኒ ታ ማኣሮ ዓሰፓ ታኣም ማዓ ዛላ ማሂ ኑ ዴና ዛሎ ዒንጎ ባኮ ዔካኒ ቢኢኒያሚ ዓጮ ዴንዳኒ ዩሩሳላሚያ ዔቁ። 13 ጋዓንቱ ቢኢኒያሚ ዓጮ ጌሎ ዲሮ ካሮ ታ ሄላኣና ካሮ ካፓ ዓሰኮ ሱኡጌ፡ ሱንፃ ዩሪያ ጌይንታ፡ ሃናኒያኮ ናኣዚ ናይ ማዔ፡ ሸሌሚያ ናይሰከይ፡- «ኔኤኒ ሃይና ፑኒ ባብሎኔ ዓጮ ዓኣዶ ዓኣዳያቱሞ!» ጌይ ታና ቃዜ።

14 ታኣኒ ዒማና፡- «ኔ ጋዒሢጉዲ ታኣኒ ሃይና ፑኒ ዴንዳ ዓሰቱሞ!» ጌይ ማሄ፤ ጋዓንቱ ዩሪያ ታ ጋዒሢ ዋይዛኒ ኮይባኣሴ፤ ቱኪ ታና ዔኪ ቢታንታ ዓኣ ዓሰ ቤርቶ ዔኪ ዴንዳ፤ 15 ዔያታኣ ዒናፓ ዳጋዲ ታና ጳርቁሴሰካፓ ቱኡሲ ማኣሪ ማሂ ዔያታ ጊኢጊሸ፡ ፃኣፓሢ ዮናታኣኔ ከኤያ ዔኪ ጌልዚ ታና ቱከ፤ 16 ታኣኒ ዒማና ማኣሮ ኮይላ ቦኣኮና ጮኦራ ዔቴይዳ ሚርጌ ዋዴ ዴዔ።

17 ዳካ ኔጌሰካፓ ካኣቲ፡ ሴዴቋያሴ ኪኢታ ዓሰ ዳኪ ፔ ኮይላ ዔኪ ሙኡሲ ዒዚ ሌሊ ታኣና ጌሰታ፡- «ናንጊና ናንጋ ጎዳ ኔኡም ከኤዜ ባኣዚ ዓኣ?» ጌይ ታና ያኦጩ።

ታኣኒያ፡- «ሂዮ፡ ዓኣኔ!» ጌይ ሃይሶ ከኤዚ ዓርቃ፡ «ኔኤኒ ባብሎኔ ካኣቲም ዓኣሢ ዒንጊንታንዳ፤» ዒዛም ጌዔ። 18 ዩካፓ ታኣኒ፡- «ቱኡሲ ማርካ ኔ ታና ቱካንዳጉዲ ኔናንታ ኔኤኒ ቢታንቶ ዒንጌ ዓሰንታ ሃያ ዴርንታም ታኣኒ ዓይጎ ፑርቲሴይ? 19 ሂንዳ ዋይዜ፤ ባብሎኔ ካኣቲ ኔናንታ ኔ ዓጮንታ ዋኦታንዳ ባኣዚ ባኣሴ»

ጌይ ሎንሦ ከኤዜ ዓሳ ሃሢ ዋካዳይ? 20 ዬያሮ ካኣተዮ! ኔኤኒ ታ ጋዓሢ ዋይዛንዳጉዲና ታ ኔና ያኦጫ ባኮዋ ማዲ ኔ ኩንሣንዳጉዲ ታ ኔና ሺኢቃኔ፤ ዬይ ዓይጎዳይ ጌዔቴ፡- ቴኤዞ ማኣሮ ማዔ፥ ዮናታኣኔ ከኤዎ ገንሣ ታና ማሃ ዳኪፖ፤ ዬካ ኔ ታና ማሃ ዳከቴ ታ ሃይቃንዳኔ» ጌይ ዒዛ ያኦጫ፡፡

21 ዬያሮ ካኣተ፡ ሴዴቂያሴ ካኣቱሞ ማኣሮኮ ዲሮ ጋራ ቴኤሲ ዓሲ ማዒ ዴዓንዳጉዲ፡ ገንሣ ሃሃ ካታሞይዳ ሙዓኒ ካሦ ባኣዚ ጋፒ ባይቃንዳ ከሎ ሄላንዳኣና ላኣዶ ላኣዳ ዓሳ ከላ ከላ ፔቴ ላኣዳ ታኣሞ ዒንጋንዳጉዲ ዓሶ ዒ ዓይሄኔ፤ ዬያሮ ታኣኒያ ዒኢካ ዴዔ፡፡

38

ዔርሚያሴ ጮኦራ ዔቴይዳ ከኤሪንቴሢ

1 ማኣታኣኔ ናኣዚ ሴፓዲያ፡ ፓሽሁሬ ናኣዚ ጌዳሊያ፡ ሹሌሚያ ናኣዚ ሁካሌና ማልኪያ ናኣዚ ፓሽሁሬ ናንገና ናንጋ ጎዳ ታኣሞ ከኤዜ ቃኣሎ ዴሮሞ ታኣኒ ከኤዚ ዔርዜሢ ዋይዜኔ፤ 2 ታኣኒ ዴሮሞ ከኤዜ ቃኣላ፡- «ካታሞይዳ ዓቴ ዓሳ ቢያ ያልዚና፡ ናይዚና፤ ዬያጉዲ ሃሃ ዶርዮናኣ ሃይቂ ኩዳንዳኔ፤ ጋዓንቴ ባብሎኔ ዓጮ ዴንዲ ኩቛ ዒንጌ ዓሲ ጋዓንቴ ዋዲንታዓከ፤ ዬይ ፔኤኮ ሹምፓሢ ዬያይዲ ቶሊሲ ዓይሳንዳኔ» ጋዓያከ፡፡ 3 ገንሣ ሃሃ ታኣኒ ዴሮሞ ከኤዛንዳጉዲ ናንገና ናንጋ ጎዳ ታኣሞ ከኤዜ ቃኣላ፡- «ታኣኒ ሃና ካታሞ ባብሎኔኮ ያሎ ዓሶሞ ዓኣሢ ዒንጋንዳኔ፤ ዔያታ ፔ ዴማ ማሃ ዒዞ ዋይሣንዳኔ» ጋዓያከ፡፡

4 ዬካፓ ቢታንታ ዒንገንቴ ዓሳ ካኣቲ ኮይላ ዓኣዲ፡- «ሃይ ዓሢ ዋዲንታንዳያ ኮይሳኔ፤ ዒዚ ከኤዛ ባኮና ካታሞይዳ ዓቴ ዓኣ ያሎ ዓሶኮ ጎጶ ዒዚ ዋኣፃሴኔ፤ ካታሞይዳ ዓኣ ዓሶ ቢያሢ ዒዚ ዒማይዳኔ፤ ዒዚ ዴሮ ባይዛኒ ኮዓ ዓሲከ፡ ማኣዳኒ ኮዓ ዓሲቱዋሴ» ጌዔ፡፡

5 ካኣቲ፡ ሴዴቂያሴ ዒማና፡- «ዒዚ ዒንሢ ኩጮ ጋራከ፤ ኮዔ ባኣዚ ዒንሢ ማዴቴ ታ ዒንሢ ላኣጋኒ ዳንዳዑዋሴ» ጌይ ዔያቶሞ ከኤዜኔ፡፡ 6 ዬያሮ ዔያታ ታና ዓርቂ ዔኪ ካኣቱሞ ማኣሮኮ ዓሳ ቡካ ጳኦኮይዳ ዓኣ ካኣቲ ናኣዚ፡ ማልኪያኮ ዋኣዮር ቦኦኮና ጮኦር ዔቶይዳ ሱሲና ታና ሊካ ከይሴኔ፤ ዒኢካ ዔቶይዳ ቶርጳ ዓኣኔ፡ ዋኣሢ ባኣያከ፤ ዬያ ቶርጳሰካ ታኣኒ ዓዲንቴኔ፡፡

7 ጋዓንቴ ዓቤሜሌከ ጌይንታያ፡ ካኣቱሞ ማኣራ ዓሽቲንቂ ማዲ፡ ፔቴ ዒቶጲያ ዓሲሰከይ ታና ዓሳ ዔታ ዓጌሢ ዋይዜኔ፤ ዒማና ቢኢኒያሜ ዓጮ ጌሎ ዲሮ ካራ ዋጎ ዋጎ ቤዘይዳ ካኣቲ ዴይ ዓኣኔ፤ 8 ዬያሮ ዬይ ዓቤሜሌከ ካኣቲ ኮይላ ዴንዲ ካኣቱሞ፡-

9 «ካአተዮ! ዬና ዓሳ ዴኤፒ ዳቢንቲ ማዶ ማዶኔ፤ ዔያታ ዔርሚያሴ ዔኪ ጮኦራ ዔቴይዳ ዓጌኔ፤ ካታሞይዳ ሙኡዚ ባአሢር ማይ ዒዚ ዒኢካ ሃይቄኔ ጌይሢኮ» ጌይ ከኤዜኔ። 10 ዬካፓ ካአተ፡- «ሃይካፓ ሃይሢታሚ ዓሲ ዔኪ ዓአዲ ያኦሲ ማሊያ ከኤዛ፤ ዔርሚያሴ ሃይቁዋንቴ ዋአዖር ቦኦኮና ዔታፓ ከሱዋቴ» ጌይ ዒቶጲዮ ዓሢ፤ ዓቤሚሌኮ ዓይሣኔ። 11 ዬያሮ ዓቤሚሌኮ ፔኤና ዋላ ዓሲ ዔኪ ዴንዴኔ፤ ዒዚ ዒማና ካአቱሞ ማአርኮ ሜሆ ጌሃ ከኤያ ጌላዖ ዓንዲሪ ቱርጫና ጨሚ ዓፒላና ዴንቂ ዔከ፤ ሱሲዳ ማሪ ቱከሰካፓ ታአሞ ሊካ ዳኮኔ። 12 ዬይ ሱዛ ታአኮ ዑያ ቲልቢሹዋጉዲ ዬያ ቱርጮ ሾኦጲ ታአኒ ቱካንዳጉዲ ታአሞ ዒዚ ከኤዜኔ፤ ዬያሮ ታአኒ ዒማይዴኔ፤ 13 ዬይ ሙኮ ዓሳ ታና ጮኦር ዔታፓ ሱዛና ጎቺ ዔኪ ከሲ፤ ካአቱሞ ማአርኮ ዲር ጋሮይዳ ዓአ ቤዛ ታና ቱኮኔ።

ሴዴቂያሴ ዔርሚያሴፓ ዞር ዖኦጮሢ

14 ካአተ፤ ሴዴቂያሴ ከኢታ ዓሲ ዳኪ ታና ዔኤሊሳዖ ጌኤኮ ማአርኮ ሃይሣሳ ካሮ ኮይላ፡- «ፔቴ ባአዚ ታ ኔና ዖኦጮሞ፤ ፔቴታዖ ዓአቹዋዖ ኔኤኒ ታአሞ ከኤዛንዳጉዲ ታአኒ ኮዓኔ» ጌዔኔ።

15 ታአኒ ዒማና፡- «ታአኒ ጎኔማ ከኤዜቴ ኔኤኒ ታና ዋዳዓዳ? ታ ኔና ዞሬቴ ኔኤኒ ዋይዚ ዔካዓኮ» ጌዔኔ።

16 ዬያሮ ካአተ፤ ሴዴቂያሴ፡- «ታ ኔና ዋዳዓከ፤ ታአኒ ኔና ዋዳንዳ ዓሶሞ ዓአሢ ዒንገንዲሞ ማዒያ ሹሞፖ ኦኡሞ ዒንጌ፤ ናንገና ናንገ ጎዳ ሃይቆ!» ጌይ ዓሲ ዋይዙዋንቴ ታአሞ ጫአቄኔ።

17 ዬካፓ ዒሰራዔኤሌ ያኦዛሢ ማዔ ቢያ ባኮ ዋይሣ ጎዳ ዒዛ ዛሎ ከኤዜ ባኮ ቢያ ሂዚ ጌይ ታ ዒዛሞ ከኤዜኔ፡- «ባብሎኔ ካአተ ዳኮ፤ ቢታንታ ዓአ ዓሶሞ ኩጮ ኔኤኒ ዒንጌቴ ሹሞፓሢ ኔኤኮ ዓታንዳኔ፤ ካታሚላኦ ታሞና ሚቺንቱዋዖ ዓታንዳኔ፤ ኔናንታ ኔ ማአር ዓሶንታ ቢያ ሃይቢፓ ቶላንዳኔ፤ 18 ዔያቶሞ ኩጮ ኔኤኒ ዒንገባአቱ ጋዓንቴ ሃና ካታማ ባብሎኔ ዓሶሞ ዒንገንታንዳኔ፤ ዔያታ ዒዞ ታሚና ሚቻንዳኔ፤ ኔኤኒያ ቶላኒ ዳንዳዑዋሴ።»

19 ካአተ ዒማና፡- «ታአኒ ዒገጫሢ ኦ ዓጫፓ ዒዲ ሃሺ ዴንዲ፤ ባብሎኔ ዓጮ ጌሌ ኦ ዓሶከ፤ ዔያቶሞ ታና ባብሎኔ ዓሳ ዓአሢ ዒንጌቴ ታና ዔያታ ሜታሳንዳኔ» ጌዔኔ።

20 ታአኒ ዒዛሞ፡- «ዶዴ ዒገጫፖ! ዬያቶሞ ኔና ዔያታ ዓአሢ ዒንገንዲሞሴ፤ ናንገና ናንገ ጎዳ ከኤዜ ቃኦኤ ኔኤኒ ዋይዛንዳጉዲ ታ ኔና ሺኢቃኔ፤ ኔኤማ ዬይ ኮሺ ማዓንዳኔ፤ ሹሞፓሢ ኔኤኮ ሃይቢፓ ቶላንዳኔ። 21 ኩጮ ኔኤኒ ዔያቶሞ ዒንጎ ዒዳቱ ናንገና ናንገ ጎዳ ታአሞ ፔጋሲ ዳቂ ባአዚ ዓአኔ፤ 22 ዬይ ዓይጎዳይ ጌዔቴ ዪሁዳ

ዓጮኮ ካኣቱሞ ማኣራ ዓቲ ዓኣ ለኣላ ቢያ ባብሎኔ ዓጮይዳ ቢታጎታ ዓኣ ዓሶ ኮይላ ዔውቲ ዴጎዳጎዳኔ፤ ዴጎዳ ዎዶና ዔያታ፡-
 ሄኤኮ ዶጎዛ ኔና ዳቢሼኔ፤
 ዔያታ ኔና ዓይሣ፡ ቢቲ ኔኤኮ ማዔኔ፤
 ሃሢ ጋዓጎቲ ቶርጶና ኔ ዓርቂጎቲሢሮ ሃሺ ኔና ዔያታ ዓኣዳኔ፤
 ጋዓጎዳኔ» ጌይ ኬኤዜኔ።

23 ሃሃታ ዒዛሞ፡- «ኔኤኮ ለኣሎጎታ ናኣቶጎታ ቢያ ባብሎኔ ዓጮ ዔውታጎዳኔ፤ ኔናኣ ባብሎኔ ካኣቲ ዓርቂ ቱካጎዳኔ፤ ዒዛ ኩጫፓ ፔቴታዎ ኔኤኒ ቶላዓኬ፤ ሃይ ካታማ ታሚና ሚቺጎቲ ባይቃጎዳኔ» ጌይ ኬኤዜኔ።

24 ሴዴቂያሴ ዒማና ታኣሞ፡- «ኔና ዓሳ ዎዳዎጉዲ ሃያ ኑ ጌሰቲ ባኮ ዓይጎ ዓሲያ ዔርፓ፡ ኬኤዚፖ፤ 25 ቢታጎታ ዓኣ ዓሳ ታኣኒ ኔኤና ዎላ ጌሰቲሢ ዎይዜቲ ኔ ኮይላ ሙኪ ኑኡኒ ዓይጎ ጌሰቲቲያ ያኣጫጎዳኔ፤ <ቢያ ባኮጎሢ ጋፒ ኔኤኒ ኬኤዚባኣቲ ኔና ኑ ዎዳጎዳኔ፤ ጌይ ኔና ዔያታ ዒጊቻጎዳኔ፤ 26 ዩያር ኔኤኒ፡- <ዒኢካ ታኣኒ ሃይቁዎጉዲ ላሚ ታና ዮናታኣኔ ኬኤዎ ዳሲፖ፤ ጌይ ጌይ ታ ዒዛ ሸሺኢቁኔ ጌይ ዔያቶሞ ኬኤዜ» ጌዔኔ። 27 ዩካፓ ቢታጎታ ዓኣ ዓሳ ሙኪ ታና ያኣጫኔ፤ ታኣኒያ ካኣቲ ታና ጎዎጎጎ ጌዔማ ሌሊ ዔያቶሞ ኬኤዜኔ፤ ዒማና ኑኡኒ ካኣቲና ጌሰታ ዎዶና ዎይዜ ዓሲ ባኣሢሮ ታና ያኣጫ ዔያታ ሃሺኔ፤ 28 ታኣኒ ዩሩሳላሚ ካታማ ዓዲጎቲ ኬሎ ሄላጎዳኣና ካኣቱሞ ማኣሮ ዲሮ ጋራ ቱኡቲ ዴዔኔ።

39

ዩሩሳላሚ ካታማ ሞርኮና ዓዲጎቲሢ

1 ሴዴቂያሴ ዩሁዳይዳ ካኣታዳጎቲ ታዘጰሳ ሌዎኮ ታጰሳ ዓጊኖና ባብሎኔ ካኣቲ ናብካዳናዎኦሬ ፔኤኮ ያሎ ዓሶ ቢያሢና ዎላ ሙኪ ዩሩሳላሚ ካታሞ ማጎጌኔ። 2 ሴዴቂያሴ ካኣታዳጎቲ ታጰሳ ሌዎይዳ ያይዳሳ ዓጊኖኮ ታዘጰሳ ኬሎና ካታሞኮ ዙሎ ዲርቆና ኬኤሎ ዲዳ ሻሂጎቲኔ።

3 ዩሩሳላሚ ካታማ ዓዲጎቲ ዎዶና ባብሎኔ ካኣቲ ቢታጎቶ ዒጎጌ ዓሳ ሙኪ ባኣካ ማዔ ማርሾ ካሮይዳ ቤሲ ቤሲ ዓርቁኔ፤ ዩያቶ ባኣኮይዳ፡- ኔርጋልሻሬጻሬ፡ ሳሚርጋኔቦ፡ ሳርሴኪሜጎታ ሜሌ ሃሃ ኔርጋልሻሬጻሬ ጌይጎታሰኬያጎታ፤ ዩያጉዲ ሜሌ ዓሲያኣ ዓኣኔ።

4 ካኣቲ ሴዴቂያሴጎታ ያሎ ዓሶጎታ ቢያ ዩያ ባኮ ዛጋዎ ዲማ ካታማፓ ኬሰኪ ዴጎዳኒ ማሌኔ፤ ካኣቱሞ ማኣሮኮ ቱኮ ባኮ ቱኮ ጎዡ ባጎያና ጌይ ካታሞኮ ላሞዎ ዎላ ካኣማ ካሮይዳ ዓኣ ካሮና ኬሰኪ ዮርዳኖሴ ዶኦጮ ባጎሢ ቶላኒ ዔያታ ጳሽኬኔ። 5 ጋዓጎቲ ባብሎኔኮ

ፆሎ ዓሳ ገንጾ ዔይቶኮ ዳውሲ ዳንዲ ዒያርኮ ኮይሎይዳ ዓአ ቦኦላ ሄላፆ ሴዴቂያሴ ዓርቂ ዲዒ ዔኬኔ፤ ዩካፓ ካኣቲ፥ ናብካዳናፆኦሬ ኮይላ ዔኪ ዩዔኔ፤ ዒማና ካኣቲ፥ ናብካዳናፆኦሬ ሃማቲ ዓጮ ዴማ ዓአ ሪቢላ ጌይንታ ካታማይዳ ዓአኔ፤ ካኣቲ፥ ናብካዳናፆኦሬ ዒኢካ ሴዴቂያሴይዳ ማዲንታኒ ኮይሳ ባኮ ጌሰቲ ዋጌኔ። 6 ዩያር ዒኢካ፥ ሪቢላይዳ ካኣቲ ሴዴቂያሴ ዛጋንቲ ዒዛኮ ናኣታ ዋዲንቲኔ፤ ዩሁዳይዳ ቢታንቶና ዋይሄ ዓሳአ ቢያ ሃይቃንዳጉዲ ጌሰቲ ዋጊንቲኔ። 7 ዩያ ቢያ ማዴሰካፓ ሴዴቂያሴኮ ዓአፖ ጳቂ ኬሴኔ፤ ባብሎኔ ዔኪ ዴንዳኒ ካኒ ቢራታናኣ ቱኬኔ። 8 ባብሎኔ ዓሳ ዒማና ዩሩሳላሜ ካታሞኮ ዙሎ ዲርቆና ኬኤሎ ዲፆ ሻሄኔ፤ ካኣቲሞ ማኣርንታ ዴሩ ናንጋ፥ ዓሶኮ ማኣር ጉቤ ታሚና ሚቹኔ፤ 9 ጋፒንፆይዳ ባብሎኔ ካኣቲ ካፓ ፖኦሊሶ ሱኡጋሢ፥ ናቡዘርዳኣኔ ካታሞይዳ ዓቲ ዓአ ዴርና ዩያኮ ቤርታ ፔ ዓጮ ዒፂ ዒዛ ኮራ ሙኪ ጌሌ ዓሶ ቢያ ፔቲይዳ ቡኩሲ ቱኪ ዔኪ ባብሎኔ ዴንዴኔ፤ 10 ዒዚ ዒማና ፔቲታፆ ቆሎባኣ፥ ማንቆ ዓሶንሢ ሌሊ ዩሁዳይዳ ሃሺ ዴንዴኔ፤ ዒዚ ዔይቶሞ ዋይኔ ቱኮንዶ ቤሲና ሜሌ ሃኣኮ ዔያታ ጎሽካንዳ ጎሺያኣ ዒንጌኔ።

ዔርሚያሴኮ ቱኡዛፓ ቡሊንቲፆ

11 ናብካዳናፆኦሬ ዒዛ ካፓ ፖኦሊሶ ሱኡጋሢ፥ ናቡዘርዳኣኔ፡-
 12 «ዳንዲ ዔርሚያሴ ኮይ ዴንቂጋፓ ኮይሳ ባኣዚ ዒዛሞ ማዲ፥ ቶኣኮ ዒዛኮ ዛጌ፤ ዒዚ ኮዓ ባኮ ዒዛሞ ማዴ፥ ፔቲታፆ ፑርታ ባኣዚ ዒዛይዳ ማዲፖ» ጌይ ዓይሄኔ። 13 ዩያር ናቡዘርዳኣኔ ናቡሻዘባኔንታ ኔርጋልሻሬፆሬንታ ሜሌ ቢታንቶ ዓአ ዓሲ ፔኤና ዋላ ዔኪ ሙኪ፥ 14 ታኣኒ ቱኡቲ ዓአ ካኣቲሞ ማኣር ዲር ጋራፓ ታና ኬሴኔ፤ ዒማና ሳፓኔኮ ናኣዚ ናፆ ማዔሢ፥ ዓሂቃሜ ናኣዚ ጌዳሊያ ታ ማኣሪ ታና ዔኪ ዴንዴኔ፤ ዩያር ታኣኒ ታ ዴርና ዋላ ዒኢካ ናንጌኔ።

ዓቤሜሌኬም ናንጊና ናንጋ ጎዳ ኮሺ ባኣዚ ማዲንዳያታሢ ኬኤዜሢ

15 ካኣቲሞ ማኣርኮ ዓሳ ቡካ ጸኣኮይዳ ቱኡቲ ታኣኒ ዓኣንቲ ናንጊና ናንጋ ጎዳ ሂዚ ጌይ ታኣሞ ኬኤዜኔ፤ 16 ዒሲራዔኤሌ ፆኣዛሢ ማዔ ቢያ ባኮ ዋይሢ ጎዳሢ ዒቶጲዮ ዓሢ ዓቤሜሌኬም ታኣኒ፡- «ዓዳ ሃያኮ ቤርታ ታኣኒ ኬኤዜማ ጎይፆ ሃና ካታሞይዳ ታኣኒ ፆርጎቹሞቱዋንቲ ባይሲንታ ዔኪ ዩዓንዳኔ፤ ኔኤኒ ሃይካ ካታማ ዴዒ ዩይ ቢያ ማዲንታሢ ኔ ዓኣፒና ዛጋንዳኔ፤ 17 ዩና ኬሎና ታኣኒ፥ ናንጊና ናንጋ ጎዳ ኔና ዓውሳንዳኔ፤ ኔኤኒ ዒጊጫ ኔ ሞርኮ ኩጮ ጋር ኔኤኒ ጌላዓኬ፤ 18 ታኣኒ ኔና ኮሺና ካፓንዳሢር ኔ ሃይቃዓኬ፤

ኔኤኒ ታና ጉሙርቁሢሮ ሸምፔና ኔ ቶሊ ዓታንዳኔ፤ ይያ ጌዔሢ ታና፡ ናንጊና ናንጋ ጎዳኬ» ጌይ ከኤዛንዳጉዲ ዓይሣ።

40

ዔርሚያሴ ጌዳሊያና ዋላ ናንጌሢ

1 ካአቲ ካፓ ፖኦሊሶ ሱኡጋሢ፡ ናቡዛርዳአኔ ታና ቱኡዛፓ ቡሊ ራአማይዳ ሃሼሰካፓ ናንጊና ናንጋ ጎዳ ታአም ፔ ቃአሎ ከኤዜኔ፤ ይያኮ ቤርታ ታአኒ ዒአካ ዔውቲ ዳንዳሢ ይሩሳላሜፓ ሃጊ ዲዒንቲ ዔውቲ፡ ቱኡሲ ዓሲ ማዒ ባብሎኔ ዔኪ ዓአደና ዳሮ ቢያሢና ዋላ ካኒ ቢራታና ቱኡቲከ።

2 ካአቲ ካፓ ፖኦሊሶ ሱኡጋሢ ታና ዓሶ ቤርታፓ ዔኪ ሸርሻያ ሂዚ ጌዔ፡- «ኔ ያኦዛሢ ማዔ ናንጊና ናንጋ ጎዳሢ ሃሮ ዓጮ ባይዛንዳሢ ቤርታሲ ከኤዜኔ፤ 3 ዒዚ ማዳንዳኔ ጌይ ማሌ ባኮ ቢያ ሃሢ ሃይሾ ማዲ ኩንሣ፤ ሃይ ቢያ ማዳንቲሢ ዒንሢ ጎሞ ማዳሢሮና ናንጊና ናንጋ ጎዳም ዒንሢ ዓይሢንቶ ዓይሢሮከ።

4 ሃአዛጌ፡ ሃሢ ታ ኔና ኩጮ ኔኤኮ ቱኮና ካሮ ቢራቶ ቡሊ ሃሼኔ፤ ኔኤኒ ታአና ዋላ ባብሎኔ ዳንዳኒ ኮዔቲ ኔ ሸና ጌዔሢ ማዳ፤ ታአኒ ኔኤም ኮይሳ ባአዚ ማዲ፡ ኔ ቶኦኮ ዛጋንዳኔ፤ ዒአካ ኔ ዳንዳኒ ኮይባአቲ ዓታኒ ዳንዳዓኔ፤ ሃያ ዓጮኮ ጉቤ ኔ ኮዔ ቤሲ ዳንዳኒ ዳንዳዓኔ።»

5 ታአኒ ዒማና ማሢ ዒዛም ከኤዙዋንቲ ናቡዛርዳአኔ፡- «ሃሢ ኔኤሮ ሳፓኔኮ ናአዚ ናዖ ማዔ ዓሢቃሜ ናአዚ ጌዳሊያ ኮይላ ዳንዳ፤ ባብሎኔ ካአቲ፡ ናብካዳናያኦሬ ዪሁዳ ካታም ዋይሣንዳጉዲ ጌዳሊያ ደኦሬኔ፤ ይያሮ ዒዛና ዋላ ዳሮ ባአካ ኔኤኒ ናንጋኒ ዳንዳዓኔ፤ ያዲ ማዒባአቲ ሃሢ ታና ማኦዳንዳኔ ጋዓ ቤሲ ቢያ ኔኤኒ ዳንዳኒ ዳንዳዓኔ» ጌዔ።

ይካፓ ዒዚ ታአም ዒንጋኒ ኮዔ ባአዚና ጎይያኮዋጋላ ታአም ዒንጊ ታና ዳከኔ። 6 ይያሮ ታአኒ ጌዳሊያና ዋላ ናንጋኒ ሚዲጶ ዳንዳኔ፤ ዒአካ ታአኒ ቤዛ ዓቲ ዓአ ዳሮና ዋላ ናንጌ።

ጌዳሊያ ዪሁዳይዳ ሱኡጌ ማዒ ደኦሪንቲሢ (2ካአቶ. ማ 25:22-24)

7 ዒማና ዪሁዳ ዓጮኮ ያሎ ዓሶ ሱኡጌና ዳካ ፖኦሊሴና ሃጊ ኩቹ ዒንጊባአያ ዓአኔ፤ ባብሎኔ ካአቲ ይሮ ዓጮ ዋይሣንዳጉዲ ጌዳሊያ ደኦሬሢና ባብሎኔ ዔውቱዋዖ ዓቲ፡ ማንቆ ዓሶኮዋ ሱኡጌ ማሢሢ ዔያታ ዋይዜኔ፤ 8 ይያሮ ኔታኒያ ናአዚ ዒሰማዔኤሌ፡ ቃሬሃ ናይ ማዔ ዮሃናና ዮናታአኔና፡ ታንሁሚቲ ናአዚ ሴራያ፡ ኔያፓይዳፓ ዔፓዬ ናአታ፡ ማዒካፓ ዛኒያ ጎሞሢ ፔ ዓሶ ቢያሢና

ዋላ ሚዲጳይዳ ዓኣ ጌዳሊያ ኮይላ ሙከኔ። 9 ጌዳሊያ ዔያቶም ሂዚ ጌይ ጫኣቄ፡- «ጎኔ ታ ዒንሢም ጫኣቆም፤ ባብሎኔ ዓሰም ኩጮ ዒንሢ ዒንጉዋጉዲ ዒንሢ ዒጊቻንዳ ባኣዚ ፔቴታዎ ባኣሱ፤ ሃይካ ዓጮይዳ ዴዒ ናንጉዋቴ፤ ባብሎኔ ካኣቲም ጊኢራ ጊኢሩዋቴ፤ ዒንሢም ቢያ ባካ ጊኢጋያ ማዓንዳኔ፤ 10 ታኣኒ ሃይካ ዒንሢና ዋላ ሚዲጳይዳ ዓኣሢሮ ባብሎኔ ዓሳ ሙካኣና ታ ዒንሢ ዛሎ ዔቁ ጌሰታያ ማዓንዳኔ፤ ዒንሢ ጋዓንቴ ዒንሢ ናንጋ ጉርዶይዳ ቢያ ዋይኖ ሶኖና ዋላ ቲቁ ዔኪ ዔኪ፡ ሪሚቶ ዛይቶንታ ሜሌ ሚዶኮዋ ዓኣፖ ጊኢጊሺ ዔኪ ኮናይዳ ዓርሡዋቴ።» 11 ዬይ ያዲ ማዓዛ ሞዓኣኬይዳ፡ ዓሞኣኔይዳ፡ ዔዶኦሚይዳ፤ ጊንሣ ሃሣ ሜሌ ዓጮይዳኣ ናንጋ ዒሰራዔኤሌ ዓሳ ባብሎኔ ካኣቲ ዳካ ዓይሁዳ ዓሰ ሌሊ ዓይሱ፡ ዬያቶ ዋይሣንዳጉዲ ጌዳሊያ ሱኡጌ ማሂ ዶኦሬሢ ዋይዜኔ፤ 12 ዬያር ዔያታ ዜርቁንቲ ዴንዲ ናንጋ ዓጮይዳፓ ቢያ ሃሺ ዪሁዳ ማዒ ሙከኔ፤ ሚዲጳይዳ ዓኣ፡ ጌዳሊያ ኮይላ ሙከ ኮሺ ሚርጌ ዋይኔ ሶያፓ ቲቆናያንታ ሜሌ ሚዶኮዋ ዓኣፖ ማንዲ ቡኩሴኔ።

ጌዳሊያ ዋደናሢ
(2ካኣቶ. ማ 25:25-26)

13 ዬካፓ ዮሃናኔንታ ዬያኮ ቤርታ ኩጮ ዒንገባኣ፡ ዖሎ ዓሶኮ ሱኡጋ ቢያ ሚዲጳይዳ ዓኣ ጌዳሊያ ኮይላ ሙካዖ፡- 14 «ኔታኒያ ናኣዚ ዒሰማዔኤሌ ኔና ዋደንዳጉዲ ዓሞኣኔ ካኣቲ፡ ቤዓሊሴ ዳኪያ ማዔሢ ኔ ዔሩዋዓዳ?» ጌይ ዖኦጮኔ። ጌዳሊያ ጋዓንቴ ዬያ ጎኔኬ ጌይባኣሴ፤ 15 ሃሣ ጊንሣ ዮሃናኔ ሚዲጳይዳ ፔኤር ጌዳሊያ ኮይላ ሙከ፡- «ዖ ዋደቴያ ዔርቴዋ ጎይሢና ታኣኒ ዴንዲ ኔታኒያ ናኣዚ ዒሰማዔኤሌ ዋደም፤ ዋይቲ ኔና ዒዚ ዋደኒ ጫርቃይ? ዒዚ ኔና ዋደቴ ኔና ጉሙርቁ፡ ኔ ኮይላ ዓኣ ዓይሁዳ ዓሳ ላኣለንቲ ባይቁኔ ጌይሢኬ፤ ዪሁዳይዳ ዳዒንቲ ዔውቲባኣዖ ዓቴ ዴራ ዴኤፒ ባይሰንታይዳ ኬዳንዳኔ» ጌዔኔ።

16 ጌዳሊያ ጋዓንቴ፡- «ዒሰማዔኤሌ ዛሎ ዬይ ኔ ኬኤዛ ባካ ቢያ ጎኔቱዋኣሢሮ ፔቴታዎ ዬያ ኔ ጋዓ ባኮ ማዲፖ» ጌዔኔ።

41

1 ዬኖ ሌዖኮ ላንካሳ ዓገኖና ካኣቲ ቢታንቶ ዒንጌ ዴኤፖ ዴኤፖ ዓሰፓ ፔቴ፡ ካርናይ ፃጲ ማዔያ፡ ዔለሻማዔኮ ናኣዚ ናዖ ኔታኒያ ናይ ዒሰራማዔኤሌ ጌይንታሢ ታጾ ዓሰና ዋላ ዓጮሎ ዋይሣ ጌዳሊያ ዛጋኒ ሚዲጳ ሙከኔ፤ ዬካፓ ዔያታ ቢያሢ ዋላ ዴዒ

40:9 40:9 2ካኣቶ. ማ 25:22-24።

ሙኡዚ ሙዓንቴ፥ 2 ኔታኒያ ናኣዚ ዒሰማዔኤሌንታ ዒዛና ዋላ ሙኡኔ ታጾ ዓሶንሢንታ ባብሎኔ ካኣቲ ዪሁዳይዳ ሱኡጌ ማሂ ደኦሬ፥ ጌዳሊያ ጨንቻ ዓራፖና ዋደኔ። 3 ዒማና ዒሰማዔኤሌ ሚግዳይዳ ጌዳሊያና ዋላ ዓኣ ዓይሁዶ ዓሶንታ ዒኢካ ሙኡከ ዓኣ ባብሎኔ ዓጮ ፖኦሊሶዋ ዋደኔ።

4 ዚሬሎ ጌዳሊያ ዋደናሢ ምኡኒያ ዔሩዋንቴ፥ 5 ሴኬሜይዳፓ፥ ሴኤሎይዳፓ፥ ሳማሪያይዳፓ ሳሊታሚ ዓሲ ዔርቲባኣንቴ ሙኡኔ፤ ዔያታ ዒማና ምዒሢና ቡኡጮ ፔኤኮ ሜኤዲ፥ ማኣዓሢያ ፔኤኮ ዳርዚ፥ ዓኣፖ ካርዋ ቡኡጨንቲ ሙኡኔ፤ ጊንሣ ሃሣ ዔያታ ጌኤኸ ማኣርይዳ ዒንጎንዶ ሃኣኮንታ ዑንጃንታ ዔኪ ዓኣኔ፤ 6 ዩያር ኔታኒያ ናኣዚ ዒሰማዔኤሌ ሚግዳፓ ዩኤኪ ዩኤኪ ዔያቶ ጎይሣ ዔካኒ ኬሰኬኔ፤ ዒዚ ዔያቶ ኮይላ ሙካዎ፡- «ዓሂቃሚ ናኣዚ፥ ጌዳሊያ ማኣሪ ዩዑዋቲ» ጌዔኔ። 7 ዩንሢ ዓሳ ሙኡከ ካታዋ ጌጌላዛ ኔታኒያ ናኣዚ፥ ዒሰማዔኤሌንታ ዒዛ ዓሶንታ ዩንሢ ዓሶ ዋዲ ዔቴይዳ ዓጌኔ።

8 ዩንሢ ሳሊታዋ ዓሶንሢኮ ባኣካፓ ታጾ ዓሲ፡- «ሃዳራ ኑና ዋዲፖ! ኦኡኒ ጎሺዳ ዓኣቲ ጌሣ ዛርጌ፥ ዔልዓ፥ ሪሚቲ ዛይቲንታ ዔኤሲንታ ዓኣኔ፤ ኔኤም ኑ ዒንጋንዳኔ» ጌይ ዒሰማዔኤሌ ሸኢቁኔ። ዩያር ዔያቶ ዒ ዋዲዋ ሃሸኔ። 9 ዩያ ዓሶ ዒዚ ዋዲ ኬኤሬ ዔታ ዒሰራዔኤሌ ካኣቲ ባዕሻ ሙኡከ ምሎ ቡሌ ዋደና ካኣቲ፥ ዓኣሳ ካራ ባይቁቲ ዒር ዋኣፖ ዒኢካ ጌልዚ ዒኢፓ ዔካኒ ማሊ ቦኦኪሴያ ዴኤፒ ዔቴኬ፤ ኔታኒያ ናኣዚ ዒሰማዔኤሌ ዩያ ዔቶይዳ ሌዞ ዓጊ ኩንሣኔ። 10 ዩካፓ ዒዚ ካኣቲኮ ዉዲር ናኣቶንታ ሃንጎ ዓቲ ዓሶ ሚግዳይዳ ቱኬኔ፤ ዩይ ዓሳ ቢያ ባብሎኔ ካኣቲ ካፓ ፖኦሊሶ ዓይሣ፥ ናቡዛርዳኣኔ ጌዳሊያም ዔያቶ ቶኦኮ ዒ ዛጋንዳጉዲ ሃዳርሲ ዒንጌያኬ፤ ኔታኒያ ናኣዚ ዒሰማዔኤሌ ጋዓንቴ ዩያቶ ዓሶ ቢያ ዲዒ ዔኪ ዓሞኦኔ ዓጮ ባንሢ ፒንቁኔ።

11 ዮሃናኔንታ ዒዛና ዋላ ዓኣ ምሎ ዓሶኮ ሱኡጋ ቢያ ኔታኒያ ናኣዚ ዒሰማዔኤሌ ማዳ ጌና ማዶ ዋይዜኔ፤ 12 ዩያር ዔያታ ፔ ዓሶና ዋላ ዒዛ ኮጲሲ ጌባዎኦኔይዳ ዓኣ ዴኤፒ ቦቆሊ ኮርካ ዓኣንቴ ሄሌኔ። 13 ዒማና ዒሰማዔኤሌ ቱኪ ዔኪ ዓኣዳ ዓሳ ቢያ ዮሃናኔንታ ዒዛና ዋላ ዓኣ ምሎ ዓሶንታ ዴንቃፖ ሚርጌና ዋዛዴኔ። 14 ዩካፓ ዔያታ ጊንሢም ጳሽኪ ዴንዲ ዩያቶ ዓሶ ባኣኮ ጌሌኔ፤ 15 ኔታኒያ ናኣዚ ዒሰማዔኤሌና ሳሊ ዓሲና ጋዓንቴ ዮሃናኔንሢ ኩጫፓ ቶሊ ዓሞኦኔ ዓጮ ጳሽኪ ጌሊ ፑኔኔ።

41:3 41:3 2ካኣቶ. ማ 25:25።

16 ዬያይዲ የሃናኔንታ ዒዛና ዋላ ዓአ ያሎ ዓሶ ሱኡጎንታ ኔታኒያ ናአዚ ዒሰማዔኤሌ ጌዳሊያ ዋዳያ ሚደጃፓ ዲዒ ዔኬ ፖኦሊሶንታ ላአሎንታ ናአቶ ዳኮንታ ዓሸቲንቁ ማዶ ማዶ ዓሶንታ ቢያ ማሂ ዔኬኔ። 17-18 ዔያታ ዒማና ኔታኒያ ናአዚ ዒሰማዔኤሌ ባብሎኔ ካአቲ ዪሁዳ ዓጮ ዋይሃንዳጉዲ ዶኦሬ፣ ጌዳሊያ ዋዳሂሮ ባብሎኔ ዓሳ ዔያቶይዳ ያልዚ ቡላንዳኔ ጌይ ሂርጊ ዒጊጮኔ፤ ዬያሮ ዔያታ ባብሎኔ ዓሶፓ ፑኒ ጊብፄ ዓጮ ዴንዳኒ ዔቄኔ፤ ዬካፓ ዔያታ ቤኤቴሌሃሜ ካታሞ ኮይላ ዓአ ጌሩትኪምሃሜ ጌይንታ ቤዛ ሃውሽኔ።

42

ዔርሚያሴ ዔያቶ ዛሎ ሺኢቃንዳጉዲ ዴራ ዒዛ ያኦጮሂ

1 ቃሬሃናአዚ የሃናኔ፣ ሆሻያ ናአዚ ዓዛሬያሴንታ ያሎ ዓሶኮ ሱኡጋ ቢያሂ፤ ዬያጉዲ ዴራአ ቢያ ዳካ ጌይንታ ዓሶፓ ዴንዲ ዴኤፖ ዓሶ ሄላንዳአና ቢያሂ ታ ኮይላ ሙካዖ፡- 2 «ሃዳራ ኩኡኒ ኔና ሺኢቃ ባኮ ኩኡም ማዴ! ናንጊና ናንጋ ጎዳ ማዔ ኔ ያኦዛሂ ኩኡም ሺኢቁ! ኩና ሃንሂ ፒኢጫዲ ዓቲ ዓአዘንሂም ቢያ ሺኢቁ! ሃያኮ ቤርታ ኩኡኒ ዲቢኬ፤ ሃሂጋ ዓንጌ ኔኤኒ ዛጋሂጉዲ ኩኡኒ ዳካ ሌሊ ዓቴኔ፤ 3 ዬያሮ ናንጊና ናንጋ ጎዳ ማዔ ኔ ያኦዛሂ ዓጮኮ ዋኖ ዛሎ ኩ ዴንዳንዳቴያ፤ ሃሃ ኩኡኒ ዋዋዳንዳቴያ ፔጋሲ ኩኡም ኬኤዛንዳጉዲ ዒዛ ኩኡም ሺኢቁ» ጌዔኔ።

4 ታኣኒ ዒማና ዔያቶም፡- «ቃራኬ፤ ዒንሂ ሃሂ ጌዔ ጎይያማ ታኣኒ ዒንሂም ናንጊና ናንጋ ጎዳ ማዔ ዒንሂኮ ያኦዛሂ ሺኢቃንዳኔ፤ ታኣም ዒዚ ፔጋሲ ኬኤዛ ባኮሞ ፔቴታዖ ዒንሂም ዓአቹዋዖ ታኣኒ ኬኤዛንዳኔ» ጌይ ማሄኔ።

5 ዬካፓ ዔያታ ታኣም፡- «ናንጊና ናንጋ ጎዳ ማዔ ኔኤኮ ያኦዛሂ ኔኤም ኬኤዜም ኔ ኩና ዓይሃ ባኮ ቢያ ማዲ ኩንሂ ዬያ ቃኦም ኩኡኒ ዓይሂንጉቲባኣቴ ዒዚ ፔ ቶኦኪና ጎኔ፤ ሃሃ ጉሙርቁንታ ማርካ ማፖንጎ! 6 ዬይ ዓይሂዖ ኮሺ ማዔቴያ ማዒባኣቴያ ናንጊና ናንጋ ጎዳ ማዔ ኩ ያኦዛሂኮ ቃኦም ዋይዚ ኩ ዓይሂንታንዳኔ፤ ኩኡኒ ኔና ዒዛ ኮይላ ዳካሂ ናንጊና ናንጋ ጎዳ ማዔ ኩ ያኦዛሂኮ ዓይሂዖ ኮ ቦንቹቴ ቢያ ባኣዚ ኩኡም ጊኢጋንዳሂሮኬ» ጌይ ኬኤዜኔ።

ዔርሚያሴ ሺኢቁሂሮ ናንጊና ናንጋ ጎዳ ማሄ ማሂያ

7 ታጳ ኬሊኮ ጊንፃፓ ናንጊና ናንጋ ጎዳ ፔ ቃኦም ታኣም ኬኤዜኔ፤ 8 ዬያሮ የሃናኔንታ ዒዛና ዋላ ዓአ ያሎ ዓሶ ሱኡጎንታ ዴራአ ቢያ ዳካፓ ዴንዲ ዴኤፖ ዓሶ ሄላንዳአና ታ ኮይላ ዬዓንዳጉዲ

ታኣኒ ዔኤሌኔ፤ 9 ዒማና ታ ዔያቶም ሂዚ ጌዔኔ፡- «ታኣኒ ዒዛ ጸኦጫንዳጉዲ ዒንሢ ታና ዳኩ፥ ዒሰራዔኤሌ ጸኦሲ ማዔ ናንጊና ናንጋ ጎዳ ሂዚ ጋዓኔ፤ 10 <ዒንሢ ሃኖ ዓጮይዳ ናንጋያ ማዔቲ ታኣኒ ዒንሢ ጊንሣ ማዣንዳኔ፥ ሻሃዓኩ፤ ታኣኒ ዒንሢ ቱቱካንዳኔ፥ ቱጋዓኩ፤ ዒንሢዳ ታኣኒ ዔኪ ዩዔ ባይሲንታ ታና ሚርጌና ጸደሴኔ፤ 11 ሃሢ ዒንሢ ዒጊጫሢጉዲ ባብሎኔ ካኣቲ ሃካፓ ሴካ ዒጊጫፖቲ፤ ታኣኒ ዒንሢና ዎላ ዓኣሢሮ ዔያቶ ኩጫፓ ዒንሢ ዓውሳንዳኔ፤ 12 ታ ዒንሢ ሚጫንታንዳኔ፤ ዒዚያ ዒንሢ ሚጫንቲ ዒንሢ ዓጮ ዒንሢ ማሃንዳጉዲ ታኣኒ ማዳንዳኔ፤ ዩያ ጌዔሢ ታና፥ ናንጊና ናንጋ ጎዳኩ።»

13 «ጋዓንቲ ዒንሢ ዒንሢከ ጸኦዛሢ ማዔ ናንጊና ናንጋ ጎዳም ዎይዞ ዒዳ ሃኖ ዓጫ ዳዓዓ ጌዔቲ፤ 14 ጊንሣ ሃሃ፡- «ኦኡኒ ጸልዚ ሃይሴና ዛይ ዑኡሲና ዎይዚንቱዎያ፤ ናይዚያባኣ፥ ጊብፃ ዓጮ ዳንዲ ኦ ዒኣካ ናንጋንዳኔ» ጌዔቲ፤ 15 ዒንሢ ዪሁዳ ፒኢጠፍዮቲ! ናንጊና ናንጋ ጎዳ ጋዓ ቃኣሎ ዎይዙዎቲ፤ ዒሰራዔኤሌ ጸኦዛሢ ማዔ ቢያ ባኮ ዎይሢ ጎዳሢ ሂዚ ጋዓኔ፡- «ጊብፃ ዓጮ ዒንሢ ዳንዲ ዒኣካ ናንጋኒ ኮዔቲ፤ 16 ዩይ ዒንሢ ዒጊጫ ጸላ ዒንሢዳ ሙካንዳኔ፤ ዒንሢ ዒጊጫ ናያኣ ዒንሢ ጊንያ ዒኣካ ዳንዳንዳኔ፤ ዒንሢ ዒኣካ ጊብፃይዳ ሃይቃንዳኔ። 17 ጊብፃ ዓጮ ዳንዲ ዒኣካ ናንጋኒ ኮዔ ዓሳ ቢያ ጸልዚና፥ ናይዚና፤ ሃንጎ ዶርዖና ሃይቁ ኩዳንዳኔ፤ ዔያቶፓ ፔቲ ዓሲታዎ ዓታዓኩ፤ ዔያቶይዳ ታኣኒ ዔኪ ዩዓኒ ማሌ ፑርቶ ባካፓ ቶላንዳ ዓሲ ባኣሴ።»

18 «ቢያ ባኮ ዎይሢ ጎዳ ማዔ ዒሰራዔኤሌ ጸኦዛሢ ሂዚ ጋዓኔ፡- «ጊብፃ ዓጮ ዒንሢ ዳንዳንዳኔ ጌይ ማሊ ዔቁቲ፥ ሃያኮ ቤርታ ዩሩሳላሚ ዳርይዳ ታኣኒ ኬይሴ ታኣኮ ዳጎና ፑርቶ ባኮና ዒንሢዳ ኬዳንዳኔ፤ ዒንሢ ሃሌ ባካ ዳር ቢያ ዒጊቻ ባኣዚ ማዓንዳኔ፤ ዒንሢ ዛጌ ዓሲ ቢያ ሚኢጫ ዓማሎ ባኣዚ ዒንሢ ማሃንዳኔ፤ ሱንፃኣ ዒንሢከ ዒማዲ ማዓንዳኔ፤ ሃኖ ቤዞ ላሚ ዒንሢ ዛጋዓኩ።» »

19-20 «ዒንሢ ፒኢጠፍዲ ዓቲ ዪሁዳ ዳራ! ናንጊና ናንጋ ጎዳ ኮይላ ታና ዒንሢ ዳኩ ዎዶና <ዒዚ ኦና ዓይሢ ባኮ ቢያ ኦኡም ኬኤኬ፤ ኦኡኒ ማዲ ኩንሣንዳኔ» ጌይ ማዳኑዎ ባኣዚ ጫኣቂያና ፑርታ ዳቢንቲ ዒንሢ ዳቤኔ፥ ሃሢያ ናንጊና ናንጋ ጎዳ <ጊብፃ ዓጮ ዳንዲፖቲ» ጌይ ላኣጌሢሮ ታኣኒ ዩይ ጎኔ ማዓያ ፔጋሲ ላቲ ዒንሢም ኬኤኬ። 21 ሃይሾ፤ ሃኖ ታ ዒንሢም ፔጋሲ ኬኤኬ፤ ዒንሢ ጋዓንቲ ናንጊና ናንጋ ጎዳ ማዔ ዒንሢ ጸኦዛሢ ታኣም ኬኤኬም ታ ኬኤኬ ባኮ ቢያ ዓይሢንቲ ኩንሢባኣሴ። 22 ዩያሮ ሃሢ ዒንሢ ዳንዲ ናንጋኒ ኮዓ ቤዘይዳ ጸልዚና፥ ናይዚና፤ ጊንሣ ሃሃ ፑርታ ዶርዖና ሃይቃንዳሢ ጎኔና ዔሩዎቲ።»

43

ዔርሚያሴ ጊብፄ ዓጮ ዔውቲ ዓኣጳሢ

1 ዔያቶኮ ናንጊና ናንጋ ጎዳ ማዔ ሆኦዛሢ ዔያቶም ከኤዛንዳጉዲ ታና ዓይሢ ባኮ ቢያ ዳርሞ ታኣኒ ከኤዚ ጋፒሴኔ፤ 2 ዩካፓ ሆሻያ ናኣዚ ዓዛሪያሴ፣ ቃሪሃ ናኣዚ ዮሃናኔንታ ዖቶርሙሞና ጋኣቤ ሜሌ ዓሲንታ ቢያ ታ ኮይላ፡- «ኔኤኒ ሉሉቃኔ፤ ናንጊና ናንጋ ጎዳ ማዔ ኑ ሆኦዛሢ ኑኤኒ ጊብፄ ዳንዲ ዒኣካ ናንጉሞጉዲ ከኤዘም ኔና ዳከባኣሴ፤ 3 ባብሎኔ ዓሳ ኑና ቢቲ ዎይሣንዳጉዲና ዔያታ ኮዔቲ ኑና ዎዳንዳጉዲ፣ ሃንጎ ባብሎኔ ዓጮ ዲዒ ዔኪ ዳንዳንዳጉዲ ኔና ዘሪ ዔቂሴሢ ኔሪያ ናኣዚ ባኣርከኤ» ጌዔኔ። 4 ዔያታ ሂዚ ጌዒ ዮሃናኔንታ ዖሎ ዓሶኮ ሱኡጋኣ ቢያ፤ ዩያጉዲ ዳርይዳጉኣ ፔቲ ዓሲታዎ ዪሁዳይዳ ናንጋኒ ናንጊና ናንጋ ጎዳኮ ዓይሢዎ ኩንሢባኣሴ፤ 5 ዩካፓ ዮሃናኔንታ ዖሎ ዓሶኮ ሱኡንታ ዪሁዳይዳ ዓቲ ዓኣ ዓሶ ቢያ ጊብፄ ዓጮ ዔኪ ዳንዳኔ፤ ዩይ ዓሳ ዩያኮ ቤርታ ሜሌ ዳር ባኣካ ዜርቁንቲ ናንጊቤቃ ጊንሣ ዪሁዳ ዓጮ ማዒ ሙከ ዳርከ፤ 6 ጊንሣ ቃሲ ጊዳ ዓቲንቆንታ ላኣሎንታ፣ ናኣቶንታ ካኣቲኮ ዉዲር ናኣቶሞ ዔኪ ዳንዳኔ፤ ባብሎኔ ዓጮኮ ዖሎ ዓሶ ሱኡጋሢ፣ ናቡዛርዳኣኔ ጌዳሊያም ዔያቶኮ ቶኣኮ ዛጊ ካፓንዳጉዲ ዒንጊ ዓኣጳ ዓሶ ቢያ፤ ጊንሣ ሃሣ ታናንታ ባኣርከንታኣ ዓይሱሞ ዔኪ ዳንዳኔ። 7 ዔያታ ናንጊና ናንጋ ጎዳም ዎይዘ ዒዲ ጊብፄ ዓጮ ዳንዳዎ ፆፕናኣሴ ካታሞ ሄላኔ።

8 ዒማና ናንጊና ናንጋ ጎዳ ታኣም ሂዚ ጌዔኔ፡- 9 «ዳኤፒ ዳኤፒ ሹቹ ዳካ ኮይ ዔኪጋፓ ዪሁዳ ዓሶፓ ዳካ ዓሲ ዛጋንቲ ካታሞኮ ካኣታ ናንጋ ከኤዎ ቃሞዎ ጋራ ዲኡኪ ሲቢርቶና ማኤቹ። 10 ዩካፓ ታኣኒ፣ ዒሲራዔኤሌ ሆኦዛሢ ማዔ ቢያ ባኮ ዎይሣ ጎዳ ታኣኮ ዓይላሢ ማዔ ባብሎኔ ካኣቲ ናብካዳናዖኦሪ ሃይካ ዔኪ ዩዔም ኔኔኒ ዲኡከ ዩንሢ ሹጮንሢ ዑፃ ፔኤኮ ካኣቲሞ ዎይቶ ጌሢ ፔኤኮ ካኣቲሞ ማኣርኮሞ ዓፒሎና ማኡ ማኣር ደቃንዳያ ማዔሢ ዔያቶም ከኤዜ። 11 ናብካዳናዖኦሪ ሙከ ጊብፄ ዓጮ ዖሊ ባሻንዳኔ፤ ዳርዖና ሃይቁ ኩዳንዳጉዲ ጎዖና ዓሳ ዳርዓሢና ሃይቁ ጋፓንዳኔ፤ ዳዒንቲ ዔውታንዳጉዲ ጎዖና ዓሳ ዳዒንቲ ዔውታንዳኔ፤ ዖልዚና ሃይቆም ጎዖና ዓሳኣ ዖልዚና ሃይቆንዳኔ። 12 ዒዚ ጊብፄይዳ ዓኣ ሜሌ ሆኦዘኮ ካኣኮ ማኣር ሚቻንዳኔ፤ ዩያ ሆኦዘሞ ዲዒ ዔኪ ዳንዳንዳኔ፤ ቆልሞ ሄንቃ ናይ ጉፓሌይዳ ጉፓሌ ቃሲ ማኣዓሢጉዲ ዒዚ ፔቲታዎ ሜታባኣያ ፔ ዓጮይዳ ጊብፄ ቃሲ ዔካንዳኔ። 13 ጊብፄ ዓጮይዳ ሄሊዮፖሊሴ ካታማ ሹጮ ቆኣቁ ኮሻና ዳኣብሞ ጋኣጪ

43:7 43:7 2ካኣቶ. ማ 25:26።

ዒዚ ባይዘንዳኔ፤ ጊብፄ ዓጮ ያኦዘንታ ካኦዡ ማእርንታ ቢያ ዒ ታሚና ሚቻንዳኔ።»

44

ጊብፄይዳ ናንጋ ዒሰራዔኤሌ ዓሶም ናንጊና ናንጋ ጎዳ ኬኤዜ ቃኣላ

1 ጊብፄ ዓጮኮ ኬዶ ዛሎና ሚግደኦሌና ፃፕናኣሴና ሚምፒሴ ጌይንታ ካታሞናይዳ፤ ዬያጉዲ ሃሃ ደኦሎ ዛሎና ደማ ደማ ቤሰካ ዜርቁንቲ ናንጋ ዒሰራዔኤሌ ዓሶም ቢያ ኬኤዘንዳጉዲ ናንጊና ናንጋ ጎዳ ሂዚ ጌዔኔ፤ 2 ዒሰራዔኤሌ ያኦሲ ማዔ ቢያ ባኮ ዎይሃ ጎዳሂ ሂዚ ጌዔኔ፡- «ዬሩሳላሚና ሜሌ ሃንጎ ዪሁዳ ካታሞናይዳ ቢያ ታኣኒ ዔኪ ዬዔ ባይሰንቶ ዒንሂ ዒንሂ ቶኦከና ዛጌኔ፤ ሃሂ ሄላፆ ዔያታ ሻሂንቲ ደዔ ጎይሃ ዓይ ዓኣኔ፤ ዒኣካ ዓይጎ ዓሲያኣ ናንጉሞሴ፤ 3 ዬያ ታኣኒ ማዴሂ ዬንሂ ካታሞይዳ ናንጋ ዴራ ፑርታ ማዶ ማዶ ታና ደጋሴሂርኬ፤ ዔያታ ሜሌ ያኦዘም ዒንጎ ባኣዚ ዒንጌኔ፤ ዔያቶንታ ዒንሂንታ፡ ዬያጉዲ ዒንሂኮ ቤርታኣ ዓደንሂያ ካኣሽኪባኣ ያኦዘ ዔያታ ካኣሽኬኔ፤ 4 ታኣኒ ዒፃ፡ ዬያ ሻኣካ ባኮ ዒንሂ ማዶሞጉዲ ዒንሂ ጎሪ ላቲ ኬኤዘንዳጉዲ ታኣኮ ዓይሎ ታ ማሊያ ኬኤዛ ዓሶ ታኣኒ ዒንሂ ኮይላ ላሚ ላሚ ደኬ። 5 ዒንሂ ጋዓንቲ ዔያቶም ዎይዛ ዓታዛ ዔያታ ኬኤዛ ቃኦሎ ዔኤቢኬያኣ ጌይባኣሴ፤ ሜሌ ያኦዘም ዒንጎ ባኮ ዒንሂ ዒንጋ፡ ዬያ ፑርቶ ማዶ ዒንሂ ሃሻኒ ኮይባኣሴ፤ 6 ዬያሮ ዪሁዳ ካታሞና ዬሩሳላሚ ካታሞኮ ጎይያናይዳ ታኣኮ ደጎና ባይዛ ፑርቶ ባኮና ታኣኒ ላኣሌም ዬይ ዬይካ ዔኤቴኔ፤ ዬይ ካታማ ሃሮ ዒንሂ ዛጋሂጉዲ ደዒ ጋፔም፡ ዒኣካ ናንጋ ዓሲያኣ ባኣያ ማዒ ዓኣኔ።

7 «ሃሂያኣ ታኣኒ፡ ዒሰራዔኤሌ ያኦሲ ማዔ ቢያ ባኮ ዎይሃ ጎዳሂ ሂንዳ ዒንሂ ታኣኒ ያኦጮም፤ ዒንሂ ዒንሂሮ ዎይታዛ ሃያ ፑርቶ ባኮ ቢያ ማዳይ? ዪሁዳ ዴሮይዳፓ ዜርሂ ማዓንዳ ፔቴ ዓሲታዎ ዓቱሞጉዲ ዓቲንቆንታ ላኣሎንታ ደኮ ናኣቶንታ ዓኣሎ ናኣቶንታይዳ ሃይ ባይሰንታ ዬዓንዳጉዲ ዓይጋ ዒንሂ ኮዓይ? 8 ዒንሂ ሙኬ ዓሲ ማዒ ናንጋ ዓጮሎ፡ ጊብፄይዳ ሜሌ ያኦዘ ዘጊ ካኣሽኪ፤ ሃሃ ዬያ ዒንሂ ኩቻ ዒንሂ ማኬ ያኦዘም ዑንጆ ጩቢሲያና ዓይጋ ታና ደጋሳይ? ዓጮ ቢያይዳ ናንጋ ዓሳ ቢያ ዒንሂ ሚኢጩ ማላንዳጉዲ፡ ሱንፆዎ ዒንሂኮ ጋደማ ሱንሂ ማሃንዳጉዲ ዒንሂሮ ዒንሂ ዒንሂ ባይዘኒ ኮዓ ዓሲዳ? 9 ዪሁዳ ሳያና ዬሩሳላሚ ካታሞኮ ጎይያናይዳ ዒንሂኮ ዓደንሂንታ ዪሁዳ ካኣቶንታ ዔያቶኮ ላኣሎንታ፤ ዬያጉዲ ሃሃ ዒንሂንታ ዒንሂኮ

ለአሎንታ ቢሆን ማዳ ፑርቶ ማዳ ቢሆን ዋሊያ? 10 ቢሆን ሃና ሄላንዳኣና ቢሆን ቶኦኮ ሂርኪዲ ሹሌዔ ዓሲ ማዒባኣሴ፤ ታናኣ ቢሆን ቦንቸባኣሴ፤ ቢሆን ኮቤርታኣ ዓድንሢንታ ቢሆን ከታታኣ ቢሆን ዋጎና ዳምቦና ዶዲ ካፒ ቢሆን ናንጋኒ ኮይባኣሴ።

11 «ዔያር ታኣኒ፥ ዒሰራዔኤሌ ያኦሲ ማዔ ቢያ ባኮ ዎይሃ ጎዳሢ ቢሆን ዳጋዲ ዔቂ ዩሁዳ ዓጮ ጉቤና ባይዘንዳኔ፤ 12 ዲቢንቲ ዔውቱዎዎ ዩሁዳይዳ ፒኢጫዲ ዓቲ ዓሶፓ ጊብፃ ዓጮ ዴንዲ ቢኣካ ናንጋኒ ማሌዘንሢ ቢያ ታኣኒ ባይዘንዳኔ፤ ዳኮ ዓሶ ጌይንታ ዓሶፓ ዴንዲ ዴኤፖ ሄላንዳኣና ያልዚና፥ ሃንጎ ጊንሢ ናይዚና ጊብፃይዳ ሃይቃንዳኔ። ዩይ ዔያቶይዳ ማዲንቲ ባካ ዓሲ ዲቃሃያ ማዓንዳኔ፤ ዓሲ ቢያ ዔያቶ ማኢጠላ ማላያ ዔያታ ማዓንዳኔ፤ ሱንፃኣ ዔያቶኮ ጋደማ ሱንሢ ማዓንዳኔ። 13 ታኣኒ ዩሩሳላሜይዳ ያልዚና ናይዚና ዲማ ዲማ ዶርዎዎ ዔኪ ዩዒ ማቶ ዔያቶይዳ ባጊሢጉዲ፥ ጊብፃይዳ ናንጋ ዓሶይዳኣ ታኣኒ ማቶ ዓጋንዳኔ፤ 14 ዲቢንቲ ዔውቱዎዎ ዩሁዳይዳ ዓቲ፥ ዩካፓ ጊብፃ ዓኣዲ ናንጋ ዓሶይዳ ፔቴ ዓሲታዎ ቶሊ ዓታንዳይ ባኣሴ፤ ጊንሢ ዔያታ ቢኣካ ሙኪ ናንጋኒ ጸቂሳ ሳዔሎ፥ ዩሁዳ ማሂ ዔያቶ ዔኪ ዩዓንዳ ዓይጎ ዓሲያኣ ባኣሴ፤ ዳካ ዓሲፓ ዓቲም ማዒ ሙካንዳ ዓሲ ባኣሴ።»

15 ላኣላ ዔያቶኮ ማሌ ያኦዘም ቢሆን ባኮ ቢንጋሢ ዔራፊ ማዔ ዓቲንቃ ቢያ፤ ጊንሢ ሃሃ ጊብፃ ዓጮኮ ዶኦሎ ዘሎይዳ ናንጋ ዒሰራዔኤሌ ዓሶንታ ቢኣካ ዔቂ ዓኣ ላኣላኣ ቢያ ፔቴይዳ ቡኪ ታ ኮይላ ዩዓዎ፡- 16 «ኔኤኒ ናንጊና ናንጋ ጎዳ ሱንፃና ኬኤዜ ባኮ ቢያ ኑ ዎይዘኒ ኮዑዎሴ፤ 17 ኑኤኒ ኑኤኮ ማዳንዳኔ ጌዒ ማሌ ባኮ ቢያ ማዳንዳኔ፤ «ጫሪንጮ ጌኤሾ» ጌይንታ ኑ ያኦዘሎም ዑንጅ ኑ ጩቢሻንዳኔ፤ ኑናንታ ኑኤኮ ቤርታኣ ዓድንሢንታ ኑኤኮ ካኣቶንታ ሱኡጎንታ ዩሁዳ ካታምና ዩሩሳላሜ ካታምናኮ ጎይይዳ ማዳ ጎይያ ሃሢያኣ ዎይኖ ዑኩ ዔኪ ሺኢሺ ኑ ዒዘም ቢንጋንዳኔ። ሃያኮ ቤርታ ዩያ ኑኤኒ ማዳኣና ሚርጌ ባኣዚ ኑኤኮ ዓኣኔ፤ ኑኤኒ ዩያና ያርጎቸታሢር ፔቴታዎ ማታ ኑኤኮ ባኣሴ። 18 ጋንቲ ሃሢ ጫሪንጮ ጌኤሾም ዑንጅ ጩቢሺ ያንታ ዎይኖ ዑኩ ቢንጎ ባኣዚ ማሂ ዎሂዎ ኑ ሃሺማፓ ዓርቃዎ ፔቴታዎ ኑኤኒ ቃሲ ዴንቄ ባኣዚ ባኣሴ፤ ኑኤኮ ዴራ ያልዚና ናይዚና ኩኩዴኔ» ጌዔኔ።

19 ዩያ ጊዳ ላኣላ ቃሳዎ፡- «ጫሪንጮ ጌኤሾ ማሊሲ ላኣዶ ኑ ላኣዳ ዎዶና፥ ዒዘም ኑኤኒ ቢንጎ ባኮንታ ዎይኖ ዑኩዎ ቢንጎ ባኣዚ ማሂ ኑ ዎሃ ዎዶና ኑ ዓኒንሢ ዔራዎንቲ ኑ ማዳ ባኣዚ ፔቴታዎ ባኣሴ።» ጌዔኔ።

20 ዬያይዲ ታኦም ማሂ ኬኤዜ ዓቲንቆንታ ላኣሎንታ ደሮንታም ቢያ ታኣኒ ሂዚ ጌዔኔ፡- 21 «ዒንሢንታ ዒንሢንታ ቤርታኣ ዓደንሢንታ፡ ዒንሢንታ ካኣቶንታ ሱኡጎንታ፡ ዒንሢንታ ዓጮይዳ ናንጋ ዓሳ ቢያ ዪሁዳ ካታምና ዬሩሳላሜና ካታ ጎይያይዳ ዑንጅ ጨቢሻሢ ናንገና ናንጋ ጎዳ ጳቂሁታዎ፤ ሃሃ ዋሌያ ዒንሢንታ ማላ? 22 ናንገና ናንጋ ጎዳ ዒንሢንታ ፑርቶ ማዶ ዛጊ ገባኒ ዳንዳዒባኣሢሮ ሃሢ ዒንሢንታ ዛጋሢንታ ዳዓ ጋዳንቁንቲያ፡ ዓሲ ናንጉዋ ጉሪ ዳዓ ማዔኔ። 23 ዬይ ፑርቶ ባካ ቢያ ዒንሢንታ ሙከሢ ማሌ ያኡዞም ዒንሢንታ ዑንጅ ጨቢሻሢሮ፡ ናንገና ናንጋ ጎዳም ዋይዞ ዒንሢንታ ዒፃሢሮ፡ ዒዛኮ ዋጎና ዳምቦና ዓይህ ጎይያ ዒንሢንታ ዓይሢንቲ ማዲባኣሢሮኩ።»

24-25 ዪሁዳ ዓጮይዳፓ ገብፃ ሙከሢ ናንጋ ደሮም ታኣኒ ኬኤዛንዳጉዲ ዒሰራዔኤሌ ያኡሲ ማዔ ቢያ ባኮ ዋይህ ጎዳሢ ታኦም ኬኤዜ ባኮ ቢያ ደሮም ቢያ፤ ባሽና ገንሃ ላኣሎም ሂዚ ጌይ ታኣኒ ኬኤዜኔ፡- «ዒንሢንታ ዒንሢንታ ላኣሎንታ ጫሪንጮ ጌኤሾም ዔኤቢ ዒንጋኒ ናኣቢ ዒንሢንታ ናኣቤኔ፤ ዒንሢንታ ዋዋዳኒ ጌዔይ ጌዔቲ ዒንሢንታ ዒዞም ዑንጅ ጨቢሻኒና ዋይኖ ዑኩ ዒንጎ ባኣዚ ማሂ ዋሃኒያ ጫኣቄኔ፤ ያዲ ጌይ ዒንሢንታ ዓቁሢሮ ደዳኤሹዋቲ፤ ዒንሢንታ ጫኣቄ ቃኣሎ ዒንሢንታ ካፒ፡ ዒንሢንታ ጌዔ ጎይያማ ማዲ ኩኩንሁዋቲ፤ 26 ጋዓንቲ ገብፃይዳ ናንጋ ዒሰራዔኤሌ ዓሶ ቢያሢንታ ታኣኒ፡ ናንገና ናንጋ ጎዳ ታኣኮ ደኤፖ ሱንያ ዔኤሌ ጫኣቄ ማዳኒ ቲኪ ዔቁ ባኮ ዋይዞዋቲ፤ ዒንሢንታ ፔቲ ዓሲታዎ፡- «ሸምፔና ናንጋ ደኤፖ ያኣዛሢ ሃይቆ!» ጌይ ታ ሱንያና ዔኤቢ ጫኣቄዎጉዲ ታኣኒ ላኣጋንዳኔ። 27 ኮሺ ባኣዚቲዋንቲ ፑርታ ባኣዚ ዒንሢንታ ታኣኒ ዒንጋንዳኔ፤ ዒንሢንታ ፔቲ ዓሲታዎ ዓቲዋዎ ቢያሢንታ ያልዚና፡ ሃሃ ናይዚና ሃይቃንዳኔ፤ 28 ጋዓንቲ ዒንሢንታ ዳካ ዓሲ ሌሊ ገብፃ ዓጮይዳ ሃይቁዎዎ ዓቲ ዪሁዳ ማዒ ዳንዳንዳኔ፤ ገብፃ ዓጮይዳ ናንጋኒ ሙከሢ ዪሁዳ ዓሶፓ ፒኢጫዲ ዓቲ ዓሳ ዒማና ታኣኒ ጋዓ ባኮና ዒንሢንታ ጋዓ ባኮናፓ ዋና ጎናዳቲያ ዳማሲ ዔራንዳኔ፤ 29 ዬኖ ቤዘይዳ ዒንሢንታ ሜቶ ታኣኒ ዓጋ ዋደና፡- «ታኣኒ ዒንሢንታ ባይዘንዳ ባኣዚ ዒንሢንታ ዔከ ዬዓንዳኔ» ጌዔ ቃኣላ ጎኔ ማዓንዳሢ ታኣኒ፡ ናንገና ናንጋ ጎዳ ዒንሢንታ ፔጋሲ ኬኤዛኔ፤ 30 ዪሁዳ ካኣቲ፡ ሴዴቁያሴ ታኣኒ ቤርታ ዒዛኮ ሞርኬ ማዒ ዓኣያ፤ ሃሃ ዒዛ ዋዳኒያ ኮዓ ባብሎኔ ካኣቲ፡ ናብካዳናያኦሬም ዓኣሢ ዒንጌሢንታ ዒዛ ዋዳኒ ኮዓ ዒዛኮ ሞርኮም ሆፒራ ጌይንታ ገብፃ ካኣቲ ዓኣሢ ታኣኒ ዒንጋንዳኔ።»

44:30 44:30 2ካኣቶ ማ 25:1-7።

45

ጾኑሲ ባኣርኬም ማዳኒ ጫኣቄ ባኮ

1 ዔዮሲያሴ ናኣዚ፥ ዔዮዓቄሜ ዪሁዳይዳ ካኣታዳንቴ ጾይዳሳ ሌዖና ታኣኒ ኬኤዜም ባኣርኬ ናንገና ናንጋ ጎዳኮ ቃኣሎ ቢራኖ ማፃአፖይዳ ጻኣፔ፤ 2 ዔሰራዔኤሌ ጾኑሲ ማዔ ናንገና ናንጋ ጎዳሢ ባኣርኬም ኬኤዚንዳፊታኣም ኬኤዜ ባኮ ሂዚ ጌይ ታኣኒ ዔዛም ኬኤዜ፡- 3 ኔኤኒ፡- «ናንገና ናንጋ ጎዳ ታኣኮ ማቶይዳ ታና ጾዩሳ ባኣዚ ቃሳዛ ሃውሻ ታኣኮ ባይቄሢር ዔኤቢ ታኣም ዲሜም ታኣኒ ላቤ፤ ታና ባዴዔ!» ጋዓ።

4 ጋዓንቴ ናንገና ናንጋ ጎዳ፡- «ታኣኒ፥ ናንገና ናንጋ ጎዳ ማዜ ባኮ ገንሣ ሻሃንዳ፤ ቱኬሢያ ገንሣ ታኣኒ ቱጋንዳ፤ ዬያ ታኣኒ ዓጮ ቢያይዳ ማዳንዳ፤ 5 ዬያር ኔኤኒ ኔኤም ኮሺ ባኣዚ ማዳንታንዳፊ ወይቲ ኮዓይ? ኔኤኒ ያዲ ማላንዳያ ኮይሱዋሴ፤ ታኣኒ ባይዛንዳ ባኣዚ ዓሲ ዜርሢ ቢያይዳ ኬይሳንዳ፤ ያዲ ማዔቴያ ኔኤኒ ዴንዳ ቤዞ ቢያይዳ ሜሌ ዓቴቴ ሸምፓሢታፖ ታ ኔኤኮ ባይሳንዳ፤ ዬያ ጌዔሢ ታና፥ ናንገና ናንጋ ጎዳኬ» ጋዓ፤ ጌይ ኬኤዜ።

46

ጊብፄ ዓጮ ዛላ ኬኤዚንቴ ባኣዚ

1-2 ናንገና ናንጋ ጎዳ ታኣም ጊብፄፓ ዓርቃፖ ሜሌ ዓጮ ካኣቶ ዛሎዋ ቢያ ኬኤዜ፤ ዔዮዓቄሜ ዪሁዳይዳ ካኣታዳንቴ ጾይዳሳ ሌዖና ዔፕራዒሴ ዋር ኮይላ ዓኣ ቤዞ ካርካሚሽይዳ፥ ኔኮ ጌይንታ ጊብፄ ዓጮ ካኣቲሰኬይ ጾሎር ዔኪ ኬሴ ዓሶ ባብሎኔ ካኣቲ ናብካዳናጾሬ ጾሊ ባሽሢ ዛሎ ናንገና ናንጋ ጎዳ ሂዚ ጌይ ኬኤዜ፡-

- 3 «ጊቲሞንታ ዋርጾንታ ዒንሢኮ ገኢጊሺ
 ጾሊር ጾሎ ጳኣኮ ዴንዲዋቴ፤
- 4 ፓራሢ ዒንሢኮ ቢፃልቄ፥ ዒልካዮ ሄርቄጋፓ ቶጉዋቴ፤
 ቶኣካ ዓጎ ጾሎ ዓንጎ ዓጊ ቤሲ ቤሲ ዓርቄዋቴ፤
 ዋርጾ ዒንሢኮ ዑጩ ገኢጊሹዋቴ፤
 ጾሎ ማኣዒሢያ ማይንቴዋቴ።»

5 «ጋዓንቴ ሃይ ታኣኒ ዛጋ ባካ ዓይጎዳፖ?

45:1 45:1 2ካኣቶ. ማ 24:1፤ 2ጾኑሲ. ዓሃኬ 36:5-7፤ ዳኣኔ. 1:1-2። 46:1-2
46:1-2 ዒሲ. 19:1-25፤ ሂዚ. 29:1—32:32።

- ዒጊጨ ዓሳ ገንሢም ማዒሢዳኬ፤
- ፆሎ ዓሳ ሃይሾ ባሽገቴ፤
 - ቢያ ዛሎና ዒጊቻ ባአዚና ሂርጊሻ ባአዚ ዓአሢር
 - ገንሢም ሺሪታዎ ዛጉዎፆ ቤርቲም ሌሊ ጳሽኪ ዔያታ ፑኔ።
- 6 ሩኡሪ ጳሽካ ዓሳታዎ ጳሽኪ ቶላኒ ዳንዳዑዋሴ፤
 - ጎኦባኬ ጌይነታ ዓሳኦ ፔና ዓይሳኒ ዳንዳዑዋሴ፤
 - ዓፕራዒሴኮ ኬዶ ዛሎይዳ ዲቁገቲ ዔያታ ሎኦሚ ጋፓ።
- 7 ሃይ ዓባዬ ዋርጉዲ ሙካሢና
 - ዋር ዓጮ ቢያ ኩሚ ጮኦሽኪ
 - ዔቦ ቢያ ዔኤዳንዳ ዋርዚ ማዔሢ ሃይ ያናዳዎ?
- 8 ዓባዬ ዋርጉዲ ሙኬሢና
 - ዋር ዓጮ ኬሰኪ ኩሚ ጮኦሽኪ
 - ዔቦ ቢያ ዔኤዳያ ማዔዛ፤
- ጊብፄ ዓጮኬ፤
 - ጊብፄ ሂዚ ጌዔ።- <ታኣኒ ዔቁ ዓጮ ቢያ ዋአሢጉዲ ዔኤዲ
 - ባይዛንዳ፤
 - ካታዋንታ ዒኣካ ናንጋ ዴርንታ ቢያ ኩርሳንዳ።>
- 9 ፓራሢ ቤርቲም ዴንዳንዳጉዲ
 - ሳርጌሎ ያይታኦ ዒጊቻ ጎይሢና ሺሪ ሺሪ ዴንዳንዳጉዲ
 - ዒሹዋቲ፤
 - ዒቶጲያና ሊኢቢያናፓ ገቲዋ ዔኪ ሙኬ ዓሶንታ
 - ሊኢዲያፓ ሙኬ ሂኢዮ ዲካ ጎኦሶ ዓሶዋ ቃሲ
 - ደዲ ያላ ዓሲ ገኢጊሺ ዳኩዋቲ» ጋዓኔ ናንጊና ናንጋ ጎዳ።
- 10 ሃና ኬላ ቢያ ባኮ ዋይሢ ጎዳ ዶኦሪ ኬሊኬ፤
 - ዒዚ ሃኖ ኮሚ ዔካንዳ፤
 - ፔኤኮ ዋርኮይዳ ሜቶ ዓጋንዳ።
 - ዒዛኮ ጩንቾ ዓፓራ ሚርጌ ዓሲ ሙዓንዳ፤
 - ሱጉዎዋ ዔያቶኮ ዑሽካንዳ፤
- ቢያ ባኮ ዋይሢ ጎዳ ማዔ ያኦዛሢ
 - ዔፕራዒሴ ዋርኮ ኬዶ ዛላ ዓኦ ዓሶ
 - ዒዛም ሹኪ ዒንጎ ባአዚ ማሂ ሹካንዳ።
- 11 ኩሙሢ ዉዲር ማዒ ያዳዜሌ፥ ጊብፄ! ጌሌዓዴ ዓጮ ዴንዲ
 - ቲሽቶንዶ ዴኤሻ ኮዔ፤
 - ኔኤኮ ዴኤሻ ቢያ ጉሪ ባአዚኬ፤
 - ኔና ፓሢኒ ዳንዳዓይ ፔቲታዎ ባኦ።
- 12 ዴራ ኔኤኮ ዳውሲንቶ ዋይዜ፤

ዓጮ ዴርሞ ጉቤ ኔኤኮ ዒላታ ሱቴኔ፤
ፔቴ ፖኦሊሳሢ ባጋሢ ዋርቴሞ ቢያሢ ዋሊ ዔኪ ሳዓ
ሎኦማኔ።

ናብካዳናፆኦሬ ፆሎሮ ዩዓንዳሢ ዛላ

13 ባብሎኔ ካኣተ፣ ናብካዳናፆኦሬ ጊብፄ ዓጮ ፆላኒ ሙካንዳሢ
ዛሎ ናንጊና ናንጋ ጎዳ ሂዚ ጌይ ታኣሞ ኬኤዜኔ፡-

14 «ጊብፄ ካታሞ ሚግደኦሌንታ፣ ሚሞፒሴንታ
ፆፕናኣሴንታይዳ ሃያ ቃኣሎ ዳጊዲ ኬኤዜ፤
ዒንሢ ዛሎ ፆልታኒ ጊኢጉዋቴ፤
ዒንሢ ከይሎይዳ ዓኣ ፆላ ቢያ ባይቃንዳኔ።

15 ዴኤፒኬ ዒንሢ ጋዓ ዓጲሴ ጌይንታ ፆኣዛ ዋይቲ ዒንሢኮ
ሎኦማይ?
ናንጊና ናንጋ ጎዳ ሂዒ ኬኤሬሢሮቴዋዓዳ።

16 ዔያቶኮ ፆሎ ዓሳ ፔቴይ ባጋሢ ዋርቴ ዋላ ሎኦማንዳኔ፤
ዔያታ ፔቴ ባጋሢ ከይላ፡-
«ሞርኮኮ ፆላፓ ኑ ጳሽኪ ፑኒ
ኑ ዓጮ ዴር ባኣኮ ጌላኒ ሩኡሮሞ። ጋዓንዳኔ።»

17 «ጊብፄ ካኣተሞ፡- ማድንዶ ባኮ ዳይዲ ሃሼ፣ ጉሪ ሆኦሊንቲ
ሺራያ፣ ጌይንታ
ዓኪ ሱንሢ ጌሢንታንዳኔ፤

18 ሱንፆ፡- «ቢያ ባኮ ዋይሢ ጎዳ ማዔ ፆኣሲ» ጌይንታ ካኣታሢ ሂዚ
ጋዓኔ፤
ታኣኒ ሽሞፔና ናንጋያኬ፤ ዲኮ ባኣኮይዳ ታኣቦኦሬ ዲካ፣ ባዞ
ከይሎዳ ሃሣ ቁርሜሎሴ ዳጊ ጌይ ጴዳሢጉዲ ዒንሢ ዑፆ
ዳግ ዳጊ ጌይ ዒንሢ ባሻንዳ ዋልቁ ዩዓንዳኔ።»

19 «ጊብፄ ዴሬዮቴ! ዒንሢ ዲዒንቲ ዔውታንዳሢሮ
ዒንሢኮ ዓኣ ሚሆ ቢያ ታኣጊንቲዋቴ፤
ሚሞፒሴ ካታማ ሻሂንቲ ዓሲ ናንጉዋ ዳውሌ ማዒ ዓታንዳኔ፤

20 ጊብፄ ዑፆ ኮሽኪ ሚዛጴ ማርጉዲኬ፤
ኬዶ ዛሎና ሙካ ሶኦፆሞቦ ወፆላ ዒዞ ዑፆ ቁንዳንዳኔ።

21 ሚኢሻር ማዲሻኒ ዔኮና ፖኦሊሳ ማሌ ዋፓናጉዲኬ፤
ጊንሢሞ ሺሪ ዔያታ ጳሽኪ ፑናንዳኔ፤
ዔያቶይዳ ፑርታ ዋጌ ዋጊንቴሢሮና ባይሲንታኣ ዔያቶ
ሄሌሢሮ
ደዲ ዔቁ ዔያታ ፆላኒ ዳንዳዑዋሴ።

22-23 ሞርኮኮ የሎ ዓሳ ሙኪ ዑካኣና
ሾኦሽጉዲ ሱኡሪንሢ ዑኡሲ ዋይዚሲ ጊብፃ ጳሽኪ ፑናንዳኔ፤

ዲሞ ጌዔ ዓንሢ ካይዚ ዓሲ ጳሻሢጉዲ
ዬይ የሎ ዓሳ ሄርጋና ዔያቶይዳ ጌሊ ዔያቶ ኩርሳንዳኔ።

ዬያ ዓሶኮ ፓይዳ ፓይዲንታኒ ዳንዳዑዋያኬ፤
የሎ ዓሶኮ ሚርጉማኦ ዓቢሢዳፓ ባሻያ ማዓንዳኔ።

24 ጊብፃ ዳር ኬዶ ዛሎይዳ ናንጋ ዴዶ የሊ ባሻንዳሢ
ዔያታ ቦርሲንታንዳኔ፤
ዬያ ጌዔሢ ታና፡ ናንጊና ናንጋ ጎዳኬ።»

25 ዒሰራዔኤሌ የኦሲ ማዔ ቢያ ባኮ ዋይሢ ጎዳሢ ሢዚ
ጋዓኔ፡ «ጊብፃ ዓጮንታ ዒኢካ ካኦሽኪንታ የኦዞንታ ካኦቶንታ፤
ቴቤሴ ጌይንታ ካታሞኮ ካኦሽኮ የኦዞሢንታ ጊብፃ ካኦቲንታ ዒዛ
ጉሙርቃ ዓሶ ቢያሢንታይዳ ማቶ ታኦኒ ዓጋንዳኔ። 26 ሃሢ ጊንሢ
ዔያቶ ዋዳኒ ኮዓ፡ ባብሎኔ ካኦቲ፡ ናብካዳናየኦሬና ዒዛኮ የሎ ዓሶ
ኩጮናይዳ ዓኦሢ ታኦኒ ዔያቶ ዒንጋንዳኔ፤ ዬካፓ ዳካ ጋዓዖ ዬያኮ
ቤርታ ዓኦ ጎይዖ ዓሲ ጊንሢ ጊብፃይዳ ናንጋያ ማዓንዳኔ፤ ዬያ ጌዔሢ
ታና፡ ናንጊና ናንጋ ጎዳኬ።»

ናንጊና ናንጋ ጎዳ ዳር ዓውሳንዳያ ማዒፃ ኬኤዚንቴሢ

27 «ታኦኮ ዓይላሢ፡ ያይቆኦቤ ናኦታ!
ዒንሢ ዒሰራዔኤሌ ዓሳ! ዒጊጩ ዋዛ ቲቂፖቴ፤
ዒንሢ ታኦኒ ሃኬ ዓጮይዳፓ
ዒንሢኮ ዜርዖዋ ታኦኒ ዲዒንቲ ዴንዴ ቤዛፓ
ዔኪ ዬይሢና ዓውሳንዳኔ።
ቤርታኦሲጉዲ የኦኒያ ዒንሢ ዲቃሡዋንቴ

ጊንሢ ኮሺ ናንጊ ዒኢካ ናንጋንዳኔ።

28 ታኦኒ ዒንሢና ዋላታሢር ዒንሢ ታኦኮ ዓይላ፡ ዒሰራዔኤሌ ዓሳ!
ዒጊጩ ዲቃቴፖ፤
ዒንሢ ዜርቂንቲ ዴንዲ ዔያቶ ባኦካ ዴዓንዳጉዲ
ታኦኒ ማሄ ዳር ቢያ ታኦኒ ባይዛንዳኔ፤
ዒንሢ ጋዓንቴ ታኦኒ ጋፒሲ ባይዛዓኬ፤
ያዲ ማዔቴያ ዳካ ታ ዒንሢ ፀንቃንዳኔ፤
ታ ዒንሢ ፀንቁዋዖ ጋዓንቴ ሃሻዓኬ፤ ዬያ ጌዔሢ ታና፡ ናንጊና
ናንጋ ጎዳኬ።»

46:27 46:27 ዔር. 30:10-11።

47

ፒሊሰጻኤሜ ዛሎ ከኤዚንቴ ጾኑሲ ማለሢ

1 ጊብጻ ካኣቲ ጋኣዛ ጾላንዳሢኮ ቤርታ ናንጊና ናንጋ ጎዳ ፒሊሰጻኤሜ ዓጮ ዛሎ ሂዚ ጌይ ታኣም ከኤዚንቴ፤

2 ናንጊና ናንጋ ጎዳ ሂዚ ጋዓኔ፦

«ሃይሾ፣ ከዶ ዛላፓ ዲቢ ዋኣሢ
ዋርዚ ኩኩሜ ዲጸጉዲ ዋታኔ፤
ዬይ ዋኣፃ ሳጾና ሳጾይዳ ዓኣ ባኮ ቢያ

ካታሞንታ ዒኢካ ናንጋ ዳርንታ ቢያ ዔኤዳንዳኔ።

ዒማና ዳራ ቢያ ማኣዶ ዳንቃኒ ዒላታንዳኔ፤
ሳጾይዳ ናንጋ ዓሳኣ ቢያ ዒኔ ሜቂ ዬኤካንዳኔ።

3 ጳሽኪ ሙካ ፓራሢ ቶኮኮ ዑኡዘይዳፓ ዔቁያና፤

ሞርኮ ሳርጌሎ ጾይቶኮ ሺራሢ ዋይዚሳ ዑኡዘፓ ዔቁያና፤
ሃሃ ዬይ ሳርጌሎ ጾይታ ጎዒ ሙካሢ ዔያታ ዛጋጾ
ናኣቶኮ ዓዶንሢ ዋልቃ ዔያቶኮ ጌሌም ላባንዳሢር
ፔኤኮ ናኣቶታጾ ዓውሳኒ ሺሪ ጊንሢም ዛጋባኤ።

4 ፒሊሰጻኤሜ ባይቃንዳ ዋዶ ሄሌኔ፤

ሃይቁዋጾ ቶሊ ዓቲ ጂሮሴና ሲዶናና ማኣዳንዳ ዓሳ ቢያ
ካኣሙዋያ ማዒ ሃኬ ሃኬ ዳዓንዳ ዋዶ ዑኬኔ።

ታኣኒ፣ ናንጊና ናንጋ ጎዳ ሃይቦፓ ዓቲ ባዘ ዓጮ ዓኣ
ካፕቶኦሪ ዜርፆ ማዔ ፒሊሰጻኤሜ ዓሶ ቢያ ባይዛንዳኔ።

5 ጋኣዛ ዓጮ ዳራ ጾዬ ፔኤኮ ቶኦኮ ሜኤዳንዳኔ፤

ዓሰቁሎና ዓሳ ዚቲ ጋዓንዳጉዲ ማዲንታንዳኔ።
ፒሊሰጻኤሜ ዶኦጮይዳ ባይሲንቶፓ ቶሊ ዓቲ ዓኣ ዓሳ
ዑፆ ፔኤኮ ቲሊንጎና ቲቂ ቲቂ ጾያሢ ዋማ ሄላንዳኣናዳጾ?

6 ናንጊና ናንጋ ጎዳኮ ጨንቾ ዓራፓሦ! ማዶ ሃሺ ኔ ሃውሻንዳ ዋዳ
ዓይዲዳይ?

ሃዳራ ኔኤኮ ጎንጎሮ ጋር ጌሊ ሃውሹ ጌይ ጌይ ዒንሢ
ዒላታንዳኔ።

7 ጋዓንቴ ታኣኒ፣ ናንጊና ናንጋ ጎዳ ዒዛም ዒንጌ ማዶ ኩርሱዋጾ
ዋይቲ ዒዚ ሃውሻንዳይ?

ዓሰቁሎናና ባዘ ዓጮናይዳ ናንጋ ዓሶ ኩርሳንዳጉዲ ዒዛ
ታኣኒ ዓይሄኔ።»

47:1 47:1 ዒሲ. 14:29-31፤ ሂዚ. 25:15-17፤ ዒዲ. 3:4-8፤ ዓሞ. 1:6-8፤ ሶፖ. 2:4-7፤ ዛካ. 9:5-7።

48

ሞዓኣቤኮ ባይሲንቶ

1 ዒሰራዔኤሌ ጾኦሲ ማዔ ቢያ ባኮ ዋይሣ ጎዳሢ ሂዚ ጋዓኔ፦

«ኔቦ ካታማ ሻሂንቲ ዶዒ ባይቃንዳሢሮ

ኔቦ ዴሮ ባዴዔ፤

ቁሪያታይሜ ካታማኣ ሞርኮ ኩጮ ጋሮ ጌላንዳኔ፤

ዶዒ ማዒ ዓኣ ዒዘኮ ዋርዲዮ ኬኤላ ሻሂንታንዳኔ፤

ዴራኣ ዒዘኮ ዳውሲንታንዳኔ።

2 ሞዓኣቤኮ ቦንቹንታ ጋፓንዳኔ፤

ሃሴቦኦኔ ባይዛኒ ዓሳ ዘርቲ ዔቃንዳኔ፤

ዔያታ፦ ሂኒ ዬውዋቴ፣ ሃይካፓ ሴካ ሱንሢ ዒዘኮ

ኬሰኩዋጉዲ

ኑኡኒ ዒዘ ባይዘዎ፣ ጋዓንዳኔ፤

ዒንሢ ማድሚኔ ካታሞ ዓሳ! ጨንቹ ዓራፖ ዒንሢ ዳውሳንዳሢሮ

ዔኤቢ ጎውዋፖ ዚቲ ዒንሢ ጋዓንዳኔ።

3 ሆሮናይሜ ካታሞይዳ ሄላንዳ ባይሲንቶና

ዔያታ ዒላታንዳ ዒላቶ ዋይዙዋቴ።»

4 «ሞዓኣቤ ካታሞ ዶይሲ ባይዘናኔ፤

ዬያሮ ናኣታ ዒዘኮ ዒላታኔ።

5 ሌካ ዔያታ ሉሂቴ ካታሞ ጾዳኣና ዒናፓ ዬኤካንዳኔ፤

ሆሮናይሜ ባንሢ ሊካ ዔያታ ኬዳኣና

ካታማ ዶዒ ባይቆሢሮ ዋኣዪሢ ዑኡሲ ዋይዚሳንዳኔ።

6 ዔያታ ዋሊ ኮይላ፦ «ዒንሢኮ ሸምፖ ዓውሳኒ ሩኡሪ ጳሽኩዋቴ!

ዓሲ ናንጉዋ ዳውሎ ኪርሞሎጉዲ ባባራኑዋቴ!» ጋዓንዳኔ።

7 «ሞዓኣቤ ዴራዮቴ! ዒንሢ ዒንሢኮ ዋልቆና

ቆሎ ሚርጉሞናይዳ ጌኤቁንቴኔ፤

ሃሢ ጋዓንቴ ዒንሢ ዲዒንቲ ዔውታንዳኔ፤

ኬሞሼ ጌይንታ ጾኣዛ ዴኤፖ ሱኡጎና ቄኤሶና ዋላ ዲዒንቲ

ዔውታንዳኔ።

8 ናንጊና ናንጋ ጎዳ ኬኤዜ ጎይያ

ባይዛሢ ካታሞ ቢያ ሙካንዳኔ፤

ፔቴታፖ ቶላንዳ ዓሲ ባኣሴ።

ዶኣጮንታ ቦኣሎንታ ኩርሲ፣ ባኣያ ማሃንዳኔ።

48:1 48:1 ዒሲ. 15:1—16:14፤ 25:10-12፤ ሂዚ. 25:8-11፤ ዓሞ. 2:1-3፤ ሱፖ. 2:8-11።

9 ሞዓኣቤ ሳዓ ጎሺ ጎሽኪንቱዋያ ጉሪ ሳዓ ማዒ ዓታንዳጉዲ ሶኦጌ
ዒኢካ ላኣሉዋቲ፤

ዬኖ ዓጫ ዓኣ ካታማኣ ዓሲ ናንጉዋያ ጉሪ ቤሲ ማዓንዳኔ።»

10 ቄል ጌራ ናንገና ናንጋ ጎዳኮ ማዶ ዒናፓ ማዲ ኩንሁዋይ
ጋዳንቁንቲያ ማፆም! ናንገና ናንጋ ጎዳ ዓይሣ ዋዶና ጨንቾ ዓራፓ
ዓሲ ዋዶዋጉዲ ላኣጋ ዓሲያኣ ጋዳንቁንቲያ ማፆም!

ሞዓኣቤ ካታሞኮ ሻሂንቲ ደዒያ

11 ናንገና ናንጋ ጎዳ ሂዚ ጋዓኔ፡- «ፔቲ ያቲፓ ማሌ ያቲዳ
ዛኣሪንቱዋያ ዓታሎና ዋላ ዓኣ ዋይኔ ዑሺ ዓኣፃ ጎይፆማ ዓኣፃ
ዴዳዓኔ፤ ማሌ ማሌ ጎዑዋሴ፤ ዬያጉዲ ሞዓኣቤ ዴራ ዓጫ ዔያቶኮ
ዔያቶሮ ማዒ ዔቁማፓ ዓርቃፆ ማታዲ ሴካ ሃንጋ ዓገጹዋፆ
ዴዔኔ፤ ዲዒንቲ ማሌ ዓጨያኣ ዔያታ ዔውቲ ቤቁባኣሴ። 12 ፔቲ
ዓሲ ዋይኖ ዑዠ ያታፓ ላኣሊ ዬኖ ጉሪ ማዔ ያቶ ዋዶሢጉዲ፣
ታኣኒያ ሞዓኣቤ ካታሞ ደይሲ ባይዛንዳያና ዴሮዋ ዔኪ ማሌ
ቤሲ ሸኢሻንዳ ዓሲ ዳካንዳ ዋዴ ዑኩኔ። 13 ዒሰራዔኤሌ ዓሳ
ጉሙርቃ፣ ቤኤቲሌይዳ ዳኣቢ ዔቁሶና ያኣዘይዳ ማዳንቲ ባኮና
ዔያታ ቦርሲንቲሢጉዲ ሞዓኣቤ ዓሳኣ ኬሞሽ ጌይንታ ያኣዘይዳ
ታ ማዳ ባኮና ቦርሲንታንዳኔ።»

14 «ሞዓኣቤ ዴራዮቲ! <ኑኡኒ ያልዚና ዔርቲያ
ያልዚ ያሊያ ኑ ዛጊ ማኒ ኬሰኬያኬ» ጌይ ዋይቲ ዒንሣ
ያቶርቃይ?

15 ሞዓኣቤ ካታማ ሃይሾ ሻሂንቲ ደዔኔ፤
ሚዛጲ ሚዛጲ ማዔ ዴጌሢ ቲቁንታኒ ዒኢካ ዋቲኔ፤
ታኣኒ፣ ካኣታሢ ዬያ ጌዔኔ፤ ሱንፃ ታኣኮ <ቢያ ባኮ ዋይሣ ጎዳ
ጌይንታኔ።

16 ሞዓኣቤኮ ባይቁፃ ዑኩኔ፤
ሻሂንቲ ደዓንዳ ዋዳኣ ሩኡሪ ዬዔኔ።»

17 «ዒዘኮ ዴኤፖ ሱንፃ ዔራያ ማዒ፣ ኮይላ ዑኩ ናንጋ ዴራ ቢያ፡-
<ዒዘኮ ቢታንቶ ዔርዛ ዴኤፖ ዋልቃ ዋይቲ ጉሪ ማዔፆ፤
ደዶ ካኣቲሞ ኮኣላኣ ዋይቲ ማቁፆ ጌይ ቃዩ ዬኤኩዋቲ!

18 ዙሎ ዲርቆና ኬኤሎ ዲፃ ሻሂንቲ ደዔሢ ኩሊንቲ ቤሲ
ማዓንዳጉዲ
ሞዓኣቤ ሻሂ ባይዛንዳሢ ሃይሾ፣ ሃይካ ዓኣሢሮ
ዲቦኔ ካታሞይዳ ናንጋ ዓሳ፣ ዒንሢ ቢያሢ
ዒንሢኮ ቦንቾ ቤዛፓ ኬዲ ሳፆ ሲላሎይዳ ዴውዋቲ፤

19 ዒንሢ ዓሮዔኤሪይዳ ናንጋ ዓሳ ቢያ

ጎይያ ዓጫ ዔቂ ካፑዋቱ፤
ፑኒ ዴንዳ ዓቲንቆና ቶሊ ዴንዳ ላኣሎና ቢያ ያኑጪ
ዬይ ዓይጎ ባኣዚታቲያ ዔሩዋቱ።

20 ሞዓኣቤ ሻሂንቲ ዳውሲንቲ ሎአሞ ሎኦሚሂሮ
ዒላቲ ቃዪ ቃዪ ዬኤኩዋቲ፤
ዒዛ ዓሲ ናንጉዋ ዓጪ ማዔሂ ዓርኖኦኔ ዋሮ ኮይላ ዓኣ
ዓጮሞ ቢያ ኬኤዙዋቲ።

21-24 «ዓሊ ማዔ ቤዘይዳ ማዢንቲ ካታሞ ጌይፃ፡- ሆሎኔ፥
ያሂፃ፥ ማፓዓቲ፥ ዲቦኔ፥ ኔቦ፥ ቤትዲብላታይሜ፥ ቂሪያታይሜ፥
ቤትጋሙሎ፥ ቤትሚዖኔ፥ ቂሪዮቲንታ ቦዲራ ጌይንታ ካታሞንታ፤
ዑኬያ ሃኬያ ዓኣያ ማዔ ሞዓኣቤ ካታሞ ቢያሂዳ ዴኤፒ ማታ
ዬዔኔ፤ 25 ሞዓኣቤኮ ዋለቆ ማዔ ባካ ማቄኔ፤ ቢታንታኣ ዒዘኮ
ዔውቲኔ፤ ዬያ ጌዔሂ ታሩ፥ ናንጊና ናንጋ ጎዳኬ።»

ሞዓኣቤኮ ዳውሲንቶ

26 ናንጊና ናንጋ ጎዳ ሂዚ ጋዓኔ፡- «ታኣሞ ዒዛ ዋይዘ ዓዲ
ዖቶርቄሂሮ ሞዓኣቤ ዑሺ ማሂሱዋቲ፤ ዒዛ ፔኤኮ ጮኣዢይዳ
ኮላዶንጎ፤ ዓሲም ዒዛ ሚኢቶ ባኣዚ ማዖንጎ፤ 27 ሞዓኣቤ!
ዒሰራዔኤሌ ዉዘና ዋላ ዓዲንቲባኣቲያ ኔኤኒ ዒዘ ሚኢጪ፥ ዒዘ
ዘሎ ኔኤኒ ኬኤዛዖ ቶኣኮ ኔኤኮ ኔኤኒ ዓጊሂኔ።

28 «ሞዓኣቤ ካታማ ናንጋ ዴሬዮ! ዒንሂኮ ካታሞ ሃሺ
ማጊ ዓቶዳ ፔኤኮ ማኣሮ ማዢ ዶኣሌጉዲ ዴኤፒ ሹቶ ባኣካ
ዴንዲ ናንጉዋቲ። 29 ሞዓኣቤ ሚርጌና ዖቶርቄ፥ ፔናኣ ዴግ ዴጊዲ
ሆኦሊንታያ ማዒ ዒኖዋ ፔኤኮ ሹቶ ማሂሂ ታኣኒ ዋይዜኔ። 30 ታኣኒ
ዒዘኮ ዖቶርሞ ዔራኔ፤ ሄርሺንቶንታ ዒዛ ማዳ ማዶንታ ጉሪኬ።
31 ሞዓኣቤ ዘሎ ታኣኒ ዋኦ! ዋኦ! ጋዓንዳኔ፤ ሞዓኣቤ ዓሶ ጉቤሂ
ዘሎ ዑኡዘ ዴጊዲ ታኣኒ ዒላታንዳኔ፤ ቂሪሄሪሪ ዓሶ ዘሎዋ ዖዪ
ታኣኒ ዬኤካንዳኔ። 32 ያዕዜሬ ዳሮ ዘሎ ታኣኒ ዬኤካሰካፓ ባሺ
ሲቢማ ዳሮ ዘሎ ዒላቲ ዒላቲ ዬኤካንዳኔ፤ ሲቢማ ካታሚሌ!
ኔኤኒ ኔኤኮ ካኣፓ ባልጊ ዴንዲ ሶኦጌ ባዚና ጌይ ያዕዜሬ ሄሌ
ዋይኔጉዲኬ፤ ጋዓንቲ ኔኤኮ ጎሮኪ ካፄ ዓኣፖ ባይዛሂ ሃይሾ
ሙኩኔ። 33 ማሊ ማዔ ዓጪሎ፥ ሞዓኣቤይዳፓ ዋዛንታ ሚኢቶንታ
ዔውቲኔ፤ ዋይኖ ጩኡጶ ቤዘ ቢያይዳ ዋይኔ ጩኡጶንታይ ባኣያ
ማዓንዳጉዲ ታኣኒ ላኣኔ፤ ዋዘና ሶራይቲ ሶራይቲ ዒኣካ ዋይኖ
ሄርቂ ጩኡጶንዳ ዓሲ ባኣሰ፤ ዔኤቢኮ ዑኡሲ ዋይዚንታያ ማዔቲያ
ዋዘ ዑኡሲ ዓሲ ዋይዛዓኬ።

34 «ሃሴቦኮኔና ዔሊዔኤሌ ዴሮና ዑኡዞ ፔኤኮ ጰገዲ ዒላታኔ፤ ዒላታ ዔያቶኮ ዴንዲ ያሃፄ ሄሊ ሱታኔ፤ ሃሃ ያዓሬፓ ዴንዲ ሆሮናይሚና ዔግላትሺሊሺያ ጌይንታ ቤዛ ዋይዚንቲኔ፤ ኒሚሪሚ ዋኣፃኣ ሚጩኔ። 35 ሞዓኣቤ ዓሳ ፔ ያኦዞሞ ዒንጋ ባኮንታ ዚጋ ዚገገንታ ዑንጆ ጩቢሻሢያ ታኣኒ ላኣጊ ሃሺሳንዳኔ፤ ዬያ ጌዔሢ ታና፣ ናንጊና ናንጋ ጎዳከ።

36 «ሞዓኣቤና ቁሪሄሪሴናይዳ ናንጋ ዴራ ፔኤኮ ዓኣ ባኮ ቢያ ባይዚ ኩቺ ጉሪ ማዓንዳሢሮ ሹሉንጎ ዋርቁ ዋርቁ ቃያ ዓሲጉዲ ታኣኒ ዔያቶ ቃዪ ዬኤካንዳኔ። 37 ሞዓኣቤ ዴራ ፔኤኮ ማኣሮኮ ዑይይዳ ዓኣ ጰጌ ቤዘና ጎይያ ዓጮናይዳ ዴዒ ዬኤካንዳኔ፤ ዒሚና ዓቲንቃ ፔኤኮ ቡኡጮ ሚኤዳንዳኔ፤ ዴራ ሃሃ ፔኤኮ ቶኦኮ ጉኡላንዳኔ፤ ኩጮ ዑያዋ ቲሊንጊና ዔያታ ቲቃንዳኔ፤ ሃሃ ሲዬ ፓቲሌያኣ ዔያታ ማኣዓንዳኔ። 38 ሞዓኣቤ ታኣኒ ፑርቲ ሚሄጉዲ ዋዴሢሮ ማኣሮኮ ቶኦካ ዓኣ ጰጌ ቤዘና ዴራ ቡካ ቤዘናይዳ ቢያ ዬኤፒፓዓቲሞ ሚሌ ዋይዚንታንዳ ዑኡሲ ባኣሲ። 39 ሞዓኣቤይዳ ዓይጎ ዲቃሃ ባኣዚ ሄሊሞዳያ ዒዛ ዬኤካሢ፤ ዋይቲ ዒዛ ቦርሲንቲ ዓኣፖ ካሮ ሺርሺያ? ዬያሮ ዒዛ ዒዞኮ ዓሺኖ ማዔ ዓጮሞ ቢያ ሚኢቺ ሚኢጮያና ዓሶ ዲዲቃሢያ ማዒ ዓቲኔ።»

40 ጋኣዞ ፔኤኮ ፒሺ ሊካ ባራኒ ከዳ ኮኦከጉዲ ሞዓኣቤ ባንሢ ሞርኬ ዠኡዠቺ ሙካሢ ናንጊና ናንጋ ጎዳ ከኤዜኔ፤ 41 ካታሞና ዋርዲኖ ቤዘና ቢያ ዓርቁንታንዳኔ፤ ያዲ ማዓዛ ሞዓኣቤ ዓጮኮ ያሎ ዓሳ ሸይቺ ዓርቁ ላኣሊጉዲ ዒጊቹሞና ሜታዳንዳኔ፤ 42 ሞዓኣቤ ታኣሞ ዋይዞ ዒፂ ያቶርቁሢሮ ሻሂንቲ ዶዒ ባይቃንዳኔ፤ ሃይካፓ ሴካ ካኣቲ ዓኣ ዓጪ ማዒ ዔርታዓከ። 43 ሞዓኣቤ ዴራዮቴ! ናንጊና ናንጋ ጎዳ ሂዚ ጋዓኔ፡- «ዒንሢ ካፒ ዓኣሢ ዒጊጪ ካራ ባይቁሢ፤ ዲቁ ሎንሢ ባኣዚ፤ ዔቲንታ ፒሮንታከ።» 44 «ዬያ ዒጊቺ ካራ ባይዛ ባኮፓ ቶላኒ ጳሽካሢ ዔቲይዳ ሎኦማንዳኔ፤ ዔታፓ ኮኦሚ ከሰካሢ ሃሃ ፒሮና ዓዲንታንዳኔ፤ ሞዓኣቤ ሜቶ ዛጋንዳ ከሊ ታኣኒ ዔኪ ዬዓንዳኔ» ጋዓኔ። 45 ፑኒ ቶሎሮ ጳዠና ላቤ ዓሳ ሃሴቦኮኔና ዓጮኮ ሺቦ ዴማ ዴዔኔ፤ ዔያታ ዬያይዴሢ ታሚ ሃሴቦኮኔይዳ፤ ታሚኮ ሎሰታ ሲሆኔይዳ፤ ጋዔ ሞዓኣቤ ያሎ ዓሶኮ ቤርታ ከሰኪ ያላ ጮርዠ ዓሶንታ ኮይላ ካኣላ ዓሶዋ ሙዔሢሮከ። 46 ሞዓኣቤ ዓሶ ዒንሢ ባዴዔቴ! ካሞሽ ጌይንታ ያኦዞ ዚገ ካኣሽካ ዴሮ ዋዲ ኩርሶናኔ፤ ዓቲንቆንታ ዉዴሮ ናኣቶንታ ዔያቶኮ ዲዒንቲ ዔውቲኔ።

47 «ያዲ ማዔቲያ ሞዓኣቤ ዓጮኮ ዓኣ ቆሎ ታኣኒ ጊንሢ ማሃንዳ ከሊ ዬዓንዳኔ» ጋዓኔ፤ ናንጊና ናንጋ ጎዳ፤ ሞዓኣቤይዳ ዓጎና ፑርቶ

ባካ ያዲና ጋፔኔ።

49

ዓሞኦኔ ዓጮ ዛሎ ኬኤዚንቲ ያኦሲ ማሊሢ

1 ናንጊና ናንጋ ጎዳ ዓሞኦኔ ዓጮ ዛሎ ሂዚ ጋዓኔ፡- «ዒሰራዔኤሌ ዓሶኮ ዓቲንቄ ናይ ባኦዓዳ? ዔያቶ ዳካላያኦ ባኦዓዳ? ሂዳዎ ያኦዞ ማሂ ካኦሽኩ፡ ሚልኮሚ ካኦሽካ ዓሳ ጋኦዴ ፃጶ ደውሲ ደኪ ካታሞይዳ ዔያቶኮ ዴዔሢ ዎይቲሢሮዳይ? 2 ዴያሮ ዓሞኦኔ ዓጪ ካታማ ማዔ ራኦባ ያላኒ ያላ ዓሲ ታኦኒ ዔኤላንዳ ኬሊ ዩዓንዳኔ፤ ዒዛ ሻሂንቲ ዶዔ ባኦዚ ኩሚያ፡ ሃሃ ዓሲ ናንጉዎ ጉሪ ቤሲ ማዓንዳኔ፤ ጉርዳ ዒዞኮ ታሚና ሚቲንታንዳኔ፤ ዩካፓ ዒሰራዔኤሌ ዓሳ ቤርታ ዔያቶ ሳዎ ቡሪ ዔኮናሢጉዲ ዒሚይዲ ማሂ ቡሪ ዔካንዳኔ። 3 ዓይ ካታማ ሻሂንቲ ዶዔሢሮ ዩኤኩዎቲ! ራኦባ ካታሞኮ ኮይሎ ጉርዳይዳ ናንጋ ዴራ ቢያ ዓላቲ ዩኤኩዎቲ! ያኦዞ ማሂ ካኦሽኮ ሚልኮሚ ፔኤኮ ቄኤሶና ቄኤሶ ማኦዲ ማዳ ዓሶና ዎላ ዲዒንቲ ዔውቲሢሮ ሲዩ ፓቲሌ ማይንቲ ካታሞኮ ዙሎ ዲሮ ጋርይዳ ሴካ ሃንጋ ጳሽኪ ጳሽኪ ዩኤኩዎቲ! 4 ላኦፒ ላኦፒ ዓኦዳ ዎልቆና ዒንሢኮ ዒንሢ ዎቶርቃሢ ዎይታዛዳይ? ዒንሢ ሃይ ጉሙርቁዎ ዴራ! ሔና ያላንዳሢ ያናዳይ፤ ጌይ ዒንሢኮ ቆሎ ዲቡሞና ዒንሢ ዎቶርቄኔ። 5 ታኦኒ ዔያቶይዳ ቢያ ዛሎና ሂርጊሻ ሚቶ ዔኪ ዩዓንዳኔ፤ ቢያሢ ዒንሢ ፑኒ ጳሽካንዳኔ፤ ቢያሢ ፔ ካራና ካራና ጳሽኪ ዴንዳንዳሢሮ ዩያ ጳሽኬ ዓሶ ማሂ ቡኩሳንዳ ዓሲ ባኦሴ።

6 «ጋዓንቲ ዩካፓ ታኦኒ ዓሞኦኔ ዓሶኮ ዓኦ ባኮ ጊንሣ ማሃንዳኔ፤ ዩያ ጌዔሢ ታና፡ ናንጊና ናንጋ ጎዳኬ።»

ዔደኦሚ ዓሶ ዛሎ ናንጊና ናንጋ ጎዳ ኬኤዜ ባኦዚ

7 ቢያ ባኮ ዎይሣ ጎዳ ዔደኦሚ ዓሶ ዛሎ ሂዚ ጌዔኔ፡- «ቲማኦኔ ካታሞ ዴራ ሃያኮ ቤርታ ዔያቶሞ ዒንጊንቲ ዔራቶ ባይዚያ? ዔያቶ ዞራ ዓሳ ዞሪዎ ባሽንቲያ? ዔያቶኮ ዔራታ ዎካ ዓኦዳይ? 8 ዔኤሳዎ ዘርዎ ታኦኒ ሻርሻ ዎደና ሚቶ ዔያቶይዳ ዓጋንዳሢሮ፡ ዒንሢ ዴዳኔ ካታሞ ዴራ! ጊንሢሞ ጳሽኩዎቲ፤ ዴንዲ ካይካ ዔቲ ቆኦፔይዳ ፑኦዎቲ! 9 ዓሳ ዎይና ዓኦፖ ሶዮና ቲቂ ቲቂ ዔካ ዎደና ዎይናይዳ ዳካ ቃኦሎሚ ሃሻኔ፤ ዉሲ ዲሚና ሙኬቲያ ዔያታ ኮዓዞንሢ ሌሊ

49:1 49:1 ሂዚ. 21:28-32፤ 25:1-7፤ ዓሞ. 1:13-15፤ ሶፖ. 2:8-11። 49:7 49:7 ዒሲ. 34:5-17፤ 63:1-6፤ ሂዚ. 25:12-14፤ 35:1-5፤ ዓሞ. 1:11-12፤ ዓብዲ. 1-14፤ ሚል. 1:2-5።

ዔኪ ዴንዳኔ፤ 10 ታኣኒ ጋዓንቴ ዔኤሳዎ ዜርዎ ጋፒ ካላሳንዳኔ። ዔያታ ፑኒንታ ቤዘዎ ታኣኒ ፔጋሳንዳኔ፤ ዬያር ሃይካፓ ሴካ ዔያታ ፑናንዳ ካይዚ ዴንቃዓኬ፤ ዔያቶኮ ናኣቶንታ ዒጊኖንታ ዓሺናኣ ቢያ ባይቃንዳኔ፤ ዔያታኣ ናንጋዓኬ። 11 ዒንሢ ባኣካ ዓኣ ዜኤሮ ናኣቶ ሃሹዎቴ፥ ታኣኒ ዔያቶ ሹምፔና ናንጊሻንዳኔ፤ ሃሃ ዜኤሮ ዒንዶንሢ ታና ጉሙርቆንሳ።

12 «ሻርሺሢ ኮይሱዎ ዓሳታዎ ዬያ ማቶ ዔካያ ማዔቴ ዒንሢ ማቶ ዔኪ ሻርሺንቴዎ ዓታንዳያ ዒንሢሞ ማለ? ያዲ ማዓዓኬ፤ ዒንሢ ዬያ ማቶ ዔካንዳያ ኮይሳኔ። 13 ቦዲራ ካታማ ዓሲ ዒዒጊቻ፥ ዓሲ ናንጉዎ ዳውሌ ማዒ ዓታንዳሢ ታኣኒ ታና ጌፒ ጫኣቄኔ፤ ዓሲ ቢያ ዒዘ ሚኢቹ ባኣዚ ማሃንዳኔ፤ ሱንዎ ዒዘኮ ጋዳማ ሱንሢ ማሃ ዔያታ ኬኤዛንዳኔ። ዒዘኮ ኮይላ ዓኣ ጉርዳ ቢያ ናንጊና ሻሂንቴ ደዔያ ማዒ ዓታንዳኔ፤ ዬያ ጌዔሢ ታና፥ ናንጊና ናንጋ ጎዳኬ።»

14 ፔቴ ኪኢታ ናንጊና ናንጋ ጎዳ ኬኤዜያ ታኣኒ ዋይዜኔ፤ «ዔዶኦሜ ዴሮ ያላኒ ቡኩዎቴ! ያሎሮ ዔቁዎቴ!» ጌይ ኬኤዛንዳ ኪኢታ ዓሲ ዴሮ ኮይላ ዳኪንቴኔ። 15 «ዓካሪ ታኣኒ ኔና ካኣቶ ባኣካ ላኣፓ፤ ዴሮ ባኣኮይዳኣ ቦሂንቴ ዓሲ ማሃንዳኔ። 16 ላሎ ሹጮይዳ ኬሰኪ ናንጋዜሌ፥ ዳኮኮዎ ቶኦኮ ሃሊ ኔና ዳጊሴዜ! ኔኤኒ ዒጊቻያ ማዔሢና ዒናኣ ኔኤኮ ያቶርቃያ ማዔሢ ኔና ጌሹኔ፤ ዎዚ ኔኤኒ ኔኤኮ ማኣሮ ኮኦኬ ማዣ ቤሲዳ ማዜቴያ ታኣኒ ኔና ዬካፓ ጎቹ ኬይሳንዳኔ፤ ጋዓኔ፥ ናንጊና ናንጋ ጎዳ።»

17 ናንጊና ናንጋ ጎዳ ሂዚ ጋዓኔ፡- «ዔዶኦሜይዳ ማዲንቴ ባኮና ዓሲ ዲቃታያ ማዓንዳኔ፤ ዒኢና ዓኣዳ ዓሲ ቢያ ዛጋ ዎዶና ዲቃታንዳኔ፤ ዒዘይዳ ሃሌ ባይሲንቶዎ ዛጊ ዲቃቲ ሄርሻንዳኔ።

18 ሰደሜንታ ጋሞራ ካታሞንታ ዔያቶኮ ኮይላ ዓኣ ካታሞና ዎላ ሻሂንቴ ደዔ ዎዶና ዔያቶይዳ ሃሌ ዬያ ባይሲንቶጉዲ ዔዶኦሜይዳኣ ባይሲንታ ሃላንዳኔ። ለሚ ዬና ቤዘይዳ ናንጋንዳ ዓሲ ፔቴታዎ ባኣያ ማዓንዳኔ። 19 ዲሞ ጌዔ ዮርዳኖሴ ካዮይዳፓ ዘቢ ኬሰኪ ዓኣዔ ማኣቲ ዓኣ፥ ማራታ ሃንቃ ቤዘ ሙካሢጉዲ ታኣኒያ ዔርቲባኣንቴ ሙኪ ዔዶኦሜ ዓጮ ሱኡጎ ዳውሳንዳኔ፤ ዬካፓ ታኣኒ ኮዔ ሱኡጌ ዶኦሪ ጌሣንዳኔ፤ ታጉዴያ ያናዳይ? ታና ጫርቂ ያኦጫያኣ ያናዳይ? ታ ቤርታ ዔቂ ታና ቃዛንዳ ቆልሞ ሃንቃኔ ጋዓንዳ ቢቲ ያናዳይ? 20 ዬያሮ ታኣኒ ዔዶኦሜ ዴሮ ማዲኒ ማሌ ባኮና ቴማኣኔ ካታሞ ዴሮይዳኣ ዔኪ ዬዓኒ ማሌ ባኮ ዋይዘዎቴ፤ ናኣታ ዔያቶኮ ማራይጉዲ ጎቹንቴ ጎቹንቴ ዔውታንዳኔ፤ ዬያ ዛሎና ዔያቶ ዛጋ ዓሲ ቢያ ዲቃታንዳኔ። 21 ዔዶኦሜ ዓሶኮ ሎኦማሢ ዎይዛዎ

49:18 49:18 ማገሩ ማፃ 19:24-25።

ሳባ ዓገፃንዳኔ፤ ዲቃቲያ ዒላታ ዩይካፓ ዴንዲ ዞቄ ባዞ ሄሊ ዋይዘንታንዳኔ። 22 ኮኦኬ ጋኦዞ ፔኤኮ ፒሺ ዠኦኦዢ ኬዳሢጉዲ ሞርካ ቦዲራይዳ ኬዲ ዴባንዳኔ፤ ዬኖ ዋዶና ዔዶኦሚኮ ስሎ ዓሳ ሸይቺ ዓርቄሞ ሜታዳ ላኦሊጉዲ ማዓንዳኔ።

ዴማሰቆ ዞሎ ኬኤዘንቲ ያኦሲ ማሊሢ

23 «ሃማቴና ዓርፓዴ ካታሞናይዳ ናንጋ ዴራ ዴማሰቆኮ ባይሲንቶ ሃይሶ ዋይዞያ ዋኦቶንዶ ጎይሢ ባይዜኔ፤ ለካ ለካ ሂዒንቲ ሸራ ዴኤፒ ያኤሬ ዋኦሢጉዲ ዒና ዔያቶኮ ዲቃቲ ካራ ባይዜኔ። 24 ዴማሰቆ ዴሮኮ ዋልቃ ላቤኔ፤ ፑናኒ ዔያታ ገንሢሞ ማዔኔ፤ ዔያቶይዳ ዓገፃሞ ጌሌኔ፤ ሸይቺ ዓርቄ ላኦሊጉዲ ዔያታ ሜታዳኔ። 25 ዬና ዔርቲያ ማዔ ካታሜላ፤ ሃሃ ዋዞሳያ ማዔ ካታሜላ ዋይቲ ጉራ ዓቴራ? 26 ዬኖ ኬሎና ዬኖ ካታሞኮ ስሎ ስላ ዴጌ ናኦታ ካታሞ ሳዞ ዓኦ ጎይያይዳ ዋዲንታንዳኔ፤ ዒዞ ዓጮኮ ስሎ ዓሳኦ ዋዲንቲ ኩዳንዳኔ። 27 ዴማሰቆ ካታሞኮ ዙሎ ዲያ ቢያታሚና ታኦኒ ሚቻንዳኔ፤ ካኦቲ፣ ቤኔሃዳዴኮ ካኦቲሞ ማኦርሞ ታኦኒ ሚቻንዳኔ፤ ዬያ ጌዔሢ ታና፣ ቢያ ባኮ ዋይሃ ጎዳኬ።»

ቄዳሬና ሃያሬ ያጳ ዞላ ኬኤዘንቲ ያኦሲ ማሊሢ

28 ባብሎኔ ካኦቲ፣ ናብካዳናያኦሬ ስሊ ባሺ ቄዳሬና ሃያሬና ካኦቶ ዓጮ ዞሎ ናንገና ናንጋ ጎዳ ሂዚ ጋዓኔ፡- «ዔቆሞቴ፣ ቄዳሬ ዴር ስሎሞቴ፤ ዓባ ኬሰካ ባንፃ ዓኦ ዴሮ ባይዙሞቴ! 29 ዔያቶኮ ዓፒሎና ማዦ ማኦር፣ ዔያቶኮ ቆልሞ፣ ዔያቶኮ ኬኤያ ጋራ ጎኦቦ ዓፒሎንታ ጋራ ዔያቶኮ ዓኦ ሜሆ ቢያ ዔኩሞቴ፤ ዔያቶኮ ጋኦላሢያ ዒንሢሮ ማሂ ዔኩሞቴ። ኦና ባይዞ ባኦዚ ሙኬኔ!» ጌይ ዔያታ ዒላታንዳኔ።»

30 ሃያሬይዳ ናንጋ ዴሬዮቴ! ናንገና ናንጋ ጎዳ ሂዚ ጋዓኔ፡- «ባብሎኔ ካኦቲ፣ ናብካዳናያኦሬ ዒንሢሞ ዘርቄ ዔቄ ፑርታ ባኦዚ ዓኦሢሮ ጳሽኪ ዴንዲ ባይቆሞቴ፤ ኮሺ ዔታዳ ዴኔ ቆኦፔይዳ ፑኦሞቴ።»

31 ናንገና ናንጋ ጎዳ ሂዚ ጋዓኔ፡- «ካሮ ዋዶ ኮሞባሎንታ ጋጋርዞንታ ባኦያ፣ ፔኤሮ ሌሊ ማዒ ሜታባኦያ ኮንጋቲ ኮሺ ዴዒ ዓኦ ዴሮ ስላኒ ዴንዲሞቴ። 32 ዔያቶኮ ጋኦላሢንታ ሃንጎ ቆልሞንታ ዲዒንቲ ዔውታንዳኔ፤ ሻውሎና ሚዞቆ ዞሎ ጋንጋርናይዳ ዓኦ ጋፓኖ ሜኤዳ ዴሮ ቢያ ዲማ ዲማ ካራና ታ ዜርቄ ዳካንዳኔ፤ ቢያ ዞሎና ሜቶ ታ ዔያቶይዳ ዔኪ ዬዓንዳኔ።» 33 ዬያሮ ሃያሬ ናንገና ዉኡካ

49:23 49:23 ዒ.ሲ. 17:1-3፤ ዓሞ. 1:3-5፤ ዞካ. 9:1።

ናንጋያ፣ ዓሲ ናንጉዋ ጉሪ ቤሲ ማዒ ዓታንዳኔ፤ ለሚ ዒኢካ ሙኪ ማኣሪ ማዢ ናንጋንዳ ዓሲ ፔቴታዎ ጴዳዓኬ።

ዔኤላሜ ዴር ዛሎ ኬኤዚንቴ ያኦሲ ማሊሢ

34 ሴዴቋያሴ ዪሁዳይዳ ካካኦታዳማና ናንጊና ናንጋ ጎዳ ዔኤላሜ ዓጮ ዛላ ባኣዚ ታኣም ኬኤዜኔ፤ 35 ቢያ ባኮ ዎይሣ ጎዳሢ ታኣም ሂዚ ጌዔኔ፡- «ዔኤላሜ ሃኣዲ ዎልቃዲያ ማዓንዳጉዲ ማሄ፣ ዒዞ ዛሎ ሂኢዢና ያልታ ዓሶ ታኣኒ ዎዲ ባይዛንዳኔ። 36 ቢያ ዛሎና ሴካ ሃንጋ ዒዞ ሂዓንዳ ዢባሬ ታኣኒ ዢባርሺሻንዳኔ፤ ዴር ታ ዒዞኮ ቢያ ቤሲዳ ዜርቃንዳኔ፤ ዬያር ዒዞፓ ዳውሲንቴ ዴንዴ ዓሳ ዴንዲዎ ዓታንዳ ዓጪ ባኣሴ። 37 ዔኤላሜ ዴራ ዔያቶኮ ሸምፓሣ ዎዳኒ ኮዓ ሞርኮ ዒጊጫንዳጉዲ ታኣኒ ጎጳ ሻኣሎ ዔያቶኮ ዎሃንዳኔ። ዔያቶ ባይዛንዳ፣ ታኣኮ ዴኤፖ ዳጎታ ዔያቶይዳ ዔኪ ዬዓንዳኔ፤ ጋፒ ዔያታ ቲፅ ጋዓንዳያ ሄለንዳኣና ያልዚና ዔያታ ዳውሲንጎታንዳጉዲ ታ ማሃንዳኔ። 38 ዒዞ ዓጮይዳ ካኣታዲ ዓኣ ካኣቲንታ ሱኡጎንታ ታኣኒ ባይዛንዳኔ፤ ታኣኒ ዒኢካ ካኣታዲ ዎይሣንዳኔ። 39 ያዲ ማዔቴያ ዔላኣሜኮ ዲዒንቴ ዔውቴ ባኮ ቢያ ታኣኒ ማሃንዳ ዎዴ ዬዓንዳኔ፤ ዬያ ጌዔሢ ታና፣ ናንጊና ናንጋ ጎዳኬ።»

50

ባብሎኔ ሞርኮና ዓዲንታንዳሢ ዛላ ኬኤዚንቴ ያኦሲ ማሊሢ

1 ባብሎኔንታ ዒዞይዳ ናንጋ ዴርንታ ዛሎ ናንጊና ናንጋ ጎዳ ታኣም ሂዚ ጌዔኔ፡-

2 «ዴሬም ቢያ ዳጊዲ ሃይሶ ኬኤዙዋቴ!
ባንዲራ ዔኪ፣ ዬያ ዛሎ ዓሶም ኬኤዚ ዔርዙዋቴ!
ዓኣቲንታ ባኣዚ ማሂ ፔቴ ባኣዚታዎ ዓይሲፖቴ!
ሃይሾ ባብሎኔ ዓዲንቴኔ፤ «ቤሌ» ጌይንታ ያኣዛ ዳውሲንቴናኣኮኬ፤
«ማርዱኬ» ጌይንታ ያኣዞዎ ሜንሦናኔ፤
ባብሎኔይዳ ካኣሽኮ ሜሌ ያኣዛ ቦርሲንቴኔ፤
ሻኣካያ ማዔ፣ ዬያ ያኣዞኮ ማሊሢያ ሜንሢ ኩርሶናኔ።»

3 «ባብሎኔይዳ ያልዚ ቡሊ
ሳዔሎ ዓሲ ናንጉዋ ጉሪ ሳዓ ማሃንዳ ዓሲ ኬዳ ዛላፓ ዔቄኔ፤
ዓሲንታ ቆሎንታ ቢያ ዒኢካፓ ፑኒ ዴንዲ ባይቃንዳኔ፤
ዒኢካ ናንጋንዳ ባኣዚ ባኣሴ።»

ዒሰራዔኤሌኮ ጊንሣ ፔ ዓጮ ማዒዎ

4 ናንጊና ናንጋ ጎዳ ሂዚ ጋዓኔ፡- «ዎዶና ኬሎና ሄላዛ፡
ዒሰራዔኤሌና ዪሁዳና ዴራ ፔቴይዳ ታና፡ ዔያቶኮ ያኦዛሢ ኮዒ
ዩኤኪ ዩኤኪ ዩዓንዳኔ፤ 5 ዪዮኔ ባንሢ ዔኪ ዴንዳ ጎይዖ ዔያታ
ያኦጫንዳኔ፤ ዒማ ዔያቶሞ ዳዎና ጎይዖማ ዔያታ ዓኦጳንዳኔ፤ ታኦና
ዎላ ዔያታ ናንጊና ናንጋ ጫኦቁሞ ጫኦቃንዳኔ፤ ፔቴታዖ ዔያታ ዩያ
ጫኦቁሞ ሃሻዓኪ።።

6 «ዴራ ታኦኮ ዣኦሊ ባይቄ ማራይ ማዔኔ፤ ሄንቃ ዓሳ ዔያቶ
ዣኦሊሴኔ፤ ዴኮይዳ ዔያታ ታኦኮ ማራቶ ዣኦሊሲ ባይዜኔ፤ ዴካፓ
ጌሚር ባንሢ ዣኦሊ ዴንዳ ማራይጉዲ ታኦኮ ማራታ ዣኦሊኔ፤
ሙኪ ሺሪ ዎርቆ ቤዘዎ ታኦኮ ማራታ ባይዜኔ። 7 ማራቶ ካይዚ
ቦዖ ሙዓሢጉዲ ታኦኮ ዴር ዴንቄሢ ቢያ ሾኦሊ ሙዓኔ፤ ዔያቶኮ
ሞርካ፡- ኦኡኪ ፔቴታዖ ማዴ ፑርታ ባኦዚ ባኦሴ፤ ሃይ ቢያ ፑርቶ ባካ
ዔያቶይዳ ሄሌሢ ዔያቶኮ ቤርታኦ ዓዶንሢ ጉሙርቄ ናንጋ፡ ናንጊና
ናንጋ ጎዳሢሞ ዔያታ ዎይዘ ዒፃሢሮኪ፤ ዔያታኦ ዔያቶኮ ቤርታኦ
ዓዶንሢጉዲ ዒዛሞ ጉሙርቄንታያ ማዒ ናንጋንዳያታዖኪ ዓቴሢ።።

8 «ዒሰራዔኤሌ ዴሬዮቴ! ባብሎኔፓ ፑኒ ጳሽኪ ኬሰኩዎቴ!
ዓጬሎ ሃሽ ዴንዳዎቴ! ዎኦርኮ ቤርታ ሶርፒ ማዒ ጎቻ ኮላይጉዲ
ማዑዎቴ! 9 ኪዴና ዛሎይዳፓ ዎላ ፔቴ ማዒ ዔቄ ዴሬና
ባብሎኔ ታኦኒ ያሊሻንዳኔ፤ ዔያታኦ ዒዘ ያላንዳኔ፤ ዩካፓ ዔያታ ዒዘ
ዓርቃንዳኔ፤ ዔያቶኮ ሂኢዣ ዴኪንታኦና ዳቡዎዖ ዴካ፡ ጎኦባ ያልዚ
ዓሲ ሂኢሻጉዲ ማዓንዳኔ። 10 ባብሎኔ ቡሪንታንዳኔ፤ ቡራ ዓሳ
ዔያቶሞ ጊዳንዳዖ ሄላንዳኦና ዴንቄ ባኮ ቢያ ዒኢፓ ዔካንዳኔ፤ ዩያ
ጌዔሢ ታና፡ ናንጊና ናንጋ ጎዳኪ።።»

ባብሎኔኮ ሎኦሚዖ

11 ናንጊና ናንጋ ጎዳ ሂዚ ጋዓኔ፡- «ባብሎኔ ዴሬዮቴ! ታኦኮ
ዴር ቡሪዖና ዎዛዲ ዒንሢ ዒላሻ ኮኦሜኔ፤ ዘኦዜይዳ ሚሻኪ
ዪካ ማርጉዲ ዒንሢ ዪኪ፡ ዚያ ፓርጉዲያ ዒንሢ ኩኡኪ ያኦሊኔ፤
12 ሃሢ ጋዓንቴ ዒንሢኮ ጴኤፖ ካታሚላ ሚርጌና ዳውሲንታንዳኔ፤
ዒንሢኮ ዓጬላ ዳውሲንታንዳኔ፤ ሜሌ ካኦቶ ዓጬይዳፓ ሃቶ ዓጪ
ማዓንዳኔ። ዎኦሢ ዒዘይዳ ባኦያ ማዒ ዓሲ ናንጉዎ ዳውሌ ዒዘ
ማዓንዳኔ። 13 ታኦኮ ዳጋፓ ዔቄያና ባብሎኔይዳ ናንጋንዳ ዓሲያኦ
ባኦሴ፤ ሻሂንቴያ ማዒ ዒዘ ዓታንዳኔ፤ ዒኦና ኮርሳ ዓኦዳ ዓሲ ቢያ
ሄርሻ ዴቃታንዳኔ፤ ሚኢጪያ ሚኢጫንዳኔ።።

14 «ዒንሢ ሂኢዣና ያላ ዓሳ፡- ባብሎኔ ያላኒ ሙኪ ዒዘ
ማንጉዎቴ፤ ታኦኒ፡ ናንጊና ናንጋ ጎዳ ዔያቶ ላኦኔ ባኦዚ ማዲ

50:8 50:8 ዮሃ. ዖፕ. 18:4።

ዔያታ ጎማዳሢር ዒንሢኮ ሂኢዠና ቢያ ባብሎኔ ዱኩዋቲ፤ ሂኢዠ
 ዒንሢኮ ሚጨንቲፖቲ። 15 ካታሚሎኮ ኮይሎ ሺሪ ሺሪ ዲቃሣ
 ዑኡሲ ዋይዚሱዋቲ! ባብሎኔ ኩጮ ዒንጊናኣኮኬ፤ ዳዒ ካፖ ካፖ
 ዳጌ ቤዛ ደዔኔ፤ ኬኤሎ ዲፃኣ ዒዞኮ ሻሂንቲኔ፤ ባብሎኔ ዓሶ ታኣኒ
 ኮሜ ኮፃንዳኔ፤ ዒንሢያ ዔያቶ ኮሚ ኮፁዋቲ፤ ሜሌ ዓሶይዳ ዔያታ
 ሚጨንቲዋፖ ማዳ ጌኖ ማዳ ዔያቶይዳ ማዳዋቲ። 16 ጎዠይዳ ዜርዖ
 ዜርቃሢንታ ሃኣኮ ቡኩሳሢንታ ባብሎኔፓ ባይዙዋቲ፤ ዬያር ዬኖ
 ዓጮይዳ ሙፒ ዓሲ ማዒ ናንጋ ዓሳ ዬያ ፆላ ዓሶ ዒጊጨ ፔ ዒጊኖ
 ባንሢ ማዒ ዳንዳንዳኔ፤ ፔ ዓጮ ጊንሣ ማዒ ፑኒ ዳንዳንዳኔ።»

ዒሰራዔኤሌ ዳርኮ ፔ ዓጮ ጊንሣ ማዒያ

17 ናንጊና ናንጋ ጎዳ ሂዚ ጋዓኔ፡- «ዒሰራዔኤሌ ዳራ ዘቢ ዳውሲ
 ዣኣኢሲ ዳካ ማራይጉዲ ማዔኔ፤ ቤርታ ዔያቶ ዓሶኦሬ ካኣቲ ሸኣኢ
 ሸኣኢ ሙዔኔ፤ ዬካፓ ሃሣ ባብሎኔ ካኣቲ ናብካዳናፆኦሬ ሜጌዖ
 ጋኣሺ ሙዔኔ። 18 ዬያር ታኣኒ፡ ዒሰራዔኤሌ ፆኦዛሢ ማዔ ቢያ ባኮ
 ዋይሣ ጎዳሢ ዓሶኦሬ ካኣቲ ሚቶይዳ ዓጌሢጉዲ ናብካዳናፆኦሬጎታ
 ዒዞኮ ዓጮዋ ታኣኒ ሚቶይዳ ዓጋንዳኔ። 19 ዒሰራዔኤሌ ዳር
 ጊንሣ ታኣኒ ዔያቶኮ ዓጮ ማሃንዳኔ፤ ቁርሚሎሴ ዱኮና ባኣሳኣኔ
 ዓጮናይዳ ባቃላንዳ ባኮ ቢያ ዔያታ ሙዓንዳኔ፤ ዔፕራሬሜና
 ጌሌዓዳ ዓጮናይዳ ባቃላንዳ ሃኣኮይዳፓ ኮዔሢጉዳያ ዔያታ
 ሙዓንዳኔ፤ 20 ዬኖ ዋደና ዒሰራዔኤሌና ዪሁዳ ካኣቶ ዓጮ
 ዓሶናይዳፓ ቶሊሲ ታኣኒ ዓይሳንዳ ዓሶ ማኣራንዳሢር ጎማና
 ዳቢንቲና ዔያቶኮ ኮይንቲቲ ጳዳዓኬ።»

ናንጊና ናንጋ ጎዳ ባብሎኔ ዓጮይዳ ዓጌ ሜታሢ

21 ናንጊና ናንጋ ጎዳ ሂዚ ጋዓኔ፡- «ሚራታይሚና ፔቆዳና ዓጮ
 ዳር ፆሎዋቲ፤ ዔያቶ ዋዋዲዋቲ፡ ባባይዙዋቲ፡ ታኣኒ ዓይሣ ባኮ
 ቢያ ዔያቶ ማማዲዋቲ፤ ዬያ ጌዔሢ ታና፡ ናንጊና ናንጋ ጎዳኬ።
 22 ዓጮሎይዳ ፆላዚ ዑኡሲ ዋይዚንቲኔ፤ ዳኤፒ ባይሲንታኣ
 ኬዳኔ። 23 ዓጪ ዳሬ ካራና ሙቁሣጉዲ ዱይ ጋኣጮዜላ፡ ባብሎኔ
 ዋይቲ ጋኣጨንቲይ! ዋይቲ ዬያይዲ ሜቄይ! ሜሌ ዳር ባኣካ
 ባብሎኔ ዋይቲ ጉሪ ማዒ ዓቲይ! 24 ባብሎኔ! ታኣኒ ኔኤሞ ፒር
 ፒሬኔ፤ ኔኤኒ ጋዓንቲ ዔራዋፖ ዬያና ዓዲንቲኔ፤ ኔኤኒ ናንጊና ናንጋ
 ጎዳ ማካኒ ኮዔሢር ዬያና ፔጋዲ ኔኤኒ ዓዲንቲኔ። 25 ናንጊና ናንጋ
 ጎዳ ፔኤኮ ፆሎ ዓንጋዋ ጌሃ ኬኤፆ ቡሊ ፔኤኮ ዳጎ ዓንጋዋ ዔኪ
 ኬሰኬኔ፤ ቢያ ባኮ ዋይሣ ጎዳ ማዔ ፆኦዛሢ ዬያይዳሢ ካላዳ
 ዓሶ ዓጮይዳ ዒ ማዳንዳ ባኣዚ ዓኣሢርኬ። 26 ቢያ ዛሎና ዬኖ
 ዓጮሎ ፆላኒ ኬሰኩዋቲ፤ ሃኣካ ዒዞኮ ናቲንቲ ዓኣ ኮኖ ቢያ

ቡሉዋቱ፤ ዒኢፓ ዒንሢ ዲዒ ዔኬ ባኮ ሃኣኮጉዲ ናቲ ኩሉዋቱ፤ ፔቲ ባኣዚታዎ ዓይሱዋዎ ሳዔሎ ባባይዙዋቱ! 27 ዔያቶኮ ያሎ ያለ ዓሶ ሹካኒ ዒሺ ዴንዶ ገማይጉዲ ዔኬ ዴንዲ ዎዲዋቱ፤ ዔያቶይዳ ሜቶ ታኣኒ ዓጋ ዎዳ ሄሌሢሮ ባብሎኔ ዓሶ ባዴዔ!

28 «ናንገና ናንጋ ጎዳ ማዔ ኑ ያኦዛሢ ዔኬ ኮሞ፤ ዒዚ ፔኤኮ ጌኤዦ ማኣሮ ዛሎ ኮሚ ኮሞ፤ ባብሎኔፓ ጳሽኪ ቶሊ ሙኬ ዓሶንታ ዳውሲንቲ ዒኣካ ናንጋ ዓሶንታ ጃዮኔይዳ ኬኤዛ ባኮ ዎይዙዋቱ።»

29 ናንገና ናንጋ ጎዳ ሂዚ ጋዓኔ፡- «ሂኣሺና ዲካኒ ዳንደዓ ያልዚ ዓሲ ባብሎኔ ዴንዲ ያላንዳጉዲ ዔኤሉዋቱ፤ ዔያታ ካታሜሎ ሙኪ ማንጎንጎ፤ ያኣኒያ ቶሊ ዴንዲዋጉዲ ኮሺ ካፑዋቱ፤ ዒዛ ማዳ ፑርቶ ዛሎ ማሂ ዒዛሞ ዒንጉዋቱ፤ ሜሌ ዓሶይዳ ዒዛ ማዳ ጌና ማዳ ዒዛይዳ ማዲዋቱ፤ ዒዛ ዒሰራዔኤሌኮ ጌኤሺ ማዔ ያኦዛሢ፡ ታና ቶኦቹ። 30 ዬያሮ ዴጌሢ ዒዛኮ ካታሞ ሳዛ ዓኣ ጎይያይዳ ዎዲንታንዳኔ፤ ዒዛኮ ያሎ ዓሳኣ ቢያ ዒማና ዎዲንቲ ጋፓንዳኔ፤ ዬያ ጌዔሢ ታና፡ ናንገና ናንጋ ጎዳኬ።»

31 «ዎቶሬሌ፡ ባብሎኔ! ታኣኒ፡ ቢያ ባኮ ዎይሢ ጎዳ ማዔ ያኦዛሢ ኔ ገዳ ዔቃንዳኔ፤ ታኣኒ ኔገዳ ሜቶ ዓጋንዳ ዎዳ ሄሌኔ። 32 ኔኤኒ ሃና ያቶሬላ ሎኦሚ ኔ ሜቃንዳኔ፤ ኔና ኬኤሊንቂ ዔቂሳንዳ ዓሲ ባኣሴ፤ ካታሞ ኔኤኮ ታኣኒ ታሚና ሚቺሳንዳኔ፤ ኔ ኮይላ ዓኣ ባኮ ቢያ ታኣኒ ኩርሲሳንዳኔ።»

33 ቢያ ባኮ ዎይሢ ጎዳሢ ሂዚ ጋዓኔ፡- «ዒሰራዔኤሌና ዪሁዳና ዴራ ሄርቁንቲ፤ ዲዒ ዔያቶ ዔኬ ዓሳ ቢያ ቶሉዋ ጎይሢ ዔያቶ ዓርቁኔ፤ ሃሻኒያ ዔያቶ ኮይባኣሴ። 34 ጋዓንቲ ዔያቶ ማኣዲ ዓውሳሢ ደዲ ዎልቁና ዓኣያኬ፤ ሱንፃ ዒዛኮ ቢያ ባኮ ዎይሢ ጎዳኬ፤ ዒዚ ፔ ቶኦኪና ዔያቶ ማኣዳንዳኔ፤ ኮሹሞ ሳያይዳ ዔያቶም ዔኬ ዬዓንዳኔ፤ ባብሎኔ ዴይይዳ ሃጊ ዒዚ ሜቶ ዔኬ ዬዓንዳኔ።»

35 ናንገና ናንጋ ጎዳ ሂዚ ጋዓኔ፡- «ባብሎኔም፡ ዒዛ ዓጮ ዴሮም፡ ሱኦጎንታ ዔር ዓሶንታም ጨንቻ ዓራፖ ቱጊንቶንጎ!

36 ማርሾ ማርሻ ዓሳ ዔያቶኮ ዔኤያ ማዓንዳጉዲ ያሎ ያለ ዓሳኣ ዒጊጨ ጎጋይቃንዳጉዲ ጨንቻ ዓራፖ ዔያቶም ቱጊንቶንጎ!

37 ዔያቶኮ ፓራሢንታ ሳርጌሎ ያይቶንታ ሚኢሾና ማዳ ፖኦሊሶንታይዳ ጨንቻ ዓራፖ ቱጊንቶንጎ! ዔያታ ላኣሊጉዲ ማዎም!

ዔያቶኮ ያርጎጫ ጨንቻ ዓራፖ ቱጊንቲም ቡሪንታንዳኔ።

38 ባብሎኔ ሻኣካያና ዓሲ ዣዣኣሻ ሜሌ ያኦዛና ኩሜያታሢሮ

ዎሮ ዋእፃ ዒዛኮ ቢያ ሚጮንጎ!

39 «ዬያሮ ካዮ ቦዓ፥ ዉኡካሢንታ ቱኡቶንታ ዒኢካ ባብሎኔይዳ ናንጋንዳኔ፤ ዓይዲ ሄላንዳኣና ማፃሞ ሾይንቲፓ ሜሌ ሾይንቲ ኬሰካንዳኣና ዓሲ ናንጋ ቤሲ ዒዛ ማዓዓኩ። 40 ታኣኒ ስደሜና ጋሞራና ኮይላ ዔያቶኮ ዓኣ ካታሞንታ ዎላ ባይዜ ዎዶና ማዲንቲሢፓዲ ባብሎኔይዳ ዓይጎ ዓሲያኣ ማኣሪ ማዢ ናንጊንዲዎሴ፤ ዬያ ጌዔሢ ታና፥ ናንጊና ናንጋ ጎዳኩ።

41 ሃይሾ፥ ያልዚ ያላ ዴሬ ዓጮኮ ኬዶ ዛላፓ ሙካኔ፤ ሚርጌ ዲቢ ዴሬና ሚርጌ ካኣቶና ዓጪ ማዔ ካራፓ ሙካኒ ዓጊጭ።

42 ዔያታ ፔኤኮ ሂኢዦንታ ጨንቾ ዓራፖንታ ዓርቂኬ፤ ዔያታ ዓሲሞ ሚጪንቱዎኣያ ፑርታ ዓሲኬ፤ ዔያቶኮ ፓራሢ ዲርጋኣና ካኣና ባዚ ዴቺንታ ዑኡሲጉዲኬ፤ ባብሎኔ! ዔያታ ኔና ያላኒ

ያልዚርዎ ጊኢጊ ሙካ ዓሲጉዲ ኔ ባንሢ ዬይሢዳኩ።

43 ባብሎኔ ካኣቲ ዬያ ሃይሶ ዎይዛዛ ኩጫ ዒዛኮ ዎቢ ጉሪ ዉልኪንታያ ማዓንዳኔ፤ ሾይቺ ዓዲንቲ ላኣላጉዲያኣ ዒዚ ሜታዲንዳኔ።

44 «ዮርዳናሴ ዎሮ ዓጮይዳ ዓኣ ዴኤሎ ካያፓ ቆልማ ሄንቃ ማኣታ ዓኣ ዘኦዞ ኬሰካ ዘቢጉዲ ታኣኒ፥ ናንጊና ናንጋ ጎዳ ሙኪ ባብሎኔ ዓሳ ዔራዎንቲ ደውሲ ዔያቶ ዳካንዳኔ፤ ዬካፓ ታኣኒ ኮዔ ዓሲ ደኣሪ ጌሣንዳኔ፤ ዓካሪ ታጉዲ ማዓንዳይ ያናዳይ? ታና ጫርቂ ያኦጫንዳሢያኣ ያናዳይ? ታና ቃዛንዳ ሱኡጋሢያ ያና ናንዳይ? 45 ናንጊና ናንጋ ጎዳ ባብሎኔ ዓሶሞ ቃዴ ባኮና ካላዳ ዓሶ ዓጮይዳ ዒ ማዳኒ ማሌ ባኮ ዎይዙዎቲ፤ ናኣታታዖ ዔያቶኮ ማራናይጉዲ ጎቺንቲ ዔውታንዳኔ፤ ዔያታ ዎርቃ ቤዛኣ ጉሪ ማዓንዳኔ። 46 ባብሎኔ ዓዲንቲሢ ዎይዛዖ ሳዓ ቢያ ዓጊፃንዳኔ፤ ዒዛኮ ዒላታ ሜሌ ዴርማኣ ዎይዚንታንዳኔ።»

51

ባብሎኔይዳ ናንጊና ናንጋ ጎዳ ቃሲ ዓጋኒ ጊኢጊ ሜቶ

1 ናንጊና ናንጋ ጎዳ ሂዚ ጋዓኔ፡- «ባብሎኔና ዴርና ፒፂ ባይዛንዳ ዴኤፒ ዓልጎ ዢባሪ ታኣኒ ዢባርሺሳንዳኔ፤ 2 ዒዛ ሃኣኮጉዲ ሺርካንዳያና ሳዖ ዒዛኮ ባይዛንዳ ሞርኬ ሜሌ ዓጪፓ ታኣኒ ዳካንዳኔ፤ ዒንሢ ባይቃንዳ ዎዳ ሄላዛ ዔያታ ቢያ ዛሎና ያልዚ

50:39 50:39 ዮሃ. ያፒዳ 18:2። 50:40 50:40 ማዢ. ማፃ 19:24-25።

ዒንሢዳ ቡላንዳኔ። 3 ዒዞ ካፓ ፖኦሊሳ ሂኢዥ ፔኤኮ ባኣሣንዳኣና፤ ጊንሣ ሃሣ ሦሎ ማኣባሢያ ማኣባንዳኣና ዘቲ ጌይ ዔያቶ ዛጊፖቴ፤ ዴጌሣ ዔያቶኮ ዎዲያ ሚጩንቲ ሃሺፖቴ፤ ዔያቶኮ ሦሎ ዓሶ ቢያ ዎዲ ኩኩርሱዎቴ። 4 ዔያቶኮ ሦሎ ዓሳ ዔያቶ ካታሞኮ ሳዛ ዓኣ ጎይፆ ዲኪንቲ ሃይቃንዳኔ፤ 5 ታኣኒ፡ ዒሰራዔኤሌኮ ጌኤዥሢ ላኣጌ ባኮ ዔያታ ማዲ ሳዎ ዔያቶኮ ዔያታ ካራና ቢያ ዳቢንቲያ ማሄቲያ ታኣኒ፡ ቢያ ባኮ ዎይሣ ጎዳ ማዔ ዔያቶ ሦኣዛሢ ዒሰራዔኤሌና ዪሁዳና ዎላዓኩ። 6 ባብሎንፓ ፑኒ ጳሽኪ ባይቁዎቴ! ዒንሢዎ ሽምፓሢ ዓውሳኒ ጳሽኩዎቴ! ባብሎን ማዴ ጎሞ ዛሎና ጉሪ ሃይቁ ዒንሢ ጋፒፖቴ! ታኣኒ ዒዞም ኮይሳ ሜቶ ዒንጊ ኮሚ ዔካንዳ ዎይኩ። 7 ዓጪ ማዔ ካራና ዓኣ ዓሳ ቢያ ዒዞፓ ዑሽኪ ማሢንታንዳጉዲ ባብሎን ታኣኮ ኩጫ ታኣኒ ዓርቁ ዓኣ ዎይኖ ዑሽኮ ዓንጎኩ፤ ዴራ ቢያ ዒዞፓ ዎይኖ ዑኩ ዑሽኪ ማሢንቲ ዣኣሌኔ።

8 ባብሎን ዔርቲባኣንቲ ሎኦሚ ሜቁሢሮ ዒዞ ዛሎ ዩኤኩዎቴ፤ ጎዎንቲ ዒዞ ፖዓንዳያታቲ ሂንዳ ቲሽኪ ዓውሶ ዴኤሻ ኮዑዎቴ። 9 ዒኣካ ሙፒ ዓሲ ማሢ ናንጋ ዓሳ፡- «ባብሎን ኑፓሢ ሚርጌ ካራ ኮዔኔ፤ ዒዞ ጋዓንቲ ፓፂ ፖዓኒ ዳንዳዒባኣሴ፤ ዒዞይዳ ዓጎና ሜታ ለካ ዴጌ ሻኣር ቤዘ፤ ጊንሣ ሃሣ ጫሪንጮ ኬሰኬያ ማዔሢሮ ዒዞ ኑኡኒ ሃሺ ኑ ዓጮ ዓጮ ዴንዶም ጌዔኔ።»

10 ዒሰራዔኤሌ ዓሳ ዒማና ዎሊ ኮይላ፡- «ናንጊና ናንጋ ጎዳ ኑኡም ባብሎን ዓሳ ማዴ ባኮኮ ኮሞ ኮፃሢሮ ሃኒ ዩውዎቴ! ዩሩሳላሚ ዴንዲ ናንጊና ናንጋ ጎዳ ማዔ ኑ ሦኣዛሢ ማዴ ባኮ ቢያ ኑ ኬኤዞም» ጌዔኔ።

11 ናንጊና ናንጋ ጎዳኮ ማሊፆ ዒዞኮ ጌኤዥ ማኣርይዳ ማዲንቲ ባኮ ዛሎ ኮሚ ዔካኒታሢሮ ባብሎን ባይዛኒ ዒዞ ሜዶኔ ዓጮ ካኣቶ ዔቁሴኔ፤ ዩያሮ ዒንሢዎ ፓልያ ዎርቁ ጊኢጊሹዎቴ! ጊቲሞዎ ዒንሢዎ ኩጫ ዔኪ ዔቁዎቴ!

12 ባብሎን ኬኤሎ ዲያ ሻሃኒ ባንዲራ ዔኪ ኬሰኩዎቴ! ዒንሢና ዶዲ ካፑዎቴ! ዴንዲ ሙራንዳ ዓሲያኣ ጊኢጊሹዎቴ! ካቲ ዴይ ዶካንዳ ሶልዚ ዓሲያ ዲማሲ ኬሱዎቴ፤ ዩያ ቢያ ዒንሢ ማዳንዳሢ ባብሎን ዴር ናንጊና ናንጋ ጎዳ ማዳኒ ማሌ ባኮ ከንሣንዳሢሮኩ።

13 ኔኤኒ ዴኤፖ ዴኤፖ ዎር ዓጮይዳ ናንጋ ዎርጎጩሌ፤ ባብሎን! ኔ ባይቃንዳጉዲ ጌይንቲ ዎዳ ዓካሪ ሄሌኔ። 14 ቢያ ባኮ ዎይሣ ጎዳ ባብሎን ዓሶይዳ ሚርጉማ ዓቢሢጉዲ ማዔ ሶልዚ ዓሲ ዔኪ

51:7 51:7 ዮሃ. ሆፔ. ሶፐ. 17:2-4፤ 18:3። 51:9 51:9 ዮሃ. ሆፔ. 18:5። 51:13 51:13 ዮሃ. ሆፔ. 17:1።

ዔዓንዳሢ ፔ ሱንፆ ጌፒ ጫክቄኔ፤ ዔይ ያሎ ዓሳ ባብሎኔ ባሺ ማርታንዳኔ።

ያኦሲ ቦንቸሞ ማዓ ዓይኑሞ

- 15 ናንጊና ናንጋ ጎዳ ፔ ዋልቆና ሳያ፤ ፔ ዔራቶና ሃሣ ዓጮ ማዔ ካራና ቢያ ማገፍኔ፤
 ዓዛኮ ማሊ ጸቂሣ ዒኖናኣ ጫሪንጮ ጰጊዲ ዒ ዳሬኔ፤
- 16 ጫሪንጮይዳ ዓኣ ዋኣፃ ዒዛ ዓይሢሥና ዴቸንቲ ጉኡማኔ፤
 ዒዚ ዓጫ ማዔ ካራፓ ሻኦር ዔኪ ዔዓኔ፤
 ዒርና ዋላ ዜኤሊንፆሞ ዒዚ ዜኤሊንሢሳኔ፤
 ዒዛ ኮኖይዳፓ ዠባር ዒ ኬሲ ዳኪ ዠባርሺሳኔ።
- 17 ዓሳ ቢያ ካራና ዔኤቢ ዔሩዋኣያ፣ ዔኤያ ማዔኔ፤
 ዓንጎ ሸኤሽ ዳይ ያኦዞ ኮሻሢ
 ዒዚ ያኦዞ ማሊሲ ኮሽ ባካ ቦርሲሳያ፤
 ሃሣ ሸሞፔና ማዔ ዑኡሲ ዔኩዋኣሢሪ ዒ ዳውሲንቴኔ።
- 18 ዔያታ ያኦዞ ፓሣ ባኣዚ ባኣያ፣ ዓማሊ ባኣዚኬ፤
 ናንጊና ናንጋ ጎዳ ዋጋኒ ሙካ ኬሎ ዔይ ባካ ጋኣጪንቲ ባይቃንዳኔ።
- 19 ያይቆኦጌ ያኦሲ ጋዓንቴ ዔያቶጉዲቱሞሴ፤
 ዒዚ ቢያ ባኮ ማገፍሢኔ፤
 ዒዛሞ ዲማጰ ዴሪ ማዓንዳጉዲ ዒዚ ዒሰራዔኤሌ ዶኦሬኔ፤
 ዒዛኮ ሱንፆ ቢያ ባኮ ዋይሣ ጎዳኔ።

ያኦሲኮ ዓንጎ ሙቁሃ

- 20 ናንጊና ናንጋ ጎዳ ሂዚ ጋዓኔ፡- «ባብሎኔ!
 ኔኔኒ ታኣኮ ዓንጎ ሙቁሃና ያሎ ዓንጋሞናኬ፤
 ኔና ታኣኒ ዓንጋሞ ማሂ ዴር ጋኣጪናኣኮኔ፤
- 21 ፓራሢንታ ፓራሢና ያላ ዓሰንታ
 ሳርጌሎ ያይቶንታ ሳርጌሎ ያይቶ ቶጋ ዓሰሞ
 ታኣኒ ኔና ዓንጋሞ ማሂ ጋኣጪኔ፤
- 22 ኔና ታኣኒ ዓንጋሞ ማሂ ላኣሎንታ ዓቲንቆንታ
 ጋርቸንታ ጰጊሢንታ
 ዓቲንቆ ናኣቶንታ ዉዴራሢንታ ማንሢ ባይዜኔ።
- 23 ቆልሞ ሄንቃሢንታ ቆልሞንታ
 ጎዠ ጎሽካሢንታ ዋኣፃንቲ ጎሽካ ጌማቶንታ
 ዓጮ ዋይሣ ዓሰንታ ጰኤፖ ጰኤፖ ሱኡጎንታ
 ታኣኒ ኔና ዓንጋሞ ማሂኬ ባይዚ ኩርሴሢ።»

ባብሎኔይዳ ሜታ ዓጊንቴሢ

24 ናንጊና ናንጋ ጎዳ ሂዚ ጋዓኔ፡- «ባብሎኔና ዒዘይዳ ናንጋ ዴሮና ዩሩሳላሜይዳ ማዳ ጌሮ ማዳ ዘሎሮ ቢያ ኮሞ ታኣኒ ዔካንጉቲ ዒጊህዒ ዘጋንዳኔ።» 25 ባብሎኔ! ዓጮ ካራና ቢያ ባይዛ፡ ባይሲንቶ ዔኪ ዩዓ ዲኬሌ! ሃኣዛጌ ታ ሃሮ ዩዓኔ፤ ታ ኔና ታ ኩቻ ዓርቂ ማጎ ኮላሲ ዳካንዳኔ፤ ታ ኔና ታሚና ሚቾና ዲካ ማሃንዳኔ። 26 ማኣር ማዛኒ ዓርቃዎ ጌሃ ዶዶ ሹጮንታ ማኣራ ዎላ ካኣማ ካርይዳ ጌሃ ሹጮ ዓሲ ኔጊዳፓ ዴንቂ ዔካዓኬ፤ ኔኤኒ ናንጊና ዓሲ ናንጉዎ ዓጪ ማዒ ዓታንዳኔ፤ ዩያ ጌዔሂ ታና፡ ናንጊና ናንጋ ጎዳኔ።

27 «ዓጮሎ ቢያ ያላኒ ዒንህዒ ኬሰኬህዒ ዔርዛኒ ባንዲራ ዔኩዎቲ! ዴራ ቢያ ዎይዛንዳጉዲ ዛዩ ዎርቁዎቲ! ባብሎኔ ሙኪ ዔያታ ያላንዳጉዲ ዴሮ ዔኤሎዎቲ! ዓራራቲ፡ ሚኒንታ ዓሽኬናዜንታ ዓጮ ካኣታ ሙኪ ያላንዳጉዲ ዔያቶማኣ ኬኤዙዎቲ፤ ያሎ ዓሶ ዓይህንዳ ሱኡጌያ ዶኦሩዎቲ፤ ሚርጉማ ዓቢህ ማዔ ፓሮዎ ዔኪ ዩውዎቲ።» 28 ባብሎኔ ያላንዳጉዲ ዴሮ ዔቂሱዎቲ፤ ዴማ ዴማ ፓቂ ጊኢጊሹዎቲ፤ ሜዶኔ ዓጮ ካኣቶም፡ ዒኢካ ሳኣ ሱኡጎና ያሎ ዓሶ ዓይህ ዓሶናም፤ ዩያጉዲ ዔያታ ፔ ዴማ ማሂ ዎይህ ዓጮይዳ ዓኣ ያሎ ዓሶማኣ ሜኤህዒ ዳኩዎቲ። 29 ባብሎኔይዳ ዓይጎ ዓሲያ ናንጉዎያ ጉሪ ቤሲ ማሃኒ ናንጊና ናንጋ ጎዳ ማሌ ማሊያ ኩንህ ዎዶታሂሮ ሳዓ ዓጊዳ ጎጋይቃንዳኔ። 30 ባብሎኔኮ ያሎ ዓሳ ያሎ ሃሺ ፔ ዎርዲዮይዳ ዴይ ዚቲ ጌዔኔ፤ ያልዚ ያላ ዓቲንቁ ማዎ ዔያታ ባሽጊቲ ላኣሊንቲኖ ማዔኔ፤ ካታሞ ጌሎ ካሮኮ ጋጋርዘ ሚፃኣ ማቄኔ፤ ማኣራኣ ዔያቶኮ ታሚና ሚቾንጉቲ። 31 ካታማ ዔያቶኮ ካራና ዓዲንጉህረ ባብሎኔ ካኣቲም ኬኤዛኒ ጳዦ ጳሽካ ፔቲህ ባጋህም፡ ኪኢቶ ዔኪ ሃንታህ ፔ ባጋህም ኬኤዛኒ ጳሽኪ ጳሽኪ ሽራኔ። 32 ዎርኮኮ ያሎ ዓሳ ዎሮና ፒንቆ ካሮ ቲቂ ዓርቂ ዔያቶኮ ዴይ ካፖ ካፖ ቤዞ ታሚና ሚቾኔ፤ ባብሎኔኮ ያሎ ዓሳ ዲቃቲ ካራ ባይዜኔ፤ 33 ባብሎኔ ሃኣኮ ሽርኮ ቆይዳ ማዓንዳኔ፤ ሃኣኮ ሽርካ ቆልሞጉዲ ዴሮ ዔያቶኮ ሞርካ ሄርቂ ጊዶ ሃንታንዳኔ። ዩያ ጌዔህ ታና፡ ዒሰራዔኤሌ ያኦሲ ማዔ ቢያ ባኮ ዎይህ ጎዳህኬ።»

34 ባብሎኔ ካኣቲ ናብካዳናያኦሪ ዩሩሳላሜ ካታሞ ቡራኔ፡ ሽርኪያ ሽርኪ ዔኤቢባኣ ጉሪ ባኣዚ ማሂ ሃሽኔ፤ ቃሮጉዲ ዩሩሳላሜ ዴሮ ዒዚ ዔኤዴኔ፤ ዒዚ ኮዦ ኮዦ ዔኤዲ ሃንጎዎቶ ጊንህ ዳንጋፓ ኬሴኔ።

35 ዩያሮ ፃዮኔ ካታሞ ዴራ፡-
 «ኑና ሄሌ ካሮ ባይዛ ማታህ
 ባብሎኔ ዓሶ ሄሎንጎ!» ጋዓንዳኔ፤
 ዩሩሳላሜ ዴራኣ፡- «ኑኡኮ ሱጉፃ ሸኦቲ ጎይዎማ

ባብሎኔ ዓሶ ሱጉፃኣ ሾኑቶም!» ጋዓንዳኔ።

36 ዬያሮ ናንጊና ናንጋ ጎዳ ዬሩሳላሜ ዴሮም ሂዚ ጋዓኔ፡- «ታኣኒ ዒንሢ ማኣዳንዳኔ፤ ባብሎኔ ዓሶ ታኣኒ ዒንሢ ዛሎ ኮማንዳኔ፤ ባብሎኔ ዓጮይዳ ዓኣ ዓልቃ ዋኣፃንታ ዎታ ዎሮንታ ጉቤ ታኣኒ ሚጨሳንዳኔ። 37 ዬና ዓጮላ ሻሂንቴ ባኣዚ ኩለንቴ ቤሲና ዉኡካ ኮኣሚ ሺራ ቤሲ ማዓንዳኔ፤ ዓሲ ዛጋኣና ዓሲኮ ዑሰካ ጌላያ ዒዛ ማዓንዳኔ፤ ዒኢካ ዓይጎ ዓሲያኣ ናንጋዓኬ፤ ዛጋ ዓሲኮ ቢያ ሚኢቹ ባኣዚ ማዓንዳኔ። 38 ባብሎኔ ዓሳ ቢያ ዘቢጉዲ ጉዳኔ፤ ሃጊ ዔቃ ናኣቶ ዘቢጉዲያኣ ፆሮዳኔ። 39 ዔያቶኮ ሆላ ፃኣዳኣና ታኣኒ ዔያቶም ዑሺ ጊኢጊሺ፡- ዑሺ ዔያቶ ማሢሳንዳኔ፤ ዬካፓ ዔያታ ጴጪያ ጴጪውዎ ጊንዖ ናንጊና ጋፒ ጊንዓንዳኔ። 40 ናንጊና ናንጋ ጎዳ ሂዚ ጋዓኔ፡- ዔያቶ ታኣኒ ማራናይጉዲ፤ ሃሣ ጊንሣ ኮይላጉዲ ሹፒ ቤሲ ዔኪ ዳካንዳኔ፤ ዬያ ጌዔሢ ታና፡ ናንጊና ናንጋ ጎዳኬ።»

41 ናንጊና ናንጋ ጎዳ ሂዚ ጋዓኔ፡- «ባብሎኔ ካታማ ዎይቲ ሞርኮና ዓዲንቴይ! ዬና ዓጮ ቢያሢኮ ፆቶርቆዜላ ዎይቲ ሞርኮ ኩጮ ጋሮ ጌሌይ! ባብሎኔይዳ ሜሌ ዴሮ ዲቃሣ ማዶ ዎይቲ ማዲንቴይ! 42 ባብሎኔኮ ሞርካ ዴኤፖ ባዞጉዲ ጮኦሽኪ ኬሰኪ ካታሞ ባይዜኔ። 43 ዒዛይዳ ዓኣ ካታማ ዋኣሢ ባኣያ፤ ጊንሣ ሃሣ ዓይጎ ዓሲያኣ ዒኢካ ናንጋኒና ዒኢና ሃንታኒ ዳንዳዑዋኣያ ዳውሌ ሳዓ ማዓኔ። 44 ባብሎኔ ዓሳ ፆኦሲ ማሂ ካኣሽካ ቤሌይዳ ታኣኒ ፑርታ ሜቶ ዓጋንዳኔ፤ ዉኡቁንጉቲ ዔውቴ ሜሆ ታኣኒ ዒዛ ኩጮፓ ጊንሣ ማሂሳንዳኔ፤ ሃካፓ ሴካ ሜሌ ዴራ ዒዛም ዘጊ ዒዛ ካኣሽካዓኬ።» «ባብሎኔ ካታሞኮ ዙሎ ዲርቆና ኬኤሎ ዲፃ ዶዔኔ፤ 45 ታ ዴሬዮቴ! ዒኢፓ ጳሽኪ ፑኑዎቴ! ሚርጌና ዒጊቻ፡ ታኣኮ ዴኤፖ ዳጎፓ ዒንሢ ሽምፓሢ ጳሽኪ ዓይሱዎቴ! 46 ለኡዚ ማዔ ሃይሶ ዎይዚ ዬያና ዲቃቲ ጎጶ ዒንሢኮ ዋኣፂሲፖቴ፤ ለዓ ለዓ ዬያጉዴ ሃይሴ ዎይዘንጉቲ ዓታዓኬ፤ ዓጮሎይዳ ፔቴ ካኣቲ ሜሌ ካኣቶ ፆላንዳያ ማሂ ኬኤዚንታንዳ ሃይሴ ዓኣኔ። 47 ዬያሮ ታኣኒ ባብሎኔ ዓጮይዳ ዓኣ ሜሌ ፆኦዞ ሺኢሻንዳ ዎዴ ዬዓንዳኔ፤ ዓጮሎይዳ ቢያ ዳውሲንጉ ማዓንዳኔ፤ ዓሳ ቢያ ዒዞኮ ዒኢካ ሃይቃንዳኔ። 48 ዓጮኮ ኬዶ ዛሎፓ ባይዛኒ ሙካ ፆሎ ዓሶ ኩጮ ባብሎኔ ጌሌሰካፓ ጮሪንጮና ሳፆናይዳ ዓኣ ፆሎ ዓሳ ቢያ ዒላሻንዳኔ። 49 ዓጮ ዴሮ ኩርሲሴዛ ባብሎኔ ማዓኔ፤ ሚርጌ ዒሲራዔኤሌ ዓሲ ዒዛ ኩርሲሴሢሂሮ ባብሎኔ ሎኣማንዳያ ኮይሳኔ፤ ዬያ ጌዔሢ ታና፡ ናንጊና ናንጋ ጎዳኬ።»

ባብሎኔይዳ ዓሳ ዒሰራዔኤሌ ዓሶም ዳከንቲ ኪኢታ

50 ናንጊና ናንጋ ጎዳ ባብሎኔይዳ ዓሳ ዳርሞ ሂዚ ጋዓኔ፡- «ዒንሢ ሃይባፓ ቶሌ ዴራ! ኔጉዋዎ ዴንዲዋቲ! ሃኬ ዓጮይዳ ዓሳዎ ታና፡ ናንጊና ናንጋ ጎዳ ማሊ ጳቂሁዋቲ! ዒንሢ ዒኖይዳፓ ዬሩሳላሜ ባይዚፖቲ! 51 ኦ ጫሽኪንቲሢሮ ኦ ቦርሲንቲኔ፤ ያኦሲኮ ጌኤኮ ማእሮይዳ ያኦሲም ዲማጴ ጌኤኮ ቤዘ ማሌ ዓጮ ዓሳ ጌሌሢሮ ቦርሲንቲ ኦ ቁኡሎምቤኔ።» ጎዑዋቲ። 52 ታኣኒ፡ ናንጊና ናንጋ ጎዳ ሂዚ ጋዓኔ። ባብሎኔይዳ ዓሳ ማሌ ያኦዘይዳ ፑርታ ባኣዚ ታኣኒ ዓጋንዳ ዋዴ፤ ጊንሣ ሃሣ ዓጩሎይዳ ማቂ ኪዳጴ ዓሳ ጎኦሽንቲሢ ዑኡሲ ዋይዚሳንዳ ዋዴ ዬዓንዳኔ፤ 53 ባብሎኔ ዋዚ ጫሪንቲ ኬሰኩቲያ፡ ጴጌ ዋርዲያ ዒዛ ኮሺቲያ ታኣኒ ዒዛ ሻሂ ባይዛንዳያ ዳካንዳኔ፤ ዬያ ጌዔሢ ታና፡ ናንጊና ናንጋ ጎዳኬ።»

ባብሎኔይዳ ሄላንዳ ባኣዚ ላሚ ኬኤዘንቲሢ

54 ናንጊና ናንጋ ጎዳ ሂዚ ጋዓኔ፡- «ባብሎኔይዳ ዒላቲ ዑኡሲ፤ ባብሎኔ ዓሶ ዓጮይዳኣ ጴኤፒ ባይሲንታ ኬዴያ ዋይዚንታንዳኔ።

55 ጴኤፖ ባዘኮ ዴቺንታ ዋኣዎጉዴ ያልዚ ዓሲ ዔያታ ዔሩዋንቲ ባብሎኔ ሙኪ ሄርሺንቲ ዑኡሲ ዋይዚሲጋፓ ዔያቶ ያላንዳኔ፤ ዬያይዲ ታ ዔያቶ ባይዛንዳኔ፤ ዚቲ ታ ዒዘ ጌይሳንዳኔ።

56 ባይዛንዳ ያልዚ ዓሲ ባብሎኔ ያላኒ ሙኬሢሮ ያሎ ዓሳ ዒዘኮ ዲዒንቲ ዔውቲኔ፤ ዔያቶኮ ሂኢኸኣ ማቂኔ፤ ታኣኒ ቢያ ዓሲም ማጴማጉዴያ ማሂ ጪጋ ያኦሲታሢሮ ባብሎኔ ማጴ ጌኖጉዴያ ታ ዒዘም ማሃንዳኔ።

57 ዒዘኮ ሱኡጎ፡ ዔሮ ዓሶ፡ ዋይሣ ዓሶንታ ያሎ ዓሶ ዓይሣ ዓሶዋ ዑሺ ታኣኒ ማሂሳንዳኔ፤ ዬካፓ ዔያታ ጊንዓንዳኔ፤ ናንጊና ዔያታ ያኣፓ ጴጫዓኬ፤ ዬያ ጌዔሢ ታና፡ ካኣቲኬ፤ ታኣኮ ሱንፃ ቢያ ባኮ ዋይሣ ጎዳኬ።

58 ባብሎኔኮ ዳልጎ ኬኤሎ ዲፃ ዶዒ ሳዓ ማዓንዳኔ፤ ጴጊዲ ኮሸና ካታም ጌሎ ካራ ታሚና ሚቺንታንዳኔ። ዴራ ላባ ላቢፃ ጉሪ ማዓንዳኔ፤ ዴራ ላቤ ባካ ቢያ ታሚና ሙይንታንዳኔ። ዬያ ጌዔሢ ታና፡ ቢያ ባኮ ዋይሣ ጎዳኬ።»

ዔርሚያስ ባብሎኔ ዳኬ ኪኢቶ

59 ማዕሴያኮ ናኣዚ ናዎ ማዔሢ፡ ሴራያ ካኣቲ ሴዴቂያሲም ጉሙርቂንቲ ማዶ ማዶ ዓሲኬ፤ ሴራያ ኔሪያ ናይኬ፤ ሴዴቂያሲ

ዪሁዳይዳ ካኣታዳንቴ ያይዳሳ ሌዖና ሴራያ ዒዛና ዋላ ባብሎኔ ዴንዴኔ፤ ታኣኒ፥ ዔርሚያሴ ዒማና ሴራያም ከኢቲ ባኣዚ ዓኣኔ፤ 60 ባብሎኔይዳ ሄላንዳ ባይሲንቶ፤ ጊንሣ ሃሣ ባብሎኔ ካታሞ ዛሎ ከኤዚንቴ ባኮ ታኣኒ ማፃአፕይዳ ፃኣፔኔ፤ 61 ዬካፓ ታኣኒ ሴራያም፡- «ዴንዲ ባብሎኔ ሄላዖ ሃኖ ማፃአፖይዳ ፃኣፕንቴ ባኮ ቢያ ዑኡዘ ኔኤኮ ዳጊዲ ዴሮሞ ናባቤ፤ 62 ጊንሣ ሃሣ ናንጊና ናንጋ ጎዳሢዮ! ኔኤኒ ሃኖ ቤዘሎ ባይዘንዳሢ ከኤዘኔ፤ ዬያሮ ሃይካ ሸሞፔና ዓጊዒ ሃንታ ባኣዚ ናንጊንዲዋሴ፤ ዓሲንታ ቆልሞንታ ሃይፓ ባይቃንዳሢሮ ሃይ ቤዛ ዓሲ ናንጉዋ ዳውሌ ማዒ ዓታንዳኔ» ጌዔ። 63 ሴራያ! ማፃአፔሎ ናባቢ ጋፒሴሰካፓ ሹቸና ዋላ ዓይሢ ማሪ ቱኪ ዔፕራዒሴ ዋሮይዳ ከኤሬ። 64 ዒማና ሃሣ፡- «ዒዘይዳ ናንጊና ናንጋ ጎዳ ዔኪ ሙካንዳ ባይሲንቶና ባብሎኔ ሃይማ ጎይዖ ዔኤዲንቴ ሎኣሚ ዓታንዳኔ፤ ጊንሣ ዬካፓ ቶሊ ዔቃኒ ዳንዳዒንዲዋኣሴ» ጌዔ።» ጌይ ከኤዘኔ።

ዔርሚያሴ ከኤዘ ባካ ያዲና ጋፔኔ።

52

ዬሩሳላሜ ካታሞኮ ሎኦሚያ
(2ካኣቶ. ማ 24:18-20፤ 25:1-7)

1 ሴዴቂያሴ ዪሁዳይዳ ካኣታዳኣና ለዓ ዒዛኮ ላማታሚ ፔቴከ፤ ዒዚ ዬሩሳላሜይዳ ዴዒ ታጾ ፔቴ ለዔ ዪሁዳ ዋይሣኔ፤ ዒዛኮ ዒንዶ ሱንፃ ሃሙፃኣሎ ጌይንታኔ፤ ዒዛ ሊቢና ካታማ ሸይንቴያ ዔርሚያሴ ጎዖሰኬያ ናይከ። 2 ዬያኮ ቤርታ ካኣቲ ዒዮዓቁማ ማዴ ጎይዖ ሴዴቂያሴያኣ ናንጊናን ናንጋ ጎዳ ናሽኩዋ ፑርታ ባኣዚ ማዴኔ። 3 ዬያሮ ናንጊና ናንጋ ጎዳ ዬሩሳላሜና ዪሁዳ ካታሞ ዴሮናይዳ ዳጋዲ ፔ ቤርታፓ ዔያቶ ሸኢሽኔ።

ዒማና ሴዴቂያሴ ባብሎኔ ካኣቲ ናብካዳናዖኦሬም ዋይዘ ዒዳኔ፤ 4 ሴዴቂያሴ ካኣታዳንቴ ታዘጳሳ ሌዖይዳ ታጳሳ ዓጊኖኮ ታጳሳ ከሎና ባብሎኔ ካኣቲ ናብካዳናዖኦሬ ፔኤኮ ዖሎ ዓሶ ዔኪ ዬዒ ዬሩሳላሜ ዖላኒ ማንጌኔ፤ ዒማና ዖሎ ዓሳ ካታሚሎኮ ዙሎ ማንጊ ዴዔኔ፤ ካታሚሎኮ ከኤሎ ዲዖዋ ካናሲ ዓጨ ኩሌኔ። 5 ሴዴቂያሴኮ ካኣቲማ ዴንዲ ታጾ ፔታሳ ሌዖ ሄላንዳኣና ዔያታ ካታሚሎ ማንጊ ዴዔኔ። 6 ዬኖ ሌዖይዳ ዖይዳሳ ዓጊኖኮ ታዘጳሳ ከሎና ዴራ ሙዓንዳ ባኣዚ ባይዘሢሮ ፑኡፕ ናይዚ ከሰከኔ። 7 ዒማና ዬይ ማንጊ ዓኣ ዖሎ ዓሳ ካታሚሎኮ ከኤሎ ዲዮ ሻሃኔ፤

51:64 51:64 ዮሃ. ዖፕ. 18:21። 52:4 52:4 ሂዚ. 24:2።

ዬይ ዓሳ ማንገረ ዓሳንቴ ዪሁዳ ካታሞ ያሎ ዓሳ ደማ ቶሊ ዴንዴኔ፤ ዔያታ ካአቲኮ ደማ ደማ ሚያ ቱኮ ጎኩ ባንሢ ዔኪ ዴንዳ ጎይያሲና ጌይ ካታሞኮ ላምያ ኬኤሎ ዲያ ሞላ ካአማ ካርይዳ ዓአ ካታሞ ጌሎ ካርና ኬሰኪ ዮርዳኖሴ ዶኦጮ ባንሢ ዴንዴኔ፤ ⁸ ጋዓንቴ ባብሎኔ ዓጮ ያሎ ዓሳ ሴዴቂያሴኮ ጊንያ ዳውሲ ዴንዲ ዒያርኮ ኮይሎይዳ ዓአ ቦአላ ዓርቁሞ ዒዛኮ ያሎ ዓሳ ዒዛ ሃሺ ፔ ካራና ካራና ጳሽኬኔ። ⁹ ዬካፓ ሴዴቂያሴ ናብካዳናያኦሬ ኮይላ ዔውቲ ዴንዴኔ፤ ዒማና ናብካዳናያኦሬ ሃማቴ ዓጮይዳ ሪሰላ ጌይንታ ካታማይዳኬ፤ ሴዴቂያሴ ዳቢንቴ ዓሲ ማዒያ ናብካዳናያኦሬ ዒኢካ ጌሰቲ ሞጌኔ። ¹⁰ ዒኢካ ሪቢላይዳ ሴዴቂያሴ ዛጋንቴ ዓቲንቆ ናአቶ ዒዛኮ ናብካዳናያኦሬ ቲቂ ሞዲ፣ ዪሁዳ ካታሞ ሱኡጎሞ ቃሲ ሞዴኔ። ¹¹ ሴዴቂያሴኮሞ ዓአፖ ሞቂ ኬሲ፣ ዓንገረ ዲጭና ቶኮ ቱካያ ባብሎኔ ዔኪ ዴንዴኔ፤ ሴዴቂያሴ ሃይቃንዳያ ሄላንዳአና ዒኢካ ቱኡሲ ማርካ ቱኪ ጌሢኔ።

ጌኤዡ ማአርኮ ሻሂንቶ
(2ካአቶ. ማ 25:8-17)

¹² ናብካዳናያኦሬ ባብሎኔይዳ ካአታዴንቴ ታጳ ታዞጳሳ ሌያይዳ ደንጋሳ ዓጊኖኮ ታጳሳ ኬሎና ካአቲ ካፓ ፖኦሊሶ ሱኡጋሢ፣ ናቡዛርዳአኔ ዬሩሳላሜ ካታሞ ሙኪ ጌሌኔ፤ ¹³ ዒዚ ዒማና ጌኤዡ ማአርንታ ካአቱሞ ማአርንታ ዬሩሳላሜይዳ ናንጋ ዴኤፖ ዴኤፖ ዓሶኮሞ ማአር፤ ዬያጉዲ ሹጮና ኬልቂ ማዡና ዴኤፖ ዴኤፖ ማአርሞ ታሚና ሚቼኔ፤ ¹⁴ ዬይ፣ ካአቲ ካፓ፣ ናቡዛርዳአኔ ዓይሢሞ ያላ ዓሳ ዬሩሳላሜ ካታሞኮ ኬኤሎ ዲያ ሻሂ ደይሴኔ። ¹⁵ ዒዚ ዬይ ናቡዛርዳአኔ ፔቴ ፔቴ ማንቆ ዓሲ፣ ዒኢካ ካታሞይዳ ቤርታ ዓቲ ዓአ ዓሲ፣ ማሌ ዓጮፓ ዒፂ ዒኢካ ሙኪ ጌሌ ዓሲንታ ሃአሚ ማዒ ዒኢካ ማዶ ማዶ ዓሶሞ ቢያ ዲዒ ዔኪ ዴንዴኔ። ¹⁶ ጋዓንቴ ፔቶ ኩፒ ማዔ ዓሶ ሞይኔ ቱካንዳጉዲና ጎሺያአ ጎሽካንዳጉዲ ዪሁዳይዳ ሃሺ ዴንዴኔ።

¹⁷ ዒማና ባብሎኔ ዓጮ ዓሳ፡- ጌኤዡ ማአርይዳ ሞኦኖ ዓንጎና ኮሺንቴ ቱርቱርንታ ሂያዛ ቶካ ሺሪ ሺሪ ዓጊያ ማሆ ጌሦ ባኮንታ ሞኦኖ ዓንጎና ኮሺንቴ ሞአያ ኩንሢ ጌሦ ጎንጎሞ ማንሢ ዲማሲ ዲማሲ ዬያ ሞኦኖ ዓንጎ ቢያ ባብሎኔ ዔኪ ዴንዴኔ። ¹⁸ ቲኢሎ ያቶንታ ያኦሲሞ ዒንጎ ባኮ ጎኦዒ ፒፂ ጌኤሾ ዳልጎ ባላሾጉዴ ባኮንታታሞ ካአሾሢንታ ዲቢንያ ዓርሢ ጌሦሢንታ ዔቴ ማዔ ዓንጎ

52:7 52:7 ሂዚ. 33:21። **52:11** 52:11 ሂዚ. 12:13። **52:13** 52:13
1ካአቶ. ማ 9:8። **52:17** 52:17 1ካአቶ. ማ 7:15-47።

ሳኦኖንታ ዱዎ ሙርሶንታ ሞኦኖ ዓንጎና ኮሺንቴ ጌኤዠ ማኦርይዳ ማደ ማደንቶ ጾኦሲም ዱማደ ሜሌ ሜሆዋ ቢያ ዔኪ ዴንዴኔ። 19 ካኦቲ ካፓ ፖኦሊሶ ሱኡጋሢ፣ ናቡዛርዳኦኔ ዔቴ ማዔ ዓንጎ ሳኦኖ፣ ዑንጆ ጨቢሾ ባካ፣ ሺልዓ፣ ቲኢሎ ጾታ፣ ፖዎ ጌሆ ሻርና፣ ዱዎ ሙርሳ፣ ጾኦሲም ዑዠ ዒንጎ ባካ፣ ዋርቆናኦ ቢር ዓንጎና ኮሺንቴ ባኮ ቢያ ዔኪ ዴንዴኔ።

20 ዬያጉዲ ላምዎ ቱርቱሪ፣ ዋኦጾ ዓርሢ ዴይሢ ጌሆ ፔቴ ዴኤፒ ጎንጊ፣ ዴኤፖ ጎንጎ ዴይሢ ጌማይ ማሊሲ ሞኦኖ ዓንጎና ኮሾና ታጾ ላምዎ ባኮንታ ካኦቲ ሴሎሞኔ ጾኦሲኮ ጌኤዠ ማኦርሞ ኮሺሴ ሺራ ቶኪ ዓኦ ፒዝ ጌይ ዔቃ ዓንጎንታ ቢያ ዔኪ ዴንዴኔ። ዬይ ባካ ቢያ ማዠንቴ ሞኦኖ ዓንጋ ኮሺ ዴኤሢ ማዔሢር ዴኤሠሞ ዛጊ ዔራጊ ዳንዳዒንቴባኦሴ። 21 ላምዎ ቱርቱራ ዋሊ ማላያ ማዓዛ ፔቴ ፔቴሢኮ ዴጉማ ታጾ ሳሊ ዋዳ፣ ሺሪ ዋላ ካኦማ ዳልጉማ ታጾ ላምዎ ዋዳኬ፤ ዬያ ቱርቱርኮ ጋራ ጉሪ ዒቲንሢጉዴያኬ፤ ደዲማ ኬኤላ ዋዳ ያይዶ ማዓያኬ። 22 ፔቴ ፔቴ ቱርቱርኮ ሙሰኩላ ሞኦና ዓንጊና ኮሺንቴያ ማዓዎ ደንጎ ዋዳ ሌካ ዴጋያኬ፤ ዬያ ርኦጩጉዴ ባኦዚና፣ ሃሃ ርኦማኦኔ ሚዎ ዓኦፖ ማላ ባኦዚናኦ ሚዛጲሲ ኮሾናያኬ። 23 ርኦማኦኔ ዓኦፖ ማሊሲ ኮሾና ባካ ጎኦቦ ዛሊና ዛጎዛ ታዙጲታሚ ላሃሢ ጴጴዴያኬ፤ ዋሊ ዑፃ ጉቤ ዒኢካ ኮሺንቴ ዓኦ ርኦማኦኔ ዓኦፖ ማላ ባካ ፔቴ ያኤታኬ።

ዪሁዳ ዴራ ባብሎኔ ዔውቲ ዴንዴሢ
(2ካኦቶ. ማ 25:18-21፤27-30)

24 ካኦቲ ካፓ ፖኦሊሶ ሱኡጋሢ፣ ናቡዛርዳኦኔ ዬያ ባኮ ቢያሢና ዋላ ቁኤሶ ቢያኮ ሱኡጋሢ ሴራያንታ ሴራያንታ ዴሚ ማዒ ቢታንቶና ማዳ ቁኤሳሢ ሶፖኒያሴንታ ሜሌ ጌኤዠ ማኦር ካፓ ሃይሆ ዓሲያኦ ቱኪ ዔኪ ዴንዴኔ። 25 ዬኖ ካታሞይዳ ማዳ ፖኦሊሶ ሱኡጌሰኬያንታ ዒማ ኬሎ ሄላንዳኦና ካኦቲ ዙሪያ ማዒ ማዳያታዎ ዒኢካ ካታማ ዓኦ ላንካይ ዓሲሰኬንሢንታ ያልዚ ባኦዚ ዛላ ፃኦፖ ባኦዚ ፃኦፓያ፣ ያሎ ዓሶ ሱኡጋሢኮ ዴሚ ማዒ ማዳሰኬያንታ ሜሌ ዴኤፒ ዴኤፒ ላሃታሚ ዓሲ ዓርቂ ዔኪ ዒዚ ዴንዴኔ፤ 26 ናቡዛርዳኦኔ ዬያ ዓሶ ቢያ ሃማቴ ዓጮይዳ ሪሰላ ጌይንታ ካታማ ዓኦ ባብሎኔ ካኦቲ ኮይላ ዔኪ ዴንዴኔ፤ 27 ካኦቲ ዔያቶ ዒኢካ ጳርቂሲ ካራ ባይዚ ዋዴኔ።

ዪሁዳ ካታሞ ዴራ ዬያይዲ ፔ ዓጮፓ ዳዒንቴ ዔውቲ ዴንዴኔ፤ 28 ናብካዳናያኦሬ ዲዒ ዔኬ ዓሶኮ ሚርጉማ ሃካፓ ሊካ ኬኤዚንታ ጎይያኬ፡- ዒዚ ካኦታዴዎ ላንካሳ ሌዎና ዲዒ ዔኬ ዓሳ ሃይሆ ሺያና ላማታሚ ሃይሆ ዓሲ ዪሁዳይዳፓ፣ 29 ዒዚ ካኦታዴዎ ታጾ ሳላሳ

ሌዖና ሳሊ ዌኤታና ሃይሢታሚ ላምዖ ዓሲ ዬሩሳላሜፓ፥ 30 ዬያጉዲ ሃሣ ዒዚ ካኣታጅንቴ ላማታሚ ሃይሢታሚ ሌዖና ላንካይ ዌኤታና ያይዲታሚ ደንጎ ዓሲ ናቡዛርዳኣኔ ዪሁዳይዳፓ ዲዒ ዒኪ ዳንዳኔ፤ ዬያር ዋሊ ዑፃ ዲዒንጉት ዔውቴ ዓሶኮ ፓይዳ ያይዶ ሺያና ላሆ ዌኤታናኩ።

31 ዪሁዳ ካኣቲ፥ ዒኮኒያኔ ዲዒንጉት ዔውቴ ዳንዳንጉት ሃይሢታሚ ላንካሳ ሌዖኮ ታጳ ላምዓሳ ዓገኖና ዬኖ ዓገኖኮ ላማታሚ ደንጋሳ ኬሎና ባብሎኔይዳ ካኣታጅ ካኣቲ ዔዌልሜርዳኣኬ ጌይንታሢ ዒ ካካኣታጅ ሌዖና ዬያ ዒኮኒያኔ ቱኡዛፓ ቡሌኔ። 32 ዔዌልሜርዳኣኬ ዒኮኒያኔና ዋላ ኮሺ ዑኡሲና ጌሰቴኔ፤ ዒኮኒያኔጉዲ ዲዒንጉት ሙኪ ባብሎኔይዳ ዓኣ ካኣቶፓ ቢያ ባሼ ዒዛ ዒ ቦንቼኔ። 33 ዬያር ዒኮኒያኔ ቱኡዛ ማኣራ ዓኣዖ ማይንታ ማኣዓሢ ሃሺሲ ሜሌ ማይሲ፥ ዒዚ ዳንዲ ሃይቃንዳያ ሄላንዳኣና ካኣቲ ሙዓ ሙዖ ዋላ ሙዓንዳጉዲ ጌይንቴኔ። 34 ዒዚ ናንጌ ሌዖ ቢያይዳ ኬላ ኬላ ዒዛም ኮይሳ ሙዋ ባኣዚ ሻንቆንዶ ሚኢሺ ዒኮኒያኔም ዒንገንታኔ።

cxxxi

ጌሌዢ ማግኒት

**The Holy Bible in the Maale language of Ethiopia,
using Ethiopic script**

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዢ ማግኒት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929